

8. VIII a 25

BIBLIOTECA NAZ.

Vittorio Emanuele III

XIV

G

45

NAPOLI

uccello ugn

Buccio
- o - y -
ay, sed mighi

~~Ignatius Smitha~~
~~Adnotato~~

XIV

50

45

Joseph J. J. J.

emit =



CANDIDATUS RHETHORICÆ

Olim à Patre

FRANCISCO POMEY

è Societate JESU digestus

*In hac editione novissima auctus , emen-
datus , & perpolitus .*

A P. JOSEPHO JUVENCIO
EJUSDEM SOCIETATIS. .

In quæ ea quæ ad Tropos pertinent

A SIMONIS VEREPÆI

*Copia Verborum deprompta sunt , & in
fine adjecta ad majorem Tyro-
num utilitatem .*




VENETIIS, MDCCXVI.

Apud Nicolaum Pezzana.

Superiorum Permissu , ac Privilegio .





*De huius Libri ordine, partibus, &
hac novissima editione.*



Phthonii *Progymnasmata* in schola humanitatis explicari solent; ut iis degustatis, Adolescentium animi præparentur ad eloquentiam plenius in schola Rhetoricæ perdiscendam. Sed in iis Aphthonii præceptionibus meritò desiderantur quæcunque ad elementa Rhetoricæ, ad elocutionem oratoriam, & stylum pertinent: quæ primo tamen loco tradenda videbantur. Quid enim juvat scire præcepta scribendi, si modum ipsum scribendi, & orationis componendæ artem nescias? Credi-derim ab Aphthonio prætermissa, tanquam vulgò nota: nos ea, tanquam *Rhetoricæ Candidatis* adhuc ignota, breviter indicamus. Ac primò quidem edisserimus quæ ad tres primas, & præcipuas Eloquentiæ partes spectant, Inventionem, Dispositionem, & Elocutionem. Quarto loco Amplificationis præcepta, & modum explicamus. Quinto Aph-

thonii *Progymnasmata*, seu præceptiones Oratorias, & leviores quædam exercitationes, quæ gravioribus eloquentiæ studiis quasi præcurrunt (id quod Græca vox *Progymnasma* sonat) exponimus, & appositis exemplis illustramus. Sexto synopsis damus aliquot Ciceronis Orationum, & earum partes singulas edisserimus, quæ viam quasi complanent adire volentibus summum Oratorem, ad quem, ut quisque proximè accesserit, ita plurimum in arte dicendi procedet. Denique modum Epistolæ scribendæ præceptis paucis, paulò pluribus exemplis, ex ipso Tullio petitis, tradimus. Multa, quæ in prioribus libelli hujus editionibus abundabant, rescuimus; adjecimus quæ aberant; quæ minùs emendatè, & accuratè scripta videbantur, emendare, ac perpolire studuimus.

CANDIDATIS ELOQUENTIÆ.

Quemcunque vestibus colorem praeferatis, Humaniorum litterarum Alumni lectissimi, in quacunque Reipublica litteraria tribu collocati sitis; vos Eloquentiæ Candidatos appellare merito videor posse. Nostis prae textam induere candidam solitos qui olim in Romana civitate honores ambiebant. Hoc habitu insignes suffragia rogabant in comitiis, circuibant tribus, studia populi praenstabant. Quid aliud, quaeso, agitis, cum per campum, non Martium ubi tunc habebantur comitia, sed Apollineum; ambitis litterarias tribus, & earum singulas classes percurritis: quid, inquam, agitis aliud, nisi ut aliquem in Eloquentia regia locum possitis obtinere? Hac bonarum artium regina est: hac scientiarum meta ceterarum. Quid enim juvat scire, nisi possis eloqui quod scias, & in communem usum, ac publicam felicitatem dicendo conferre? Neque verò metuendum est ne quis de ambitu vos arguat, in quo si quis apud eosdem Romanos deprehensus fuisset, poenas dabat graves. Laudabit patria vestram hanc honoris praclari cupiditatem, Eloquentia suos Candidatos ultro admittet, ac premiis ingentibus munerabitur. Ego certè, si qua in his comitiis valeo gratia, omnem vobis devoceo, ac defero. Mensiste Candidatus, ut in mandatis habet, vos per Latinas omnes tribus, & centurias deducet: est enim cum perurbanus, tum etiam in hac regione, & istis eruditorum comitiis, diu multumque versatus. Docebit quo verborum ambitu, quibus lenociniis, hominum aures mentesque praesanda: vobis denique ostendet qua possitis arte ab humilibus Grammaticorum subselliis ab sublimia Oratorum suggesta scandere. Accipite illum humaniter pro vestra comitate; docenti auscultate, & ejus conatus vestra diligentia promovete.

NOI REFFORMATORI

Dello Studio di Padoa.

HAvendo veduto per la Fede di revisione, & approbatione del P. F. Tomaso Maria Gennari Inquisitore nel Libro intitolato : *Candidatus Rhetoricæ olim à P. Francisco Pomey Soc. Jesu digestus, in hac editione à P. Josepho Juvencio auctus, &c.* non v'esser cosa alcuna contro la Santa Fede Cattolica, & parimente per Attestato del Segretario Nostro ; niente contro Principi, & buoni costumi, concedemo Licenza à Nicolò Pezzana Stampatore, che possi esser stampato, osservando gl'ordini in Materia di Stampe, & presentando le solite copie alle Publiche Librerie di Venetia, & di Padoa.

Dat. 21. Luglio 1713.

* Girolamo Venier Kav. Proc. Reff.

* Gio: Francesco Morosini Kav. Reff.

Agostino Gadaldini Segr.

PARS

P A R S P R I M A

Complectens Elementa Rhetoricæ.

*Ad primam Eloquentiæ partem, si-
ve ad Oratoriam Inventio-
nem spectantia.*

C A P U T P R I M U M.

Definitio Rhetoricæ.



UID est Rhetorica? *Resp.* Est Ars be-
nè dicendi, sic appellata à verbo Græ-
co, *dico, loquor*, ex quo, *Rhetor;*
Orator, Causidicus; dicitur etiam,
Ars Oratoria. Quid est Ars? *Resp.* Fa-
cultas est, quæ certis præceptis continetur, quæ
si optimè cognita, penitusque perspecta fuerint,
nunquam fallunt. Quid est *benè dicere*? *Resp.* Est
optimis sententiis, verbisque lectissimis dicere.
Quis est finis Oratoris? *Resp.* Est persuadere di-
cendo. Quod est officium Oratoris? *Resp.* Est di-
cere appositè ad persuadendum. Qui non re ipsa
persuadet, potestne perfectus Orator dici? *Resp.*
Potest. Modò ea proferat, quæ ad persuadendum
idonea sunt. Dices: Non videtur ille perfectus
artifex, qui finem suum non assequitur: atqui
Orator ille, qui non persuadet, finem non asse-
quitur: qui igitur perfectus esse potest, etsi ap-
positè dicat ad persuadendum? *Resp.* In aliis arti-
bus verum id quidem est, at in arte Rhetoricæ
non item. Discrimen est, quod finis aliarum ar-
tium sit opus quodpiam externum, ab artificis
voluntate pendens. Sic pendet à sola voluntate
Pictoris ut imago fiat, & ab Architecti arbitrio,

ut domus extruatur, & ita de aliis. At verò, finis Oratoris non pendet solum à voluntate dicentis: sed etiam à voluntate audientis, cui persuaderi aliquid debet, & cui nulla unquam ratione persuaderi poterit, nisi velit, quia natura liber est.

C A P U T I I.

De Rhetorica materia.

QUæ est materia cujusque artis? *Resp.* Ea est, circa quam versatur Ars, v. g. Medicinæ materia, sunt morbi: Picturæ materia sunt colores, & sic de aliis, quia circa ea versantur, & occupantur artes illæ. Materia verò Rhetoricæ quænam est? *Resp.* Res illæ sunt, quæ in disputationem, sive quæstionem cadere possunt.

Quotuplex quæstio fieri potest de unaquaque re? *Resp.* Duplex. Altera infinita, quæ *Thesis* Græcè, & *Propositum* Latinè dicitur: Altera finita, quæ Græcè *Hypothesis*, Latinè causa, & controversia nominatur. Quid vocas quæstionem infinitam, seu *Thesim*? *Resp.* Quæ nullis finita, & adstricta est adjunctis, seu circumstantiis: quales sunt, persona, locus, tempus, &c. Quid vocas quæstionem finitam, seu *Hypothesim*? *Resp.* Quæ aliqua circumstantia definitur, ac terminatur.

Da utriusque exemplum. *Resp.* Si quærat, *sitne addiscenda Rhetorica ars*: Quæstio illa infinita est, quia generatim id quæritur, nullius mentione facta personæ, vel loci, vel temporis. At si quæram *sitne scæminis addiscenda Rhetorica*; vel, *sitne addiscenda ante, an post Philosophiam*; vel, *sitne addiscenda in academiis, vel in privatis adibus*. Tales quæstiones finitæ sunt, quia Adjuncta hujusmodi infinitam illam, & generalem quæstionem circumscribunt, & *Thesim* vocant ad *Hypothesim*, hoc est, quod generale est, contrahunt ad id quod est particulare. Quomodo *Hypothesis* revocatur ad *Thesim*? *Resp.* Sumendo id, quod gene-

generale est. v. g. Si laudaturus diligentiam, excurram in laudem virtutis, quæ diligentia genus est: Si vituperaturus ebrietatem, de vitii foeditate disputem.

Quæstiones omnes, suntne ejusdem rationis? *Resp.* Nequaquam. Alia enim dicitur actionis; cuius finis est agere. Ut, *Sitne bellum hæreticis indicendum*. Alia cognitionis; cuius finis est scire tantum, & cognoscere aliquid. Ut, *cujusnam mensis die, luna deficiet hoc anno*.

C A P U T I I I.

De triplici causarum genere.

Quot sunt causarum genera, in quibus versari Orator potest? *Resp.* Tria: Judiciale, Deliberativum, & Exornativum Græcè Epidicticum. In quas partes dividitur *Judiciale* genus? *Resp.* In Duas: Accusationem scilicet, ac Defensionem. Quas habet partes. *Deliberativum*? *Resp.* Duas: Suasionem, & Dissuasionem. Quæ sunt partes *Demonstrativi* generis? *Resp.* Duæ, Laus, & Vituperatio.

Quale tempus respicit *Judiciale* genus? *Resp.* Præteritum tempus. Nemo enim accusari, vel defendi potest, nisi ob rem, quæ jam gesta est. Quale tempus spectat *Deliberativum*? *Resp.* Futurum: neque enim deliberamus, nisi de futuris. Quale verò *Demonstrativum*? *Resp.* Non præsens modò, sed præteritum. Laudari siquidem, aut vituperari quis potest, vel ob ea quæ gessit jam, vel quæ gerit.

C A P U T I V.

De Partibus Eloquentia.

Quæ sunt Eloquentiæ partes (seu quod idem est) quæ sunt numeræ Oratoris propria? *Resp.* Quinque sunt, Inventio, Dispositio, Elocutio,

cutio, Memoria, Pronunciatio. Quid est inventio? *Resp.* Est excogitatio rerum verarum, aut verisimilium, quibus probabile reddatur, quod probare contendit Orator. Quid est dispositio? *Resp.* Est rerum inventarum in ordinem distributio. Quid est elocutio? *Resp.* Est idoneorum verborum ad res inventas accommodatio. Quid est memoria? *Resp.* Est rerum inventarum, ac verborum firma recordatio. Quid est Pronunciatio? *Resp.* Est corporis, & vocis ea moderatio, quam res inventæ, & verba requirunt.

Quibus rebus comparantur quinque illæ partes Eloquentiæ? *Resp.* Natura, Arte, Exercitatione, Imitatione. Quid exigit Natura ad Eloquentiam? *Resp.* Multa tam ex parte animi, quàm corporis. Quid requirit ex parte animi? *Resp.* Certas mentis & ingenii dotes, ad inveniendum, & exornandum, & recordandum aptas. Quid ex parte corporis postulat? *Resp.* Latera firma, canoram vocem, solutam linguam; oris, & totius corporis honestam conformationem.

Quid Ars ad Eloquentiam confert?

Resp. Perficit ea, quæ data sunt à Natura.

Quid efficit exercitatio? *Resp.* Ea perficit, quæ dedit natura, & quæ ars expolivit.

Quis exercitationis modus est?

Resp. Ille. Primò sumi debet causa tractanda similis earum, quæ ad Oratorem deferuntur. 2. Non dicatur ex tempore, sed sumatur spatium ad cogitandum, ut accuratius dicatur. Quæ imitationis utilitas, & ratio est? *Resp.* Utilitas est maxima, quia sine ea nemo satis proficere potest: ratio verò Imitandi hæc est. Proponatur aliquis summus orator imitandus, quem tota mente intueamur: deindè, quæ in eo summa erunt, diligenter conemur exprimere.

CAPUT V.

Modus optimus Auctores imitandi.

O Portet locum aliquem Ciceronis, verbi gratia, convertere in sermonem vernaculum; deinde illum interposito spatio convertere in Latinum sermonem: postremò, quod à te scriptum fuerit, conferre, & comparare cum ipso loco Tulliano: Sic facillimè styli tui à Ciceroniano discrimen apparebit, & quod in tuo vitiosum est emendabitur. Si locum aliquem Ciceronis Oratorium velis imitari, sume orationem ejus aliquam, vel partem orationis illustriorem: ejus analysim, seu compendium confice; rationes, & argumenta, eo modo collige, quo solet scribendi argumentum Rhetoribus dari: Hanc materiam postea tractabis tuo marte, & osses quasi compagem sua carne vesties: Denique tuum opus cum Ciceroniano comparabis, & quantum ab eo recedas intelliges. Sumi potest etiam locus aliquis egregius ejusdem Tullii, ac transferri ad aliud argumentum simile, vel contrarium, utendo figuris iisdem, periodis, ~~commisuris~~, transitionibus, toto denique ductu orationis, ac filo Ciceronem quasi vestigiis persequendo, mutatis tantum verbis, & sententiis. Ille v. g. (Pro Domo sua num. 89.) describit quis sit populus Romanus: negat multitudinem hominum, seditione concitatam, populum Romanum appellandum esse: Similiter ostendes quis Christianus dicendus sit, quis nobilis, quis eruditus. Invehitur (Philippica num. 12.) in Antonium, cui Ciceronis ipsius consulatus non placeret, qui tamen summis viris placuerat. *Non placet Antonio Consulatus meus? at placuit Servilio, &c.* Imitare hunc locum in eos, quibus non placent studia literarum, quæ viris omnium ætatum, & ordinum sapientissimis placuerunt. Atque hunc in modum, ut hoc obiter moneam, conformanda sunt argumenta scriben-

di, quæ rhetoricæ discipulis præstituuntur: hoc enim cum facile magistro, tum adolescentibus perutile est.

CAPUT VI

De Locis Oratoriis.

Quid est locus Oratorius? *Resp.* Est locus, in quo inveniuntur argumenta, seu probationes; & unde sumuntur. Clarius dixeris: Loci Oratorii sunt argumenta quædam rebus omnibus communia, è quibus, tanquam è scriniis, & loculis depromuntur propriæ cuiusque rei probationes. Quid est Argumentum? *Resp.* Est ratio probabilis, & idonea ad faciendam fidem. Quid est fides? *Resp.* Firma animi, iis quæ dicuntur credentis assensio. Quid est opinio? *Resp.* Est imbecillis assensio. Tam fides autem, quàm opinio, argumentatione gignitur. Quid est Argumentatio? *Resp.* Est explicatio, & dilatatio argumenti.

Quotuplicis generis Argumenta sunt? *Resp.* Duplicis; alia inrita, seu intrinseca; alia remota, seu extrinseca, quæ etiam assumpta dicuntur, & sine arte: non quòd sine arte tractentur, sed quòd ea non parit ars Oratoris, eo quòd foris afferantur. Quid vocas Argumenta Intrinseca? *Resp.* Ea quæ petuntur ab loco Oratorio intrinseco, sive qui est in ipsa re. Quænam sunt extrinseca, seu remota argumenta? *Resp.* Ea quæ petuntur ab loco, qui est extra rem, qui idcirco extrinsecus appellatur. Quot sunt loci intrinseci? *Resp.* Sexdecim. Definitio, Enumeratio partium, Notatio, Conjugata, Genus, Forma, Similitudo, Dissimilitudo, Contraria, Adjuncta, Antecedentia, Consequentia, Repugnantia, Causæ, Effecta, Comparatio. Quot sunt loci extrinseci? Sex, *Resp.* Præjudicia, Fama, Tabulæ, Jusjurandum, Tormenta, & Testes.

CAPUT VII.

De Locis Intrinsecis. Definitio.

Quid est Definitio? *Resp.* Est oratio, quæ naturam illius rei, quæ definitur explicat. Quot partes habet definitio? *Resp.* Duas. Genus, & Differentiam. Genus est aliquid commune, ipsi rei, quæ definitur, cum multis aliis. Differentia est aliquid particulare, quod soli rei, quæ definitur, convenit.

Da exemplum. *Resp.* Rhetorica est Ars benè dicendi. Rhetorica res est, quæ definitur, *Ars* est illius definitionis genus, quia non tantum Rhetoricæ, sed etiam Grammaticæ, Picturæ, aliisque artibus convenit; *Benè dicendi*, est differentia, quia benè dicere, proprium est solius Rhetoricæ. Proba à definitione Rhetoricam esse artium præclarissimam. *Resp.* Ars benè dicendi est artium præstantissima: atqui Rhetorica est ars benè dicendi: est igitur omnium præstantissima.

Enumeratio partium.

Quid est Enumeratio partium? *Resp.* Est aliqujus totius in suas partes distributio. Cedo exemplum. *Resp.* Ab hoc loco Plinius in Panegyrico Trajani ostendit Romam omnem lætatam esse Trajani in Urbem adventu. *Non atas quemquam, non valetudo, non sexus retardavit, quominus oculos insolito spectaculo impleret. Te parvuli noscere, ostentare juvenes, mirari senes. Ægri quoque, &c.*

Notatio, & Conjugata.

Quid est Notatio? *Resp.* Notatio, seu Etymologia, locus est, qui verborum originem, & significationem inquirat. Proba ex hoc loco, Ciceronem verum fuisse Consulem. *Resp.* Ille verus est consul, qui saluti patriæ consulit, atqui Cice-

Cicero consuluit salutem patriæ, igitur verus fuit consul.

Quid sunt Conjugata? Resp. Ea quæ ab uno orta vocabulo, variè commutantur: sic à Pudicitia, pudor, pudicus, pudicè, pudere, oriuntur. *Fac argumentum à Conjugatis. Resp.* Christi vitam non imitaris; non igitur es Christianus. Ceterum hi duo loci sunt omnium maximè steriles, & jejuni.

Genus, & Forma.

Quid est Genus? Resp. Est quoddam totum, plures continens partes, communione quadam inter se similes specie tamen differentes. Ut, Virtus genus est, quia complectitur Prudentiam, Justitiam, Fortitudinem, Temperantiam, quæ sunt ejus partes, inter se quidem similes, quod earum quælibet virtus sit; differentes tamen, quia earum natura diversa est. *Fac argumentum à genere. Resp.* Virtutem colit; ergo & temperantiam. Virtutis est inimicus, ergo non est prudens. Amat Venetos; ergo, & Patavinos. *Quid est Forma, seu Species? Resp.* Est pars Generi subiecta. Argumentum ita ducitur ab eo loco. Inest in hoc Adolescente castitas, ergo & virtus; atque ita de aliis.

Similitudo, & Dissimilitudo.

Quid est Similitudo? Resp. Est argumentum petitum à re quapiam tali, qualis est ea quæ tractatur. Cedo exemplum. *Resp.* Improbi virtutis suavitatem non sentiunt, ut ægroti ciborum gustum nullum habent. Item beneficia similia sunt floribus; non placent fermè nisi recentia. *Quid est Dissimilitudo? Resp.* Est argumentum sumptum à re quapiam diversa, & dissimili ejus rei, quæ probanda sumitur. Sic Tullius probat absolvendum esse à Judicibus Murænam, quia condemnasset illum Catilina (num. 23.) non de-
cet

cet enim id sentire viros optimos, & sapientissimos, quod sentiret homo sceleratissimus, & dementissimus.

Contraria, seu opposita.

Quot sunt Contrariorum, seu oppositorum genera? *Resp.* Quinque. I. Adversa, quæ inter se maximè distant: ut virtus, & vitium. II. Privantia, quæ sunt habitus, & ejus privatio: ut vita, & mors. III. Relata, quæ mutuò sibi sic respondent, seque invicem ita respiciunt, ut unum sine altero cognosci non possit. Tales sunt discipulus, & magister: pater, & filius. IV. Negantia, quorum unum negat aliud: ut pius, & impius. V. Repugnantia, quæ inter se non congruunt: ut odisse aliquem, & laudare.

Quomodo argumenta sunt à singulis? *Resp.* Hoc modo. I. Ab adversis. Vitium est foedissimum; igitur virtus est pulcherrima. II. A Privantibus: mortem timet, ergo amat vitam. III. A relatis. Magister in studia literarum incumbit; debet in eadem incumbere & discipulus. IV. A negantibus. Modestus est, cur illum ergo dicis immodestum? V. A repugnantibus. Amat illum; igitur non ei nocuit, non est infectatus conviciis. Repugnat enim, ut qui amat aliquem illi noceat, cum conviciis infectetur.

Adjuncta, seu rei Circumstantia.

Quid sunt Adjuncta? *Resp.* Ea quæ cum re conjuncta sunt, sive rei cujuslibet circumstantiæ. Quot sunt ejusmodi adjuncta, sive rerum circumstantiæ? *Resp.* Illas hoc versiculo comprehendere, Quis, Quid, Ubi, Quibus auxiliis, Cur, Quomodo, Quando. *Quis*, Personam indicat, à qua res gesta est. *Quid*, ipsam rem. *Ubi*, locum, in quo gesta. *Quibus auxiliis*, arma, instrumenta, adjutores rei gerendæ. *Cur*; causas, consilia, res gestæ. *Quomodo*, modum exprimit, quo est facta.

Qta. Quando, tempus notat. Fac argumentum ab adjunctis. *Resp.* Vesperis visus est cum gladio in loco ubi cædes facta est, &c. Est incredibili virtute præditus, non ergo foedus violavit.

Quid sunt Antecedentia? *Resp.* Sunt ea, quæ necessario coherent cum consequentibus: in quo differunt ab adjunctis, quæ cum illis non sunt necessario conjuncta. Affer argumentum. *Resp.* Ortus est Sol, ergo dies est. Sol enim necessario diem antecedit.

Quid sunt Consequentia? *Resp.* Ea, quæ rem necessario consequuntur. Da argumentum. *Resp.* Cicatricem habet; ergo olim accepit plagam. Cicatrix enim necessario consequitur plagam.

Causa, & Effecta.

Quid est Causa? *Resp.* Est, quæ sua vi efficit id cujus est causa. Ut, vulnus causa est mortis, quia vi sua mortem parit. Ignis causa caloris est, quia vi sua generat calorem. *Quot sunt Causarum genera?* *Resp.* Quatuor: Finis, Efficiens, Forma, Materia. *Quid est Finis, seu Causa Finalis?* *Resp.* Ea est, cujus gratia fit aliquid: ut finis hominis est beata vita. Fac argumentum. *Resp.* Homo natus est ad contemplandum, & intelligendum, non igitur ad pastum, & voluptatem. *Quid est efficiens?* *Resp.* Est id, à quo aliquid est. Ut Sol est causa diei, quia illum efficit luce, toto cælo diffusa. Fac argumentum à Causa Efficiente. *Resp.* Mundus à Deo creatus est, ergo est opus numeris omnibus absolutum. *Quid est forma?* *Resp.* Est id, quo res aliqua in suo statu constituitur, & à rebus aliis distinguitur: Sic animus est hominis forma, est enim causa cur homo sit, eumque à rebus aliis distinguit. Duc ab illa argumentum. *Resp.* Animus hominis est immortalis; debet igitur ad immortalitatem, æternitatemque vitæ aspirare. *Quid est Materia?* *Resp.* Est, ex qua, & in qua res sunt: Sic marmor, statux; Corpus, hominis materia est. Fac argumentum. *Resp.* Corpus

pus hominis mortale est; ab ejus igitur societate, & contagione, immortalis animus avocandus est.

Quid sunt Effecta? *Resp.* Sunt ea, quæ orta sunt de causis. Ut dies est effectus solis. Quot sunt effectorum genera? *Resp.* Totidem quot causarum, singulis enim causis, sua respondent effecta. Sume ab effectis argumentum? *Resp.* Virtus parit laudem, igitur sequenda est. Voluptas infamiam gignit, ergo fugienda.

Comparatio.

Quid est Comparatio? *Resp.* Est locus in quo duo, vel plura, quæ habent aliquid commune inter se comparantur. Sive: Est argumentum quod ducitur ab alia re magis aut minus, aut æquè certa, vel probabili, ac verisimili. Hinc triplicem comparisonem distinguunt Rhetores: unam vocant Majorum, sive à majori, ad minus: alteram Minorum, sive à minori, ad majus: tertiam Parium sive à paribus. In prima colligitur, & probatur minus verisimile ex alio magis verisimili, & certo; in secunda probatur magis certum ex minus certo; in tertia æquè certum, ac probabile ex æquè certo. Ad hunc locum revocatur Exemplum, quod est comparisonis quoddam genus, & argumentum efficax ad persuadendum. Quomodo ducitur argumentum à Majori? *Resp.* quando adhibetur in Comparatione hæc particula (*multò minus*) Ut: si quinque legiones hostilem exercitum vincere non potuerunt; multò minus duæ poterunt: Major quippe difficultas est quinque, quàm duas legiones vincere. Quomodo argumentum fit à Minori? *Resp.* Quoties adjungitur hæc particula (*multò magis*) Ut: verbera patienter tulit; multò magis verba, & convicia perferet. Minus enim est verba ferre, quàm verbera. Quomodo sumitur à Pari? *Resp.* Cum hæc particula (*pariter*) vel exprimitur in comparatione, vel suppressa intelligitur. Ut: Sancti æter-

æternam sibi gloriam tolerantia pepererunt: iisdem nos pariter ad tantum honoris fastigium gradibus oportet conscendere.

C A P U T V I I I.

De Locis Extrinsecis.

Quid est Præjudiciū? *Resp.* Est iudiciū aliquod antea factum, & sententia prius lata in causa quapiam simili, unde sumi potest exemplum, & modus iudicii in præsentī causa ferendi. Quomodo fit argumentum à Præjudiciis? *Resp.* Si ostendat Orator, id, quod contendit fieri debere, vel quia in similibus causis, aut rebus ad eandem causam pertinentibus, similia iudicia jam lata sunt; vel quia illud ipsum iudiciū, quod ferendum est, jam fuit, ab iisdem, aut ab aliis Iudicibus pronunciatum. Quomodo fit argumentum à Fama? *Resp.* Ostendendo id, quod in quæstionem vocatur, ex communi hominum sermone verum esse. Quomodo à Tabulis? *Resp.* Si demonstretur id, de quo agitur, in publicas tabulas relatum esse, adeoque pro indubitato habendum. Quomodo à Jurejurando? *Resp.* Si ostenderimus, illud idem cujuspiam viri gravis, & probi iuramento esse confirmatum. Quomodo à Tormentis? *Resp.* Demonstrando, vi tormentorum, vel à consciis illius rei, quæ probanda est, expressam esse confessionem, vel à reo. Quomodo à Testibus? *Resp.* Si id ipsum, cujuspiam gravi testimonio confirmari docuerimus.

C A P U T I X.

Exempla locorum Intrinsecorum.

Eloquentia usu potius, & eximii cujuspiam Oratoris imitatione, quàm præceptis comparatur. Itaque, post allata breviter locorum rhetoricorum præcepta, subiicimus exempla, quæ imi-

imitari quisque possit, & in quibus etiam deprehendet quo tractare modo, quibus figuris ornare unumquemque locum debeat.

ARTICULUS I.

Exempla loci à Definitione, & Notatione nominis .

Philippica I. num.29. in peroratione, hortatur Dolabellam ad pacem, & concordiam in Republica tuendam, proposita rectè Factorum gloria, cujus definitionem affert: *Est ea*, inquit, *laus rectè factorum &c.* Seneca Epist.76. hortatur hominem ad vitam rationis norma dirigendam, & quid sit ratio describit, docetque proprium esse hominis bonum: cætera illi cum plerisque belluis communia: Per inductionem, & subjectionem. *Valet homo viribus? & leones: velox est? & equi: corpus habet? & arbores, &c.* *Quid in homine proprium? Ratio. Hac, &c.* Rhetores non semper definitionem explicant per genus, ac differentiam, ut mos philosophis; sed interdum per causas, effecta, adjuncta, similitudines, & alia id genus, quæ sic rei naturam describunt, ut ampliorem ornatui, & amplificationi campum aperiant.

Tullius definit Senatum Romanum multis similibus conglobatis. *Templum*, inquit, *sanctitatis est, caput urbis, ara sociorum, portus omnium gentium, &c.* Sic adolescentem ætati nimium, & valetudini fidentem compellares. Adolescentes ætati nimium, & valetudini ne crede: Flos est, citò marcescit: umbra est, momento vanescit: lætum ver, & amœnum; sed minimè diuturnum: somnium inane, quod incautis, ac dormientibus illudit: ros matutinus, quem sol oriens exsiccat: pulvis aridus, quem levis aura dissipat. Eundem sic à voluptate consecranda deterreres: Ah! quid agis, infelix, dum voluptatem avidè consecraris? Laqueum tibi nectis, qui te præfocet: hauris toxicum, quo extinguaris: aspidem sinu foves, quæ
te

te complexu crudeli enecabit, &c. Alia definitio, siue descriptio rei petitur ab ejus causis: Definies hominem à Deo conditum, ratione præditum, factum ad consequendam beatitudinem, & ipsius Dei summi boni possessionem; constat à mortali corpore, & anima immortalī, &c. Alia ducitur ab adjunctis: Ea ratione describit Tullius Pisonem & Gabinium Orat. pro Sext. num. 17. Eorumque vultum, mores, incessum ipsum, & vestitum graphicè depingit: *Sed fuit profectò &c.* Alia petitur ab effectis: Bellum quid est: Immane monstrum, cujus comites vulgo sunt Injustitia, Vis, Furor. Quacumque incubuit, stragem campis, perniciem urbibus, vastitatem provinciis affert. Sanguine miserorum pascitur, gaudet lacrymis, in cæde, atque exitio triumphat &c.

Omniū elegantissima ratio tractandæ definitionis ea est, in qua primū adhibetur negatio, diciturque id quod res non est: deinde negationi subiicitur affirmatio, exponendo id, quod res est. *An tu populum Romanum esse illum putas* (inquit Cicero Orat. pro domo sua num. 89.) *qui constat à conductis mercede sicariis, &c.* Pergit ironicè: *O speciem, dignitatemque populi Romani, quam nationes externa, quam gentes ultima pertimescant* denique per affirmationem concludit: *Illam, illam fuit pulchritudo populi Rom. illa forma, quam in campo vidisti, cum &c.* Ille populus dominus regum, &c. num. 90. Sic in Pisonem num. 43. negat viros probos ullo affici posse vero supplicio: & improbos affirmat, etiam si felices videantur, miserè tamen cruciari. Sic pro Sextio num. 97. Quinam dicendi sint optimates exponit. Secunda in Rullum, siue Agraria, num. 10. quinam sint populares: & pro Rabirio perduellionis reo à num. 11. ad 14.

Ad eundem modum tractari poterit locus à notatione nominis, in quo scilicet loco ducitur argumentum à rei nomine, quæ prima rei, & præcipua videlicet nota, & indicium est. Ita Cicero Pi-

Pisonem negat esse Consulem, quia reipublicæ non consuluit. *Quid? Tu in lictoribus, in toga, & prætexta esse consulem putas? &c. Animo consulem esse oportet, consilio, fide, gravitate, &c. Ego Consulem esse putem, qui senatum in republica esse non putavit qui, &c.* Ita negabis aliquem esse amicum, qui verbis tantum, non item factis amari à se amicum probat. Quid est esse amicum? an arridere blando vultu? polliceri operam, laudibus amicum prosequi? O præclaram amicitix speciem, quam &c. Ille, ille amicus est, qui amicum in adversis æquè rebus atque in prosperis diligit, qui juvat consilio, qui, &c. Ita Christianum verè dices esse, qui Christum imitetur, non qui solo nomine Christiani gloriatur. Tunc Christianum esse illum putas, qui cum in sacro Baptismatis fonte primigeniæ noxæ labem purgaverit, ac nomen Christo dederit, vitam omnem turpi Baccho, Venerique consecrat? qui &c. Egregiam verò Christiani hominis dignitatem, pro qua hominibus impertienda Deus ille Orbis conditor, ac rector è cœlo in terras deicere se, majestatem Divinam naturæ mortalis humilitate obscurare, solum immensæ gloriæ infami patibulo mutare voluerit! Ille, ille, si nescis, Christianus est, qui solemni sacramento Christo mancipatus Christi vexilla sequitur, qui cupiditates coercet, qui, &c. Aliquando in ipso nomine quæritur tantum acumen quoddam, & jocus. Ita Cicero pro Roscio Amerino Chrysogonum vocat in suspicionem avaritiæ ab ejus nomine, quod Græcè aureum, sive aurogenitum significat. Verrem (4. Verr.) ait implere suum nomen, quia provinciam everrit, idest spoliavit.

ARTICULUS II.

*Exempla Loci, à Partium Enumeratione,
& Loci à Conjugatis.*

Philippica XIV. num.34. Cognatos eorum, qui pro Republica ceciderunt in acie, consolatur: primò quidem parentes, deinde liberos, tum fratres, &c.

Pro Planco num.80. probat gratitudinem virtutum reliquarum esse matrem. *Quid est pietas, inquit, nisi voluntas grata in parentes? Qui sunt boni cives, nisi qui patria beneficia meminerunt? Qui sancti &c.* Ita probares superbiam esse matrem omnium vitiorum. *Quid est impietas, nisi animi ferocis, & elati vitium, qui se Deo ipsi recusat subiicere, & debitum illi cultum exhibere negat? Qui sunt avari, nisi qui coacervandis opibus, aliis eminere, & imperitare quodammodo gestiunt, ut nullius indigentes rei, nulli sint obnoxii. Qui ambitiosi? nisi qui..... Assuescat eloquentiæ candidatus exempla Tulliana sic imitari. Nulla certior, & facilior ad eloquentiam via. Post reditum ad Quirites num.2. ostendit omnia vitæ commoda, & ornamenta sibi fuisse cariora quando fuerunt restituta, quàm si nunquam fuissent amissa. Quid dulcius hominum generi &c.* Antonium esse Consulem nemo putat (*Philipp.4.num.9.*) *Negat hoc Brutus imperator, negat Gallia, negat cuncta Italia &c.* Philippica 2. num.2. docet Antonium id spectasse, ut Ciceronem insectando probaret se hostem esse patriæ. Hoc autem docet removendo alias, quæ Antonium movere potuissent causas, ut in Tullium declamaret. *Quid putem? contemptumne me? &c. An in Senatu facillimè de me detrahi posse credidit? &c. Illud profectò est: non existimavit, &c.* Ita probares furtum pecuniæ ab aliquo esse factum. Necessè est ut fateatur unum ex istis, aut penès ipsum hanc priùs fuisse pecuniam, aut mutuam aliunde accepisse, aut

aut labore comparasse, aut invenisse casu, aut subripuisse. Primum non dicet profectò; norunt omnes ejus egestatem: non secundum; quis enim nepoti perditissimo, & decoctori mutuam daret pecuniam? Labore comparatam otiosus ganeo non affirmabit. Inventam si dixerit, quæremus quo loco, tempore, modo. Restat igitur ut fateatur &c. *Martialis lib. 5. Epig. 41.* ut in editione novissima, & repurgata numeratur, probat opes omnes variis amitti modis posse, præter illas, quæ liberaliter erogantur. Initium Epigrammatis est *Callidus effractus* &c. Sic vates bonus adolescentem virtute præditum commendat.

Excubat in placido tibi pulchra Modestia vultu.

Et niveus roseo regnat in ore Pudor.

Simplicitas oculos, linguam prudentia franat.

Pura verecundus pectora Candor habet.

Proforibus famuli, video, famulaque morantur.

Virtutem Dominam quis neget esse domi?

Divinatione in Verrem *num. 38.* negat omnia Verris flagitia posse commodè ab adversario explicari: & ea singillatim enumerat: *Putas ne te posse &c.* De Provinciis Consularibus *num. 29.* negat Cæsarem velle in Provincia remanere, nisi ut Reipublicæ consulat: non ob locorum amœnitatem, aut humanitatem incolarum &c.

Inductione per omnes ordines facta probat pacem esse non posse cum Antonio Philippica 7. *num. 21.* Philippica 2. *num. 12.* probat suum Consulatum placuisse summis omnibus viris, quos enumerat per repetitionem. In Pisonem *num. 67.* probat illum esse omnibus odio, senatui, equitibus Romanis, toti demùm Italiæ. Varios aquæ effectus, & modos ita describeres incisim. Aquæ in imbres decidunt, rigescunt in grandinem, labuntur in fluvios, in maria funduntur, in vapores attenuantur, &c.

Locus à Conjugatis jejunos, & exilis est. Ab eo loco probat Cæsarem esse invictum Cicero, quia victoriam ipsam vicit *num. 12.* pro Marcello. Philippica 2, dicite eos cives meritò à se ornari, qui
sunt

sunt ornamenta patriæ. Eodem pertinet illud Virgilianum 7. *Æneidos. Non capti potuere capi* Item Martialis *Marce, ut amaris, ama.*

ARTICULUS III.

Exempla Locì à Genere, & specie.

Cicero pro Archia Poeta, poesim, ac Poetas universè laudat in eaque thesi, seu communi poetis omnibus laude, magnam orationis bellicissimæ partem, consumit.

In Oratione pro Cælio, cujus adolescentiam deteriore, nec falsa omnino, fama laborantem defendebat, excusat adolescentium vitia, & cupiditates, si contineant se intra modum. Num. 28. 29. &c.

Cato Stoicus erat, & asperis moribus, ac doctrina. Cicero Stoicos omnes, & eorum disciplinam severiorem festivè insectatur pro Muræna. num. 2. ad 61.

Huc referuntur loci communes, qui dicuntur: exempli causa, in falsos testes (Orat. pro Sylla) In parricidas (pro Roscio Amer.) In proditores, & perduelles. (In Orat. contra Catilinam) Cavendum porro diligenter, ne Orator longiùs evagetur in istis communibus locis, qui facilè refelluntur, id quod Tullius egregiè præstat pro Cælio, num. 29. *Sed tu mihi videbare ex communi infamia juventutis, aliquam invidiam Cælio velle conflare. Facile est accusare luxuriam, dies me deficiet, si &c.* Ita meritò reprehenduntur concionatores qui laudare martyrem quempiam aggressi, cujus dies festus agitur; illo omisso, martyrium laudant, & multa de martyribus præclare congerunt. Convenit in eos lepidum illud Martialis acumen: *Iam dic Posthume de tribus capellis,* lib. 6. epig. 16. cujus primæ voces: *Non de vi, neque &c.*

A specie ducitur argumentum quando à thesi
ad

ad hypothesim oratio revocatur. Qui poetas laudaverat Tullius delabitur ad laudes Archiæ poetæ, & ejus poemata commendat, num. 18. *Quoties ego hunc Archiam vidi, Indices, &c.*

ARTICULUS IV.

Exempla Loci à Similitudine, & Dissimilitudine.

Philippica IV. num. 4. *Faciam, inquit Tullius, ut Imperatores instructa acie solent, &c.* Pro Roscio Amer. comparat accusatores cum anseribus, num. 56. Vatinius (num. 4.) cum angue: *repente, inquit, te tanquam serpens è latibulis oculis eminentibus, inflato collo, tumidis cervicibus, intulisti.* Rempublicam Catilinaria conjuratione laborantem, cum homine ægrotante (1. Catilin. num. 31.) Lucium Syllam cum Jove: pro Roscio Amer. num. 131. *Etenim si Jupiter &c.* Actores causarum cum actoribus fabularum, Divinat. in Verrem num. 48. *Ut in actoribus Græcis &c.* Ipsum Verrem cum prædonibus: Orat. 6. num. 21. *Fecisti uti prædones solent &c.* Belli civilis causam in Antonium coniecit. Philippica II. num. 55. *Ut in seminibus est causa arborum, & stirpium. Sic &c.* Vide etiam pro Sextio numer. 24. *Sedita est, ut si gladium parvo puero dederis* Pro Rabirio Comædo, societatis, & hæreditatis pulcherimam instituit comparisonem, numer. 55.

Educationis honestæ quanta sit utilitas hoc simili demonstrabis: Vidistis aliquando indomitum, ac ferocientem equum, qui nec habenas audiat, nec stimulos & calcaria patiatur: sternacem, calcitronem, malè meticulosum, & resistantem: qui equitem duriter succutiat, nec raro excutiat. Adhibete peritum domitorem, & equitandi magistrum, qui reddat illum patientem fræni, qui durum os, & contumax paulatim comprimat, ac molliat, qui gressum ad numeros ex

B

arte

arte componat &c. Brevi docilem equum habebitis, qui omnem in partem flectatur ad fessoris nutum; sive opus sit leviori gradu viam carpere, sive pleniori: sive laxis habenis ferri, sive adductis sistere &c. Sic ferox adolescentia liberali educatione domabitur, & in rationis, ac modestiæ gyrum magistri sapientis institutione ducetur.

Ad hunc locum revocari solet exemplum, id est aliquod simile alterius: factum si fictum sit appellatur vulgò Parabola; si fabulosum, Apologus dicitur. Coacervatio multorum similium, aut exemplorum vocatur Inductio. Tullius pro Cornelio Balbo factum Pompeii, qui Balbum civitate donaverat, laudat conglobatis pluribus exemplis, num. 51. *Fecit, quod Cajum Marium fecisse audierat, fecit quod P. Crassum, quod L. Syllam &c.*

Inductionis exemplum habes egregium in Martiale lib. 1. Epig. 46. ut recensuit editio novissima, & purgata.

Meritò laudatur inductio, qua D. Augustinus invehitur in hominem improbum. Terram malam non vis, segetem malam non vis; bonam arborem vis, equum bonum, servum bonum, amicum bonum, filium bonum, vestem bonam: solum animam vis habere malam. Quid te offendiisti, aut quid tantum de te malè meruisti? non vis esse malum; nisi te solum.

Interdum similitudo ficta rei veræ accommodatur. Si mihi, ait Cicero pro Sextio num. 45. *in aliqua nave cum amicis meis naviganti, hoc accidisset, ut &c.* Catilin. 4. num. 12. *Etenim quero, si quis pater familias &c.* Patientiæ fructum inductione ostendes cum D. Gregorio homilia 15. In Evangelia. Sic uva calcibus tunditur, & in vini saporem liquatur. Sic oliva trapetis contusa suam deserit amurcam, & pinguem olei liquorem fundit. Sic area terendo glebas, paleam à tritico discernit. Sic ignis rubiginem ferri decoquit. Quisquis igitur appetit plenè vitia vincere non recuset

set rebus adversis purgari, ut ad supremum Judicem tanto securior veniat, quanto purgatorem ab omni macula criminis animum attulerit. Quæ ratio sit tractandæ dissimilitudinis facillè apparet ex iis, quæ de similitudine dicta sunt. Cicero Philip. X. num. 20. Cæterum civitates ait servitutum pati posse, non item Romam, quam illis in eo dissimilem probat. Quid discriminis intersit inter iudicium, & arbitrium docet pro Roscio Comædo, num. 10. In quo discrepet suus reditus Romam, à reditu summorum quorundam virorum explicat in Orat. post reditum ad Quirites numer. 6. *Non enim pro meo reditu, ut pro Popilio &c. Non ut pro Metello &c.* Hoc ipsum argumentum tractat pro Sextio, num. 27. *Quid enim simile fuit in Q. Metello &c.* Jurisconsultum cum bellâ duce comparat pro Muræna, num. 22. & hunc illi dissimilem, ac multo superiorem esse contendit per incisa, antitheses &c. *Vigilas tu de nocte, ut tuis consultoribus respondeas, ille ut &c. Tu actionem institutis, ille aciem instruit &c.* Verrina VI. num. 27. Verris latrocinia, & sacrilegia opponit pietati, ac munificentiae ejus antecessorum. *Videte quanta religione fuerit, &c.* In Pisonem eleganter, & magnificè prosequitur, quàm dissimilis fuerit suus reditus, ejus reditui. Hunc, & alios summi Oratoris locos expende, & in similibus, aut dissimilibus argumentis imitare. Exempli causa doce, quàm dispar, dissimilisque sit hominis probi felicitas, felicitati hominis improbi, licet humanis commodis, voluptatibusque circumfluentis. Easdem adhibe figuras, & lumina; quibus Tullium videbis uti. Bonas artes ad eundem modum aliis artibus oppone, ac superiores illis esse proba, Ciceronem secutus, tibi in Orat. pro Muræna præeuntem.

ARTICULUS V.

Exempla Loci ab Oppositis, Relatis, &c.

Philipp.II. num.51. Laudaverat Antonius percussores Cæsaris, tanquàm reipublicæ defensores, & libertatis: Ciceronem, qui partes illorum amplectebatur sicarium, & parricidam appellabat. Hæc inter se non conveniunt. Si enim sunt parricidæ, laudandi non erant ut patriæ defensores: si laudandi sunt, non est accusandus qui illis favet. Acer hic locus est, & vellemens. *Tu homo sapiens, & considerate, quid dicis? &c.*

Verrina V. Initio profitetur se virtutes colere contrarias vitiis Verris, atque adeo jure illum à se accusari. Catilin.11.n.25. quàm contrariæ sint Catilinæ copiæ, quàm opposita causa, copiis, & causæ Reipublicæ, docet egregia antithesi: *Pugnat illinc petulantia, hinc fides, &c.*

Roscium Amerin. longè à parricidii crimine abesse probat eo maxime argumento, quòd vitam rusticam duceret, quæ à flagitiis gravioribus solet esse remotior, quàm urbana, numer.75. *Vt non omnem frugem, neque arborem in omni agro reperire possis, sic non omne facinus in omni vita nascitur. In Vrbe luxuries creatur: è luxuria existat avaritia necesse est, &c. Vita autem rustica, &c.* Eadem ratione parricidii crimen cadere potius in Titum Roscium, quàm in Sextum Roscium ostendit ab oppositis utriusque moribus, num.88. *Restat ut hoc dubitemus uter .:. an is, ad quem. an is .:. &c.*

Cælium negat, num.47. libidini deditum esse, quòd repugnet tantam eloquentiam, quanta in eo elucet; cum lenociniis, & otio voluptatum consistere. Pergit, num.47. *An hic, si se isti vita dedisset in hac forensi acie quotidie versaretur, subiret periculum capitis, &c.*

Rabirium Posthumum excusat à patre, qui si cum externis principibus egit sine ullo probitatis,
aut

aut famæ periculo, non est cur filius eam ipsam ob rem condemnetur num. 2. Pro lege Manil. nu. 10. hortatur Romanos ad bellum Asiaticum suscipiendum à majorum exemplo, ut ne, tanquam posterì degeneres meritò arguantur. *Pro vestri imperii gloria, videte, &c.*

ARTICULUS VI.

Exempla loci ab Adjunctis, ab Antecedentibus, & Consequentibus.

AB Adjunctis Tullius probat Syllam non conjurasse in patriam, num. 53. *Num quis est igitur . . . quia nunquam versatus est cum conjuratis.* Negat Sextum Roscium patrem interfecisse, quia interfectus fuit in urbe, cum ruri esset Roscius. Negat Milonem insidias Clodio struxisse, quia cum eo depugnavit in loco ad insidias periniquo, & ubi contra Clodius poterat facile insidiari Miloni, num. 54. In eadem orat. numer. 91. gravem invidiam constat Clodio, quòd curiam incenderit.

Philippica II. numer. 104. exaggerat Antoniæ commensationes à circumstantia loci, domus videlicet M. Varronis, hominis optimi, & temperatissimi. A circumstantia personæ ducit argumentum, cum ait à Roscio non fuisse occisum parentem, adolescente nimirum modesto, & ab urbanis flagitiis remotissimo, numer. 39. De jotorum in convivio non saltasse senem probat, quæ singulari sit frugalitate, ac temperantia num. 16. Cheream Rosci comædi accusatorem ab ipso vultu, & oris totius conformatione fraudulentum esse coniicit, numer. 20. *Nonne ipsum caput, & supercilia illa abrasa olere malitiam, & clamitare calliditatem videntur? nonne ab imis unguibus adverticem summum, &c.* Catilinæ socios describit Orat. II. num. 10. *Nihil cogitant nisi cades, nisi incendia, &c.*

Supervacaneum videtur hujus loci exempla

congerere, quorum in omnibus Tullii orationibus copia ingens in promptu est, præsertim narrationibus, quarum veritas circumstantiis rei gestæ expositis, ut par est, potissimum nititur.

Ab antecedentibus ostendit Orator in Murænam non cadere saltatoris nomen, & notam, quoniam in illo reprehendi non possunt, quæ saltationem necessario antecedunt, ut turpia convivia, libidines, sumptus &c. num. 13. *Nemo ferè saltat sobrius, &c.* A consequentibus ostendit quanta perniciēs immineat si nihil auxilii sit in ea voce, *civis Romanus sum*, Verr. 7. num. 167. Deterreret Judices, ne Flaccum civem optimum condemnent à consequentibus malis numer. 99. Tota Philippica 7. enumerat quot impendeant civitati exitia, si Antonius in eam admittatur. Contra verò utilitates à Clodii nece orituras exponit, pro Mil. num. 78. Lege pro Plancio, num. 14. ubi recenset absurda, quæ consequentur si rationes adversariorum audiantur. *Si quotiescunque &c.*

ARTICULUS VII.

*Exempla Loci à Causis, Effectis,
& Comparatione.*

Candelabrum, & pocula Cicero commendat à materia. Actione 7. in Verrem num. 62. 64. Ovidius regiam solis, & currum prolixè laudat lib. 2. Metamorph. Tullius Dianæ statuam à causa formali eleganter exornat. Verrina 6. num. 72. *Fuit apud Segestanos &c.* Vitæ tranquillitas, quibus efficiatur causis pulchrè describit Martial. lib. 10. Epig. 43. *Vitam qua faciunt beatiorē &c.* Idem lib. 9. Epig. 18. Cur opes optet explicat, nempe, ut largiatur. *Credis ab hoc &c.* Cicero, quæ causa Clodium impulserit ad struendas Miloni infidias, docet num. 31. nempe magna utilitas, tum spes impunitatis.

Effecta eloquentiæ, dignitatem ejus, & necessitatem, egregiis, & veris effert laudibus lib.

1. de Oratore num. 30. Ostendit Reip. hostem esse Antonium non minus, quàm ipsum Annibalem. Philipp. V. num. 2. Horatius ab eodem fonte haurit luculenta carmina, quibus ebrietatem vituperat. *Quid non ebrietas designat? opera recludit, spes jubet esse ratas &c.* lib. 1. Epist. 5. Sic auri diram famem exagitares. Quid sceleris non suscipit, quid non suadet auri sacra fames! leges & jura proculcat, nihil non habet venale, quantumlibet religiosum, ac sanctum; altaria ipsa invadit &c.

Locus à comparatione spectat quandam quantitatem, qua res una major est, aut minor altera, aut ipsi æqualis: locus verò à similitudine, qualitatem rerum, & proportionem tantum attendit. Plurima sunt apud Ciceronem comparationis exempla.

Pro Roscio Amerin. excusat Syllam, si omnia non potuerit animadvertere, cum ne ipse quidem Jupiter possit num. 131. Ex hoc loco disputat contra Cæcilium num. 40. Pro Milone contra Clodium num. 4. item num. 17. Non est habita quaestio de morte complurium virorum clarissimorum, ergo multo minus habenda fuit de morte Clodii. Pro Lege Manil. num. 11. *Majores vestri Vos &c.* Pro Cælio num. 54. *An ille vir quod facinus in alienum hominem illatum severe acciperet, id omisisset curare in hospite, &c.* Pro Cæcin. numer. 45. Pro Plancio num. 26. & 70. Verrina IV. num. 57. Phil. III. 9. Pro Sylla num. 4. Multi viri boni defendunt Syllam nec idcirco reprehenduntur: ergo nec sum ipse reprehendendus, qui hunc defendam.

CAPUT X.

Exempla Locorum Extrinsecorum.

ARTICULUS I.

Locus à Præjudiciis, Fama, & Tabulis.

Præjudicia sunt anteriora quædam judicia, quæ ad rei, & causæ præsentis judicium, ac decisionem momenti aliquid afferre possunt. Superioribus enim judiciis si rectè instituta sunt, debent posteriora conformari. Archiam in civitate retinendum, immò eo donandum, si antea in illam non esset adscriptus probat Cicero, quia illum, & Tarentini, & Rhegini, & Neapolitani civitate donarunt: Catilinam contra eiiciendum civitate docet, quia multi cives nequam è civitate sunt olim exterminati. *An verò vir amplissimus &c.* 1. Cat. num. 3.

Contendebant accusatores Milonis eum à Senatu jam fuisse condemnatum, & à Pompejo. Utrumque hoc præjudicium, quod vehementer nocere causæ poterat, statim refellit, num. 12. & 15. Id verò in omni oratione diligenter videndum est, ut evellatur ex animis auditorum præjudicata opinio, si qua sit, ac præsumpta, quæ illorum attentionem, benevolentiam, aut docilitatem impediat.

Tullius præjudiciis utitur in rem suam. Orat. pro Cluentio, num. 55. 60. 97. 207.

Quàm parum famæ credendum sit idem docet pro Cælio num. 38. *At fuit fama. Quotusquisque illam effugere potest in tam maledica civitate, &c.* Judices obtestatur ne famam audiant pro Plancio num. 56. *Nihil est tam volucre, quàm maledictuna &c.*

Archiam civem Romanum esse probat è Tabulis, num. 18. Iisdem tabulis, & litteris publicis civitatum sæpe utitur contra Verrem. Actione VI.

VI. num. 140. VII. 101. & aliis. Revocantur leges ad Tabulas. Legum necessitatem, dignitatemque multis commendat Cicero pro Cluentio num. 146. eas impugnat pro Rabirio, num. 23. *Tu mihi etiam leges Porcia &c.* Pro domo sua numer. 53. 47. 43. Pro Mil. 10

ARTICULUS II.

Exempla locorum à Jurejurando, Questionibus, & Testibus.

QUanta debeat esse Jurisjurandi fides, ac religio præclare ostendit Orator lib. III. De officiis num. 111. *Nullum vinculum ad stringendam fidem jurejurando majores arctius esse voluerunt, &c.* elevat jurati testis fidem pro Rabirio Posthumo num. 36. *Vbi semel quis pejeraverit, ei credi postea, etiamsi per plures Deos juret, non oportet.* Idem argumentum urget pro Roscio Comædo, num. 46. *Qui mentiri solet &c.* De toto genere questionum præcepta Cicero tradit in Partitionibus, num. 50. Ea revocat in usum, & exequitur Orat. pro Sylla num. 74. *Questiones nobis servorum, ac tormenta accusator minitatur, in quibus &c.* Pro Milone, num. 78. 59. *Sed questiones urgent. Milonem &c.* Pro Roscio Am. num. 119. *Dixi jam antea sæpenumero &c.*

Testium auctoritatem commendat Verrina I. num. 13. *Sunt testes viri clarissimi &c.* Verr. VII. num. 164. Verr. V. num. 166. Pro Roscio Com. num. 44. *Manilione negas esse credendum? Est tua confirmatio &c.* Pro Archia num. 27. *Quid horum infirmari potest? Adest vir summa auctoritate, qui se non opinari, sed scire; non audivisse, sed vidisse; non interfuisse, sed egisse dicit. Adsunt &c.* Infirmitas testimonium pro Comædo num. 9. & 42. Pro Quintio numer. 17. & 25. Pro Flacco tractat fusè hunc locum, num. 9. 90. 25. &c. Pro Cælio num. 22. 63. Lenius, ac longiori circuitione Catonis testimonium infringit, ac debilitat pro Mur. num. 5. mer.

mer. 58. *In quo ego accusatore primum illud deprecabor &c.* Magnam vim ad persuadendum habent testimonia, dicta, & scripta, eruditorum, & sapientum, præsertim veterum. Itaque paulò sunt ornatiùs, & ambitiosius proferenda. Ut si dicas: An excidit animo celebris illa vox Platonis, quæ monet &c. Venit mihi in mentem Xenophontis, qui cùm ex eo quæreretur &c. respondit... Deus immortalis! quàm multos, & virtutis, & doctrinæ laude clarissimos homines intueor, qui cùm viderent &c. Audio non invitus illud, quod Seneca Lucilio suo pluribus commendavit &c. Non sine singulari voluptate mihi revoco in memoriam illud effatum M. Tullii Cui potiùs quàm mihi fidem te habiturum certò scio. Lætor me posse virum insignem producere, qui te auctoritate sua meliùs, quàm ego verbis meis, refellat: Augustinum dico &c. Me quidem consolatur illa vox hominis prudentissimi &c. Non subtilius dixit, quàm verius vir egregius &c. Id quàm sit improbè factum docet Philosophorum princeps.... Illud credo meministis, quod legitur apud.... Præclarè mihi videtur dixisse Socrates, &c....

ARTICULUS III.

De familiari locorum Oratoriorum usu.

Quomodo petenda sint ex omnibus locis argumenta nulla ratione meliùs, quàm aliquot exemplis declarari potest.

Sit igitur laudanda Eloquentia: duces argumentum primò à definitione. Est ars persuadendi, seu ars tractandæ, & movendæ voluntatis, Quid nobilius? Quid hominum generi utilius? 2. à Partium enumeratione. Ingenia puerorum format, juvenum cupiditates coercet, consilia senum regit. 3. à Notatione nominis: vocem illam explicabis *Eloquentia* 4. à Genere. Quantum artes liberales mechanicis antecellunt, tantum ipsis libe-

liberalibus anteit, eloquentia. 5. à Specie. Quid præclarior quam tenere dicendo hominum cætus? quam in foro dominari, in sacris concionibus vitia profligare? &c. 6. à Smili. Finge tibi peritum belli ducem, qui aciem prudenter instruat, fortiter sustineat hostem, instet cedenti, victum abjectumque proterat: talem puta esse præstantem oratorem. Vide ut explicat arma victoris facundia, ut &c. 7. à Dissimili. Quid miserabilius infante puero, qui necdum formare voces per ætatem possit? quid homine cæco, &c. 8. à Causis. Deus auctor eloquentiæ: finis ejusdem, privata felicitas, & publica: materia, quidquid est, de quo dici commodè, eleganterque possit: forma, sermo politus, actio concinna &c. 9. ab Effectis: negotiorum maximorum tractatio, patrociniū innocentia, sceleratorum licentia compressa, eloquentia sunt effectus. 10. ab Adjunctis. Vide hunc oratorem cum de superiore loco verba facit: pendent omnes à dicentis ore: furentes inibet, mæstos consolatur, inimicos conciliat &c. 11. à Contrario. Intuere contra plebeculam seditione aliqua concitatam, si nemo impetum insanæ multitudinis dicendo regit, quò non prorumpet impetens furor? &c. 12. ab Antecedentibus. Quam tetra, quam deformis erat orbis terrarum facies, antequam è sylvis in oppida mortales Eloquentia convocaret? &c. 13. à consequentibus. Tolle hunc solem è medio, quid reliquum erit, præter noctem plusquam Cimeriam? 14. à Comparatione. Si negligendas tibi artes bonas non arbitraris, quanto minùs eloquentiam cæterarum reginam negligere debes? 15. Testimonia sapientum plurima sunt in promptu.

Laudare sobrietatem placet? Dices esse adolescentiæ decus, tutelam castitatis, prudentiæ nutriculam &c. Juventutis effrænatos coercet motus, virorum consilia regit; honori senibus, & ornamento est. Sobria mens arci permunitæ similis est, ad quam nullus hosti aditus patet. Quid

homine intemperante turpius? Describes illum ab adjunctis; cum è popina, vel intemperantissima perpotatione prodit. Effecta sobrietatis: Vitia comprimit, mentem illustrat, virtutes omnes conservat, actuetur. Exempla tot Sanctorum proferes, quibus nihil fuit ea virtute antiquius. Eadem confirmabis, & ornabis comparatione à veteribus athletis ducta: Si athletæ voluptatibus abstinebant, quæ debilitare corporis vires possent; quanto magis homo Christianus ea fugere debet, quibus infringitur animæ robur & salus amittitur?



PARS SECUNDA.

De secunda parte Eloquentiæ, sive de Dispositione Oratoria.

C A P U T I.

De Exordio Orationis.



Uot sunt partes Orationis? *Resp.* Quatuor. Exordium, Narratio, Confirmatio, & Peroratio. Additur aliquando quinta pars, Confutatio: Sed hæc ad Confirmationem spectat, & cum illa semper conjuncta est. Quid est exordium? *Resp.* Est pars orationis, animum auditoris comparans ad reliquam orationem.

Quomodo comparatur animus auditoris? *Resp.* Tribus modis: si nimirum reddatur benevolus; attentus, & docilis. Quomodo reddi poterit benevolus? *Resp.* Reddetur benevolus. 1. Si virtutes ipsius commemorentur. 2. Si orator de se demissè, ac modestè loquatur. 3. Si adversariis confitemur invidiam.

Quomodo redditur attentus? *Resp.* Si nos esse dicturos promitemus de rebus magnis, necessariis, & utilibus.

Quomodo fit docilis? *Resp.* Si ostendamus quare re simus dicturi, & eam rectè dividamus.

Qualia esse debent Exordia?

Resp. 1. Accurata, & acuta. 2. Instructa sententiis, & apta verbis. 3. Ipsi rei, de qua agitur convenientia. Itaque in gravi motu possunt esse vehementiora, & abrupta.

Quæ sunt vitiosa Exordia? *Resp.* Ista 1. Vulgare, quod in plures causas potest accommodari. 2. Commune, quod in contrariam partem causæ potest convenire. 3. Longum, quod pluribus verbis, ultra quam satis est producit. 4. Sepa-

ratum, quod tanquam membrum ipsi causæ non est connexum.

C A P U T I I.

De Confirmatione.

Q'uid est Confirmatio? *Resp.* Est pars Orationis, in qua firmamenta causæ afferuntur. Quot habet partes? *Resp.* Duas. Prima est, quæ propriè Confirmatio dicitur, in qua, ea, quæ pro nobis sunt firmamus, ac stabilimus. Secunda est, quæ Confutatio seu Reprehensio vocatur, in qua ea, quæ contra nos sunt, refellimus, & confutamus.

Quid est status Orationis? *Resp.* Est, quæstio, quæ ex causarum conflictione nascitur.

Da exemplum? *Resp.* Si accusator dicat: Milo insidias fecit; defensor contra, Milo insidias non fecit. Ex illa conflictione oritur hæc quæstio. An Milo insidias fecerit. Atque hæc quæstio dicitur Status, quia in eo tota causa stat, & sistit: dicitur etiam Judicatio, quia in iudicium venit.

Quod discrimen est inter statum, & iudicationem? *Resp.* Quod status sit quæstio illa jam dicta, nudè spectata, sine ratione, & firmamento. Judicatio verò sit eadem Quæstio, quando cum ratione, & firmamento conjuncta est; quia propriè de statu judicamus, cum ejus rationem, & firmamentum audivimus. Quid est Ratio?

Resp. Quæ assertur a defensore, ad depellendum crimen, quod in reum confertur. Quid est firmamentum? *Resp.* Quod assertur ab accusatore ad probandum crimen.

Quotuplex est status? *Resp.* Triplex: Primus, an res sit. Ut, an Catilina conjuraverit. 2. Quid sit res. Ut, an Cæsar Tyrannus fuerit, vel Rex. 3. Qualis sit. Ut, an Clodii cædes, & iusta, & gloriosa fuerit.

Per quid argumenta in oratione collocantur? *Resp.* Per argumentationem.

Quid

Quid est Argumentatio? *Resp.* Est fusior argumenti, & artificiosa explicatio.

Quot sunt argumentationis species?

Resp. Quatuor. Ratiocinatio, Enthymema, Sorites, & Dilemma. Unde sumitur quadruplicis hujusmodi argumentationis materia? *Resp.* Ex locis Rhetoricis, sumendo res certas, aut probabiles, quæ valeant ad conficiendam aliquam argumentationem. Quænam res habentur pro certis? *Resp.* 1. Quæ corporis sensibus percipiuntur. 2. Quæ communi omnium opinione probantur. 3. Quæ legibus cautæ, & moribus receptæ sunt. 4. Quæ jam probatæ sunt, & ab adversariis concessæ.

Quænam res habentur probabiles?

Resp. Ea quæ ferè semper accidunt; ut liberos à parentibus amari. Et quæ speciem aliquam veritatis habent.

C A P U T III.

De Argumentationis speciebus.

Ratiocinatio.

Quid est Ratiocinatio? *Resp.* Est argumentatio perfectissima, suis omnibus constans partibus, certoque inter se ordine connexis. Syllogismus alio nomine vocatur. Quænam sunt ejus partes? *Resp.* Tres præcipuæ, Propositio, Assumptio, Complexio. Da exemplum.

Omne vitium est fugiendum. Propositio.

Atqui pigritia est vitium. Assumptio.

Igitur pigritia est fugienda. Complexio.

Quòd si propositioni subiiciatur sua probatio, & sua item Assumptioni adjungatur confirmatio; erunt quinque partes, & ex tripartita fiet Ratiocinatio quinquepartita.

Da exemplum. *Resp.* Omne vitium est fugiendum: En Propositio: Quia turpe, & perniciosum est: En Propositionis probatio. Sed pigritia vitium est: En Assumptio: Quia rationi adver-

satur, & innumera damna creat: En Assumptionis probatio. Igitur pigritia fugienda est: En complexio. Estne semper servandus ordo ille propositionum? *Resp.* Non; sed cum, ad vitandam satietatem multis modis variare oportet; modò ab Assumptione, modò à Complexione, &c. ducendo initium.

Enthymema.

Quid est Enthymema? *Resp.* Est pars ratiocinationis, seu ratiocinatio imperfecta.

Quomodo fit? *Resp.* Tollendo unam ex primis propositionibus, nimirum vel Propositionem, vel Assumptionem: ut, Pigritia est vitium: Igitur est fugienda. Vel hoc modo: Omne vitium fugiendum est: Igitur pigritia fugienda est. Inductio species quædam enthymematis est, quæ scilicet è multis rebus unam aliquam colligit: Coacervatio illa multarum rerum obtinet antecedentis locum; consequentis verò id, quod colligitur. De Inductione mentionem fecimus capite 9. artic. 4.

Quot modis fit? *Resp.* Duobus. 1. Enumeratione omnium partium, sub aliquo genere contentarum: Exempli gratia. Prudentia laudanda est, Justitia laudanda est, itemque Fortitudo, & Temperantia; ergo omnis virtus laudanda est.

Quonam alio fit modo? *Resp.* Multis comparisonibus ad rem idoneis simul collectis: ut si dicas: Quis optimus arborum fructus, nisi qui suavissimus? Quod astrorum primum nisi quod clarissimum? Quis equus maximè insignis, nisi qui velocissimus? Ita hominum nobilissimus is erit, non qui generis claritate, sed qui virtute maximè præstat.

Quid in inductione hac observandum?

Resp. Duo diligenter cavenda sunt. 1. ut quæ sumuntur certissima sint. 2. ut id cujus confirmandi causa fit inductio, sit iis, quæ sumuntur, simile;

Quid est exemplum? *Resp.* Est inductio im-

per-

perfecta, ex qua ab uno simili facto argumentamur ad aliud: ut, Horatius non fuit condemnatus, quòd sororem necaverit: Ergo nec Milo condemnandus, quòd hominem occiderit. Vide quæ superius dicta sunt de exemplo cap.9. art.4. Revocatur exemplum ad secundam speciem argumentationis, sive ad Enthymema: item Epicherema.

Quid est Epicherema?

Resp. Est brevis Ratiocinatio, cujus omnes partes in unam conferuntur: ut, Sine causa servus dominum accusat. Quæ argumentatio, addendo alias partes, quæ subintelliguntur, ad Ratiocinationem reducetur. Partes autem subintellectæ in exemplo allato istæ sunt. Non debet servus sine causa dominum accusare; iste hominis huius servus est; ergo &c.

Sorites, & Dilemma.

Quid est Sorites? *Resp.* Est argumentatio quædam generalis, multas particulares acervatim convolvens, & amplectens; unde Latine dictus est Acervalis; ut, Quod est bonum est expetendum, quod expetendum, approbandum, quod approbandum laudabile.

Quid est Dilemma? *Resp.* Est Ratiocinatio imperfecta, constans duabus partibus contrariis, quarum utramlibet concedat adversarius, reprehenditur. Antonium urget Cicero Dilemmate, Philipp. II. num. 31. Cæsaris percussores, aut fuerunt parricidæ, aut patriæ defensores: si parricidæ, cur eos laudavisti? Si patriæ defensores, cur eorum patronos accusas, & me insectaris? Catilinam hortatur, ut Roma discedat. *Discede atque hunc mihi timorem eripe: Si verus, ne opprimar; si falsus, ut tandem aliquando timere desinam.*

CAPUT IV.

De Peroratione.

Quid est Peroratio? *Resp.* Est Orationis postrema pars, in qua Orator id, quod tota oratione contendebat, majori vehementia evincere, & obtinere nititur. Quot præcipuas habet partes? *Resp.* Duas Amplificationem, & Enumerationem, five Anacephaleosim.

Quomodo benè fit Amplificatio in Peroratione? *Resp.* Primò si moveatur priùs ipse Orator, quàm alios moveat. 2. Si ea ritè observentur, quæ de amplificatione infra dicemus. Quomodo fit Enumeratio, seu Synopsis rerum dictarum in tota oratione? *Resp.* Si quæ fusè dicta sunt, eorum breviter repetitio fiat. Exempla lege in Tullio.

CAPUT V.

*Quadam observanda in singulis partibus
Orationis.*

ARTICULUS I.

De Propositione Orationis.

Post exordium orationis proximè sequi debet ejus propositio, & divisio. In propositione observandum ut sit una, & non multiplex: quia ex eius unitate pendet unitas Orationis. Est autem una propositio, quæ simplici sententia constat; verbi gratia: *Bellum est gerendum. Plurimum affert urbibus ornamentum tractatio litterarum. Talis est civitas, qualis est juventutis institutio. Profani auctores quomodo in Scholis Christianis prælegendi. Paucos præstat libros legere, quàm multos; & alia id genus.* Hinc intelliges, problema, five quæstionem, quæ disputatur in utramque partem,

rem, uni Orationi minùs aptam esse: efficit enim geminam propositionem, exempli causa, *utrum arma toga cedant, an armis toga*. Si primùm de toga, tum de armis dicas, erit duplex oratio.

Propositio debet habere aliquid gratiæ, novitatis, utilitatis, contentionis, & controversiæ. Nam si argumentis, ut probetur, non eget, sed nuda expositione, aut exornatione rerum, vix differet ab historica narratione: nec habet ille propriè Orationem, qui profitetur id se suscipere v. g. ut mores aulicorum, ut avaritiæ sordes, describat; aut aliquid ejusmodi, quod sit explanationis alicujus, nullius contentionis. Id patet ex orationis definitione, quæ aliud nihil est, quàm opus Oratoris. Orator autem is est, qui persuadere aliquid dicendo nititur. Conveniat etiam oportet propositio ætati, conditioni, moribus oratoris: eadem auditoribus, tempori, & loco accommodata esse debet.

Propositio certas in partes, plerumque dividenda est, tum quia partitio lucem affert Orationi, & ordinem; tum quia memoriam dicentis pariter, & audientis adjuvat. Sunt autem hæ divisionis leges, ut fiat in partes, quæ totum, quod dividitur, omninò complectantur, & adæquent; ut illæ non sint nimis multæ; tres vulgò; ad summum quatuor: ut eadem sint invicem distinctæ, & oppositæ, nec una includat alteram; ut claræ sint, & obviæ, non petitæ longiùs, aut reconditæ; non contortæ, & ad ostentationem ingenii potius, quàm ad distinctionem argumenti comparatæ; ut singulæ demum partes eodem ordine tractentur, quo sunt propositæ.

ARTICULUS II.

De Divisione Orationis.

Divisio repeti potest à multis capitibus. I. à casu, & fortuito quarumdam rerum in eandem causam concursu: ità Cicero dicturus pro M. Mar-

Marcello, laudat primò Cæsaris clementiam; deinde suspiciones ejusdem Cæsaris Marcello infestas evellere conatur. Hæc enim duo admodum erant, quæ illa causa postulabat ita ut alterum, dempto altero, mancum foret. Similiter in secunda Philippica proficitur pauca pro se dicturum, multa contra Antonium: ac priori parte diluit nonnulla, quæ Antonius in se reprehenderat: posteriori vitam Antonii, à pueritia exorsus, describit. Sic Demosthenes prima Philippica ostendit bellum strenuè suscipiendum deinde quomodò geri commodè possit docet. II. Ducitur Divisio interdum ab oratione ipsius adversarii. Ita Cicero pro Muræna: *Intelligo, Iudices, tres totius accusationis fuisse partes, & earum unam in reprehensione vitæ, alteram in contentione dignitatis, tertiam in criminibus ambitus esse versatam.* III. A partitione rei propositæ, quæ ut genus in species, vel tanquàm totum in suas partes, distribuitur. Probat Cicero præditum esse bellica virtute Pompejum, atque adeò unum in primis aptum bello Mithridatico absolvendo, quia inest in eo scientia rei militaris, fortitudo, auctoritas, felicitas. IV. A variis argumenti dotibus, & adjunctis. Si v. g. Ciceronem deterrere velis, ne vitam ab Antonio petat, dices id esse inutile, ac turpe Ciceroni. V. A circumstantiis temporis; præterito, præsentis, futuro. Sic ages pro mercatore, à quo pecunia injustè repetitur. Pecuniam bonis artibus quæsit; tum, jure illam retinet. Laudabis hominem à pueritia bene acta, & ab ætate consequenti, &c. VI. A variis ejusdem rei respectibus. Ita vituperabis Catonem, quòd sibi necem consciverit quia fecit injuriam, & auctori naturæ, cujus jura violavit; & patriæ, cui civem optimum eripuit: & sibi met ipsi, dum rectè agendi, & fortiter patiendi locum perdidit. VII. A causis rei: sic ostendes indignam esse homine Christiano vitam voluptati deditam, quæ neque Deum habere auctorem, & approbatorem possit; neque ad eum, ut finem referri. VIII. Ab effectuum di-

visio-

visione: vitanda est gula, quæ corpori, & animæ exitialis est. IX. Ex ipsius primarii syllogismi propositionibus, & præcipua ratione, ac firmamento causæ. Labet commendare crebram precationem: hoc uteris argumento: quia sine precatione perseverare in gratia Divina nemo potest, ac mortem opportunam consequi. Hoc argumentum diduces in tres propositiones, quæ totidem partes Orationis efficiunt. Prima hæc erit. Illud est crebrò, ac diligenter usurpandum, sine quo nullus idoneum, ut perseveret in Divina gratia, auxilium obtinere potest: Altera; atqui nemo sine precatione, &c. Tertia; Ergo precationi sedulò incumbendum. X. Ab adjunctis personarum, loci, &c.

ARTICULUS III.

De Argumentorum Delectu.

Post orationis propositionem, ac divisionem sequitur Confirmatio, in qua probatur prima pars divisionis, tum altera, & tertia, si totidem sint. Videndum ut singulæ proponantur dilucidè, ut aliæ ab aliis distinguantur; & ab una gradus fiat ad alteram per idoneam transitionem.

Probationes, uti jam diximus, vel sunt in ipsa re quasi positæ, ut illæ, quæ ducuntur à definitione, ab enumeratione partium, genere, specie, &c. vel sunt extra rem, ut quæ petuntur ab antecedentibus, consequentibus, similitudine, comparatione, & auctoritate. Auctoritas porro si sit incerta, & à rumore sumpta, dicitur Fama; si jam olim examinata, Præjudicium; si petita ex legibus, decretis, &c. Tabulæ; si sacramento sancita, Jusjurandum; si extorta suppliciis, Tormentum; si hominis probi voce, vel scripto nixa, Testimonium.

Præter hæc argumenta communia, sunt alia quædam propria trium dicendi generum Demonstrativi, Judicialis, Deliberativi. Exempli cau-

sa in genere deliberativo, & judiciali rationes ducendæ sunt ab justo, legitimo, utili, honesto, facili, possibili, necessario: nullum enim erit in persuadendo negotium, si ostendas rem fieri posse, & quidem facile; nihil esse in ea, quod cum officio pugnet; multum ab eadem commodi, & voluptatis colligendum. Denique summa instare, nisi fiat, pericula; & exitia. In genere laudativo, quod Rhetores Epidicticum, seu demonstrativum appellant, laudatur homo à parentibus, à patria, virtute, rebus gestis, &c. urbes à conditoribus, civibus, ædificiis &c. artes ab utilitate, dignitate, necessitate, &c.

Hic obiter illud monebo; quidquid scribitur, ad unum ex illis tribus dicendi generibus esse revocandum. Ita fiet, nulla ut sit sententia, quæ sex orationibus argumentum non subministret: aut enim suadebis aliquid, aut dissuadebis: laudabis, aut vituperabis; accusandi demùm, vel defendendi partes suscipies. Quæ topia mirificas utilitates habet, præsertim cum dicitur ex tempore. Singulis autem argumentis in unoquoque genere suppellectilem rationum idoneam adungere operosum non erit, si quis locos oratorios bene cognitos habuerit.

In eligendis probationibus earum habenda ratio præsertim est, quæ Auditorem tangunt, quæ illius opinioni, animo, conditioni, ætati sunt accomodatæ. Trahimur omnes boni specie, vel falsa, vel verà: sed aliud aliis bonum est; his utile, illis jucundum, nonnullis honestum: alià alio tempore juvant, ac placent. Quia porro ducuntur homines rationibus, prout affecti sunt; præter probationes, quibus intellectus illustratur, excitandi sunt etiam, si argumentum id ferat, affectus, & voluntas permovenda, idque proprium munus Amplificationis est. Quamobrem perutile fuerit mores hominum, & naturam perturbationum animi apprimè nosse. Affectus varii pro diverso causarum genere concitantur: verbi gratia: in suasionem spes, audacia, desiderium: in dissua-

diffuafione, timor, fuga, desperatio: in laudatione, amor, admiratio, æmulatio, five imitandi ftudium: in vituperatione odium, & fævitia: in defenfione amor, & clementia.

ARTICULUS IV.

De Compositione, & Structura Orationis.

S Equitur ut inventas, ac difpofitas, rationes tractemus. Tractantur illæ per ratiocinationem, vel enthymema, & alias, quæ jam funt explicatæ, argumentationes. Quamlibet igitur rationem informabis in modum Enthymematis, vel Syllogifmi, & primas ejus quafi lineas adumbrabis. E tribus Syllogifmi propositionibus, videbis quænam indiget probatione, quænam omitti poffit; quænam fufius, quænam brevius tractari debeat: funt enim aliquæ tam perfpicuæ, ut eas qui probare velit, actum agat. Eafdem propositiones, quibus figuris illustrare deceat profpice; quis inducendus tabellæ rudi color verborum, & fententiarum.

Ubi omnia conftituta, & fuis digefta locis fuerint, accinges te ad fcribendum, & offeam illam veluti coagmentationem explebis, ac fua carne vefties, nec monendum rurfus puto, ut ordinem illarum propositionum confultò perturbes, nunc initium ducendo à Complexione, five conclufione, nunc ab Affumptione (fic minorem propositionem Rhetores appellant) nunc à probatione, five exornatione majoris propositionis, quod in Tullio quemadmodum fiat, obfervare licet. Illud verò hortor etiam atque etiam, ac moneo, ut auditoribus fæpe revoces in memoriam, quod fine faftidio tamen fiat, quid agatur, quid probandum fufceperis. Ita Cicero cùm pro Milone agit, centies illud, at mira varietate, repetit: Igitur Milo infidias Clodio non ftroxit. In eoque Oratores multi peccant, quos, fi paulummodò dormitet auditor, aut aberret, fi filum orationis

nis amiserit, consequi deinde non potest; & ubi sint, quam orationis partem tractent, nusquam, aut serò deprehendit.

Iisdem argumentis vulgò moventur affectus, quæ ad fidem faciendam usurpantur, sed tractandi modus dispar. Ad probandum quippe adhibentur argumenta subtiliùs, & pressius; ad movendum copiosius ac vehementius. Illic explicantur, distendunturque: hìc urgentur, ingeruntur, & inculcantur. Hinc existit illa, in qua dicendi facultas triumphat, amplificatio, quæ labentibus animis, tanquàm aries muro nutanti validius incutitur. Quinam loci potissimùm serviant amplificationi, dicetur fusiùs Parte. 4.

ARTICULUS V.

Locus duplex Refutationis.

Confirmationi adjungenda est refutatio, si fuerit opus, quam plerique vitiosè omitunt. Ejus munus est diluere, quæ nocere possunt causæ, nobisque non temerè obiici: sunt autem ea duplicis generis: quædam enim ita causæ nocent, ut iis occupatus, & præpeditus auditor, iudexve, amicus, & attentas aures accommodare dicenti nequeat. Talia sunt nonnulla præjudicia, & opiniones insitæ, quæ nisi evelantur, surdis auribus orationis fragor alliditur. Hæc præjudicia statim sunt amovenda, quo artificio usus in Miloniana Tullius est. Alia quædam nascuntur ex oratione ipsa, cum aliquid in mentem viri prudentis venire potest, quod allatæ probationi opponat. Hunc illi scrupulum nisi eximis ægrè assentietur, tecumque pugnabit, usque dum telum, quod tacitus coniicit, retundas. Quamobrem rectè, ac prudenter faciunt, qui dum prima lineamenta orationis adumbrant, & illos, de quibus dicebam modò, syllogismos informant, simul attexunt, more philosophico, quid obicere cuilibet propositioni non rudis, neque hebes

bes adversarius posset; idque sedulò solvere, ac refutare conantur: sed arte adhibita, alia enim evelluntur joco, alia deprecatione molliuntur, eluduntur prætermissione, contentione perumpuntur. Plenæ sunt exemplorum orationes Ciceronianæ.

ARTICULUS VI.

*Quid in Oratione scribenda peccari
vulgò soleat.*

IN oratione scribenda peccari hæc solet. Alii cæco velut impetu aggrediuntur ad scribendum; quodcunque congruit argumento proposito, arripiunt, in eoque desudant, sæpè frustra. Facerent multò commodius, si materiam scribendi probè cognitam digererent in suas partes, probationibus instruerent, quemadmodum docuimus, ac totius ædificii descriptionem primis adumbratam lineamentis, ante adornarent, quàm aggrederentur ad ædificandum.

Alii verbis abundant, rebus ac sententiis carent. Niti vulgò debent probationes aliqua sententia, & effato, unde vis tota ratiocinationis ducitur. Illud autem aptè inferere, ac sæpè dissimulanter, artis, & consilii est. Alii contra totti sunt in ejusmodi sententiis gravibus, quæ à Rhetoribus Theses appellantur; ad hypothesin, ut eorundem Rhetorum verbo utar, & causam ipsam vix unquam delabuntur, quo nihil est mendosius, præsertim in Oratoribus sacris, quos interdum videas in moribus, & Christiana disciplina universè differere, nec ineleganter; & captare sic plausum ab auditore non invito, quippe qui suas aures mulceri, non pectus concuti, non carpi vitia, non se privatim premi sentit.

Alii siccè, angustè, & exiliter scribunt. Audendum aliquando, nec semper legendum littus, procellæ metu. Succus, vigor, dignitas orationi concilianda, tum rerum copia, & erudita sup-

C pel-

pelleſtile, quæ colligi undecunque debet; tum varietate figurarum, & ſplendore. Ciceronem vide, ut rem eandem multis verſat modis, atque illuſtrat; nunc interrogando urget, nunc quaſi adverſario interroganti reſpondet: aliàs addubitāt quid è multis unum, aut quo pacto dicat; ſæpè cum iis qui audiunt, ſæpè cum adverſariis, aliquando ſecum ipſe deliberat. Hominum ſermones, conſilia, mores, ora, pingit: inducit perſonās fictas, exclamat, jocatur, irāſcitur, deprecatur, &c.

Quidam agunt omnia duriter, & acerbè, ſequæ tum pulchros, ac beatos putant, cùm adverſarium malè verbis acceperunt. Næ illi longè errant. Minis, vociferatione, jactatione iſta parum proficitur. Veritate, benevolentia, & amore ducendi ſunt homines; ac ſi quid increpas, minaris, objurgas, id prudenter admodum, & cautè faciendum, immò etiam leniter, & amicè. Denique videre eſt, qui vaſtè, & ruſticè, & inſacetè pronuncient. Dapes vel optimæ ſi ſqualida in menſa, & patinis olentibus apponantur, forſent. Illoſ emendare Declamatio, ſivè ars benè pronunciandi, de qua ſubiiciam pauca, debet. Hæc ultima è quinque partibus Eloquentiæ, vulgò numeratur.

ARTICULUS VII.

*De Pronunciatione, ſive ars vocis,
& geſtus.*

HUjus artis duplex labor; in voce, & geſtu. Vox ne ſic demittatur, ut ad aures etiam longiuſculè diſjunctas nequeat aſpirare. Abſit ab eadem unus quidam tenor, & ſemper æqualis intentio; modò attollatur, modò deprimatur, modò concitatioſ ſit, modò ſedatioſ. Imitanda natura, quæ aliam vocem tribuit irato homini, aliam ſupplicanti, aliam narranti: mæſto, hilari, juveni pariter, ac ſeni, aliam. Cavendum
ne

ne vocem abruptas ibi, ubi non decet: ne continenti spiritu pronuncies nimis multa: sed clausulas, & interpuncta sermonis accuratè serves, quæ tanquàm repagula orationi obiciuntur, ut cursum paulisper inhibeat. Mendosè illud sit à nonnullis, dum carmina hexametra recitant, ut totidem versibus impetum vocis, modumque definiant, aut in recitandis pentametris hæreant, consistentque paulisper antedissyllabam dictionem, qua vulgò ejusmodi versiculi clauduntur. Lex ea teneri debet, ut eo usque vox procuret, dum sententia sit absoluta, nisi fortè protrahatur verborum complexio tam longa, ut uno spiritu volvi non possit: tunc enim modicè licebit in medio consistere. Cautio in primis adhibenda, & sollicitudo, ut extremæ vocum particulæ distinctè efferantur; solent enim interciderè cum gravi sententiæ detrimento. Nam quòd naso quidam plus loquantur, quàm ore, quòd blæso trunca, & hiulca verba supplantent palato; cùm naturæ vitia plerumque sint, emendari utcumque possunt, tolli omninò vix possunt.

Jam qui ad recitandum quidpiam, ac declamandum exercebuntur, juvabit illis voce demissa quasi familiariter explicare, quod recitaturū sint: prima quippe cura in eo ponenda, ut probè intelligant quodcumque sunt dicturi: eamque ob rem utile fuerit jubere, ut in patrium sermonem illud ipsi convertant, immò ut vernaculè paulisper declament, quasi agerent cum socio, vel cum persona nota: sic enim faciliè percipiunt, quo tono vocis utendum, quo gestu. Ubi sententiam vocibus subjectam habuerint exploratam, & actionem quasi primis informatam lineis, licebit vocem attollant, & majores induant, si res poscat, spiritus. Advocandi etiam erunt amici, aut affines, qui privatim dicentes ante audiant, quàm in suggestum producantur: præsertim si sunt in declamando rudes. Sic enim confirmantur, & alieni, aut ignoti cujuscpiam voce, monitisque plus interdum moventur, quàm præceptoris, cui assueverunt.

Ut in voce, sic in gestu formando certæ sunt leges, certi fines. Habitus corporis, ac status firmus, stabilis, & rectus esse debet. Caput ne obstipum sit; vel in alterutrum humerum nimis deflexum: ne temerè jactetur, aut subrigatur. Manus modicè à pectore proiiciantur, ne vulgò attollantur ita, ut humeros excedant: ne hinc inde veluti mancæ pendeant, ne ansatis ambæ lateribus arcuatim innitantur: ne in pugnum faciliè colligantur: ne protendantur rigidiùs, ne sæpius, aut sine gravi causa collidantur, complodanturque. Digitus, quem indicem vocant, sublatus, & vibratus identidem, reliquis intra manum pressis, vix dignitatem habet: annularis, & medius decenter junguntur, aliis paulùm diductis. Vola plana vulgò sit: tota manus circa carpum, ut cubitus circa latera, honestè circummagantur. Turpe est ingredi liberiùs, aut pedes motare, cùm aliquem alloqueris, nisi id fiat contemptus significandi causa. Ne sint nimis disjuncti pedes, ne valgorum ritu, aut varorum intorti, ne spatio semper æquali inter se distent; ne demum crebrò, ac temerè supplodatur.

Docebunt hæc pueros magistri saltandi, quos in arte sua consuli, & audiri par est: aspectus ipse hominis non impoliti, nec inexperti, si quid mendosum sit, faciliè animadvertet. In gravioribus animi perturbationibus exprimendis abire paulisper ab his legibus nefas non est, modò tamen decorum ubique teneatur.

P A R S T E R T I A

De Oratoria Elocutione.



Uenimus hæcenus de duabus primis Eloquentiæ partibus Inventione; & Dispositione: restat tertia, & difficillima de Elocutione. Hæc nihil aliud est, quàm scribendi ratio numerosa, & ornata. Numerosam efficiunt periodi, ornatam figuræ,

C A P U T I.

De Periodo.

A R T I C U L U S I.

Quid est Periodus? *Resp.* Vox ista periodus Græca est, significatque circuitum, ambitum, & comprehensionem quandam verborum ab initio ad finem, ut ait Aristoteles, breviter deductam. Definiri periodus rectè potest: *Sententia, siue oratio brevis, certis partibus à se invicem suspensis, numerosè comprehensa.* Hinc vides ad periodum requiri tria. Primum ut sit oratio brevis, nempe quæ faciliè conspici, pronunciari, memoria teneri possit. Alterum, ut ejus partes sint aliæ ex aliis aptæ, cohærentes, & suspensæ. Tertium, ut numerosa sit. In quo numerus iste consistat dicetur Articulo 2.

Quænam sunt partes Periodi? *Resp.* Majores dicuntur membra, Græciscola: minores, incisa, Græcè *commata*. Quid est membrum Periodi? *Resp.* Est periodi pars major, sensum aliquem habens, sed imperfectum; qui scilicet ab antecedentibus membris, aut consequentibus pendeat, ut: *Si amico laboranti opem tulisses:* en primum periodi membrum, ex quo sequi alterum debet. Verbi gratia; *Nunquàm ille profectò in tantam ca-*

laminatém incidisset. En alterum membrum à priori dependens.

Quænam sunt dotes membri periodici? *Resp.* Tres. Prima, ut illi sensus aliquis subsit. Sensum autem efficit verbum activum aliquod, aut passivum, suo regimini, ut loquuntur, adjunctum; ut, *amica laboranti opem ferre*. Altera, ut sensus ille sit imperfectus, & ab alio dependens membro: *si opem tulisses &c.* Tertia, ut non sit nimis prolixum. Magnitudinem vulgò definiunt Rhetores eam, quæ uno spiritu proferri commodè possit, qualis ferè est hexametri versus, cui sex pedes attributi fuerunt, quia continenti, nec intermisso spiritu volvi non incommodè possunt. Hæc tamen magnitudo non ita est observanda religiosè, ut protrahi ulteriùs non possit, præsertim si spiritus dicentis longiorem ferat verborum ambitum, aut rei gravitas illum poscat.

Quid est incisum? *Resp.* Est pars brevior membri periodici, sensu, aut magnitudine idonea carens: in quo nempe verbum desideratur, aut mensura hexametro versui par; ut: *in hac iniquitate rerum*: en incisum verbo carens: item *in hac perturbatione temporum*. Adde verbum; exempli gratia, *nemo est*, efficies unum membrum: subiice duo incisa cum suo verbo; alterum habebis membrum, & periodum perfectam: *Nemo est in hac perturbatione temporum, in hac iniquitate rerum; quin ubi vis (primum incisum) quàm ibi ubi est, (alterum incisum) esse malit*. En tibi aliam periodum bimembrem, cujus membra singula incisis constant. *Quæ soli ubertas, & affluens rerum omnium copia, ad Capuam Pœnos emolliit: eadem variis captos voluptatum illecebris in Græcia, Syriaque Romanos infregit*.

Quot membris consilare Periodus potest? *Resp.* Uno, duobus, tribus, aut quatuor: interdum pluribus, sed rariùs. Quæ uno constat, vocatur Monocòlos: quæ duobus, Dicòlos, seu bimembris: quæ tribus, Tricòlos, seu trimembris: quæ

qua-

quatuor, Tetracòlos, five quadrimembris. Singularum exempla postea proferemus.

Estne semper utendum periodis? *Resp.* Non semper: licet interdum dicere membratim, aut incisim, maximè, cùm adhibentur figuræ, cùm amplificationis velut acies instruitur. Periodicè vulgò dicendum in exordiis, in majoribus Ratiocinationis propositionibus, &c.

Quid est periodicè dicere? *Resp.* Et uti frequentibus periodis. In quo diligenter cavendum, ne omnes pari numero membrorum consentent, sed longiores brevioribus appositè miscantur.

Quid est membratim, aut incisim dicere? *Resp.* Est varia frequentare incisa, vel membra, quæ nullo inter se nexu jungantur. Ut: *hunc principem natura finxit ad regnum: Virtus ad pietatem erudit: fortuna evexit ad solium, fortitudo victoriis coronavit.* Junge hæc membra inter se aliquo vinculo, periodum feceris. Exempli gratia: *Hunc Principem non modo natura finxit ad regnum, virtus ad pietatem erudit, fortuna evexit ad solium; sed etiam victoriis ingentibus fortitudo coronavit.* Orationis incisim fusæ exemplum hoc esto. *Puerorum negotia non alia sunt, quàm nugari, garrere, hac illac vagari, ludogenioque indulgere. Item Christiana humilitas modestiam amat, latebras aucupatur, ambit despici, honore cruciatur. Item illud ex oratione pro Archia poeta. Studia litterarum adolescentiam alunt, senectutem oblectant, secundas res ornant, adversis perfugium, ac solatium præbent; delectant domi, non impediunt foris; pernoctant nobiscum peregrinantur, rusticantur.*

Quænam sunt vitia periodi?

Resp. Hæc præcipua: Si parum compta, & numerosa sit, si obscura, si longior; si referta verbis inanibus, quæ numero tantum auribusque serviant, si eodem sæpius modo claudatur. Quid confert orationi Periodus? *Resp.* Ut suavius ad aures accadat, molliusque, ac facilius in animum influat.

ARTICULUS II.

Ars Periodi contexenda .

Quid opusest facto, ut Periodus componatur? *Resp.* Primò est eligenda sententia, quæ periodi materia sit. 2. quærendæ partes, & membra, è quibus periodi corpus conflet. 3. Membra illa inter se neſtenda ſunt. 4. Verba certo ſunt ordine diſponenda, unde numerus, & ſuavitas orationis exiſtat. Materiam Periodi ſubminiſtrat inventio oratoria, & ipſum dicendi argumentum. Numerus aurium iudicio magis dignoſcitur, quàm præceptis explicatur. Conſiſtit ille in certa quadam ſyllabarum, modò brevium, modò longarum collocatione, quæ aures mulceat, & quendam quaſi concentum efficiat. Exemplum eſto: *Te miror, Antoni, quorum facta imitaris, eorum exitus non perhorreſcere.* Solve hæc verba, & alio modo diſpone, non erit idem concentus: *Antoni, te miror, non perhorreſcere illorum exitus, quorum imitaris facta, aut, quorum imitaris facta, eorum non perhorreſcere exitus.* Eundem Tullium audi de numero oratorio ſic præcipientem; *Neque numeroſa, inquit, oratio debet eſſe, ut poema; neque extra numerum, ut ſermo vulgi.* Cavendum in primis, ne iſdem pedibus, eodemque numero periodi omnes claudantur. Plus artis, & laboris eſt in dilatanda periodo, ſive in membris illius inveniendis.

Quo pacto dilatari periodus, & in plura fundi membra poteſt? *Resp.* Primò per definitionem ſingularum vocum, è quibus propoſitio periodi componitur. Placet, exempli cauſa, propoſitionem hanc periodicè, amplificare: *Deus virtutem remuneratur.* Expone quæ notio ſubjecta ſit huic voci *Deus*, tum iſti *Virtus*, denique huic poſtremæ *remuneratur.* Cùm *Deus* rerum omnium ſupremus arbiter ſit, idemque proborum, & improborum iudex æquiſſimus, nemini du-
bium

biuni esse potest, quin quidquid piè, sapienter, & ex officio virtutis fuerit gestum, amplissima mercede, non solum in hac vita, verum etiam in immortalì, ac sempiterna cumulativè muneretur.

Cedo aliud exemplum periodi per definitionem diffusæ? *Resp.* Sit hæc periodi materia: *Indocti contemnuntur.* Qui naturæ, aut educationis vitio, in turpi bonarum artium ignoratione versantur, illi apud omnes ita contempti vulgo jacent, ut aditum ad famam, & honorem invenire nullum possint, ac si nunquam nati forent. *Vel: Cur Rhetorica studium negligis?* Siquidem arte benè, ornatèque dicendi, non solum belluis, sed hominibus homines longè præstant; cur cæteras artes tibi colendas, hanc negligendam arbitraris?

Quid cavendum in hac amplificandæ Periodi ratione? *Resp.* Ne multa synonyma idem significantia congerantur. Verbi gratia. Si vocem *remuneretur* in primo exemplo positam amplifices tribus istis vocabulis, coronet, remuneretur; cumulet. Aut vocem *Indocti*, quæ jacet in secundo exemplo exponas, nulla litterarum cognitione præditi, nulla ornatæ laude scientiarum, nullo eruditionis splendore decorati. Nam istæ phrasæ, præterquam quod ornatissimæ non sunt idem ferè omnes sonant. Id vitium pueris familiare est.

Quænam sunt aliæ rationes dilatandæ Periodi? *Resp.* Peti possunt ab omnibus fermè locis oratoriis. Enumeratione partium, Adjunctis, Causis, Effectis, Similitudine, Comparatione, Antecedentibus, & Consequentibus.

Da exemplum periodi amplificatæ per enumerationem partium. *Resp.* Sit hæc propositio amplificanda. *Nihil est Vrbe Roma pulchrius.* Quisquis Romam principem urbium spectat, illam palatiorum multitudinem, & magnificentiam; illam sacrarum ædium dignitatem, & amplitudinem; tot signa in ære, ac marmore spirantia;

tot eruditæ, ac superbæ vetustatis illustria monumenta; Romam denique veterem è suis veluti cineribus redivivam; hæc, inquam, omnia, qui contemplatur, ita defixus admiratione stupet, ut nihil pulchrius Roma fieri posse fateatur. *Vel: Christianus bene de omnibus mereri studet.* Qui vitam ad Evangelii leges, & effata Christi componit, non de illis solum, quos amicitia, aut cognatione conjunctos habet; verum etiam de inimicis, de ignotis, & alienis bene mereri studet.

Plura exempla caput 3. subministrabit, quæ rationem conficiendæ amplificationis velut primis tibi lineamentis adumbrabunt. Sed antea pauca præmittam de modo nectendi membra periodica.

Quonam pacto periodi partes inter se jungendæ sunt? *Resp.* Id fit ope quarundam particularum, quarum priores necessariò inferunt posteriores. Priores serviunt primis membris periodi, & ut Rethores loquuntur ejus *Protasis* continent. Posteriores ultimam periodi partem, quæ *Apodosis* dicitur, comprehendunt. Exemplo sit hæc periodus bimembris. Quemadmodum egroti ciborum suavitatem non sentiunt (en *Protasis*) sic improbi virtutis gustum nullum habent. (en *Apodosis*.) Est autem diligenter notandum sententiam, sive materiam Periodi, non in *protasi*; sed in ejus *apodosi* vulgò contineri: ut patet in allata periodo, cujus hæc propositio est, sive materia: *Improbis virtus non sapit.* In *Protasi* continetur, quòd excogitatur ad amplificandam periodum, hoc est ad probandam ornandamve ejus sententiam.

Cedo aliquas ejusmodi particulas, seu vincula nectendis apta membris. *Resp.* Innumeras legendò deprehendes. Tales sunt Quemadmodum sic. Si profectò. Quantum ... tantum. Cum ... tunc. Tum ... cum. Qualis ... talis. Quamvis ... tamen. Ut Ita. Unde inde. Quò eò. Non minùs quàm. Et ... &.

ARTICULUS III.

Exempla Periodorum .

Mores puerorum educatione formantur. Ut argillam artifex, sic pueros magister sapiens format. Cujusmodi est hæc periodus, & quomodo amplificata? *Resp.* Est Monocòlos, sive unius membri. Nam illi convenit allata capite primo definitio Periodi, & ejus protasis membrum dici non potest, quia caret iusta membri periodici magnitudine. Est igitur incisum, quod cum sequenti apodosi junctum, unius membri legitimam mensuram conficit. Amplificatur autem à similitudine, ut patet.

Exemplum periodi Monocòli alterum hoc esto. Tam est eruditus Cicero quàm eloquens. Item: tam studiosus literarum est hic adolescens, quàm virtutis.

Otium est omnium malorum origo. Quemadmodum labor bonorum omnium, & virtutum parens quodammodò dici potest: sic ab otio mala omnia, & vitia proficiscuntur. Bimembris est à contrario.

Eadem trimembris, ab effectis. Si causam queras cur adolescentes rerum utilium ignorantia laborent, cur viri ambitione, iracundia, cæterisque cupiditatibus ferantur in vitia præcipites; certissimam tot malorum originem in otio reperies.

Quadratam periodum habes initio Tullianæ orationis de provinciis consularibus. Dicitur quadrata periodus ea, cuius membra quatuor sunt, eaque ejusdem ferè magnitudinis, adeò ut quadrum efficere videantur. *Si quis vestrum expectat, quas sim provincias decreturus; consideret ipse secum, qui mihi homines è provinciis detrahendi sint: non dubitabit quid me sentire conveniat, cum quid mihi sentire necesse sit, cogitarit.* Vides membra ferè omnia æqualia, & in quadrum veluti redacta.

Rotundam Tullius idem dabit initio orationis pro Cæcina. Est autem rotunda periodus, cujus primò quatuor membra sunt: deinde verò sic inter se apta, & sibi invicem respondentia, ut posteriora membra priori loco possint collocari, manente eodem sensu, & lepore orationis. *Si quantum in agro, locisque desertis audacia potest; tantum in foro, atque judiciis impudentia valeret: non minùs in causa cederet Aulus Cæcina Sexti Æbutii impudentia, quàm tum in vi facienda cessit audacia.*

Hujus periodi si membra postrema colloques initio, & dicas: Non minùs in causa cederet Aulus Cæcina Sexti Æbutii impudentiæ, quàm tum in vi facienda cessit audaciæ; si quantum in agro, &c. Eadem sententia manebit: quemadmodùm in circulo rotundo si partem imam summæ, & summam infimæ loco posueris, eadem semper manebit figura. Quidam non distinguunt quadratam periodum à rotunda.

Rotundæ periodi exemplum hoc alterum esto. Si tantum apud te valeret accepti beneficii grata recordatio, quanta fuit in me voluntas benè de te merendi: eandem nunc mihi benevolentiam in adversis rebus meis præstares, quam in secundis olim, tam prolixè mihi promissisti.

Ponatur hæc sententia; *Peccati magna gravitas est*: fundetur sic in periodum binembrem. Tanta est in peccato vel levissimo gravitas, tanta fœditas, tanta pestis; ut omnium mortalium salus unico sit mendacio, vel otioso verbo, posthabenda.

Placet eandem sententiam tribus membris complecti? Adde particulam *Si*: Tantum est in peccato, vel minimo gravitatis, tantum exitii; ut si mundi totius conservatio, & mortalium salus omnium ageretur, vel minimum admittere peccatum nefas esset. Addo quadrimembrem.

Tantum est in peccato quolibet, vel gravitatis ad pœnam, vel ad ignominiam fœditatis; ut
quanti-

quamvis mortales omnes donandi cœlo, vel inferis eximendi forent: nefas tamen esset, non modò gravioris aliquid flagitii committere; sed ne levissimo quidem mendacio Divinum Numen offendere.

Fac bimembrem ex isto Psalmi versiculo: *Initium Sapientia timor Domini.*

Qui præclarum sapientis nomen ambit, illi nihil esse debet antiquius, quàm ut orbis moderatorem ac Dominum sanctè revereatur, & timeat. Da trimembrem ex illo sapientis effato: *Tanquàm à facie colubri fuge peccatum.* Quemadmodum trepidè refugeres, si anguem oculis igne suffectis, & exerta lingua in te irruentem conspiceres: ita non minori contentione, ac celeritate peccati vel umbram fuge.

Cedo trimembrem ex hac sententia. *Nihil facito, cujus pudere te, ac pœnitere debeat.* Si me audis ita vitæ tuæ rationem institues: nihil ut unquàm dicas, faciasve, cujus te postea meritò pudere, ac pœnitere debeat. Hanc Sapientis vocem, *Memorare novissima tua, & in aeternum non peccabis*; funde in quinque, sexve membra.

Si tecum attentè reputaveris imminentem singulis momentis, quolibet in loco, & negotio mortem; si te, ad supremi Judicis horrendum tribunal, obitâ morte statim rapiendum cogitaveris; si parata improbis in Tartaro supplicia, nullis unquàm finienda sæculis; si constituta probis in cœlesti regno præmia, sepe ac diligenter inspexeris: mihi crede, nunquàm fiet, ut vel blandimentis voluptatum pelliciaris ad scelus, vel objecto cujuscunque calamitatis, ac periculi metu à recta virtutis via retraharis.

C A P U T I L

De Figuris.

Quid sunt in oratione Figuræ?

Resp. Quod in horto flores, in cœlo stellæ, in collo torques, in digito annuli aurei, & in annulis gemmæ: figuris enim oratio quasi quibusdam flosculis distincta nitet, & tanquàm stellis conspersa lucet, & ceu gemmis radiata micat. Hinc orationis dignitas, robur, & propria quædam elocutionis oratoriæ majestas efflorescit.

Quid est figura? *Resp.* Est conformatio quædam sermonis elegantior, remota à communi modo, & loquendi consuetudine. Itaque quod præter communem usum loquendi ornatiùs dixeris, id cum figura dictum putabitur.

Quotuplicis sunt generis? *Resp.* Duplicis: aliæ dicuntur Figuræ verborum; aliæ sententiarum, quæ à Græcis dicuntur Schemata. Quæ vocantur Figuræ verborum? *Resp.* Eæ, quæ in verbis tantum habent dignitatem, idest quæ posita sunt in sola conformatione verborum, qua immutata figuræ pereunt; verb. g. Quid me expectas? quid meam fidem imploras? Figura est quæ dicitur Repetitio. Quod si ita immutem verba, Quid me expectas? Cur meam fidem imploras? tunc non erit figura eadem, quia non erit repetitio illius particulæ: *Quid.*

Quænam dicuntur Figuræ sententiarum?

Resp. Quæ non in verbis tantum, sed in rebus ipsis quandam dignitatem habent: hoc est, quæ ita posite sunt in sensu, ac sententia, ut quibuscunque verbis proferantur, eadem semper figuræ vis, ac majestas servetur.

ARTICULUS I.

De Figuris Verborum.

Figuræ verborum duplicis sunt generis. Aliæ enim fiunt in verbis à propria significatione translatis ad alienam significationem, & Tropi dicuntur, à Græca voce significante, *transfero*, *muto*. Aliæ fiunt in verbis nativam, & propriam significationem retinentibus, sed certo modo collocatis.

§. I.

De Tropis.

Quid est Tropus? *Resp.* Est aliqua dictio, quæ à propria significatione transfertur ad alienam, & non propriam. Sive ut loquitur Cicero, verbum mutatum, & inflexum: ut Quintilianus, arcessitum. Porro verbum à propria significatione transfertur ad alienam, vel propter utriusque similitudinem quandam, & proportionem, estque Metaphora: vel propter oppositionem, ac dissimilitudinem, estque Ironia, quam nonnulli annumerant figuris sententiarum, at minùs rectè: vel propter essentialem conjunctionem, ita ut una sit de alterius essentia, & compositione, estque Synecdoche: vel demum propter conjunctionem minùs strictam, & Metonymia vocatur. Itaque istos tantùm quatuor tropos numerant, qui rem accuratiùs definiunt. Alii tropos quosdam fieri volunt in uno verbo, quosdam in pluribus verbis.

Quot sunt tropi in uno verbo? *Resp.* Septem: Metaphora, Synecdoche, Metonymia, Antonomasia, Onomatopœja, Catachresis, Metalepsis.

METAPHORA est Translatio verbi ab uno, cui proprium est, ad aliud, cui non est proprium: ut,

ut, homo ardens ira. Nam ardens propriè igni convenit, & transfertur ad hominem, cui non est proprium: neque enim propriè homo ardet, sed ignis.

SYNECDOCHE fit 1. cum pars pro toto ponitur; ut puppis pro navi. 2. Cum totum pro parte; ut fons pro aqua. 3. Cum sumitur materia pro ipsa re, quæ ex illa fit; ut ferrum pro ense. 4. Cum antecedentia pro consequentibus usurpantur, ut boves ab agricolis domum reducuntur. Pro, nox adventat.

METONYMIA, seu Transnominatio, fit cum pro effectu causa: aut contra, pro causa effectus ponitur; ut cum Cererem pro pane, Bacchum pro vino dicimus, quia Ceres frumenti, & Bacchus vini inventores fuerunt.

ANTONOMASIA, seu Pronominatio, est cum aliquid pro vero rei significatæ nomine sumitur; ut Everfor Carthaginis, pro Scipione, qui evertit Carthaginem.

ONOMATOPOEIA, seu fictio vocis, est cum vox procuditur similitudinem habens cum ipsa re significata; ut mugitus pro sono, quem boves edunt.

CATACHRESIS, seu abusus, fit cum abutimur nomine alicujus rei ad aliam significandam, cui conjuncta, & quasi vicina est; ut cum appellatur parricida is, qui matrem interfecit, qui propriè matricida dicendus esset.

METALEPSIS fit cum dictio aliquid diversum à propria significatione, ex iis quæ antecesserunt indicat; ut: Post aliquot mea regna videns mirabor aristas. Id est post aliquot annos. Nam ex aristis ætates, ex ætatibus annos intelligimus.

Quot sunt tropi, qui in pluribus verbis versantur? *Resp.* Quatuor, Allegoria, Periphrasis, Hyperbaton, Hyperbole.

ALLEGORIA fit quando rem aliquam per aliam similem exponimus; ut: Cum magnas subiisset tempestates rerum omnium naufragium fecit.

Hoc

Hoc est: Cum magna adiisset pericula, amisit bona omnia.

PERIPHRAISIS, seu Circumlocutio est, cum id pluribus verbis explicatur, quod paucioribus dici poterat; ut: ille, à quo vitam accepisti, id est, tuus pater.

HYPERBATON, seu transgressio, est, cum perturbatur ordo verborum; ut, qua de re: pro, de qua re: mecum, pro, cum me.

HYPERBOLE, seu Superlatio, aut excessus, est cum sententia aliqua fidem excedit, augendæ rei gratia; ut, nive candidior: anteire cursibus auras.

Quoniam jejunè nimis Tropi à P. POMEY explicati videbantur, adiicimus in fine fusiorem eorumdem tractatum, ex SIMONE VEREPÆO de promptum.

§. II.

De aliis Figuris Verborum.

IN quo hæ Figuræ à Tropis differunt?

Resp. Quod Tropi fieri nequeant, nisi verbis translatis: at Figuræ Verborum propriis verbis constare possunt; ut, Occidi, occidi hostem patriæ. Figura est, quæ repetitio dicitur, non tamen Tropus est: quia *occidi* verbum proprium est, non translatum.

Quomodo fiunt figuræ verborum?

Resp. Tribus modis. 1. Per additionem, cum, scilicet verbum verbo additur; ut, Veniet, veniet illud tempus. 2. Per detractionem, cum detrahitur aliqua vox; ut: Parentes, propinquos, amicos prodidit. Detrahuntur enim conjunctiones. 3. Per similitudinem, cum variæ voces, inter se similes ponuntur; ut: Hoc vestimenti genus sæminas non tam ornat, quàm onerat. Has ternas lustremus figurarum classes, & incipiamus à prima.

Figura per additionem.

REPETITIO figura est, cum ab eadem voce periodi membra inchoantur; ut: Quem populus Romanus damnavit, quem Senatus damnavit, quem omnium existimatio damnavit, eum vos sententiis vestris absolvetis? *Cic. ad Heren.*

Vix hostem invenerat, jam urgebat; vix pectora viderat, jam terga cederebat.

Accusant ii, qui fortunas ejus invaserunt; causam dicit ille, cui nihil præter calamitatem reliquerunt: accusant ii, qui, &c. causam dicit ille, qui, &c.

CONVERSIO est cum eodem verbo finiuntur periodi membra; ut: Illud ex te audire cupio, quare, cum ego te defenderim, non rogatus defendere, tu horum omnium immemor me oppugnes?

Doletis everfa esse templa? illa evertit hæresis: lugetis sacra majorum monumenta suis spoliata esse ornamentis? spoliavit hæresis: sacerdotes crudelissimè trucidatos? trucidavit hæresis.

COMPLEXIO Repetitionem complectitur, & Conversionem: cum videlicet oratio eodem verbo inchoatur, & desinit; ut: Quis accusavit? Inimicus. Quis testes produxit? Inimicus. Quis tulit sententiam? Inimicus. Quis irrogavit penam? Inimicus.

Qui sunt, quos Deus summè odit? Impudici. Qui sunt, quos etiam in hac vita diris suppliciis afficit? Impudici.

Vis ò Christiane, frænare libidinem? Ora. Vis hostem pudicitie frangere? Ora. Vis temperantiæ coronam referre? Ora.

CONDVPLICATIO est, cum idem verbum vel initio, vel in decursu orationis geminatur, affectu exprimendi gratia; ut. Vivit, & vivit non ad deponendam, sed ad confirmandam auctoritatem. *Cic. 1. Cantil. n. 2.*

Bona (me miserum ! consumptis enim lacrymis , tamen infixus animo hæret dolor) bona , inquam , Cn. Pompeii fuere acerbissimæ voci subiecta præconis . *Cic. 2. Philippica.*

Nunc etiam audes in horum conspectum venire , proditor patriæ ; proditor , inquam , patriæ venire audes in horum conspectum ? Commotus non es , cum tibi mater pedes amplexaretur , non es commotus ? *Cicer. ad Heren.*

TRADVCTIO , quæ alio nomine dicitur Polyphton cum eadem vox diversis locis usurpatur , casibus , aut generibus paulum immutatis . Ut .

Ei sum infensus , ejus aspectum ferre nequeo , illum auribus , oculisque respuo , illo superstitè vitam tranquillam agere non possum .

GRADATIO , seu Climax , est cum ab uno ad aliud fit progressio , aliqua repetendo eorum , quæ jam dicta sunt ; ut : Mihi doctrinam diligentia , doctrina gloriam , gloria æmulationem , æmulationem sempiternam laudem comparavit . Sed de gradatione fusiùs in figuris sententiarum .

SYNONYMIA est coacervatio multorum verborum , eandem significationem habentium ; ut : Illum tandem aliquando furem audacia , scelus anhelantem , pestem Senatui nefariè molientem , emisimus , ejecimus , eliminavimus . Abiit , excessit , erupit , evasit . Illum redire non sinam , non feram , non patiar .

An verò vos soli ignoratis , vos hospites in hac urbe versamini , vestræ peregrinantur aures ?

POLYSYNTHETON fit , cum multæ conjunctiones congregantur ; ut :

Teque , tuique similes , tibi que charos , & aspernor , & averfor , & execror ; nec timeo minas , quas jactas ; nec terrent me pericula , quæ denuncias .

Figura per detractionem.

SYNECDOCHE, figura est in narrationibus usitatissima; fitque, cum verbum quoddam retinetur, quod facile intelligitur; ut: Hic tumultuari famuli, lugere ancillæ, mærare filii, conjux misera lamentari. Subauditur, cœpit, vel cœpere. Plura exempla, Progymnasma de narratione subministrabit.

ADIVNCTIO est, cum ad unum verbum sententiæ plures referuntur. Vicit pudorem libido, timorem audacia, rationem amentia.

Ea flagrat cupiditate, ut illum nec pudor ab infamia, nec pudicitia à flagitii fœditate, nec pietas à scelere, nec generis ac familiæ macula à libidinum turpitudine avocare queat.

Nulla libido ab illius corpore, nulla vis à manibus, nullum flagitium à sceleratissimis ejus factis unquam absuit.

Non illum avaritia ab instituto cursu, ad prædam aliquam revocavit, non libido ad voluptatem, non amœnitas ad delectationem, non nobilitas urbis ad cognitionem, non denique labor ipse ad quietem. *Cic. pro Lege Manil. n. 40.*

DISIVNCTIO, seu dissolutio est, cum demptis conjunctionibus multa copulantur; ut: Studia litterarum adolescentiam alunt, senectutem oblectant, secundas resonant, adversis perfugium, ac solatium præbent: delectant domi, non impediunt foris, pernoctant nobiscum, peregrinantur, rusticantur. *Pro Archia num. 16.*

Figura per similitudinem.

PARONOMASIA, seu Annominatio, est cum paululum immutata verba, atque deflexa in oratione ponuntur; ut.

Cum lectum petis, de letho cogita.

SIMILITER CADENS est cum dux, vel plures sententiæ, seu orationis membra iisdem casibus

bus efferuntur; ut: Quid tam commune quàm spiritus vivis, terra mortuis, mare fluctuantibus, littus ejectis? *Cic. pro Rosc. Amer. n. 12.*

SIMILITER DESINENS est cum plures sententiæ simili modo finiuntur; ut. Tam felix Imperator est, ut ejus semper voluntatibus non modò cives assenserint, socii obtemperarint, hostes obdierint, sed etiam venti, tempestatesque obscurandarint. *Cic. pro Lege Manil. n. 48.*

ISOCOLON, seu Compar, cum varia in oratione membra constant pari fermè numero syllabarum; ut.

Tam difficile bellum Pompejus extrema hyeme apparavit, ineunte vere suscepit, media æstate confecit. *Cic. pro Lege Man. n. 35.*

Non est difficile viatori per apertam planitiem, nullis sentibus interclusam, nullis fluviorum anfractibus impeditam, nullis salebris lubricam, sine prolapsione cursitare; At verò iter celerimè conficere, dura constratum glacie, alta oblitum nive, cautibus asperum, vepribus invium, torrentium concursu ruptum, non parvi laboris est opus.

ARTICULUS II.

De Figuris Sententiarum :

His figuris ut nihil in arte Rhetorica præstabilius, si usurpentur ea, qua par est, moderatione, ac prudentia; ita nihil ferè putidius, si temerè, ac pueriliter adhibeantur.

ALLEGORIA nihil aliud est, quàm multiplicata, & continuata translatio. Tametsi autem in verbis sita sit, in sententiis tamen dignitatem, & locum habere potest, ob similitudinis gratiam, quam plerumque continet, & translationis leporem. Exemplum habet Cicero speciosissima.

Quod fretum, quem Euripum tot motus, tantas, tam varias habere putatis agitationes fluctuum,

Ætuum, quantas perturbationes, & quantos ætus habet, ratio Comitiorum? dies intermissus unus, aut nox interposita sæpe perturbat omnia, & totam opinionem parva nonnunquam commutat aura rumoris. *Cic. pro Mur. n. 35.*

Neque tam fui timidus, ut qui in maximis turbinibus, ac fluctibus Reip. navem gubernassem, salvamque in portu collocalem, frontis tuæ nubeculam, aut Collegæ tui contaminatum spiritum pertimescerem. Alios ego vidi ventos, alias prospexi animo procellas, aliis tempestatibus non cessi; sed unum me, pro omnium salute obtuli.

Cic. in Pison. num. 20.

ANTITHESIS figura est, qua verba verbis, aut sententiæ sententiis oppositæ referuntur; ut: Quis ferre possit inertes homines fortissimis insidiari, stultissimos prudentissimis, ebriosos sobriis, dormientes vigilantibus, *Cic. II. in Catil. num. 10.*

Potestis ignotos notis, iniquos æquis, alienigenas domesticis, cupidos moderatis, mercenarios gratuitis, impios religiosis, inimicissimos huic imperio, & nomini, bonis, ac fidelibus fociis, & civibus anteferre? *Cic. pro Fontejo numer. 22.*

Ex hac parte pugnat pudor, illinc petulantia; hinc fides, illinc fraudatio; hinc pietas, illinc scelus. *II. Cat. 25.* Conferte hanc pacem cum illo bello, &c. *6. Verr. n. 115.*

His exemplis adnectamus unum paulò diffusius, & magis pium. Sit verbi gratia describendus tibi JESUS Infans. Transcamus usque Bethlechem, cum Pastoribus, & videamus, & veneremur JESUM in Præsepio, & demiremur in infante virum, Principem in fervo, sapientem in puero, rectorem orbis juris factum alieni. Demiremur, & adoremus splendorem tenebris offusum; potentiam confristam vinculis; infinitatem terminis finitam; immensitatem circumscriptam cunis; balbutientem sapientiam; sublimitatem cum humilitate, fortitudinem cum infirmitate conjunctâ.

APO-

APOSTROPHE fit cùm ab auditoribus, quos alloquimur, ad absentem, vel præsentem quempiam, seu vivum, seu mortuum, aut etiam ad res inanimas sermonem convertimus, quas veluti personas quasdam compellamus. His autem ferè modis, à Tullio petitis figuratur Apostrophe.

Vos Albani tumuli, atque luci, vos, inquam, imploro, & obtestor; vosque obrutæ aræ, quas ille substructionum infans molibus oppressit: tunc vestræ religiones viguerunt, vestra vis valuit. Tuque ex tuo edito monte, Latialis Jupiter, aliquando ad eum puniendum oculos aperuisti. *Cic. pro Milone num. 26.*

O Dii immortales, vos enim hæc audire cu pio, impius hic vestra sacra curat? Vestrum numen horret? non illudit auctoritati horum omnium? *Cic. pro Domo sua num. 104.*

Vos, vos appello fortissimi viri, qui multum pro Republica sanguinem fudistis; vos in viri, & in civis invicti appello periculo. Centuriones, vosque milites, vobis non modò inspectantibus, sed etiam armatis huic judicio præsidentibus, hæc tanta victa virtus ex hac urbe expelletur, exterminabitur, eiicietur? *Cic. pro Mil. n. 102.*

Jacet in stabulo Regum Dominus recens natus, recubat nudus media hyeme Virginis filius in spelunca, ventis nivibusque pervia; totoque contremiscit corpusculo Deus infans. Ah! venti, si quis vobis sensus inest, si qua pietas, rigorem remittite; Ah! frigidus inhibete flatus, sævi Aquilones; Ah! quæso, alias perflate plagas, auræ violentæ, &c.

Supremæ Majestatis numen offendi miser, divina mentis æternæ jussu contempsi impudens, sanctissimasque leges per summum sacrilegium violavi. O me scelestum, vesanum, impium! Fundite uberes lacrymas oculi mei, admissorum dolore facinorum, & eluite, si potestis, assiduo, & amaro fletu sordes criminum, ad quæ patranda dices heu! tam sæpè mihi, & antesignani fuistis.

COMMUNICATIO est exornatio, quæ causæ nostræ confidentes, aut ipsos consulimus adversarios, aut cum Judicibus quid faciendum sit, quidve factum oportuerit, deliberamus; ut.

Nunc ego vos consulo, quid mihi faciendum putetis; id enim consilii profectò taciti dabitur, quod egomet mihi necessariò capiendum intelligo. *Cic. 2. in Ver. num. 32.*

Tu denique, Labiene, quid faceres, tali in re, ac tempore, cum ignaviæ ratio te in fugam impeileret, Consules ad patriæ salutem vocarent; quam tandem vocem sequi, cujus imperio parere potissimum velles? *Cic. pro Rabir. num. 22.*

Quero à vobis, Judices, &c. (hîc, quæ res agatur, explicat; posteaque, sic eos consulit) Quid est, quod hac tandem in re, vobis afferre dubitationem possit? Profectò, si rectè vestram bonitatem, atque prudentiam agnovi, non multum me fallit, si consulamini, quid sitis responsuri. *Cic. pro Quin. num. 54.*

CONCESSIO figura est, cùm videmur etiam aliquid iniquum, adversario concedere.

Non dubitavi, inquit, cum vadimonium desertum esset, bona proscribere: Improbè. Verùm, quoniam tu id tibi arrogas, & concedi postulas, concedamus. *Cic. pro Quin. num. 56.*

Esto, causam proferre non potes, tametsi statim vicissè debeo, tamen de meo jure decedam, & tibi quod in alia causa non concederem, in hac tibi concedam fretus hujus innocentia. *Pro Rosc. Am. 73.*

Esto, eripe hæreditatem propinquis, prædare in bonis alienis, evertē leges &c. Num etiam amicū bonis exturbare oportuit?

Est hoc tuum, est improbitatis, & imprudentiæ tuæ: hoc tibi do, & concedo. Scio te &c. *V. in Verrem.*

CORRECTIO est, quæ verbum, aut sententiam retractat, & corrigit, ut aliquid aliud subiciatur, quod magis proposito conducatur.

At-

Atque hæc cives, cives inquam, si hoc nomine eos appellari fas est, qui hæc de patria sua cogitant. *Pro Mur.* 8.

O stultitiam! stultitiam ne dicam, an impudentiam singularem. *V. in Verr.*

Quæ fuit igitur in hoc homine constantia? Constantiam dico: nescio, an meliùs patientiam possem dicere.

Cui unquam homini bono, benedixit unquam? benedixit; immò quem fortem & bonum civem non petulantissimè est insectatus? *Pro Sext.* 120.

In exercitu comparando, patrimonium suum effudit. Quamquam, non sumus usi eo verbo, quo decuit; non enim effudit, sed in salute Reipubl. collocavit. *III. Phil.*

Quæ convivia fieri putatis, in hujusmodi domo? si domus hæc habenda est potius, quàm officina nequitiae, & diversorium flagitiorum omnium.

DEPRECATIO figura est, qua opem alicujus, Dei aut hominis imploramus; ut:

Hoc nos primùm metu, Cæsar, per fidem, & constantiam, & clementiam tuam libera, ne resistere in te, ullam partem iracundiæ suspicemur. Per dexteram te istam oro, quam Regi Dejotaro hospes hospiti porrexisti; istam, inquam, dexteram, non tam in bellis, & præliis, quàm in promissis, & fide firmiorem. *Pro Dejot.*

Unum restabat illud, quod forsitan non nemo vir fortis dixerit: restitisses, repugnasses, mortem pugnans oppetisses. De quo te, te, inquam Patria, obtestor, & vos Penates, Patriique Dii, me vestrarum sedium, templorumque causa, me propter salutem meorum civium, quæ mihi semper fuit mea charior vita, dimicationem, cædemque fugisse. *Pro Sex.* 45.

DISTRIBVTIO, seu Partitio, est cùm rem fusiùs explicamus, & in suas partes distribuimus.

Lectissimum hunc Adolescentem non ingenta
D huic

huic ætati levitas à consilio vitæ melioris revocavit, non improborum sodalium blanditiæ, ad voluptates; non locorum, in quibus degit, amœnitas ad delectationem; non majorum nobilitas ad ambitionem; non egregiæ dotes ad arrogantiam; non aliorum procacitas ad libidinem; non amicorum convictus ad oblectationes intempestivas; non denique summa rerum omnium affluentia ad aliquod probum, infamiamque pellexit.

Eminet in hoc homine altitudo animi in condonandis offensis; in communicandis opibus liberalitas; in capeffendis rebus arduis magnitudo mentis; in viis negotiorum pervestigandis mirasagacitas, in gerendis acris consilium, in persequendis summas inter difficultates, constantia. Nihilque est, quod non alto quodam aggrediaturo animo, aut cautissimis consiliis administret, aut strenuo labore perficiat. vir planè interritus periculis, infractus malis, invictus adversis, ad labores impiger, ad pericula fortis, ad casum, fortunamque felix.

DVBITATIO est, cum hæremus, & ambigimus quid dicendum, agendumve sit; ut:

Quo te nomine appellemus? Improbum? leve est, pro tanto scelere. Fraudulentum? jam id quidem arrogas tibi, & præclarum putas. Audacem? impudicum? perfidiosum? vulgaria, & obsoleta hæc sunt, res autem nova, & inaudita. *Pro Quin. 56.*

Quid primùm quærar? aut unde potissimùm exordiar? aut quod, aut à quibus auxilium petam? Deorumne immortalium? Populine Romani? Vestramne, qui summam potestatem habetis hoc tempore, fidem implorem? *Pro Ros. Amer. 29.*

Equidem quod ad me attinet, quò me vertam nescio. Negem hoc admissum fuisse crimen? Negem testes auditos esse in Senatu? Non est nostri ingenii, vestræ clementiæ est calamitoso, & innocentisubvenire. *Pro Cluent. 4.*

Apud

Apud vos quemadmodum loquar, nec mihi consilium, nec oratio supeditat, quos, nec quo nomine quidem appellare debeam scio. Cives? qui à patria vestra descivistis: An milites? qui imperium, auspiciumque abnuistis. Hostes? ora, vestitum, habitum civium agnosco: facta, dicta, consilia, animos hostium video. *Liv. Dec. III. 8.*

Illustrem habet dubitationis ideam Virgilius Didonem ab Ænea derelictam in deliberatione suspensam, ac dubiam sic inducens.

En quid agam? rursusne procos irrissa priores

Experiar? &c. libr. IV. Æn.

EXCLAMATIO est orationis elatio, quæ motum animi vehementiorem in re gravi exprimit, interjectione adhibita, nonnunquam verò suppressa; ut cùm dicitur: Superi! Miserum me! O præclarum facinus! Mirum dictu! Ejus usus est ad laudem, ad vituperium, ad commiserationem.

EXPOLITIO oratio est, qua commutatis verbis, congestisque prudenter figuris, eadem sententiâ variè versatur, & effertur, quò gratior, clariorque subiiciatur velut oculis, ac magis, magisque ornetur.

O vita hominum fluxa, fugax, & in mortem præceps; nisi fluxam litteræ figerent, fugacem retinerent, sustinerent præcipitem, extingueretur heu! fama nostra simul cum corpore, & eodem cum cineribus tumulo præclarè factorum recordatio conderetur, si abessent litteræ: nisi, &c.

GRADATIO, seu Argumentum, non tantum figura verborum est, sed etiam sententiarum, in qua sequens oratio semper addit aliquid ad præcedentem; ut:

Miserum est exturbari fortunis omnibus; miserius est, injuria: Acerbum est ab aliquo circumveniri; acerbius est à propinquo: Calamitosum est bonis everti, calamitosius cum dedecore, &c. *Pro Quin. 95*

Facinuse est vinciri civem Romanum: scelus verberare: propè parricidium, necare; quid dicam in crucem tollere! 7. *Verr.*

HYPOTYPOSIS, Figura est, qua res quæpiam sic verbis exprimitur, ut non tam audiri, vel legi, quam geri, & oculis usurpari videatur. Differt autem Hypotyposis ab Ethopœja, quòd hæc tota sit in exprimendis animi affectibus; illa verò corpus delineet potius quàm mentem; ut:

Hæc postquàm acta sunt, procedit iste, inflammatus scelere, ac furore, in forum venit; navarchos vocari jubet, qui nihil metuerent, suspicarentur nihil: statim accurrunt. Iste hominibus miseris, innocentibusque iniici catenas imperat: implorare illi fidem populi Romani, & quare id faceret rogare, &c. 7. *Verr. n. 105.*

Hæc cum maximè loqueretur, sex lictores circumstant valentissimi, & ad pulsandos, verberandosque homines exercitatissimi, cædunt acerrimè virgis. Eorum unus, converso bacillo oculos misero tundere vehementissimè cœpit. Itaque ille, cum sanguis, os, oculosque compleflet, concidit. 7. *Verr.*

Personabant omnia vocibus ebriorum, natabant pavimenta vino, madebant parietes, scorta inter matres familias versabantur, &c. II. *Philipp.*

Videor mihi hanc urbem videre, arcem omnium gentium, subito incendio concidentem: cerno animo sepultam patriam, miseros, atque insepultos acervos civium: Versatur mihi ante oculos Cethegi furor in vestra cæde bacchantis. IV. *Catil. num. 12.*

IMPRECATIO est execratio quædam, qua male alicui imprecamur; ut.

Quin tu abis in malam rem, malumque cruciatum. Dii te perdant, fugitivè, ita non modò nequam, & improbus, sed fatuus, & amenses. *Pro Deiot. 21.*

INTERPRETATIO Figura est, qua dictum, aut fa-

factum alicujus juxta sententiam, & mentem nostram interpretamur.

Cicero Philipp. II. initio causas quærit cur Antonius in ipsum declamaverit. Quid putem? Contemptumne me? &c.

Hoc mihi visus est dicere Diogenes (ait Senec. de Tranquillit. animi cap. 9.) age tuum negotium fortuna, nihil apud Diogenem jam tuum est, &c.

Idem cap. 14. Post narratum Canii factum: Quid censuerit dubito: multa enim occurrunt mihi. Contumeliosus esse fortè voluit, & offendere, &c.

INTERROGATIO Figura est, quæ adhibetur, non tam quærendi, quàm instandi, & urgendi causa, ad varios animi motus ciendos opportuna, & usitatissima; cum nulla figura sit, quæ per interrogationem non possit exprimi. Selectiora hæc apud Tullium exempla sunt.

Quid enim, Tubero, tuus ille districtus in acie Pharsalica gladius agebat? Cujus latus ille mucro petebat? Qui sensus erat tuorum armorum? Quæ tua mens, oculi, manus, ardor animi? quid cupiebas, quid optabas? *Pro Ligari.*
19.

Quid ego illorum dierum epulas, quid cum tuis sordidissimis gregibus intemperatissimas perpotationes prædicem? Quis te illis diebus sobrium, quis agentem aliquid, quod esset libero dignum? quis denique in publico vidit? *In Pison.*
84.

Stipulatus es? ubi? quo die? quo tempore? quo præsentem? Quis spondidisse me dicit? *Pro Q. Ros.* 47.

Piratam vivum tenuisti, quem ad finem? quàm ob rem? quam ob causam? quo exemplo? cur tam diu? etiamne privatus? etiamne reus? etiam penè damnatus? *In Verrem.*

Ex quibus intelligis, hujusmodi minutis, crebrisq; interrogatiunculis, urgeri vehementiùs adversarium, & quasi densa telorum grandine obrui.

IRONIA est, cum aliud planè dicimus, quàm verba significare videntur. Ita Tullius de Verre homine crudelissimo, cum virum honestissimum, innocentissimumque tempestate perfrigida in medio foro nudum religari iussisset, virgis cædendum, ut omnes quidem, qui aderant huic spectaculo, existimabant. Sic, inquam, Tullius jocatur de Verre. Fallit hæc homines opinio: virgis iste cæderet sine causa socium populi Romani, atque amicum? Non usque eò est improbus; non omnia in eo uno sunt vitia; nunquàm fuit crudelis, leniter hominem clementerque accipit, &c. *VI. Verr. 68.*

Sed stulti sumus, qui Africanum, Pompejum, nosmetipsos cum P. Clodio conferre audeamus: tolerabilia fuerunt illa: P. Clodii mortem æquo animo nemo ferre potest. Luget Senatus, mæret Equester ordo, tota civitas confecta senio est; squalent municipia, affliguntur coloniae; agri denique ipsi tam beneficium, tam singularem, tam mansuetum civem desiderant. Hæc de hominis sceleratissimi morte idem Tullius. *Pro Milone numer. 20.*

Laus Ironica.

Adesdum, mortalium humanissime, Luthere, ades, inquam, reipublicæ Christianæ illustre decus, magnum virtutis specimen, absolutum moderationis exemplar. Quis enim te religiosior fuit unquàm, aut esse potuit, vel tum maximè, cum deserto cænobio, homines innumerabiles à severa vitæ ratione, ad hilaritatem, ad computationes, ad epulas, ad rerum omnium licentiam traducebas oratione, & exemplo? Quis comior, commodiorque, cum sanctissimos homines proscindebas maledictis? Quis modestior, vel dum verbis magnificis te omnibus anteponebas? O virum sanctum! O pium, ac pudicum hominem! O religiosissimum sacerdotem! Omnium mortalium sceleratissime, audes his flagitiis, his libidini-

bus,

bus, hac turpitudine, & audacia, te Catholicę Religionis dicere vindicem? &c. Non te pudet; &c.

Præterire non possum ironiam illam mirabilem quam habet Tullius in Pisonem. Negaverat Piso, quò ignaviam suam, pudoremque tegeret, cum cæterorum more Imperatorum, non obtinisset honorem Triumphı; negaverat, inquam, se triumphı cupidum unquàm fuisse, contemnente se honorem illum dixerat; quam ejus vocem reprehendens Cicero, illum jactat, exagitatque proluxa, & illustri ironia, quam imitari sic poteris, in Religiosę vitę contemptores.

Audiamus callidos istos ex Epicuri, aut Lutheri scola Philosophos, religiosę vitę institutum explodentes. Ajunt vile hoc esse vitę genus, & naturę ipsi repugnans, quod hominem natura liberum, & sui juris, arbitrio mancipet alieno, perpetuoque velut adstrictum carceri, non omni solum voluptate privet, sed etiam inertı labore concıat, ac vigiliis, jejuniisque frangat; irrogatis, atque etiam susceptis sponte poenis crudelissimę torqueat. O gravem, argutamque philosophiam! Quàm doleo præclari Doctores, quò tam subtilem maturius non exprompseritis sapien-
tiam, priusquàm innumerabiles viri sceminaque omnium conditionum, & ætatum contemptissimam istam vivendi conditionem amplecterentur. Neque enim integrum est, magnis Ecclesię Doctoribus Basilio, Gregorio, Hieronymo, Chrysostomo, & Augustino, consiliis jam uti vestris. Errarunt illi, non gustarant hanc vestram philosophiam: hanc enim imprudentes, & inconsultissimi homines, austerioris, ignobilisque vitę rationem tenuerunt. Bruno, Parisiensis Academię lumen, pudet me tui; quid est quod relicto celeberrimę urbis splendore, confectisque studiis, præruptarum, inviarumque rupium horrendas solitudines petiisti? Antoni, Benedicte, Dominice, cur non hos audistis tam doctos homines, tam eruditos, priusquàm in istum errorem

induceremini. O stulti Epiphanii, Damasceni, Hilariones, Cælestini, & Eucherii! O amentem Franciscum! O nullius consilii Albertum, Thomam, Bonaventuram, qui aspernati voluptatum illecebras, & pernicioſa rerum fluxarum blandimenta, ad Religioſa clauſtra convolarunt! Sed quoniam præterita mutare non poſſumus, quid ceſſant egregii Philoſophi hæc præclara præcepta dare adoleſcentibus innumeris, qui de hoc incundo ſeverioris vitæ genere cogitant: ardent cupiditate incredibili, Chriſti ſuave jugum ſubeundi? Ergo agite, illõs adite, meditamini quibus verbis incenſam illorum cupiditatem comprimatis, atque reſtinguatis. Valebitis apud incautos adoleſcentes viri prudentiſſimi; apud ignaros experti, ac periti. Dicetis enim, ut eſtis homines, ad perſuadendum perfecti. Quid eſt adoleſcentes leſtiſſimi, quod vos horrida hæc vitæ ratio tantoperè delectet? Quid habet iſte Religioſæ vitæ ſtatus, quod vos alliciat? quid hiſpidus, & obſoletus habitus? Quid ſolitudo, ac ſilentium? quid caſtitas corporis, frequens jejunium? &c. Hæc vos oratione non dubito, quin illos jam pedem in cænobia inferentes poſſitis revocare, & ad paternas domos abducere. O temeritatem, incredibilemque dementiam! Lotharius Imperator, abdicatis ſupremæ dignitatis inſignibus, ad humilem hanc, ut vocatis vitæ conditionem ſe abjecit, captans ab honoris contemptu gloriam, & ab obſcuritate loci verum ſplendorem nominis: Carlomannus, Carolo Martello progenitus, Auſtraſiæ Rex, rerum geſtarum gloria clarus, eandem vitæ viam capeſſivit. Eandem Veremundus Caſtellæ, Ramirus Aragoniæ, Sigibertus, Chenredus, Inas, Etelredus Angliæ Reges. Eandem Auguſtiſſimæ Reginæ Theodora, Eliſabetha, Radegundes, Bartilda, aliæque Principes ſœminæ injerunt: vos oculatiſſimi rerum æſtimatores, ſapientiores quàm Lotharii, prudentiores quàm Pipini, generoſiores quàm Carlomanni, abundantiores conſilio, eruditione, ingenio, & prudentia, quàm

Augu-

Augustini, quàm Gregorii, quàm Basilii, quàm alii omnes, qui impleverunt orbem terrarum, virtutum meritis, & doctrinæ gloria, ea contemnitis, quæ illi Christianæ religionis heroes præclara duxerunt.

LICENTIA, Figura est, qua utitur orator, cum ea, quæ gravia dictu sunt, aut periculosa, magna libertate dicturum se profitetur; ut:

Attende jam, Torquate, quàm ego non defugiam auctoritatem consulatus mei; maxima voce, ut omnes exaudire possint, dico, semperque dicam: Adestote omnes animis, qui adestis corporibus, erigite mentes, auresque vestras, & me de invidiosis rebus, ut ille putat dicentem attendite. Ego Consul, &c. *Pro Syl. num. 33.*

Vos Patres conscripti (grave dictu est, sed dicendum tamen) vos, inquam, Sulpitium vita privastis, &c. *X. Philip. n. 8.*

Postremo (erumpat enim aliquando vera, & me digna vox) si ad eorum voluntatem dicta, factaque nostra referuntur, optanda mors est, &c. *Phil. X. num. 19.*

PRÆTERITIO fit cum profitemur nos præterire, aut nescire, aut nolle dicere, quod tamen maximè dicimus.

Sed jam supra, & flagitia omittam: sunt quedam, quæ honestè non possum dicere; tu autem eò liberior, quòd ea in te admisisti, quæ à verecundo inimico audire non potes. *II. Philip. 74.*

Nihil à me, de pueritiæ suæ flagitiis, audiet, nihil ex illa impura adolescentia sua: omnia præteribo, quæ mihi dictu turpia videbuntur: neque solum, quid istum audire, sed etiam quid me deceat dicere considerabo. *3. Ver. 32.*

Nihil de illius intemperantia loquor, nihil de insolentia, nihil de singulari nequitia, ac turpitudine; tantum de quæstu, & lucro dicam. *6. Ver. 106.*

Mitto nefarias nuptias, mitto expulsam matrimonio filiam: nihil de ejus cupiditate queror. *Pro Cluentia. 188.*

Omnia vetera prætermittam, unum illud illustre, notumque omnibus subiiciam.

Possem multa dicere de liberalitate, de ejus abstinentia, de cæteris virtutibus; sed mihi ante oculos obversatur Reip. dignitas, quæ me ad sese rapit, hæc minora relinquere hortatur. [*Pro Sext. 7.*]

OCCVPATIO Figura est, per quam ea, quæ ab adversariis, aut ab ipsis auditoribus obiici possent, prævertimus, ultroque rationem facti cujuscpiam, dictive reddimus.

Quæret quispiam cur responderit non interrogatus? Quid igitur? Debitne suo silentio fateri confictum crimen?

At enim quæ causa fuit, cur id temporis domi remaneret? Remansit, quia comparari sibi illo die insidias noverat.

At etiam sunt, qui dicant cedendum esse temporis, præferendam quandoque esse virtuti vitam. Quis amens hoc dixit unquam? Quis adeò rationis expers, hoc asserere audeat?

Intelligo, quid opponi possit: severiùs non esse agendum cum adolescentibus, ætati indulgendum; Itane verò, si admissis velut habenis, feratur in omne nefas adolescentia, indulgendum est?

Video quid dicturus sis: coactus, inquires, hoc crimen patravi: Quis coegit? Quis asserre vim potuit voluntati tuæ?

Atque etiam jactare audebis, liberalitatem in illo esse summam. O Deus Immortalis! Hocci-ne est liberalem esse, collectum per multos annos patrimonium, uno die in lustris, ac popinis profundere?

Sed audiamus Tullium, hac exornatione depellentem, quod ab iudicibus obiici poterat ipso statim orationis exordio: nam in Exordiis maxime hujusmodi figura locum habet, ac præsertim in causis judicialibus, ad evellendas ex animis Iudicum suspensiones, quæ reo nocere possent, ut remoto obice, liberiùs in causam ingrediatur.

Credo

Credo ego vos, Judices, mirari, quid sit, quòd cùm tot summi oratores, hominesque nobilissimi sedeant: ego potissimum surrexerim, is, qui neque ætate, neque ingenio, neque auctoritate sim cum iis, qui sedeant comparandus. Deinde causam affert cur ad dicendum accesserit, reliquo Exordio.

Eodem ferè modo suam Divinationem in Verrem auspicatur, dum, instituti sui causam redditurus, cur præter morem, & contra quàm viri gravis officium postulare videbatur, se ad accusandum contulerit: sic agit.

Si quis vestrum, aut eorum qui adsunt fortè miratur, me, qui tot annos in causis iudiciisque publicis ita sim versatus, ut defenderim multos, læserim neminem; subito nunc mutata voluntate ad accusandum descenderim: is, si mei consilii causam, rationemque cognoverit, unà & id quod facio probabit, & in hac causa profectò neminem præponendum esse mihi actorem putabit. *Tum rationes subiicit, qua illum ad id impulere.*

Idem Cælium defendens, sic amolitur quod sibi obiicit. *num. 39.*

Dicet aliquis, hæc igitur est tua disciplina? sic tu instituis adolescentes? ob hanc causam, tibi hunc puerum parens commendavit, & tradidit, ut in amore, & voluptatibus adolescentiam suam collocaret, & hanc tu vitam, & studia defenderes? *Tum deinde responder sibi, multa de indulgentia disputans, qua adolescentibus concedi potest.*

Sed longè præclariùs in Verrem agens, occupat, infirmatque ea, quæ respondere poterat Hortensius Verri Patronus.

Quid agam? *inquit*, quò accusationis meæ rationem conferam? quò me vertam? ad omnes enim meos impetus, quasi murus quidam, boni nomen Imperatoris opponitur. Novi locum, video ubi se jacturus sit Hortensius; belli pericula, tempora Reip. Imperatorum penuriam comme-

morabit; tum deprecabitur à vobis, ne patiamini talem Imperatorem populo Romano Siculorum testimoniis eripi, neve obteri laudem imperatoriam, criminibus avaritiæ velitis. VII. Ver. num. 2.

PROSOPOPEIA, est oratio, in qua rebus mortuis, aut sensus expertibus, sermonem accommodamus: aut absentes tanquàm præsentes, vita functos tanquàm spirantes, ac loquentes inducimus.

Existat ex ipsa familia, aliquis, ac potissimum cæcus ille, qui profectò si extiterit, sic aget, & sic loquetur. Mulier, quid tibi cum hoc adolescente? &c. *Pro Cælo*. 23.

Existat ergo ille vir parumper cogitatione vestra, quoniam te non potest, ut conspiciatis eum mentibus, quem oculis non potestis. Annon ita loquetur? *Bal.* 45.

Qui populus, si tecum congregiatur, & una voce, si loqui possit, hæc dicat: Ego tibi illum non anteposui, &c. *Pro Plane.* 12.

Etenim si mecum patria, si cuncta Italia, si omnis Resp. loquatur: Marce Tulli, quid agis? Tu enim exire patieris? &c. *1. Cat.* 27.

Patria tua, tecum Catilina sic agit, & quodammodò tacita loquitur. Nullum jam tot annos facinus, nisi per te, &c. *Ib.* 18.

Quod si nunc ille Brutus reviviscat, & hic ante pedes vestros adsit, nonne hac uteretur oratione? Ego Reges ejeci; vos tyrannos introducitis. Ego &c. *Phil.* 7.

Prosopopæia anni proximè elapsi.

Revertemus lapsum retrò temone, & tanquàm è communi rerum caducarum sepulcro, excitemus annum, quem proximè vidimus expirasse; annon istis verbis nos objurgaret, si loqui posset. Amentes, inconsulti mortales! Siccine momenta temporis, quo nihil pretiosius est, effluere passistis? Sic horas, sic dies, & menses, ignavè,

stoli-

stolidèque collocastis? O stultitiam incredibilem! Annusego, qui nuper abii, quem nuper obiistis tam negligenter, concessus vobis singulis Dei beneficio fueram, ut ope mea exiguis mortalibus hujus vitæ laboribus immortalem gloriæ fructum pararetis; Nunc autem consumpsistis me, prohi pudor! quibus in rebus? dicamne? vix audeo: dicendum tamen: in nugis, heu! in otio. Leviora hæc sunt: me turpissimarum luto libidinum conspurcastis, &c.

RETICENTIA eadem fermè figura est, quæ præteritio, Apophoresis Græcè dicta, cum scilicet dictis quibusdam sermo abruptitur, neque perficitur quod dici ceptum erat, ut:

Tu istud ausus es dicere, homo omnium mortalium ... quæro, quonam te digno moribus tuis appellem nomine?

Huc pertinet illud Virgilianum de Neptuno.

Iam cælum terramque meo sine Numine venti.

Miscere, & tantas auderis tollere moles?

Quos ego sed metas præstat componere fluctus.

SERMOCINATIO, seu Dialogismus, est ficta personarum collocutio, sive quis solus loquatur, sive plures inducantur simul colloquentes: ut patet in hoc exemplo.

Mercator locuples, non auro minùs, quàm ætate gravis, filiam habebat nubilem, & unicam. Eam cum nuptui tradidisset adolescenti nobili, pro dote, bona sua donavit omnia. Brevi errorem animadvertit: cum vidit se contemni indignum in modum à Filia, Generoque; sic, ut ne ad spectu quidem dignarentur obvium. Nec abiicit tamen spem omnem levandæ ægritudinis. Consilium hoc inquit callidum. Amico denarrat causam doloris sui, & quid excogitarit simul aperit: Nummos, inquit, in hanc rem, mihi commoda ad paucos dies. Sume, ait amicus, ex hac arcula, quantum voles. Summam iste capit non levem, domumque redit plenus spei maximæ. Vix ingressus cubiculum, generum audit suum;

scalas

scalas domus ascendentem; abdit se in conclave senex, effundit aureos in mensam, & numerare nummos alta voce, claroque tinnitu incipit. Ad sonitum accurrit gener, &, Gratulor, ait, mi pater, tantam adhuc tibi superesse bene de tuis merendi facultatem. Cui senex; Hanc summam à debitore recepi hodiè, mutuò daturus, ex amicis meis cuipiam. E vestigio uxorem ille adit, &, O nos amentes, inquit, nimiumque credulos! vetulus noster etiamnum auro affluit: at illa; Quid ais? auro affluit? faxo ad nos brevi totum refluat. Nec plura; ad patrem devolat, vultum ad blanditias componit, melleis verbis parentem salutat. Ille dolum dolo excipiens; Optimè valeo, inquit, ac te advenisse gaudeo id temporis; volo enim testamentum condere, teque scribere heredem. Beas me, inquit illa, & cur me id celaras, pater, filiam tuam, quæ te his oculis plus amo? Nimirum, ait senex, non omnia sunt quovisevulganda tempore; Tabellionem arcesse protinùs. Arcessitur; facit ille testamentum; summo deinceps honore colitur; moritur demùm, sumptuoso effertur funere: apertò testamento, patet fraus; seque delusos dolent dolosi conjuges.

SVBIECTIO, figura est, qua orator vel interrogat se ipsum, & respondet sibi; vel cùm alium interrogat non expectat responsum, sed aliud de suo addit.

Quam affers excusationem absentiae tuæ? fuisse te morbo impeditum? at valebas, ut cùm optimè: Negotiis distentum? at ludendo contrivisti diem totum.

Quare venenum dare vellet? ne aurum redderet; num petivit? ne crimen hæreret; num quis objecit? *Pro Cael.*

Tu meam domum religiosam facere potuisti? ecqua mente? qua invaferas: qua manu? qua disturbas: qua voce? qua incendi iusseras: qua lege? quam non scripseras? &c. *De Harusp.* 33.

Non appellabitur hostis reipub. qui leges violarit? tu rescidisti; qui Senatus auctoritatem con-

tem-

temperit? tu eam oppressisti; qui seditiones fovit? tu excitasti.

Quanta est, Deus Immortalis, humanæ mentis pernicitas! quàm celeres ingenii motus! Vis pervadat terras, ac maria? jam pervasit. Jubes in cælum evolet? jam evolavit. Cupis detinere? non potes. Quos enim obices obiicies? pone terræ molem; penetrabit: oppone Oceanum; transiliet: mundum ipsum universum obiice; momento superabit universa.

Quid tam novum, & inusitatum, quàm puerum duodennem, omnes omnium poetarum tenere fabulas? tenet accuratè: artem dicendi callere penitus? penitus callet. Dialecticæ argutias, & Jurisprudentiæ tricas didicisse? apprimè didicit. Quid tam incredibile, quàm id ætatis adolescentulum Latinam, Græcam, Hebraicamque linguam habere probè perspectas, cognitâsque? habet cognitâs. Quid denique tam admirabile, quàm eo tempore, quò alii vix loqui expeditè sciunt, de Philosophiæ arcanis, & Theologiæ mysteriis coram celeberrimo cœtu doctissimorum hominum cum laude, disputare? adversantium petitiones eludere? palmam referre? disputavit, elusit, retulit.

SVSTENTATIO, figura est, qua suspensos tenemus aliquandiù audientium animos, donec tandem id, quod quasi animo conditum servabatur, exponimus. Adhiberi autem solet hæc figura cum explicaturi sumus aliquid inusitatum, admirabile, aut inexpectatum: nisi fortè quis joculari velit, aut movere risum; ut facit Martialis hoc Epigrammate:

*Quod convivaris sine me tam sapè, Luperce,
Inveni, noceam qua ratione tibi.*

Irasear, licet usque voces; mittasque, rogestque:

Quid facies? iniquis: quid faciam? veniam.

Causa dicta servi damnati sunt: (inquit Tullius in Verrem.) Quid deinde? quid centetis? furtum fortasse, aut prædam expectatis aliquam? noli-

nolite usquequaque eadem quærere; in metu belli, furandi qui locus esse potest? Produci ad supplicium necesse est: itaque producuntur, & ad palum alligantur. Etiamnum mihi expectare videmini, Iudices, quid deinde factum sit; quod iste, nihil unquam fecit, sine aliquo quæstu, atque præda, &c. Expectate facinus, quàm vultis improbum, vincam tamen expectationem vestram. *Tum subiicit, quo pacto, Verres pecunia corruptus, reos solvi jufferit VII. Ver. 10.*

Audite, quanto fuerint olim in pretio litteræ, quibus homines doctos honoribus ornarint, non ipsi modò Reges, sed Tyranni. Platonem Syracusas venientem excepit Dionysius tyrannus: at qua pompa? quo apparatu? Expectatis hìc forsàn, ei vias fuisse cylindro æquatas, ut Caligulæ? aberratis: aureis respersas ramentis, ut Commodò? hallucinamini: floribus contratas, ut Hellogabalo? nihil minus. Quid igitur? accipite; atque suspicite: Platonem ipsum, aureis vectum quadrigis, auriga ipse Dionysius in urbem introduxit.

Hæc nuper fœmina, ancillulam cum ferire vellet, idque non posset commodè, quòd manus haberet impeditas, (tenebat enim altera speculum, altera gemmeum torquem, & armillas aureas.) Quid illam fecisse putatis? Speculum illud, dicit aliquis, in ejus caput impactum fortè comminuit: nequaquam, nam pretiosius erat, quàm ut tam levi de causa frangeretur. Quid? num pede illam percussit, aut cubito? nimis hoc usitatum est cuivis de vulgo mulierum. An conviciis laceravit? & illud etiam nimis est vulgare. Quid igitur facere potuit? neque enim alia videtur esse ratio explendæ iracundiæ, aut doloris ulciscendi. Immodè alia est, sed insolita, ac nova. Nimirum dentibus rem agere instituit. Aintu, dentibus? quonam verò modo? Puellam, quæ à tergo erat, ejus ut capillos comeret, coràm venire jubet; paret illa: tum verò inhumanissima hæc mulier in ejus os irruens, nasum impetit: cumque avertens op-

por-

portunè ancilla vultum, pro naso obtulisset aurem, hanc furia penè totam mordicus abstulit. O nequitiam inauditam!

TRANSITIO non tam figura est, quàm quidam veluti figurarum nexus, quo fit ut aptè inter se juncta orationis membra cohæreant, efficiantque unum quasi corpus. Dicitur autem Transitio, quòd per illam ab una orationis parte transeat ad aliam; quod qua ratione sit præstandum, non tam præceptis, quàm usu, & lectione condiscendum est. Moneo tantùm nullam rem fermè esse, in qua orationis ingenium, industriaque magis eluceat, quàm in his transitionibus: easque omnium illustrissimas vulgò cenferi, quæ orationis partes ita delicatè committunt, ut ipsæ commissuræ vix appareant. En tibi nonnullas vulgares formulas.

Ad hæc, illud etiam considerandum nobis est.

Adde his; accedit his; accedit ad hoc; huc accedit, quòd, &c.

Huc pertinet: eodem pertinet: his finitimum est; huic proximum est illud, &c.

Ad hunc ordinem referendum est, quod domi contigit.

Jam verò quid referam? &c. Age verò, explicemus nunc, &c. Quid? quòd suos etiam incessit?

Nihil jam dico de illo scelere. Omitto domesticas ejus sordes. Nam illud quid attinet commemorare?

Sed hæc utcunque ignoscenda; illud quis ferat?

Audistis gravissima, sed audietis graviora.

Sed hæc privatim, nunc quæ publicè gesta sunt videamus.

Sed hæc juvenis peccavit, nunc senis virtutes audietis.

Quid his immoror? ad id, quod est hujus causæ caput festinet oratio.

Habes quid in illum contulerim beneficiorum: nunc, quam gratiam mihi retulerit accipe.

Sed hæc vetera, illud autem recens.

Sed ne fortè ex multis rebus gestis M. Antonii, rem

rem unam pulcherrimam transfiliat oratio, ad Luperalia veniamus. Non dissimulat, Patres conscripti, apparet esse commotum; sudat, pallor.

Sed arrogantiam hominis, insolentiamque cognoscite.

At etiam ausus es? quid autem est quod tu non audeas?

Ad ejus Tribunatum, qui ad sese jam dudum vocat, & quodammodo absorbet orationem meam, contento studio, cursuque veniamus.

Sed nimis multa de nugis: ad majora veniamus.



PARS QUARTA.

De Amplificatione.



Amplificationis nomine hîc ego cum Cicerone intelligo graviolem quandam affirmationem, quæ motu animorum conciliat in dicendo fidem, & quæ non nisi ad magnas, gravesq; causas adhibetur: cum Isocrate, artem illam intelligo, quæ ex parvis ampla (unde amplificationis nomen deductum est) ex angustis extensa, & lata (ex quo dilatatio nuncupatur) ex compressis diffusa, & explicata sunt.

C A P U T I.

Amplificandi prima ratio.

Amplificare non est inani verborum exaggeratione rem augere supra modum, eique plus attribuere, quàm veritas concedat. Sed amplificare quidpiam dicimur quoties ea, quæ insunt in ipsa re, aut affinitatem habent cum illa, exprimimus dicendo. Sic suas Propolæ merces amplificare dici potest, cum quæ habet variis in cistellis recondita, convoluta, & complicata, evoluit, exponitque in officina suo quæque loco: similiter Orator dilatare dicitur aliquid, cum ejus partes omnes, alias aliis insertas, ac permixtas explicat, ut singulæ appareant; & suum ab aliis segregatæ obtineant locum. Quod planius ut fiat, adverte nullum esse argumenti genus, nullam sententiam, propositionem nullam, quæ cum sit quoddam totum, seu physicum, seu morale, partes non habeat suas, vel physicas, vel morales, hoc est, cogitatione distinctas. Primi generis partes habet hæc propositio; *Orbem peragravit universum*. Orbis enim veris partibus constat; terra

terra scilicet, ac mari, provinciis, regnis, variis regionibus. Secundi generis partes habet ista: *Cainus fratrem interfecit*. Nam execrandi hujus facinoris partes, saltem animo distingui inter se possunt: adjuncta nimirum singula, quas vulgò circumstantias dicimus; cujusmodi sunt, persona, locus, tempus, instrumentum, finis &c. quæ huic sceleri sunt loco partium. Observa porro cuivis primum esse, veras, ac naturales partes totius cujuspiam invenire, quod nimirum cadant sub oculos; at, quas morales diximus, non ita faciliè deprehenduntur, quippe quæ ab ingenio nostro pendeant, & mentis acie quasi producantur. Itaque requiritur ratio quædam, qua facilius investigari, & inveniri queant: Hanc verò rationem docet Rethoricæ ars, ut in sequentibus exemplis videre est.

Rempublicam conservavit Cicero.

Ab enumeratione partium.

Cum perditissimorum hominum nefarios conatus repressit in consulatu, audaciamque refutavit M. T. Ciceronis summa vigilantia, & divina dicendi vis; Senatus auctoritatem debilitatam, ac propè oppressam erexit: Equites Romanos asseruit in libertatem, plebem vindicavit à servitute crudelissima, ignem ab ædibus prohibuit, sacrilegia, & rapinas ab aris, & templis, à mœnibus ruinam, tyrannidem à curia, Remp. denique universam jam præcipitantem, & in certum ruentem exitium, invicto robore sustinuit, mirabili solertia excitavit, & in pristinum gradum restituit.

Vides ibi recensitas partes Reipublicæ singulas.

Judas prodidit Christum.

Ab enumeratione Adjunctorum.

Partes illius propositionis, adjuncta sunt.

Quis

Quis prodidit, quem, quibus; Quamobrem prodidit; Quibus auxiliis, quomodo, ubi, & quando prodidit. Quibus omnibus in unum collectis prodicionem illam sic expones. (*Quis*) immanis ille furcifer, ac latro, tetrum illud, horribileque hominis monstrum ex omni scelere concretum, vilissimus ille, detestabilisque servus; (*Quem*) Dominum, ac Deum suum, omnis sanctimonix fontem, omnis thesaurum sapientix, hujus universitatis effectorem, summumque arbitrum (*Vbi*) in horto divinis dudum ipsius vestigiis, precibus, ac lacrymis, nunc etiam fuso humi sanguine, recens consecrato; (*Quando*) hac eadem nocte, qua post celebratam cum illo cœnam, lutulentos ejus pedes Christus ipse abluerat, & exterserat; (*Cui*) œstro avaritię percutus, turpissima pecunię cupiditate stimulatus (*Quomodo*) non aperta vi, sed dolo irruens, non denunciâns palam bellum, sed pacem simulans, ficta salutatione, pestilenti complexu, atroci osculo; (*Quibus*) nefandæ carnificum cohorti, quibus stipatus erat, & infensissimis inimicis, ejus vitæ jamdiu insidiantibus, per inauditam, execrabilemque perfidiam, vinciendum, excrucians, ac contrucidandum objecit. Potuerunt illæ partes seorsum, ac separatim tractari, additis transitionibus idoneis.

C A P U T II.

Amplificandi Rationes alia.

ALix amplificationis rationes ducuntur ab aliis locis oratoriis, in quibus nimirum, tanquam in quibusdam pyxidibus argumenta, & probationes includuntur. Quemadmodum autem pyxidibus, nartheciisque adscribi solent earum rerum nomina, quas continent; ita hi loci quibusdam notis indicant, quid in quoque loco queri oporteat. V.g. hæc nota, seu epigraphe, & *Definitione*, ostendit inquirendas esse illo loco, defi-

definitiones rerum, de quibus agitur. *Anotatione nominis*, investigandum esse, quid rerum illarum nomina significant. *A distributione partium*; quibus partibus illæ consent, & sic de aliis. Illud autem præcipuè curandum est, & indagandum, qui loci argumento, quod suscepisti, convenientiores sint, & qui minùs idonei; ut his omissis, diligentius excutias illos.

Quo pacto ex omnibus locis capi argumenta possint, non uno exemplo docuimus cap. 9. & 10. primæ partis hujus libri.

Nonnullos ad inveniendas rei cujuslibet proprias dotes adjuvat series quædam, & index nominum adjectivorum, & substantivorum, è quibus colligunt quid in laudem, aut vituperium dici possit.

Adjectiva ad laudem pertinentia.

Admirabilis, augustus, amabilis, beatus, bonus, carus, constans, desiderabilis, divinus, doctus, dulcis, faustus, fortis, gloriosus, gratus, honestus, honoratus, illustris, innocens, justus, laudabilis, magnificus, nobilis, perfectus, pius, potens, præclarus, rarus, sacer, salubris, sanctus, sapiens, splendidus, sublimis, tranquillus, verus, vigilans, utilis.

Substantiva laudis.

Astrum, cælum, cor, decus, agnus, consolatio, corona, flos, lux, pax, præmium, quies, rex, regnum, religio, salus, sceptrum, sol, templum, thesaurus, victoria, vita.

Adjectiva vituperii.

Arrogans, asper, atrox, austerus, barbarus, caducus, cæcus, callidus, captivus, contagiosus, contemptus, corruptus, crudelis, damnosus, deformis, demens, deplorandus, desperatus, durus, e-
gens,

gens, fallax, ferreus, ferus, flagitiosus, fœdus, fœtidus, funestus, furax, furiosus, horridus, ignarus, ignavus, improbus, imprudens, impurus, inanis, incommodus, infamis, infaustus, infidelis, ingratus, injustus, insidiosus, insolens, intemperans, intolerabilis, inutilis, lethifer, malus, miser, molestus, mutabilis, nocens, obscurus, odiosus, periculosus, rebellis, rudis, sacrilegus, severus, sordidus, stupidus, temerarius, turpis, vanus, vilis.—

Substantiva Vituperii .

Bellum, cadaver, calamitas, carcer, catena, cœnum, crimen, dæmon, damnum, dedecus, dolor, fœx, fames, fel, fœditas, insidiæ, morbus, mors, odium, seditio, serpens, servitus, spinæ, strages, stultitia, tyrannis.

Adjectiva Communia .

Abconditus, abundans, adversarius, æternus, afflictus, amicus, aptus, facilis, fertilis, fœcundus, immensus, immortalis, incensus, indignus, novus, patiens, perseverans, plenus, primus, armatus, avidus, bellicosus, celer, deceptus, infatigabilis, insignis, levis, liber, longus, lugubris, magnus, necessarius, severus, similis, tristis, vacuus, venialis, vulgaris.

Substantiva Communia .

Arbor, ars, arx, aula, basis, calor, canalis, campus, causa, clavis, columna, cunæ, cura, deliciæ, fama, fax, flamma, fons, fornax, labor, lac, lex, opinio, orbis, pondus, radix, rumor, speculum, via.

C A P U T III.

Figura amplificationi præceteris idonea.

Magna pars Amplificationis consistit in figuris, quibus argumenta ornantur. Illas exemplo ab uno facile cognosces. Libet hanc sententiam amplificare, & illustrare?

Peccatum fugiendum est, quia innumeras in hac vita pœnas affert, & æternas in altera. Illam efferes.

1. *Simpliciter, & sine exornatione, per trimembrem periodum.*

Peccatum idcirco insectari debemus immortalis odio, & vel ipsius umbram exhorrescere; quia innumeras in hac vita parit ærumnas; & in altera cruciatus asferre solet sempiternos.

2. *Per Interrogationem simplicem.*

Quid peccato detestabilius? quid magis est abominandum? Nonne gravissimis doloribus in hac vita corpus, angoribusque mentem afficit, æternoque post mortem supplicio utramque discruciat?

3. *Per Interrogationem objurgatoriam.*

Quid agis amens? quid moliris, scelerate? Quid est, quod tot flagitiis corpus, animumque contaminas? An nescis innumerabiles à peccato miserias invehiri? An ignoras, illam unam originem esse malorum omnium?

4. *Per Interrogationem, & Apostrophem.*

Quis te, ò beatarum mentium Dux quondam princeps Lucifer? Quis, inquam, te unà cum
tuis

tuis affeclis, ab altissima cœli regione, præcipientem egit in tartarum? Dic tu mortalium, mortisque parens infortunatissime? Quis te à felicissima vitæ conditione, in infelicissimam deturbavit? Nonne peccatum?

5. *Per Apostrophem.*

O peccatum exitiosum! ò maximum unicumque malum! cum fœdum adeò, turpeque sis, cur te non averſamur? Cur summam, æternamque nobis perniciem afferas, quamobrem te admittimus?

6. *Per Apostrophem ad peccantes.*

O cæci, ò inconsideratissimi, ò dementiores pecudibus homines, qui tam levi de causa toties, tamque immania scelera patratistis! Quid? vosne latet, quàm horrenda vobis pœna immineat, quantam malorum vim in vestrum caput struatistis?

7. *Per Apostrophem, & Exclamationem.*

Quàm verè, sapienterque dici solet, ignorantem esse quicumque peccat! nescire illum quid agat, quibus se malis implicet! Ita est profectò: Nescis, impure nescis, quò tua te nefaria libido rapiat? Nescis, avare nescis, quos ad scopulos te allisura sit cupiditas opum? Ignoras, helluo, quàm te in Charybdim immergas? Ignoras homo vanissime in altum plerosque tolli, quò lapsu fœdiore ruant?

8. *Per Apostrophem, & Deprecationem ad Deum.*

Te, Deus Optime Maxime, per infinitam illam tuam in humanum genus benignitatem oro, obsecroque, immeritis licèt veniam tribue. Excecat miseros dementia, furor de potestate mentis

E

tis

tis deiicit, abripiuntur æstu cupiditatum, peccati gravitatem minimè sentiunt, nec quàm sœdis se maculis inficiant, vident; nec quàm impiè divinum tuum numen offendant, advertunt fati; nec quàm horrendis se pœnis obstringant, insani cogitant.

9. *Per Apostrophen, & Imprecationem ad Deum.*

O Sancte Deus, aspernantur impii tuum Numen, tua sacra contemnunt, religionem violant. Quousque tantam impudentiam, malitiamque pati? Quousque abutentur scelesti patientia tua? Quin pœnas maturè reposcis, tot flagitiis debitas? Levia ducunt, quæ in hac vita tolerant; morte atroci plecte perditos, æternis obrue catenis rebelles, sempiternis consccleratos supliciiis macta.

10. *Per Communicationem.*

Si imminentem à tergo carnificem videres stricto ferro, manuque jam elata paratum ad cervicem tibi amputandas, simul ac esset quidpiam contra honesti leges à te commissum; quid ageres? quidquamne tale perpetrare? Atqui cum imminet tibi æterna mors, novis te quotidie criminibus inquinari?

11. *Per Exclamationem.*

O amentiam mortalium! ò stultitiam incredibilem, omnibus lacrymis, gemitibusque deplorandam! Turpem momenti voluptatem dolor excipit nunquàm finiendus: hoc illi sciunt, hoc fatentur, hoc prædicant, & peccant tamen, & flagitia flagitiis cumulant.

12. *Per Præteritionem.*

Ur te à peccando deterream, non hic ego mala enumerabo omnia, quæ culpam consequuntur; quis omnia illa, vel cogitatione recenseat? Silebo dolores corporis, angores mentis, terrores, stimulosque conscientiæ, & intestinos cruciatus: hæc, inquam, præteribo mala omnia, quod tametsi gravissima, finem habitura sint aliquando, æterna solum inferorum supplicia commemorabo, quibus torqueberis in omne tempus, nisi resipiscas.

13. *Per Hypotyposin malorum hujus vitæ.*

. Enumera, si potes, partem malorum minimam, quæ parit peccatum: Cerne arduas bello regiones, hæc excitavit peccatum incendia. Vide exhaustas regiones incolis, quas lues absumpsit; hanc induxit luem peccatum. Aspice lamentabili strage prostratos urbium cives, quos intestina odia in mutuam perniciem armarunt; hæc odia movit peccatum. Intuere quantis morborum doloribus, quot ærumnis obruatur hominum genus, hæc damna omnia peccatum invenit.

14. *Per Hypotyposin malorum alterius vitæ.*

Non te movent ærumnæ, & calamitates, quibus, obruuntur scelerati, dum hujus adhuc fruuntur usura lucis. Descende cogitatione in Tartarum, cerne ignes illos, rotas illas, & verbera: cerne voragines præaltas, & sine fundo fossas, mephitim exhalantes intolerabilem, sulphureamque flammam atrox mixtam fumo evomentes. Aspice, ut laniantur isti, ut torrentur alii, ut discerpuntur illi, ut omnes incredibiliter cruciantur. Peccatum tantis illos poenis addixit,

15. *Per Subjectionem ab effectis.*

Si nondum te Tartarei hujusce monstri fœditas terret, at saltem exhorrescere, quæ mala progignit. Quid enim turbas movet, seditiones excitat, bella generat? nonne peccatum? Quid infert mentis ægritudines; quid morbos, quid cruciatus, quid cædes innumeras? Nonne sunt ista peccati stipendia? Quid naufragia navigantibus, quid pestilentiam urbibus, quid agris vastitatem, quid rebus extremam perniciem, quid mortalibus denique omnibus mortem sempiternam importat? nisi peccatum?

16. *Per Subjectionem ab Adjunctis.*

Quò te ages infelix post conceptum, patratumque facinus? quò te recipies, ut fugias sequentem pœnam? quem in locum te abdes, quò Furiae ardentibus tædis armatae te non insectentur? Discedes in desertissimas solitudines? te ibi lancinabit acerbius scelerum tuorum conscientia. Venies in publicum? ardebunt in te odia omnium bonorum. Quem appellabis, qui propulset à tuo capite imminentem pestem? Amicos? improborum amicus nemo, nisi improbus; Affines, quos dedecorasti? Propinquos, quibus labem aspersisti? Parentes, quos affecisti maculis æternæ infamiae? Ad bonos, beatosque genios te convertes? exhorrent tuum conspectum. Ad ipsum Deum, quem offendisti, qui pœnas brevi à te infinitas repetet, nisi quammoxi illum vera placare pœnitentia coneris?

17. *Per Subjectionem à Definitione.*

Quod malum, quod morbi genus, quæ calamitas? quod infortunium esse potest, quod non oriatur à peccato? Plagas times? Tortor est: Ignominiam metuis? nihil peccato turpius. Vi-
tam

tam amas? ah! mors est omni morte crudelior.

18. *Per Prosopopœjam.*

Dictis meis fidem non adhibes? Audi quid vociferentur homines illi, quos, vel in hac vita conscientia malefactorum divexat, vel qui suppliciis nunquam terminandi torquentur in inferis. Peccata sunt, inquit, à nobis commissa, quæ nos excruciant; hæ sunt Furæ, quæ nos quiescere non sinunt; hi carnifices, qui nos dies noctesq; dilaniant; hæ flammæ, quibus urimur; hi stimuli, quibus fodimur; hæc verbera, quibus lace-ramur; hæ rotæ, quibus miserabilem in modum distrahimur.

19. *Per Antitheses.*

Exultas miser, exilisque præ gaudio, vel dum te sceleribus contaminas; vinctus es, & liberum te prædicas: conceptam in præcordiis mortem contines, & sectaris vitæ delicias: paratur tibi mala crux, & rides: impendet capiti suprema calamitas, nec moveris: discedit tuos ante pedes terra horrendo hiatu, & in barathrum lætus insillis. O cæcitatem!

20. *Per Antitheses, & Comparationem.*

Age, scelerate; age, facinorose; confer voluptatem, quam peccando percipis cum dolore, quem patrato scelere hauris. Evanescit illa puncto temporis; iste diuturnus, & nisi vitam emendas, sempiternus futurus est. Stat illa veluti foris; hic totum pervadit hominem: nec corpus torquet modò, sed animum angit, æternumque cruciat.

21. *Per Concessionem* .

Esto, sit ita, ut dicis; insint flagitiis illecebræ, quæ blandiantur sensibus. At catenarum, quibus animum opprimunt, nonne gravitatem sentis? Oscula, quæ libat scelerata voluptas, sunt mollia, fateor. At quos simul infigit ungues, quæ vulnera infligit, cane tu grata, cane suavia esse dices? Non injucundè canunt Syrenes fraudulentæ: ita est: at quos in scopulos, quas in syrtes insidioso cantu te pertrahant non animadvertis? Placet hamus dolosam tegensescam: at voratus necat.

22. *Per Distributionem* .

Illecebrosum quidem est peccatum ad voluptatem, sed crudelissimum est ad pœnam, foedissimum ad ignominiam, æternum ad diuturnitatem. Et illud in se admittere quis audeat, eo delectari, in illo vivere, cum illo mori?

23. *Per Imprecationem* .

Mortalium nequissimi, ecquando facietis peccandi finem? nullumne statuetis improbiſſimæ libidini modum? Ecquæ vos ratio ab insania, aut ab impudicitia pudor, aut ab effrenata licentia timor, aut à scelere pietas, aut à dedecore honestas revocabit?

24. *Per Dubitationem, & Gradationem* .

Quo te nomine appellem, noxa exitialis? Morbum? morbis omnibus acerbior es; Pestem? te nulla pestis tetrior, ac præsentior; Incendium? aliquid es perniciosius; Feram immanem? immanior existis; Mortem calamitosissimam? parum est illud quoque; An illa simul omnia te esse dicam? nec satis illud erit etiam, ut enim hæc simul

mul omnia in unum mala confluant, corpori duntaxat perniciem inferunt; tu grassaris in animum. Et quamvis ad animum illa pervenirent, finem tamen haberent aliquando, tu nullum cruciandi finem facis.

25. *Per Gradationem, & Interrogationem.*

Ubinam tandem aliquando subsistes, Culpa pestilens? quo demum in gradu malorum hærebis? Dolor corpus conficis, an non id satis est? Non est satis. Caliginem offundis menti, labefactas judicii vim, frangis ingenii vires, hebetasque aciem; de statu naturæ totum hominem deiicis, quò ultra serpes? Etiam mortem affers teterrimam, scio, ac video; At si mors saltè esset malorum postremum. Non erit: ultra mortem quoque Peccatum, immortale malum deævit:

26. *Per Ironiam.*

Immitis, injuriusque sum, qui innocentissimorum hominum deliciis officiam; qui importuna oratione voluptates turbem liquidas, quibus indulgent. Sinamus eos per otium frui conquiritis tanto labore commodis; oblectent se vino, cædibus, rapinis; volutate vos in cœno libidinum, obsequimini genio, indulgete cupiditati: Nihil inde mali timendum vobis est.

27. *Per expolitionem, à simili.*

Videte stultitiam peccantium; ut certiùs celeriusque pereant, suis sibi sumptibus accersunt malorum ultimum: Domos ipsimet suas suffodiunt, quibus obruantur: pyras extruunt, in quibus ardeant: nectunt laqueos queis se interimant: momentaneas aucupantur voluptates, ut semper duraturis doloribus crucientur.

28. *Per Synonyma, à dissimili.*

Quis satîs miretur, inconsiderantiamne dicam nostram, an dementiam? qui ob inane lucrum rei levissimæ, nulliusque pretii, curis vigiliisq; atterimus vitam; qui fluxam voluptatem multorum emimus annorum labore; unumque diem ut vivere beatos liceat, totam consumimus ærumnis ætatem. Ut verò æterna evitemus damna, ut immortale fugiamus dedecus, ne à peccando quidem abstinemus.

29. *Per Deprecationem.*

Quò, quò ruitis infelices: Ah! per salutem vestram precor, abssistite. Prærupta, lubricaque in crepidine versamini præalti præcipitii; quid oclusis luminibus, impetuque malefano præcipientes ruitis? Aperite oro vos, atque obtestor per quidquid vobis carum est, aperite oculos, ac circumspicite tantisper, quàm horribilia vos mala circumstent.

30. *Per Cohortationem.*

Detestamini ergo, adolescentes, abhorrete morte pejus & inferno culpam omnem; occasiones peccandi declinate, omni animi solertia, omni contentione mentis. Id unum spectent cogitationes vestræ omnes, ut præstetis vos immunes à noxa, ut devitetis delicta quælibet, ut puram ab omni labe vitam, illibatamque traducatis, cùm obscurum jam vobis esse non possit, innumerabiles ærumnas, æternaque mala peccantibus impendere.

CAPUT IV.

*Fontes, & exempla quadam graviorum
Amplificationum.*

Graviores illæ amplificationes præcipuè adhibentur ad movendos Auditorum animos, in quo solet eloquentia triumphare. Ducuntur autem, ut sæpè diximus, ab insignioribus locis Oratoriis certo quodam modo vehementiore, & splendidiore tractatis, adhibitis nimirum figuris verborum, & sententiarum illustrioribus, ut è sequentibus exemplis apparebit.

Primus hujusmodi Amplificationum fons est locus à definitionibus conglobatis, cum scilicet ejusdem rei variæ definitiones in unum locum congeruntur; unde alio nomine congeries, seu frequentatio definitionum vocatur hic locus. Ita Cicero, non satis habens dixisse, incensam esse curiam, adjecit definitiones Curiae plurimas;

Curiam, inquit, incendit, quo quid miserius, quid acerbius, quid luctuosius vidimus, templum sanctitatis, amplitudinis, mentis, consilii publici, caput urbis, aram sociorum, portum omnium gentium, sedem ab universo populo Romano concessam uni ordini, inflammari, excindi, funestari.

Virtutem commendare si cupis, illam esse di-
ces animi animam nostri, vitæ decus, mentis pu-
riores delitias, æterni radium solis, felicitatis
auroram, immortalitatis parentem, perennem-
que fontem bonorum omnium.

Modestia præconium.

Hac virtute quid quæso pulchrius? atque adeò
quid amabilius fingi potest? Est quippe animi fa-
cies amœna, pignus probitatis, nitor morum, pu-
dicitiae munimentum, taciti hominis commen-
datio eloquens, humanæ societatis lumen & de-

E s cus,

cus, rapax charitatis illecebra, sedes honoris.

Quid est invidia? malum genitum à bono; caligo est à splendore oriens; à pulchritudine nata deformitas; à risu lacryma fluens. Rivus est felix, à fonte mellis profluens; è planta honestatis, nequitiae fructus: proprius ab aliena lætitia dolor: calamitas domestica ab externa gloria manans: intestinum infortunium, quod fortuna creavit prospera: ægrotudo voluntaria, crux fixa malevolis, & perpetua virtutis hostis.

Alter amplificationis gravioris fons locus est ab enumeratione partium, de quo jam sæpè facta mentio.

Tertius Amplificationis fons ducitur ab effectis.

Vitii, & virtutis effecta.

Nulla, *inquies*, mala sunt, quæ non exoriantur à pestilenti fonte vitiorum; nulla bona, quæ virtus non afferat. Bene, sed nimis exiliter, exponere, quæ mala illa sunt, & quæ bona.

Inde vitii demonstra fœditatem, quod rationi adversetur, quod contamine animum, quod Divinum Numen offendat; quod auctorem suum diris excruciet modis, curis exedat, metu percellat, &c. Tum quod leges, quod instituta, quod fœdera, cæteraque humanæ societatis sanctissima jura pervertat, labefactet, excindat. Denique quod pestem rebus publicis, provinciis calamitatem, perniciem regnis, urbibus exitium, familiis damna innumera, singulis denique universum malorum agmen importet.

Virtutem autem si ornare cupis; dic illam esse, quæ mæstos recreat, ægros reficit, jacentes erigit, excitat afflictos, miserosque levat: Quæ splendorem rebus obscuris, vilibus pretium, abjectis dignitatem, vulgaribus honorem, humilibus excelsum, contemptis commendationem affert, omnibusque venerationem conciliat.

Geographiam si laudare cupis, ejus effecta sic recensere poteris.

O artium præclarissima, quibus te literarum monumentis extollemus? qua prædicatione celebrabimus? quo tibi laudum genere pro tuis in nos beneficiis grates referemus? Nostris enim ut servias oblectationibus, & emolumentis, facis mundi compendium, omnia loca sub uno aspectu posita, oculis subiicis; remotas regiones proximis implicas, exterisque, ac disjunctissimis nostras innectis. Per te orbem utrumque percurrimus immoti, &c. *Cœlestis gloria spem, vel desiderium ab effectis ita commendabis.* O cœlestis gloriæ beata spes, sine te jaceremus mortales miseri, aut ærumnis fracti, aut vitiorum lenociniis depravati, nisi nos velut avulsos ab uberibus voluptatum, invitares ad immortalis vitæ decus, erudires ad disciplinam, corroborares ad laborem, firmares ad pericula, interritos ad omnem casum, eventumque redderes, nec adversis minùs infractos, quàm prosperis præstares invictos.

Quartus fons amplificationis petitur à consequentibus: cùm ea, quæ rem quampiam consequuntur exponimus. Ut si adversus auctorem belli faciendi mala enumeres, quæ bellum sequi solent, videlicet.

Exhaustum ærarium, abacta pecora, proculcatas segetes, incensos vicos, & villas, desertos agros, everfa mœnia, compilatas domos, direpta templa; fractam laboribus juventutem, tot adolescentium mores licentia depravatos, extinctas artes, corruptam disciplinam, oblitteratam religionem, confusa divina, humanaque omnia, tibi uni accepta referemus, si belli auctor fueris.

Solis Occasum consequentia.

Cerne, ut occidente die, quasi natura omnis esset extincta, sepultaque tenebris, amicitur ve-

ste funebri mundus: ut accensæ micant toto æthere funestæ faces: ut cœlum, quod manè præ lætitia colliquecebat in rorem melleum, serò solvitur in noxium fletum: ut evanescit orbis pulchritudo, ut obsolescit splendor urbium, camporumque amœnitas, & plantarum viror, & florum decor, ut triste silentium cuncta tenet, dum solæ noctuæ, soli bubones, vespertiliones, ac ranæ infestant omnia ferali cantu. Interea cæteras animantes stupor, ac pavor occupat, volucres gemunt in nidulis, & homines jacent in lectis oppressi somno, &c.

Quintus Amplificationis fons adjuncta sunt: si-ve rei circumstantiæ. Ebrietatem Antonii exagitat ab hoc loco *Tullius Philippicæ II. num. 63.* Tu istis faucibus: istis lateribus, ista gladiatoria totius corporis firmitate, tantum vini in Hippiae nuptiis exhauseras, ut tibi necesse esset in populi Romani conspectu, vomere postridiè. O rem non modò visu fœdam, sed etiam auditu! Si inter cœnam, in tuis immanibus illis poculis, hoc tibi accidisset, quis non turpe duceret? In cœtu verò populi Romani, negotium publicum gerens Magister Equitum, cui ructare turpe esset, is vomens frustis esculentis, vinum redolentibus, gremium suum, & totum tribunal implevit.

Sextus fons Amplificationis est à contrariorum frequentatione, cum multa sibi adversantia congeruntur. Mirabilem habet Tullius Amplificationem ab hoc loco ductam, cum describens ea, quæ in Varronis Villa fiebant ab Antonio, homine impurissimo ita loquitur.

At quàm multos dies in ea Villa turpissimè es perbaechatus. Ab hora tertia bibebatur, ludebatur, vomebatur. O tecta ipsa misera, quàm à dispari domino (quamquàm quomodò iste dominus?) sed tamen quàm à dispari tenebantur! Studiorum enim suorum Marcus Varro voluit esse illud, non libidinum diversorium. Quæ in illa villa ante dicebantur, quæ cogitabantur, quæ literis mandabantur? jura populi Romani, mo-
nu-

numenta majorum, omnis sapientiæ ratio, omnisque doctrina. At verò, te inquilino (non enim domino) personabant omnia vocibus ebriorum, natabant pavimenta vino, madebant parietes, &c.

Septimus fons Amplificationis est in exemplorum frequentatione: cum scilicet multa coacervantur exempla, quibus probetur quod propositum est. Porro exempla ejusmodi tractantur eleganter per comparationem.

Octavus fons Amplificationis à comparatione petitur. Comparationem dico, non eam, quæ res similes dissimilibus, aut similibus opponit: hæc enim spectat ad locum similitudinis: sed eam, quæ res majores cum minoribus, minores cum majoribus, pares cum paribus confert, contenditque. Sic Orator prima in Catilinam n.3. *An vero vir amplissimus Publius Scipio Cajum Gracchum mediocriter labefactantem statum Reipublicæ privatus interfecit, Catilinam orbem terræ cade, atque incendiis vastare cupientem nos consules perferemus?*

Argumentum à minori urget eleganter D. Cyprianus collatis utriusque partis circumstantiis. Si herus delinquentem servum punit, cur Deus de homine peccante supplicium non sumet? *Ipse de servo tuo supplicium exigit, & hominem homo obedire compellis. Cum sit vobis eadem sors nascendi, conditio una moriendi, corporum materia consimilis, animarum ratio communis; cum æquali jure, & pari lege, vel veniatur in hunc mundum, vel de hoc mundo recedatur: tamen nisi arbitrio tuo tibi serviatur, nisi voluntatis nutui pareatur, imperiosus servitutis exactor flagellis verberas; fame, siti, nuditate, frequenter ferro, & carcere affligis, & crucias; & non agnoscis Dominum Deum tuum, cum sic exerceas ipse dominatum.*

Cicero pro domo sua num.130. Cassium censorem, ejusque factum cum Clodio, qui domum Ciceronis temerè consecraverat, splendide componit. *Quaso, inquit, & hominem cum homine, & tempus cum tempore, & rem cum re comparate.*

Ille

Ille erat summa modestia, & gravitate censor; hic Tribunus plebis scelere, & audacia singulari. Tempus &c. Ita Christiani flagitium amplificare poteris, Christum scelerato quopiam facto negantis, ut ait Apostolus, cum Divi Petri culpa, & negatione, & hunc leviùs illo peccasse ostendes.

Non est, quod plura congeramus amplificationis, & locorum, unde sumitur, exempla, quæ passim legenti Romanum Oratorem occurrunt. Sic Orat. pro Cæcina num.67. laudat Aquilium judicem enumerando varias virtutes huic muneri accommodatas. *Percommode accidit, &c.* Pisonem omnium mortalium sententia esse condemnatum, docet conglobatis ejus criminibus num. 96. *An ego expectem dum te, &c.* Clodii pariter flagitia enumerat pro Milone num.74. per egregiam repetitionem, & varia incisa. Causarum congeriem habes pro Sextio num.46. ubi per allegoriam causas effert, cur exulare spontè, quàm pugnare cum adversariis maluerit. *Cum in hanc Reip. navim, &c.* Effecta conglobat pro Leg. Manil. *Quid tam novum, quàm adolescentem privatum difficili Reip. tempore exercitum conficere? Pompejus confecit: huic præesse? præsuit &c.* Item Philip. XIV. nu.8. per prætermissionem. *Refugit animus, eaque formidat dicere, quæ Antonius effecerit, &c.* Congerit eventura mala ex Catilinæ conjuratione, pro Mur. num.85. *Quid tandem fiet, si illa pestis prorumpet in agros suburbanos, si huc advolabit: versabitur in castris furor, in curia timor, in foro conjuratio, in campo exercitus, in agris vastitas, omni autem in loco ferrum, flammamque metuemus.* Eadem consequentia per Hypotyposim subiicit oculis quarta Catil. nu.11. *Videor mihi hanc urbem videre: cerno sepultam patriam: versatur mihi ante oculos Cethegi furor in vestra cade bacchantis.*

Diffimilium confictione, probat Cælium Reip. profuturum, & comparisonem inter illum, atque Clodium instituit num.78. Ab iisdem dissimilibus, non esse timendos Catilinæ socios monet,

net, Catil. II. num. 24. *O bellum magnopere pertimescendum, &c.* A contentione rerum pugnantium, Milonem in patria retinendum esse persuadet nu. 104. *Nolite, obsecro vos, pati, &c.* Urget ab eodem, adversarium pro Roscio. Com. nu. 18. *Qua in re mihi ridiculè visus es inconstans, qui eundem & laderes, & laudares: & virum optimum, & improbissimum esse dices, &c.*

Præter amplificationis fontes hætenus explicatos, alius à nonnullis vehementer laudatur. Incrementum appellant, & efficacissimum amplificandi genus à Quintiliano dicitur: cum oratio per gradus quosdam veluti crescit; Ut, magna virtus est, si non lædas, à quo læsus es; major fortitudo, si læsus remittas iram, & veniam annuas; maxima gloria, si cui nocere potuisti, hunc beneficio devincies. Magna pars vitæ, inquit Seneca, elabitur malè agentibus, maxima nihil agentibus, tota aliud agentibus. Verrina VI. *Vnum hoc crimen videtur esse: plura sunt; sed ea quo pacto distinguere, ac separare possim nescio.*



PARS QUINTA.

APHTHONII

PROGYMNASMATA :



Phthonius, rethor insignis, elementa quædam Rethoricæ litteris consignavit, inscripsitque Progymnasmata, idest prævias quasdam exercitationes, quæ sternerent iter ad eloquentiam. Illæ requirunt cognitionem aliquam figurarum, & amplificationis, itemque locorum, quos Oratorios vocant: qua cognitione imbutos esse adolescentes Aphthonius minimè dubitavit, cum sua scriberet Progymnasmata. Quamobrem earejecimus in ultimum hujus libri locum, ut faciliùs intelligerentur, & major ex illis fructus caperetur.

PROGYMNASMA I.

DE FABULA.

Quia narratio est quoddam quasi genus, fabulam, & historiam, tanquàm partes complectens, explicanda primo loco esse duxi quæ spectant narrationem. Virtutes enim, & ornamenta, quæ vulgò historicæ, ac veræ narrationi tribuuntur; eadem fabulæ, quæ fabulosa narratio est, attribui debere nemo neget, ut ex arte fiat.

C A P U T I.

De Narratione generatim sumpta.

QUæ sunt virtutes Narrationis generatim sumptæ, hoc est, seu veræ, seu fictæ, ac fabulosæ?

Resp. Hæ quatuor: Brevitas, Perspicuitas, Probabilitas, & Suavitas.

Quo pacto erit brevis Narratio?

Resp. Si nihil afferatur, quod sit superfluum. Profer exemplum.

En: Cùm ensem, quem adolescens ille suspenderat in quodam domus suæ angulo, arripuisset, illum strinxit, & inimicum insectatus est, tandemque comprehensum percussit, atque interfecit. Hæc narratio nugatoria est, & ineptè longior. Brevis esset, ac melior, si ita diceres. Arrepto gladio fugientem affecutus inimicum interemit.

Quomodo reddetur perspicua?

Resp. Perspicua, seu clara existet, si verbis usitatis, propriisque constet; si vitetur rerum & personarum nimia multitudo; si longiores omitantur verborum, ac sententiarum circuitus; si denique tollatur omnis ambiguitas.

Da exemplum, in quo appareat hæc ambiguitas.

Do, Cùm constaret privignum occidisse vitricum domi suæ dormientem, ad judicem ejus nomen delatum est. Quid obscurius? Nam quæso, uter est interfector, aut interfectus? Et illa domus cujus est? Privigni, aut vitrici? Vaticinare.

Qua ratione fiet probabilis Narratio?

Resp. Probabilis reddetur, seu credibilis, ac verisimilis, si nihil contra decorum peccabitur; hoc est, si nihil dicetur, quod non conveniat personis, ac rebus; nihil, quod loco, aut tempori non congruat.

Pro-

Prome exemplum.

Si quis diceret, pictorem se vidisse utroque orbatum oculo, præclaras imagines coloribus exprimere solitum: careret illa narratio probabilitate; id enim fidem superat.

Quomodo suavis erit?

Primò, si verbis utaris elegantibus, nitidis, lectis, & sonantibus, ipsique rei, quæ narratur, maximè congruis. Secundò, si in ipso narrationis decursu expectationes concitabuntur; si motus animi interponentur, ut lætitiæ, metus, iracundiæ, &c. Si colloquentes personas induxeris, si denique exitus occurrent inopinati, & admirandi, quò vel audienti, vel legenti, accidere jucundius nihil potest.

Declara id exemplo quodam.

Resp. Si mortem Ciceronis narrare velis, & dicas: Popilius ad lecticam, quæ Cicero vehebatur appropinquans, stare jubet lecticarios, extrahuntque Ciceronem obtruncat. Hæc narratio insuavis est; ei suavitas conciliabitur, si motus quosdam, & colloquia inferes, hoc modo. Ut emimûs lecticam Ciceronis aspexit Popilius, ad illam citato cursu contendit, stipatus, ut erat, armatorum militum globo, tum exclamans, & manum protendens, state, inquit, lecticarii: famuli exterriti sistunt; lecticam milites cingunt. Tum minaci voce Popilius; ubi herus vester? Ubi Cicero? Qui audiens se nominari, seque unum peti; profert è lectica caput, & Popilium irato vultu intuens: En, inquit, ferè carnifex, hoc caput amputa, & ad Antonium defer. Ille nihil cunctatus, gladio, quem tenebat, cervicem abscidit. Narratio ista, non ne prima illa suavior est, ac venustior?

Quæ sunt Narrationis Ornamenta?

Ea sine quibus nuda, simplex, & incompta, narratio est.

Quotuplicis sunt generis?

Duplicis. Alia sunt in verbis posita, alia in sententiis.

Quæ-

Quænam sunt ornamenta, quæ in verbis sita sunt?

Hæc præ cæteris.

Primum .

Verba hæc, inquit, ait, & si quæ similia sunt, apud reliquæ dictioni alligantur: quod fit, cum nec initio, nec in fine sententiæ ponuntur, sed post unum, alterumve verbum, hoc modo. Finge matrem quæ filium è caupona revertentem increpet. Censesne, inquit mater, tantum dedecus me laturam diutius? Quid enim commisi mali? respondit adolescens. At mater: ò impudentem, inquit, etiam quærit, quid mali commiserit furcifer! Hic filius convicio exasperatus: Mene, ait, habes mater famuli loco? Cui illa: Non famuli, respondet, sed nequissimi mancipii. Siccine verò, inquit ille, filium amas? Siccine verò, illa refert, tu matrem colis? Habes in hoc exemplo omnes fermè particulas, quibus est opus, quoties colloquia in narrationibus fieri necesse est: Advertendum tamen est, his vocibus, ait, inquit, & similibus, plerumque præmitti participia. Ut: Cæterum Imperator, sicut curru eminebat, dextera, lævaque ad circumstantium agmina oculos, manusque circumferens: Adeste, inquit, Milites, erigite animos, victoria nostra est.

Ergo primos ordines, ut pulchrè sedebat in equo, obequitans Alexander, simulque ad confertos cuneos protendens manus, certandum, inquit, commilitones .

Secundum .

Præsens tempus pro præterito in narrationibus eleganter usurpatur. Ut.

Philodamus rogat Rubrium, ut quos ei commodum sit, ad cœnam vocet. Ille suos familiares invitat: Maturè veniunt: discumbitur, fit sermo

fermo inter eos, & invitatio, ut Græco more biberetur hospes hortatur, utuntur majoribus populis, celebratur omnium sermone, lætitiæque convivium,

Tertium ;

Plures infinitivi sæpè congeruntur suppresso verbo, unde regi possunt; suppressis etiam aliis quibusdam vocibus, ac particulis, ut in hoc exemplo videre licet, quod habet Tullius, exponens quo pacto Verres Candelabrum gemmeum Regi Antiocho per fraudem eripuerit, cum illud rogasset afferri domum suam, perspiciendi causa. Affertur candelabrum à Regis domesticis ad Verrem, qui cum jam satis illud perspexisse videretur, illi tollere incipiunt, ut referrent, iste ait, se velle, illud etiam atque etiam considerare, nequaquam se esse satiatum; jubet illos discedere, & candelabrum relinquere. Sic illi tum inanes ad Antiochum revertuntur. Rex primò nihil metuere, nihil suspicari (subintellige, poterat) Dies unus, alter, plures (subaudi, abeunt) non refert; Tum mittit Rex ad istum, si sibi videbatur, ut reddat. Jubet iste postridiè ad se reverti; mirum illi videri (supple, incipit) mittit iterum. Non redditur. Ipse hominem appellat; rogat ut reddat &c.

Quænam illa ornamenta sunt, quæ in sententiis consistere dicis?

Sunt figuræ quædam nobiliores, quæ si suo ponantur loco, narrationem mirum quantum illustrem reddant. Hæ verò ferè adhiberi solent.

Hypotyposis. Ut: inflammatus ira egreditur domo, ardebant oculi, emicabat ab ore furor, horrebant capilli &c.

Dubitatio. Quid aget misera? quam se in partem conferat? ad quem confugiat? cujus opem imploret? Patris? in vincula conjectus est. Fratrum?

trum? abducti sunt in servitutem. Propinquo-
rum? diffugere omnes.

Suspensio. Quid deinde factum censetis? vi-
ctam fuisse promissis puellam? nullo modo: Cef-
fisse minis? non cessit. Quid igitur facere potuit
columba imbellis, inter ungues Accipitris? Di-
cam: audite. Excisam sibi linguam in os impu-
dici expuit:quo ille telo ictus, victusq; cessit loco.

Communicatio. Ut: quæro à vobis, qui hæc
auditis, si vestræ res in eo essent loco, quid vo-
bis agendum esse censeretis? Fugam arriperem,
inquieta aliquis, nec resistere auderem: At hic
adolescens restitit; immò adversarium inermis
abjecit.

* Exclamatio. Filiam exturbavit nuptiali thala-
mo, & genero nupsit: O mulieris scelus incredi-
bile! O libidinem inauditam! non timuisse ho-
minum famam! non dedecus æternum! non fu-
riarum ardentes tædas! &c.

C A P U T I I.

De Fabulosa Narratione.

HActenus narrationem spectavimus genera-
tim acceptam, prout scilicet res, tam fi-
ctas, quàm veras explicat: Cùm res sunt fictæ,
Fabula dicitur: cum veræ, Narratio propriè nun-
ciatur.

Quid est fabula?

Est sermo falsus veritatem effingens, hoc est:
Falsa quidem, & ficta narratio est; at sub fabulo-
so verborum cortice, veritas semper latet aliqua,
& utilis sensus.

Quas appellationes vulgò sortita est?

Varias: Nàm modò Sybaritica, modò Cilix,
modò Cypriadicitur.

Cur Sybaritica vocata quondam est?

Resp. Quòd Sybaritæ, Græciæ populi, effœ-
minati, ac molles fabulosis, parumque pudicis
sermonibus oblectarentur.

Cur

Cur Cilix vocata est?

Quod Cilices Asiæ populi, ob corruptos mores, fabularum vanitate pascerentur, anilibusq; commentis; ita mendaciis assueti, ut in proverbii locum abjerit.

Cilix haud facile verum dicit.

Quare Cypria dicta?

Propterea quod apud Cyprios, fabulatores magno in loco essent, & magnus fabularum usus.

Quamobrem Æsopica appellata est?

Quid rogas, quod neminem latet? Quis enim nescit Æsopum omnium ingeniosissimè scripsisse fabulas; easque teri solitas omnium manibus; sic, ut haberetur ille olim ignavissimus, qui eas non didicisset? Ex quo etiam natum illud adagium. Ne Æsopum quidem trivisti.

Quot sunt genera fabularum?

Varia, aliæ siquidem dicuntur rationales; aliæ morales; aliæ mixtæ.

Quid vocas rationales Fabulas?

Illas, quibus quidpiam fingimus ab homine dictum, vel factum.

Quas dicis morales fabulas?

Quæ valent ad hominum mores informandos, & à belluis ortæ finguntur.

Quæ vocantur Mixtæ.

Quæ ex rationali, & morali compactæ sunt, idest, in quibus, homines cum belluis sermocinari finguntur.

Cedo exemplum.

Mustela ab homine prehensa, cum instantem necem effugere vellet. Ah! quæso, inquit, mi homo, parce: cur necare me vis, quæ tibi muribus purgo domum? Id tu, respondit ille, mea causa si præstares, ac non potiùs tua, gratum accideret quod facis, veniamque darem supplici. At, quod mures occidis, ut gulæ tuæ servias, & quæ illi corroserint, consumas, vanum est, quod

quod jactas, beneficium, nunc ergo morere.

Hoc sibi dictum putent, qui meritum inane prædicant; dum suis unis student emolumentis.

Quæ utilitas fabulæ?

Multiplex: delectat enim, docet, & movet; Delectari fabulis non pueros tantum, sed etiam viros ætate provectiores docuerunt olim Athenienses, quos cum Demosthenes, apud illos agens de magnis rebus, non haberet attentos; hoc apologo, seu parabola, attentionem excitavit.

Asinum conduxerat adolescens, Athenis Megaram iturus: cumque flagrante jam meridie (æstas enim erat) calor cœpisset esse vehementior, sub Asini ventrem se conjecit, ut umbram capteret. At is, qui locaverat Asinum, litem intendit; afferens, se Asinum locasse, non asini umbram. Hac fabella excitati auditores, animos, & aures arrexerunt. Quod ubi Demosthenes vidit, illos graviter objurgare cœpit, qui de nugis audiendis solliciti, rempublicam negligerent.

Quid docent fabulæ?

Qua ratione instituenda vita sit. Quæ virtutes exercendæ, & quæ fugienda sint vitia.

Movent præterea Fabulæ.

Quo exemplo id probares?

Exemplo Menenii Agrippæ, qui plebem Romanam, quæ in Sacrum Montem secesserat, ad Patrum auctoritatem, concordiamque revocavit, decantato corporis humani Apologo, quem refert Livius *lib. 11. prima Decadis*.

Licetne in re seria, & sermone gravi adhibere fabulas?

Licet, sed rarò: videndum siquidem, quid res, ac locus patiat, tuncque præfari conveniet à viris priscis, ac sapientissimis ista non sine causa fuisse confecta, neque temerè tot jam sæculis magno mortaliū consensu fuisse celebrata: deinde quid sibi voluerint, interpretabimur in hunc modum

modum v. g. ut enim significarent, hominem avarum tam non habere quod habet, quam quod non habet, exhibuere nobis Tantalum quen-
dam, mediis in aquis æterna siti cruciatum
&c.

Quo artificio texendæ sunt fabulæ?

Eodem prorsus, quo narrationes veræ. De-
bent nimirum, quod jam monui, quatuor habe-
re virtutes, scilicet, brevitatem, perspicuitatem,
suavitatem, & probabilitatem.

Quid opus est probabilitate in fabulis, in
quibus nihil est, quod verum sit, aut vero si-
mile?

Opus est tamen. Etenim, quamvis probabi-
le, credibileque non sit, belluas loqui, v. g. &
more hominum colloquia miscere, idque repu-
gnet penitus earum naturæ: Attamen, si voce,
& ratione uterentur, haud dubiè aliter Vulpes
loquerentur, aliter Gallina; illius enim indoles
subdola, tortuosa, & multiplex; hujus ingenium
simplex, & rectum: aliter lupus, aliter agnus a-
geret; nam ille rapax, & ferox natura; hic con-
tra mitis, ac minimè malus. Itaque si pecudibus
illis, quas ratione uti fingimus, quidpiam attri-
bueres ab earum natura abhorrens; v. g. si mures
induceres audaces, Cervos lentos, Columbas cru-
deles, benignos Accipitres, & Vulpes stolidas,
peccares contra decorum, tuaque fabula probabi-
litate careret.

C A P U T I I I.

*Exempla narrationum, ac præsertim
fabulosarum.*

Siti agnus æstuans ad rivum venit; ad quem
pariter accessit lupus ad bibendum. Cumque
superior staret lupus, & agnus inferior; Ille ta-
men jurgii causam captans agnum accusat, quod
turbet aquam pedibus: Hic modestè negat fieri
id posse, cum ab ipso lupo rivi unda decurreret.
At

At maledictis, inquit lupus, me proscidisti ante sex menses. Neque id accidere potuisse, respondet agnus; cum nondum natus esset id temporis. At tuus certè pater maledixit mihi, subjecit ferox, atque ita correptum lacerat.

Sic adornare calumnias, & opprimere innocentem non est difficile.

Eadem stylo ornatiore.

ADrivum agnus venerat, sitis levandæ causa. Lupus huc etiam accurrit, magis prædæ, quam potus desiderio, ac potius stimulante fame, quam siti, & agni lacerandi occasionem aucupans. Heus, inquit, audacule, non cessabis mihi aquam turbulentam bibenti facere, lutulentis pedibus tuis? Cui Agnus, qui possum, quæso, facere quod quereris, lupe humanissime? Vix heu! primoribus labellis rivum attigi, vix extrema libavi undam lingua. Mentiris; imprudens turbasti latices: lutulenta ad me fluit aqua. Ah! quid ais, lupe nobilissime? Nonne vides, à te decurrere liquorem ad meos haustus? Obmutuit hìc lupus ratione repulsus tam evidenti: sed mox ad alia se vertens, novum crimen comminiscitur. Non meministi, inquit, proterve, cum ante sex menses maledicta in me ingereres è stabuli fenestra, minas intendens transeunti? Bona verba, heros sylvarum inclyte, non cohærent quæ dicis, verbo sit venia: nam qui tres tantum sum menses natus, qui potui ante sex menses tibi maledicere? Atqui perinde est, inquit lupus, an mihi tu, tuusve pater maledixerit: Ille certè in me convicium jecit non semel: æquum est parentis pœnas inimicus luat natus. Quo dicto in illum insilit, correptumque dentibus crudelissimè devorat.

Quis enim labor, innocentem structis calumniis infectari, & perdere? Quàm multi etiam nunc agnis imbellibus haud ab similes, cedunt in prædam iniquissimis hominibus, ut voracibus lupis?

pis? spoliantur bonis, fama exuuntur; & privantur, si minùs vita, at vitæ commodis.

De Corvo, & Vulpe.

CORVUS raptum de fenestra caseum comedebat celsa residens arbore. Hunc cùm vidisset Vulpes, laudare cœpit pennarum nitorem, & decorem capitis, totiusque corporis elegantiam: unam ait desiderari vocem; quam si haberet, nullam fore alitem ipsi comparandam. At ille demens, ut ostendat sibi non deesse vocem, & canoram quidem, ac suavem, dum se ad canendum comparat, caseum emittit rostro, quem celeriter dolosa Vulpes avidis arripuit dentibus.

Eadem stylo comptiore.

SEDEBAT Corvus in excelsa arboris ramo, caseum, quem rapuerat è fenestra proximæ villæ pari aviditate, ac voluptate comedens. Hunc vidit Vulpes, & invidit, & lingua sibi lingens rostrum, jam caseum devorabat oculis: spes tamen optato potiundi cibo affulget nulla; quamvisque, & usque arborem sollicitè circumbeat, versetque se in omnem partem. Ad solitas se vertit artes, dejectoque humi tergo, collum, ac rostrum erigit, & aures simul arrigit obtutu in Corvum defixo. Advertit Corvus speculantem, & crocitans: Quid aspectas, inquit, versipellis? Te ipsum, respondet Vulpes, te intueor, Corve mi bellissime; nam herclè tuarum me pennarum splendor in admirationem rapit; nihil equidem memini, me vidisse pulchrius. O si quantum præcedis plumarum nitore aves cæteras, tantum præires voce! Næ tu absolutus fores numeris omnibus, nec ulla esset volucris usque adeò temeraria, quæ auderet tecum de palma contendere. Corvus mirificè delectatus commemoratione illa laudum suarum agit primum, ut decuit, Vulpi
gra-

grates: se tamen non destitui voce asserit; & dabo, inquit, specimen; simulque cantilenam occinit; at simul caseum amittit. Quem Vulpes arripiens fugit, illuso Corvo turpiter, qui cantu ingemitum verso, stoliditatem cœpit suam deplorare, at serò nimis.

Sic capiuntur stolidi laudum venatores, sic inescantur inanis gloriæ vesani aucupes. Quid enim faciunt, dum præbent adulantium vocibus patulas aures? Effundunt bona, rem familiarem dilapidant, existimationem amittunt, maximèque tum deluduntur, cùm laudantur.

Quàm sit misera fors divitiarum Horatius summus dicendi, jocandique artifex bellissima fabella explicat *Libri* 11. Satyra sexta, ubi facit rusticum murem ab urbano mure lauto acceptum in opulentis ædibus convivio fuisse. In mediis epulis auditum ingens à molossis canibus, à famulis conclavia referantibus, murmur: trepidasse mures, & in latebras se coniecisse. Illas rusticus mus, ædium ignarus, ægrè invenit: & post discussum periculum à metu se colligens, Vale, inquit, malo meam cum securitate inopiam, quàm tuam hanc cum tanto timore, & sollicitudine copiam. Fabellam soluta numeris oratione totam hìc dabo.

Si quis, inquit Horatius, Arellium felicem eo nomine, quòd affluat divitiis, fortè prædicet, ignarus nimirum quantis illæ molestiarum curarumque spinis obsitæ sint, hac fabula continuò illum Cervius familiaris meus dedocet. Ajunt Urbanum murem à rustico mure veteri amico adhibitum olim fuisse ad convivium, in angusto, & exili tecto. Erat ille quidem agrestis mus antiquæ parsimonix, nec solitus profundere temerè, quæ multo labore collegerat; ità tamen, ut cum acciperet hospites, non parùm de illa sua frugalitate ac morum asperitate remitteret. Igitur, nec ciceri, quod servatum in reconditori cavo habebat, nec avenæ pepercit, ut amico bene esset. Quin uvas siccas, & laridi corrosa frustula appo-

nebat, id maximè laborans, ut ferculorum varietate fastidium levaret hospitibus delicati, ac superbi, qui dapes singulas summis dentibus vix attingebat. Cùm interim herus ipse structorque convivii, jacens in recenti stramine, comederet frumenti grana, loliumque, cibos exquisitiores hospiti suo relinquens. Ille tam agrestis pertæsus mensæ; Quorsum, ait, infelicem vitam in hoc montis clivo tandiu vivis? nonne videtur tibi satius homines feris, urbem nemori, anteferre? Audi me, quæso, & mecum perge; siquidem quæcunque nascuntur in terris animalia mortalem animam acceperunt à natura, nec mortem si-ve summis, si-ve infimis licet effugere. Quocirca, dum fas est, amice, genio indulge, & ita vive, ut semper memineris breve tibi vivendi spatium esse concessum. Hac oratione permotus agrestis mus erumpit alacer domo: ambo dant se in viam, urbemque noctu clam subire meditantur. Jam nox dimidium cœli spatium confecerat, cùm ineunt amplam, & locupletem domum, ubi lecti ex ebore purissimo elaborati coccineis nitebant stragulis, & multæ dapes ex ingenti cœna relictæ servabantur, in corbes pridè congestæ. Igitur mus Urbanus postquam rusticum murem in purpureo torali collocavit, huc illuc ipse concursat instar servi ad ministrandum præcincti, & alios aliis aggerit cibos; partes omnes, & numeros vernarum ministrantium implet, atque, ut nihil nisi lautum apponat hospiti, singula prægustat, delibaturque. Agrestis mus tam opimæ accumbens mensæ, triumphat gaudio, conditionem suam in melius mutatam sibi gratulatur, ac felici fortuna fruens, vultu ipso lætitiâ, & hilaritatem, quam boni convivæ solent, præfert. At ecce ibi aperiri magno cum strepitu fores; exilit uterque lecto, ac per totum cubiculum trepidus discurrit: auctus majorem in modum est pavor, ubi canes latratu multo amplam domum implevere. Tum verò mus agrestis urbanum ita compellare cœpit: valeas cum ista tua vita: nihil habet illa quod me juvet;

juvet; placet mihi mea sylva, meus cavus: ibi oleribus quidem parcè, ac duriter vivam, at facilè me consolabitur animi tranquillitas, quam nullæ infidiæ, nulli metus perturbabunt.

Non est quod chartam occupemus coacervandis fabularum exemplis. Pulcherrima dabit Phædrus, cujus in versiculis lucet nativus quidam Latini sermonis lepos aureo Augusti sæculo dignissimus. Dabit Ovidius in Metamorphosis, quas brevi, & accurato commentario nuper illustratas, & repurgatas habes. Quid lepidius, & concinnius illa cœna, qua Jovem excipiunt Philemon, & Baucis, in arbores postea mutati? (*libro 8. §. 15.*) Quis asininas Midæ aures non ridet? (*libro 11. §. 5. 6. 7.*) aut rusticos in ranas versos non videtur audire coaxantes? (*libro 6. §. 8.*) aut picas garrientes? (*libro 5. paragrapho 9. 17.*)

Addam his narrationibus unam si non fabulosam, at fabulosæ proximam, quam tamen sunt qui veram esse defendant.

Quidam in Belgio quotidie à summo manè potabat usque ad vesperam: vino, madidus redibat domum, uxorem, liberosque malè maledicabat pugnis, & calcibus. Illa diutiùs ferre non valens ebriosum conjugem, statuit vino sepultum collocare in feretro, involutum linteo funebri. Id cum fecisset, lugere cœpit, quasi mortuum. Ejus lamentis exciti vicini confluunt ejus domum. At ipse mortuus, planctu increbescente excitatur à somno; miratur lacrymas uxoris, ac fascias sepulchrales. Quærit causam, audit, se mero extinctum: nunc Dei beneficio singulari, redire postliminio in vitam. Attonitus ille pessimo liquori inimicitias denunciat immortales, promittitque, se nunquam vinum deinceps gustaturum: & fecit quod in se receperat,

Eadem narratio Stylo paulò venustiore .

FOeminæ cuidam Belgicæ maritus fuit, egregius in paucis potator, toto famosus oppido; dies integros pergræcando postquam in cauponis consumpserat, inclinante in vesperam die solebat titubante gressu reverti domum. Vix attigerat limen, canere receptui uxor cum liberis, abderè se in latebras, expectare dum temulentus crapulam edormiret. Alioquin in ejus os ille involare pugnis, calcibusque miseram contundere, quidquid veniret in manus impingere in obvios; denique pervertere mensas, abacos, omnia. Hoc diù cum tulisset uxor patientissima, nihilq; non experta esset, quo virum advocaret à fœdissima potandi consuetudine, statuit demum ad ultimum descendere remedium, & hanc, quod ajunt, quasi sacram anchoram jacere. Venerat ille aliquando è popina domum, crapulæ plenior solito, & sui planè impos, id ubi advertit cauta mulier, in occasionem reigerendæ intenta, excubabat eminùs, de more latens; donec obdormiscat ebrius. Ut videt prostratum, & rhonchos jam edentem audit, de repente advolat, fascias expedit, manus ligat, pedesque: tum sudario caput implicat, & corpus linteo involvit sepulchrali, componitque in sandapila, quasi mox efferendum ad sepulturam. Dein composito ad mœstitiam vultu conclamat mortuum: lamentis ædes personant, accurrunt vicini, fit gemitus, & comploratio; audit plorantes mortuus, attollitque caput cunctis obstupescendentibus: uxor lætitiā, pari stupore simulato conjunctam præseferens, in feretrum ruit exultans, dissolvit linteum, sudarium detrahit, facias exsolvit, & quærenti marito causam respondet, ad exequias confluxisse, quos videbat, cives optimos; vino ipsi ereptam fuisse cum mente, vitam, sed inaudito miraculo rediisse ab inferis. Credit vir scitè mentienti fœminæ, & vinum execratus jurat, per quidquid san-

sanctum est, abstemium se reliquo vitæ tempore, ad veram usque mortem fore, & verò fuit, quoad vixit.

Stylo magis oratorio.

M Atrona prudens, & honesta maritum habuit in Belgio, cum multis vitiis infamem, tum verò temulentia insignem. Quid non egit mulier cordata, vecordem ut virum ad sanitatem revocaret? quas non intendit machinas; quam industriam non adhibuit? sed nimirum corroborata erat longo usu insana perpotandi cupiditas, altioresque egerat in ejus animo radices turpissima consuetudo, quam ut evelli ratione ulla, aut pudore posset. Convolabat quotidie simul ac evigilarat, in popinas. Quoties marsupio non sufficiente gulæ, caupona abiit expalliatum, atque etiam penè exossatus pugnis, probrisque? Quoties inter redeundum (si hoc est redire, passu labi, & relabi quolibet offensantem altero quoque passu, & in tabernas, ac parietes impingentem) profecuta est caterva puerorum, sibilis, conviciis, luto? Sedenim acceptas foris injurias, intus ulcisci solitus, ut primum attingebat limen ædium, horrendum illicò vociferari, adessent famuli, adesset conjux. Illi contra latebras aucupari, delitescere, trepidare. Si quem occupasset incautum, sternebat humi, & quâ pugno, quâ fuste, pulsabat diris modis miserum. Quid ageret materfamilias? quò se verteret? flebit? obsecrabit? irascetur? minabitur? Horum nihil omisit; verum frustra fuere illa omnia. Quid ergo faciet? Accipite. Audax comminiscitur factum: jacebat ille aliquando vino obrutus, oppressus sopore, quem nullus tonitruï fragor excuteret. Occasionem arripiens mulier, accedit, ac manum utramque primum, tum pedes stringit fune valido, sudario postea obnubit caput, totumque circumvolvitur corpus sepulchrali linteo: tum deinde stertentem parato collocat in feretro, & hinc, &

F 4 inde

inde tædas ferales accendit. Illicet mortuum con-
clamat conjugem, lacrymæ, ut solent fœminis,
justiæ fluunt ubertim, & sinum rigant. Tum ca-
pillos vellens, ac vocem tollens flebilem in mo-
dum. Mi marite, inquit, heu! mi marite, sic
me orbam, & afflictam, æternum deferis? sicci-
ne repentina morte raptus obiisti? Confluit inte-
rea omnis vicinia, ægram solantur, nec desunt,
qui bonas preces pro defuncto fundant, proni in
genua. At ecce; dum hi lugent, illi plangunt,
miserantur alii, excitatus incondito clamore
mortuus, rhonchum ingentem imo emittit pe-
ctore; tum motat caput, tibiaeque vinctas agi-
tat. Hic omnes stupere, exclamare; rediisse in
corpus animum, defunctum revixisse. Uxor, quæ
vix teneret risum inter lacrymas, vivum lugens,
quem vellet mortuum, vero dolore verso in fi-
ctum gaudium, ad feretrum accedens, ò mi vir,
inclamat, quàm maxima voce potest: audit ille,
recluditque oculos, perque linteum lucem videns
malignam, bracchia, & pedes gravi nodo re-
vinctos sentit. Quid cogitasse cogitatis, vivum
cadaver, plorantes, gementes, ululantes audiens,
funebremque apparatus intuens; penè mortuum
è vivo fecit horror stupori mixtus: trepidat se tan-
tillum movere, tacitusque audit lugentem con-
jugem: Siccine, inquiebat versipellis, æternis
ignibus addictus es marite optime? O! si vel an-
te mortem expiasses animum, tot, tamque insa-
nis computationibus inquinatum! Hæc immo-
tus audit miser, tandemque susurro semimortuo
succlamat. Fingit uxor metum gaudio mixtum,
& Vivis, exclamat, carum caput! vivis? Vivo,
inquit ille redux è lethi, & Tartari faucibus. Re-
duxne ab orco? Redux, ò cara conjux: expedi
ah quæso! vincla expedi. Vix illa extricarat fa-
sciiis bracchia, & sudario caput, cum ille, ad astra
tendens manus, vovet alta voce solemne votum,
per omnem vitam vinum se nunquam, ne primori-
bus quidem labris libaturum: & stetit promissis, sic-
cam in posterum vitam, ad veram usque mortem exigens

Narra-

Narrationum exempla luculenta subministrabit Cicero in orationibus contra Verrem, Pro Cluentio, Pro Milone &c. In libris de Officiis, de Oratore, de Divinatione. Dabit non pauca Horatius, nec inveniusta *libro 1. sat. 5.* ubi suum iter Roma Brundisium usque describit: & *satyr. 19.* ubi narrat quantam sibi molestiam garrulus exhibuerit, & *lib. 2. sat. 8.* ubi coenam insulsam falsè pingit.



PROGYMNASMA II.

De Chria.

CAPUT I.

Quid sit Chria, & quotuplex.

Quid est Chria? *Resp.* Est utilis quædam expositio, seu explicatio facti alicujus, vel dicti, vel utriusque simul, certis capitibus comprehensa.

Quare hoc genus amplificationis Chria dicitur?

Quia vocabulum hoc *Chria* usum, five utilitatem significat, unde à nonnullis *Ufus* appellatur.

Quotuplex est Chria?

Triplex: alia est activa, alia verbalis, alia mixta.

Quid est Chria activa?

Illa est, quæ actionem, seu factum quodpiam exponit, & exornat.

Da exemplum.

Lacedæmonii suis ut liberis ebrietatis odium, horroremque ingenerarent, adducere illos soliti erant in conspectum fervorum, qui viro se obruissent, nimirum, ut fædo illo spectaculo detererentur ab hoc vitio. Tarquinius superbus, septimus Romanorum Rex, Legato, quem ipsi filius miserat sciscitatum quidnam se facere vellet, in urbe Gabiis, ad eam redigendam in patris ditionem, nihil respondit; sed in hortum ædium transit, sequente Nuncio, & responsum expectante, ibique inambulans tacitus summa papaverum capita baculo decussit: ex quo filius intellexit, primores urbis interimendos esse, quod brevi præstitit; sic urbs tota in Tarquinii ditionem concessit.

Quid

Quid est Chria verbalis?

Illā est, quæ verba prudenter ab aliquo prolata explicat.

Da exemplum.

Difficilius est imperata facere, quàm imperare faciendā. 2. Pro focis interdum pugnatur acriùs, quàm pro Aris. 3. A summo declinantibus facilis est ad infima prærupta quæque casus. 4. Non est in ejusdem manu ignem iniicere, & injecto spatium, modumque statuere. 5. Sparsa in commune gratia ab omnibus accipitur, à nemine redditur.

Quid est Chria Mixta?

Ea est, quæ factum quodpiam sermone conjunctum complectitur.

Da Exemplum.

Diogenes, cum puerum vidisset petulanter, & immodestè se gerentem, ejus Pædagogum fuste percussit, adiiciens verberibus verba hæc: Sicine puerum hunctuæ curæ commissum instituis?

Scytharum Rex octoginta filios moriturus cum advocasset, jaculorum fascem singulis frangendum porrexit; sed frustra; quis enim tot jacula simul collecta frangeret? Ipse verò tela singula seorsim eximens, nullo labore fregit; factoque monitum præclarum addidit. Quandiù, inquit, vos conjunget mutuus amor, tandiù incolumes, invictique eritis: At si qua dissensio vos segregabit, ac distrahet, vincemini facilè.

C A P U T I I.

Chria partes.

QUænam sunt illæ partes, seu capita, ex quibus Chria componitur? Octo ista, Encomium, Paraphrasis, Causa, Contrarium, Simile, Exemplum, Testimonium veterum, Epilogus.

Quid sibi vult illa vox *Encomium*?

Inchoandam esse Chriam ab illius laude, qui vel dictum protulit, vel edidit factum illud, quod Chriæ materiam præbet.

Quid significat illa vox *Paraphrasis*?

Idem, ac si diceret, expositio facti, seu dicti, quod per Chriam suscepimus amplificandum. Paraphrasis enim, nihil aliud est latine, quam liberior Interpretatio, & dilucidior explicatio dicti cuiuspiam.

Quid sibi vult illa vox *Causa*?

Afferendam esse causam aliquam argumenti, quod pertractabimus, v. g. in hac sententia: Pecuniæ obediunt omnia; quærendum esse cur omnia obediant Pecuniæ, tanquam Dominæ. Et hæc præ cæteris occurret causa: quod pecuniæ usus ad omnia sit ferè necessarius.

Quid illa vox, *Contrarium*?

Significat à contrariis rebus id confirmandum esse, quod probandum nobis est; exempli causa. Quemadmodum pecuniæ obediunt omnia, id est, sicut opulenti in cæteros imperium exercent, videnturque adepti licentiam omnium rerum: è contrario, egeni jacent, contemnuntur, aliorum voluntatibus coguntur obsequi.

Quid sibi vult ista vox *Simile*?

Illustrandam esse docet propositam sententiam similitudine quapiam. Ut. Quemadmodum Regi famulantur subditi, & ab illius nutu cuncti pendunt; ita pecuniæ obediunt omnia. Quid ista, *Exemplum*?

Monet exemplum adducendum esse, ad stabiliendum quod intendimus. Ut si dicam ad confirmationem allatæ sententiæ: Cæsarem, pecuniarum largitionibus viam sibi muniisse ad totum Orbis imperium occupandum.

Quid *Testimonium veterum*?

Ostendit, scriptoris cuiusdam veteris auctoritate confirmandam esse propositam Chriæ sententiam: v. g. Dicam idem sensisse Virgilium, cum pecuniæ summam potentiam admiratus, exclamavit in hæc verba, Quid non mortalia pectora cogis.

Auri

Auri sacra fames?

Quid denique sibi vult *Brevis Epilogus*?

Indicat, quæcunque dicta sunt, brevi, aptaque verborum comprehensione, concludenda esse.

C A P U T III.

De primo Chria capite.

QUam ob causam Chriam auspicamur à laude auctoris sententiæ, vel actionis amplificandæ?

Quia quò major est loquentis, aut agentis auctoritas, eò majoris sunt ponderis ejus, seu dicta, seu facta. Ut ergo sententia, aut actio explicanda, non fidem solùm apud Auditores, sed quandam quasi venerationem sibi conciliet, præmittenda est laus Auctoris.

Qua ratione laudandus est Auctor?

Duplex hujus rei cautio est. Prima, ut laudes sint veræ; nam laudem, qua quis caret, ipsi tribuere, non est laudare, sed illudere. Licebit tamen, quod ait Cicero hoc in genere, largiri nonnunquam plusculum etiam, quàm concedit veritas, & adhibere figuram, quam vocamus Hyperbolem, sive Auxesin, sed modestam. Secunda cautio; Ut propriæ sint laudes, eique convenientes, cui adscribuntur. Sic poeta non est laudandus à robore virium, sed ab ingenio, nec Imperator à suavitate vocis, sed à fortitudine, ac scientia militari.

Quasdam mihi hoc loco Ideas exordiendæ Chriæ, quæso, trade.

Faciam, eoque libentiùs, quòd me non lateat, nullam fermè rem esse, in hoc genere, quæ tyronum animos molestiùs exerccat, quàm ista Chriarum exordia. Cùm enim in iis dicti, vel facti cuiuspiam laudandus sit Auctor, ut nunc monebamus; ubi tritum illud, ac puerile: Meritò laudandus est Isocrates; præciperint, continuò heret

ret illis aqua, nihilque occurrit, quod adiiciant. Cui ego incommodo ut occurram, eorumq; hac in parte molestiam utcunque levem, varia exordiorum exempla subiicio, è variis petita Rhetoricæ locis, ac figuris; ad quorum imitationem, similia ipsi condiscant, aut etiam meliora effingere.

In Ciceronis Laudem.

A Definitionibus conglobatis.

Ciceronem, quem meritò appellare possumus supremum fori Regem, Triumphatorem animorum invictissimum, Rhetoricæ decus, & ornamentum, alumnum, aut parentem potius eloquentiæ, Latinæque facundiæ fontem, dicere solitum accepimus, *Præter culpam, & peccatum, homini accidere nihil posse, quod sit horribile, aut pertimescendum.* Quò quid præclarius? quid ab homine sapientissimo verius dici potuit?

Expendamus, amabò, verba singula divinæ sententiæ: Itane verò, Marce Tulli: nihil pertimescendum esse ais præter culpam? Quid? non est pertimescenda ipsa bonorum jactura? ipsa mors, &c.

In Virgiliū laudem.

A Partium Enumeratione, per Concessionem.

Laudentaliū, per me licet, in Poetarum Latinorum Principe doctrinam non vulgarem; modestiam, & auræ popularis contemptum; castimoniam, & pudorem quo sordes, & obscœnitatem Ethnicis poetis familiarem fugit: ego prudentiam in scribendo, & sapientiam demiror, quæ cum in multis ejus carminibus elucet, tum verò cum ait: *Vna salus victis nullam sperare salutem.*

Enucleemus hoc mysterium, cujus sensum, prorsus dicas carere sensu, si parum tibi perspecta fuerit

rit poetæ mens. Quid enim verò, inquires, ut salutis sue consulat, qui ab hoste devictus est, ei speranda nulla est salus? Ita planè: nulla speranda est: Cum enim nullum sibi superesse viderit salutis consequendæ locum, quid non aget? quas strages non edet, ut se expediat, &c.

In Laudem Aristotelis.

Anotatione Nominis.

Non sine divino consilio factum putem, quod Principi philosophorum, Aristotelis fuerit impositum nomen. Quid enim sonat *Aristos*? nempe optimum? Quid *Telos*? nisi summum, nisi perfectum, absolutumque significat? Fuit nimirum id nominis absolutissimæ laudis quasi prænuncium, quæ vir ille summus sic excelluit, ut in ipsius mentē sapientia videretur fixisse sedem, aut certè dono quodam providentiæ crederetur esse progenitus, in cujus animo artes omnes optimæ, ac liberales disciplinæ, vires suas ostentarent. Adeo ut, statutam humanæ menti metam, ingenii celeritate longè multumque superasse visus sit. Talis, ac tantus vir, audite quid aliquando in commendationem litterarum responderit: Rogatus enim, quo differrent docti ab indoctis, quo, inquit, *viventes à mortuis*.

O dignum Aristotele responsum! ò mortaliū sapientissimo digna vox! Hos tu vivere putas, qui omnis eruditionis expertes, in summa optimarum artium ignoratione versantur? Hos, inquam, vivere tu putas, quia sentiunt, quia loquuntur, quia cæterorum more usura lucis fruuntur? erras. Hæc vita non est, &c.

In Senecæ laudem.

A genere, & forma.

Magnam quidem, meritamque laudem, sibi sapientissimus Romanorum Seneca peperit, cum plurimis præclarè factis, tum verò æqua-

quabili vitæ moderatione, quam non minùs in adversis, ac in secundis rebus adhibuit; majori tamen luce gloriæ, nomen illustravit suum clarissimis ingenii monumentis, quæ transmissit ad posteros, tam gravibus ornata sententiis, ut quamvis ceteræ animi laudes abfuisſent, hæc una tanti viri famam ad sempiternam temporis memoriam propagatura facilè fuisset. Illum adeò, non loqui diceres, sed oracula fundere; non scribere, sed leges ferre. At quàm argutas! Superi! quàm exquisitas! quàm reconditas! Unam de omnibus vultis explanemus? Accipite, quàm scitè perversam hominum, in carpendis aliorum factis consuetudinem carpat ipse, atque reprehendat. *Aliena vitia, inquit, in oculis habemus, nostra à tergo sunt.*

Planè ita se res habet; gerimus quod aiebat alius ille, manticam super humerum: in illius anticam partem, aliena peccata; in posticam propria immittimus; ut nostra hæc nunquàm inspiciamus, illa contra semper obversentur oculis &c.

In Cæsaris laudem.

A Comparatione, & Contrario.

E T si non fati dictu proclive plerique putent; plusne lingua Cæsar valuerit, quàm manu: stylone fuerit, quàm pilo; scriptis, quàm factis; commentariis, quàm victoriis; dicendi, quàm bellandi arte præstantior, in ea ego tamen opinione sum, ut existimem illum militare decus obsecrassè scribendi gloria; victoriaeque vicisse suas, dicendi laude; ingeniique pernecitate, non modò assecutum esse magnitudinem animi, bellicamque fortitudinem, ac felicitatem, verùm etiam longè multumque superasse. Quis neget ipsum egregia, quæ armatus gessit facinora, populorum dedecorasse infinita clade? palmas, quas messuit, miserorum rigasse sanguine? captarum direptione urbium, ac provinciarum suam amplificasse di-

dignitatem: & per aliena damna, stragesque publicas, quasi per gradus, supremum conscendisse gloriæ thronum? At verò, ingenii victoriæ, quas retulit; eloquentiæ triumpho, quos egit; eruditionis trophæa, quæ consecravit, non modò nemini perniciem, sed summam etiam utilitatem posteris, ipsique Cæsari immortalem nominis famam pepererunt. Æstimate, quæ de illo dixi, dicique possunt, unius hujus consideratione sententiæ, & ex ungue, quod ajunt, Leonem cognoscite. *Nihil, inquit, Imperator faciat libentiùs, quàm supplicibus ignoscere.*

Audite Duces, Legati, Tribuni militum, Imperatores, audite Cæsarem, Imperatorum omnium Ducem, ac Regem, militaris officii jura describentem; ex eo discite, quid vobis sit libentiùs in bello faciendum, si palmas, si victorias, meritò celebrandas ambitis. *Nihil, inquit &c.*

In Q. Curtii laudem.

A simili.

TErrenti mihi, ac sæpenuerò legenti Q. Curtii commentarios, deambulare videor in horto quodam ornatissimo inter pictas areolarum amcenitates, pervenuisti distinctas flosculis, quorum odore incitari me undecunque sentio, jucundissimèque compelli, ut illum legam potius, ut istum alium prius decerpam. Haud absimili ratione historiam dum lego Curtii, quasi laborat animus, mira sententiarum varietate blandè pellectus, ac veluti distractus, quibus pulcherrimè collucet tota, venustissimèque distinguitur. Una tamen præ cunctis arridet, quam modò paulò curiosius, ceu florem eximium placet olfacere, attentiusque contemplari. *Nihil, inquit, tam altum natura constituit, quò Virtus non possit eniti.*

Quid enim tam sublime, arduumque esse, aut fingi potest, quò virtute instructus homo aspirare non possit, atque pertingere? Quæ difficultates obiicientur, quas non perrumpat? qui oppo-

nen-

nentur obices, quos non disiciat, quæ impedimentorum moles, quas non evertat?

In laudem Severini Boetii.

Ab Effectis.

Qualis, quantusque fuerit, quàm eximiè cummulatus omni genere laudum Severinus Boetius, qua valuerit apud Reges gratia, quàm excellenti fuerit in Deum fide, quanta publicam rem administrarit sapientia, quanta linguarum omnium cognitione floruerit, quos in lucem libros ediderit, quæ virtutum monumenta reliquerit, quas pertulerit ærumnas innocens, quæ vincula, quos cruciatus, quàm crudelem, acerbamque mortem pro Catholicæ Religionis defensione tolerarit, si oratione recensere mihi esset animus, haud aliud profectò mihi faciendum putarem, ac malè feriatu ille, qui Solem ipsum illustrare maligna candelæ luce moliretur. Unum dumtaxat admiremur, ex illo laudum sole radium, ipsius facta taceamus, dicta volvamus animo, hancque præcipuè dignam sæculorum omnium admiratione sententiam. *Infeliciores sunt, inquit, qui faciunt, quàm qui patiuntur injuriam.*

Quis hoc credat? qui alios convitio violant, injuriis afficiunt, iis ipsis esse miseres, quos vexant?

In laudem Sancti Hieronymi.

Per Congeriem Sententiarum.

Eximia quidem admirandi ingenii vis, ac doctrina, qua celeberrimum Ecclesiæ Doctorem Hieronymum, floruisse constat, laudem, ac venerationem meretur summam. Illius eruditionem, cumulatamque linguarum omnium notitiam, omnium ingenuarum artium cognitionem perfectissimam, qua excelluit, nemo dignè satis prædicet. Nulla mihi tamen exinnumeris, quæ

quæ illum commendavere, animi dotibus, sublimior videtur, quàm inusitata illa sapientiæ virtus, cum in omni ejus vitâ eminens, tum præcipuè in sententiarum majestate, quibus ea, quæ nobis tradidit, doctrinæ monumenta pereruditè illustravit. Quæ ne quis magnificentius à me dicta, quàm veriùs, forsan existimet; placet ex iis unam proferre in medium, omnibusque mirandam proponere. *Sola, inquit, libertas est non servire peccatis.*

Quid igitur, Doctorum Maxime? qui sui juris est, & pro arbitrio cuncta gerit; is non est liber? Non est liber. Qui nihil coactus, nihil necessitate compulsus, sed sponte agit omnia; cum tu non dices liberum? Non dicam liberum, &c.

In laudem Sancti Ambrosii.
Per interrogationem, & auxesin.

QUæ lingua usque adeo soluta, & eloquens, quæ tam disertâ, volubilisque dicendi facultas, quod orationis genus tam expolitum, perfectumque vel minimam laudum particulam, aut verbis exequatur, aut, enumerando recenseat, quas Ambrosius illustri sanctimonix fama, ingeniique magnitudine sibi comparavit. Deficiunt me certè verba, quoties eximia ipsius, quæ transmisit ad posteros eruditionis ornamenta pervolvens, sententiarum, quas, cum viveret, pleno profundit ore, consignavitque deinde literis, varietatem atque majestatem attenta cogitatione perpendo. Attamen omnium illa mihi semper est visa longè præclarissima, & ad morum informationem, in primis utilis, ac pernecessaria, quam his verbis adumbravit. *Luxuria seminarium, & origo est omnium vitiorum.*

Si quis ergo omnia profligare vitia cupit, indicat uni Luxuriæ bellum: immortales capitali huic vitio inimicitias denunciet, &c.

In laudem Diogenis.
Per congeriem, & Antitheses.

Potuitne egentissimus, & simul locupletissimus ille mortalium, ille rerum humanarum contemptor, calcator ille fastus, & arrogantiae, ridiculus ille, admirabilisque philosophus, ac derisor Diogenes, potuitne inquam quidquam profari verius, vel ingeniosius, quàm cum interroganti cuiquam quodnam sibi videretur sustinere terra gravius onus, indoctum hominem respondit.

Laus Senecæ Tragoedi.
Per Antonomasiam.

Quàm sapienter clarissimum Hispani Parnassi lumen, & ornamentum Seneca; ingenii subtilitate nulli secundus, sententiarum gravitate inferior nemini, verum, ac mirabile hoc effatum pronuntiavit. *Qui non vetat peccare, cùm possit, jubet.*

Laus Salustii.
Per Exclamationem.

Quoties Salustii, historicorum omnium meo quidem iudicio facilè Principis, dignos æterna luce commentarios evolvo manibus, oculis perlustro, mente, animoque considero; continere me non possum, quin admirandus exclamen, ò virum omnium literarum laude celebrandum! ò sempiterna dignum commendatione ingenium! quàm prudenter digessit omnia! quàm graviter, cùm cætera, tùm verò hanc sententiam protulit! *Majorum gloria posteris quasi lumen est, neque bona eorum, neque mala in occulto esse patitur.*

Laus

Laus Quintiliani :
Per Repetitionem .

Non sine causa , magnus ille , sapientissimus-
que declamator , & Rhetorum magister
Quintilianus ob ingenium eruditionemque cele-
bratur . Quis enim illo in laudando comptior ?
quis in vituperando acrior , quis subtilior in e-
disserendo ? quis ornatior in verbis ? quis argu-
tior in sententiis ? Mihi verò acutior nunquam
visus est , ac pressior , quàm cum dixit . *Satis di-
vitiarum esse , nihil velle amplius .*

Laus Theophrasti .
Per Apostrophem .

Quem ad finem illud semper in ore habebas ;
divina vir facundia , Theophraste , magni
magistri Aristotelis discipule maxime ; qui ad
eam dicendi laudem effloruisti , ut meritò à Cice-
rone philosophorum eruditissimus , & elegantis-
simus fueris appellatus ? Quid erat , quod crebrò
usurpare hoc illustre dictum solitus esses ? *sumptus
pretiosissimus tempus est : cum illud tamen in nu-
gis , quodque gravius est in vitiis , criminibusq ;
plerique consumant .*

Laus Demosthenis .
Per Sustentationem .

Doleo , inquiebat aliquando Demosthenes :
Quid doles eloquentiæ parens , & artifex ,
qui omnes quotquot ante , vel post te floruerunt ,
dicendi gloria , orationis vi , sublimitate , im-
petu , cultu , compositione superasti , quid do-
les inquam ? quòd votis fortuna tuis parùm ob-
secundet ? quòd morbus te aliquis , aut ægritu-
do mentis invaserit ? *Doleo quod antelucana opifi-
cum industria sæpe victus sum : ò contentionem ad-
mirabilem ! Dolet Orator ille præstantissimus ,
quòd*

quod major sit, quam sua, opificum diligentia,
&c.

C A P U T I V.

De secundo Chria capite, Paraphrasi.

HÆc paraphrasis aliud nihil est, quam uberior expositio sententiæ, ac dilatatio. Dilatari autem eo modo sententia quælibet potest, quo Periodum amplificandam esse docuimus *Parte 2.* Sæpe sufficit singulas propositæ sententiæ voces explicare, ut si dicas: *omnia amicis communia sunt.* *Omnia*, opes, honores, adversa, prospera. *Amicis.* Nempe illis, qui non ore tenus duntaxat, sed ipsa re inter se amant &c. Hæc ita explicata involve aliqua figura: paraphrasim habebis. Exempli causa. O vim amicitiae mirabilem! quæ si quos inter se non tecti solum, aut patriæ communiõne, utilitatis, aut commodi causa, sed animorum suavissima consensione junxit, illis omnia facit esse communia (Tum per subjectionem ita perge) Quid enim amicus possidet, quod non communicet sponte cum amico? Opes? at eas prolixè largitur. Honores? &c.

Placet amplificare alteram hanc sententiam?

Audaces fortuna juvat.

TErnæ illæ voces similiter exponendæ sunt haud absimiliratione.

Primam vocem explicabis per subjectionem crebra repetitione militam; per Isocolon, &c.

Audaces.

Qui sunt audaces? Sunt, qui periculis non terrentur, qui discrimini obiciunt caput, qui nec vulnera, nec mortem exhorrent, quos nullus timor deiicit, nullus adversæ fortunæ

næ casus remoratur; qui stimulati præclara gloriæ cupidine, si committendum prælium est, primi se in confertos hostium cuneos immittunt; si vi expugnanda mœnia, scalas admovent, primi in hostica transfiliunt castra; qui vulnerati non recedunt loco; deserti non respiciunt fugam; prostrati non concidunt animo. Tales si nacta fuerit

Fortuna.

DEa illa, tametsi cæca, inconstans, dubia semper, ac varia: quantumvis perfida, & ut ait Lyricorum vatum Princeps, ludum insolentem ludere pertinax; tamen illos

Iuvat.

IN periculistutos, armis invictos, & malis infractos tuetur, defendit, protegit, obices amovet, labores levat, eis iter ad victoriam sternit, coronas, & immortalis gloriæ triumphos adornat.

Unum adhuc sumamus exemplum.
Donec eris felix multos numerabis amicos.

Sententia hæc duobus tantum constat membris. I. Donec eris felix. II. Multos amicos numerabis. Sic autem utrunque diffundam quærendo quidem quid sit esse felicem; denique quid sit numerare multos amicos.

Donec eris felix.

Esse felicem, est. I. Fortuna uti prospera. II. Opes amplas possidere. III. Honores, ac dignitates obtinere. Hoc igitur modo illud expones per synonymorum congeriem.

Quandiu fortuna respondebit optatis tuis, votisque suffragabitur, quandiu tibi fluent ad arbitrium

bitrium omnia: dum opibus, honoribus, & reliquis vitæ commodis afflues; dum superba domus, &c.

Multos numerabis amicos.

INnumeros invenies, qui se tibi addictos, obstrictosque profiteantur, qui singulare suum polliceantur studium in omni genere officii, quod ad gloriam, & ad rem tuam spectet; qui palam prædicent, nullum pro te laborem, nullum se onus recusaturos, qui quæcunque tibi grata esse viderint, omni cura, ac diligentia complectantur. Occurrent tibi frequentes, cum descendens in publicum, deducunt te, stipabunt latus, honorificis te verbis excipient, salutabunt comiter, amplectentur, venerabuntur.

C A P U T V.

*Transitiones ad connectendas Christi
partes.*

SUbjungo jam communes quasdam transitionum formulas, quibus singula Christi capita copulentur inter se. Monuimus transitiones hujusmodi, vix sub artis præcepta cadere, sed ab ipso, quod tractatur, argumento duci naturaliter; non tamen sine dicentis, aut scribentis solertia. Ne quid tamen hæc etiam in re desideres, nonnullas attexam, quæ omni fermè argumento convenire possint. Sumamus hanc sententiam, exempli gratia.

Ardua est ad virtutem via.

Transitiones à Paraphrastico ad causam.

SI hujusce rei causam ex me quæras: dicam, arduam idcirco ac difficilem esse viam virtutis, quod &c.

Rogas, undenam hæc difficultas oriatur? At
ne-

nescis, non aliam assignari causam posse, quàm quòd &c.

Sciscitaris ex me causam hujus difficultatis? Accipe. Ideò mihi videtur via illa difficilis; quòd &c.

Nec mirum est, virtutis iter, plenum esse laboris, ac molestiæ; nam &c.

Sed quid miramur, quod via ad virtutem ducens, tam incommoda, & adeo impedita sit? Etenim, &c.

Atque hæc hujus difficultatis mihi videtur esse ratio, quòd cum natura proclives simus ad vitia, &c.

A causa ad contrarium.

Facilis contra, lubricaque ad vitium via est. At verò via, qua ferimur ad vitia, ita comoda est, ut duce nequaquam sit opus.

Contra verò quid facilius, quàm labi ad vitia. Quàm contra jucundum, & amœnum est vitiorum iter!

Nullum è contrario expeditius, & facilius iter est, quàm quod ad vitia non ducit, sed præcipitat hominem.

Sed ut abrupta, plenaque laboris ad virtutem via est; ita planissima, plenaque voluptatibus est, qua rapimur ad vitium.

At, ò miserrimam conditionem nostram! quantum molestiarum experimur, cum ad virtutem tendimus, tantum percipimus jucunditatis ruentes ad vitia.

Atque utinam, æquè saltem incommoda esset ad vitium, atque ad virtutem est via! verùm nihil simile, nihil habere commune possunt, virtus, & vitium, cum labore ad illam, voluptate ad hoc contendamus.

Age jam, oculos in virtutis viam coniice. Superi! quàm est salebrosa! &c.

A contrario ad simile.

Quemadmodum enim ascensus difficilis esse solet, tantoque difficilior, quantò infirmiores sunt vires ascendentis, & asperior collis est. Ita &c.

Et verò, quod in arte Architectonica usu venit, ut magnus sit in ædificando labor, in destruendo verò nullus, similiter &c.

Vide quanta cura, quanta contentione Imago pingitur, quæ momento lacerari, delerique potest; Idem accidit &c.

Sic non sine ingenti labore, ac periculo Adamantem è rupibus inaccessis, Aurum è terræ visceribus, Uniones è fundo maris eruuntur.

Cogita quanto cum labore artium omnium prima elementa discantur; intelliges, &c.

A simili ad exemplum.

Testes sunt Heroes illi omnes, qui vitam in ærumnis consumpsere, ut virtutem adipiscerentur.

Testes appello illos omnes, qui sanguinis pretio thesaurum illum sibi compararunt. Vos appello illustres viri, scæminæque; Te appello Alexi, te Carolomanne, qui ut virtutem &c.

Experti sunt laborem virtutis, Magnus ille Athanasius, Chrysostomus, Basilus, alique innumeri, qui &c.

Sensistis hunc laborem, Doctores inclyti, invictissimi martyres, celeberrimæ Virgines, dum &c.

Quid exemplis opus est ad id stabiliendum, quod dicimus? Quis enim nescit, intolerabiles ærumnas eos pertulisse, qui virtutis iter sequuti sunt.

Requiris exempla, testes desideras? Evolve annales omnium gentium, &c.

Ab exemplo ad Testimonium.

NEc verò aliud significare voluit ipse Christus, cum diceret, angustam esse vitæ portam.

Idem sentiebat ille, qui dicere solebat, Deos nobis omnia laboribus vendere.

Quid aliud innuere Pythagoras voluit, virtutem dicens cum labore semper esse conjunctam?

Audite quid in eandem sententiam Horatius scripserit, Nihil sine magno vita labore dedit mortalibus.

Hoc ipsum declarare voluisti Sophocles, cum assereres sine labore nihil homini bene unquam succedere.

Sed quid plura disputo? Audiamus, quàm præclare Cicero eandem hanc sententiam suo testimonio comprobavit.

Epilogorum formula.

QUæ cum ita sint, quis non fateatur, arduam esse ad virtutem viam; rem esse plenam negotii &c.

Quæ cum ita se habeant, neminem esse puto à ratione tam alienum, qui virtutis studium &c.

Itaque fateamur necesse est, nihil ab scriptore illo verius dici potuisse, quàm cum asseruit, arduam esse &c.

Et erit deinde, qui in dubium revocare audeat, quod tot rationibus stabilitum est, videlicet arduam &c.

Imponamus orationi clausulam, assensumque præbeamus manifesto huic oraculo: virtutis studio difficilius nihil esse &c.

Sed tempus est, institutæ orationis expediamus exitum, iisdemque verbis, quibus initium dicendi sumpsimus, finem dicendi faciamus.

Hæ porro conclusionum, seu Epilogorum formulæ vulgares sunt, & communes argumentis quibuslibet: At concinniores erunt, & aptiores quæ ab ipsa Chriæ materia, seu ab ipsis, quod ajunt, Causæ visceribus ducentur; ut variis exemplis patebit paulò inferiùs.

C A P U T V I.

Exempla Chriarum.

TRia Chriarum genera esse diximus: alias in verbis, quæ Verbales: alias in actione aliqua, quæ Activæ: alias partim in verbis, partim in actione, quæ vulgò dicuntur Mixtæ. Exemplum afferamus singularum: earumque (primi præsertim, ac secundi generis) ita singula prosequamur capita, ut quæ primum, ac rudi stylo delineata fuerint, eadem paulò ornatiore pertexamus: sic nimirum facilius animadverso inter utrumque scribendi modum discrimine, adverte faciliùs, quid imitandum sit, & quid evitandum.

Chria verbalis.

In hæc Regis Salomonis verba.

Stultorum infinitus est numerus.

Multa quidem sapienter dixit Salomon, sed nihil sapientius unquam protulit, quàm cum pronunciavit, stultorum infinitum esse numerum.

Ita fermè Grammaticus; id ipsum autem Rhetor sic eloquetur.

Sapienter quidem Illustrissimus ille Rex, qui ob eximiam, ac divinam, qua mortales universos superavit, laudem Sapientiæ, clarissimum sapientis nomen adeptus, & quasi propriam, si-

bi quodammodo vindicavit; sapienter, inquam, Salomon dixit, scripsitque plurima. At nihil magis consentaneum rationi, ac veritati congruum prolocutus est, quam cum stoliditatem hominum, secum ipse reputans, divino incitatus spiritu, afflatusque cœlesti numine, stultorum numerum infinitum esse pronuntiavit.

Ita est, omnes fermè homines desipiunt; & nullus est locus, in quo stultos non invenire liceat: verè quippe insani sunt, ac dementes qui vitium virtuti præferunt, & terram cœlo, Deumque rebus creatis postponunt: atqui infiniti sunt, qui hoc stultitiæ genere laborant; ergo stultorum infinitus est numerus.

*Impolita hac oratio, & incompta
sic ornabitur.*

ITa est profectò: mortalium plerique (absit verbo invidia) eò graviore sæpe laborant morbo dementiæ, quò sibi plus cæteris videntur sapere. Quò enim ibis, oro te, ubi non offendas insanos? eorum partem maximam, quos vides suis studere commodis, captare delitias vitæ, rerum suarum diligentem gerere curam, susceptaq; negotia callidis consiliis ad optatum finem perducere; illos inquam, quos vulgus hominum, ut prudentes laudat, extollit ut providos, ut acres, & ingeniosos prædicat, eosdem Rex ille sapientum Salomon longè imprudentissimos, stultissimosq; appellandos esse jure contendit. Quid? non appellabuntur insani qui honestati turpitudinem, libidinem moderationi, virtuti vitium; cœlo terram, ca duca bona, veris ac sempiternis anteponunt? Non desipere dicam qui relictis cœlestibus beatæ vitæ gaudiis, obscœnas volutates consecretantur? Non stultos vocem, qui momentanea delectatione, æternos sibi parant cruciatus; qui proculcata ratione vitam belluis ducunt simillimam, qui gloriolæ inanes fumos aucupantur, qui omnia ex opinione, nihil ex veritate judicant?

Videsne discrimen utriusque Paraphrasis?

CAusa hujus stultitiæ tam latè patentis est quia plerique, non rationem sequuntur ducem, sed cupiditates, quibus abripiuntur ad insanam illam vivendi rationem.

Hanc causam sic expone per allegoriam.

Nimirum, vitæ suæ ducem, paucissimi sequuntur rationem: quæ cum deberet clavum moderari, & vitæ cursum regere, exturbata per summum scelus, & contumeliam in sentina vitiorum demersa jacet: dum in ejus locum suffecta cupiditas, tractat gubernaculum, & furentibus animi perturbationibus, ut fluctibus insanis hominem exponit?

Contrà: Sapientum numerus oppidò exiguus est.

Hanc sententiam ita dilatabis per inductionem allegoricam.

Apparent interea, tot inter insanientes, naufragos, rari sapientes, nantes in vastissimo procellosæ hujus vitæ oceano. Unus Ulysses numeratur; & unus Orpheus, qui Syrenum ferali cantu non pelliciantur in fraudem, qui Circæis illecebris non deiciantur de statu mentis; qui Scyllas, & Charybdes innoxii prætervehantur, & virtutis portum teneant.

Sicut inutiles lapilli, & plantæ nullius pretii sunt innumerabiles: ita infiniti sunt stulti.

Ornatiùs hoc ita expones per incisam repetitionem, &c.

Citiùs profectò fluctus, quos ciere tempestas solet; aut arborum folia, quæ frigus hyemale decutit; aut lapillos, quos in littoribus al-
luunt

luunt undæ, quàm exortes rationis, ac prudentiæ homines numerabis. Ita enim natura comparatum videmus, ut præclara quæque rara sint; vilissima passim occurrant. Sic saxa ignobilibus, & filicibus loca omnia cernis obsita: Sic inhorrescunt vepribus, infelicibusque plantis opprimuntur agri: sic, &c.

Exemplum dabit Noemus, qui inter infinitos amentes, solus sapiens inventus est.

Hoc exemplum sic explica, & sequens caput cum superiore ita conjunge.

NON nunc primùm infiniti esse ceperunt maelani. Ab orbis incunabulis, eorum numerus crevit in immensum, & ita crevit, ut ex innumeris hominibus, post mille sexcentos, & quinquaginta sex annos, unus duntaxat inventus fuerit Noemus, qui divino suffragio, sapientis laudem adeptus sit, quique extorem terris sapientiam exceperit in fatalem illam navim divino jussu à se fabricatam, in qua solus cum suis à communi diluvio, rerumque omnium naufragio servatus est.

David Rex, & Propheta, Salomonis filii suæ sententiam, sua confirmavit, cùm dixit: Ne unum quidem inventum esse qui saperet.

Hoc testimonium sic adhibebis elegantius per apostrophen.

ID videras Vates sanctissime, Salomonis sapientissimi multò sapientior parens: hauserat ille à te disciplinam hanc cœlestem, divinamq; philosophiam. Audierat te profectò, cùm perspecta mira paucitate sapientium, exclamares attonitus ac stupens; Ne unum quidem ex omnibus, ab rerum omnium inspectore Deo esse deprehensum, qui saperet, qui rectam virtutis viam sequeretur, qui vitam ageret homine dignam. *Omnes decli-*

naverunt, inquiebas, non est intelligens, non est usque ad unum.

Igitur sapienter dixit Salomon, stultorum infinitum esse numerum.

Paulo concinnius ita perorabis per interrogationem periodicè fusam.

QUæ si vera sunt, ut verissima esse nemo sanus dubitabit; an non sapientissimè Salomonem asseruisse fatendum est, stultorum hominum tantam esse ubique gentium multitudinem, ut eos numerare nemo possit.

Chria Activa.

S. Franciscus factis concionaturus, non verbis, urbem totam obit cum socio.

Singularum hujus Chria partium proponam artificium, quò illud facilius imitere. Exordiamur à laude S. Francisci.

Silete omnes: Franciscus se ad concionandum comparat. *Vis hac linea paginam implere? Terna illius partes difundenda sunt. Prima: Silete omnes; ab enumeratione partium, eos compellendo, quibus imperari potest silentium. Secunda, Franciscus explicando quis ille sit, per varias definitiones, & effectus: Tertia se comparat ad concionandum: exponendo ab adjunctis, quid sit se comparare.*

Silete Oratores, favete linguis rhetores; Sacri præcones novum concionatorem auscultate. Franciscus ille Religiosæ paupertatis assertor inclutus; generosus ille contemptor opum, & inopiæ cultor opulentus: ille tam expers litterarum, & eruditæ facundiæ, quàm virtutum dives; Fran-

Franciscus, inquam, concionaturus prodit è cellula; adeste animis omnes, & attendite.

Sequitur Paraphrasis, seu potius explicatio actionis illius, qua hujus Chria argumentum est, quamque tribus his verbis complector, Franciscus urbem modestè silens obit.

Porrò hac actio ab adjunctis, & consequentibus amplificanda est. Adjuncta sunt: Francisci per urbem incedentis silentium, ac modestia; consequentia verò, civium concursus ad illum videndum, ipsiusque virtutis admiratio, variis testata signis,

Hanc paraphrasim, siue expositionem adnectos per correctionem oratoriam, subiicies crebram antithesim, tum sustentationem, &c.

Immò verò intendite potius oculos, & aspiciete. Usus aurium nullus in hac concione futurus est, quippè quæ silentio fieri debet, non voces; factis, non verbis; exemplo, non sermone. Quid expectatis? Non ascendit Franciscus pulpitum, sed descendit in publicum; non sacram subit ædem; sed totam obit urbem; neque manus movet ad gestum, sed immotas ante pectus, modestissimeque compositas tenet.

Nihilo tamen minus, etsi divinus hic orator verbum faciat nullum, neminemque vel alloquatur, vel aspiciat, susceptamque insinat viam silens, auditores innumeros nanciscitur: effundunt se obviam viri, & foeminae, turmatimque ad audiendum (iterum hinc erro) ad videndum, inquam, Franciscum convolant. Modestiam suspiciunt incedentis, squallorem habitus observant, patientiam demirantur, vitæ sanctimoniam prædicant. Nèc verò votis solum testantur conceptam animo reverentiam: at submissio corpore, venerationis ergò, honorem habent transeunti, procumbunt alii ad ejus pedes, & impressa solo lambunt vestigia. Illi contingunt manu trepida vestis detritæ fimbriam, ac furtim frustula

præcidunt. Sed quid hæc sigillatim commemoro? ad studium virtutis accenduntur omnes; ad salutarem Dei metum, æternæque vitæ cogitationem excitantur aspectu Francisci. Interea vir Sanctus suam se refert in cellam: jamque limen attigerat, cum ad illum conversus comes. Quò te, mi pater, agis? inquit, ubi illa concio, quam te in egressu habiturum esse dixeras? cui ille: Concionem, inquit, peregrimus, atque ex animi quidem sententia; non voce peroravimus, sed exemplo.

Causa jam subiicienda utilissima hujus, ac præstantissima concionis, quod scilicet exempla efficaciora sint ad persuadendum, quàm verba. Hac autem causa per expolitionem, & congeriem sententiarum idem ferme significantium, dilatarì sic potest. Initium duces ab exclamatione.

O Concionem præclarissimam, ò tacitam simulque eloquentissimam orationem! Perorasti, Francisce, perorasti sanè feliciter, uberrimumque ex oratione tua collegisti fructum; persuasisti: tantoque facilius, quanto ad persuadendum differtior manus quàm lingua est, & ad expugnandos animos machina multo validior exempla sunt, quàm præcepta: his videlicet illustratur humana mens, illis incenditur: hæc vocant, illa trahunt: hæc denique suadent, illa persuadent. Vis ò quicumque oratoriam profiteris artem, persuadere? Vis arduam virtutis complanare viam? Præi exemplo; spontè sequentur alii: factis hortare priusquàm præceptionibus: cælestem virtutis formam ne verbis depinge tantum, vix enim auribus animus credit; sed eam moribus exprime, & velut oculis obiice, statimque spectantium animos ejus amore succendes.

A contrariis nunc ostendendum, verbis non aequè moveri hominès, atque exemplis, insectando illos Oratores, qui cum non faciant qua docent, delectant quidem aliquando, at nunquàm movent.

At vos, Oratores vanissimi, qui eloquenti lenocinio, & illecebrosa loquacitate titillatis aures.

res imperitas, aliudque nihil aucupamini præter auram popularem, & famæ rumusculos, amabò dicite, qui motus animorum, quæ immutationes voluntatum, quæ virtutum miracula præclaras illas quas habuistis conciones fuerint consecuta? Meditatas orationes, ad animum exactas, & ad unguem politas affertis domo, vocem intenditis, obtunditis clamoribus otiosas aures: at quo fructu operæ? Vobis enim exardescantibus auditor friget, vobis perstreptentibus oscitat, intonantibus obdormiscit. Quid ita? quia orationi vestræ mores non consentiunt; quia, quod sermone statuitis, actione revellitis; quia, quod suadetis verbo, prævaricante vita refutatis.

Nempè non sonanti grandine sitientes rigantur agri, sed leniter stillante pluvia: non fulminum fragore segetes educantur, sed benigno solis aspectu, non, &c.

Videte quo milites ardore irruant in hostes, quo furore irrumpant in obsessam urbem per everfa mœnia! Quid illos vitæ ac necis oblitos per media rapit pericula? Dux egregius, qui sublimis in equo, & exertum vibrans gladium, præit.

Testis hujus sententiæ locuples, & veteris Francisci suffragator idoneus es Franciscæ Borgia, Gandiæ Dux sanctissime. Concionabatur aliquando vir ille Sanctus, extra urbem in planitie patentissima, ob incredibilem hominum turbam, è circumjectis oppidis confluentium; cumque nec audiri posset à remotioribus; immò ne intelligi quidem à proximis, quod regionis linguam non ita calleret; fluebant tamen ab oculis omnium magno cum pietatis sensu lacrymæ; nonnullique interrogati, quid lacrymarentur, cum ea quæ dicebantur non intelligerent; flemus, inqueiebant, quia sanctum Concionantem intuemur.

Adeò verum est Leonis Sanctissimi, Maximi-que Pontificis oraculum, Validiora esse exempla, quàm verba, & plenius opere doceri, quàm voce. Adeò nihil à Sancto Francisco fieri potuit

sapientius, & ad persuadendum accommodatius, quàm cum exemplo modestiæ, reliquarumque virtutum concionaturus, urbem tacitus peragravit.

Chria mista.

Diogenes accensa Laterna,

Frequentissimo foro, hominem quærit.

Quid cum laterna illa tua quæris, Diogenes lepidissime bipedum? Quid investigas sapientissime nugator, cum accensa illa laterna, in meridie, medio in foro frequentissime civitatis? Responde, Tenebrio clarissime, quid investigas? Audite quid respondeat. Hominem quæro, inquit. Hominem quæris? Tu tot inter homines, inquiris hominem? Amplissimo in foro, in tanta hominum ultro citroque comitantium multitudine hominem quæris? Quid? oculisne, an mente orbatus es? Quos intueris, umbrasne hominum reris esse, non homines? Qui te salutant, qui percontantur quid quæras, hos non homines esse putas? Non putat. Quærit hominem scilicet, non quemlibet obvium, sed prudentem, sed cordatum, sed temperantem, additumque virtutis studio, ac sapientem. Quid enim censes, tu, qui philosophi hujus consilium, & responsum rides? Quem, amabò, hominem esse judicas? quem hoc illustri nomine dignum arbitraris? Eumne qui felicitatem turpissimis in rebus sitam existimans, nihil sibi expetendum putat, nisi quod corporeos sensus inani, aut obscena delectatione permulcet? Qui nihil cogitans de honestæ vitæ, & rationis officio, eò fertur amens, quò voluptas allicit, quò cupiditas incitat? Egregiam verò speciem, dignitatemque hominis, quem summus omnium Opifex Deus præposuit terrarum orbi, cujus imperio subjecit

omnia, cujus causa universam condidit mundi molem. Ille, homo dicendus est, qui magnitudine animi, despicientia rerum humanarum, virtutibusque omnibus munitus spernit voluptates, refrænat libidines, coercet avaritiam, improbis-
simis Dominis, dedecori, ac turpitudini non pareret. Hic ille homo est, quem Diogenes olim quæ-
ritabat, quemque ut facilius inveniret, lucernam de medio gestabat die.

Hujus enim generis Homo non est obvi-
us: eo more qui vivat, perrarus est: accendenda tibi est
idcirco sagacioris judicii lampas; non corporis
solum aperienda lumina, ut eum discernas ab a-
liis. Externam quippè oris humani speciem ple-
rique præferunt, at cupiditatis immoderatæ
plusquam Circæo poculo, in varias mutari bel-
luas, vulpium induunt alii fraudulentam indo-
lem, luporum alii voracitatem imitantur, alii
Leonum rabiem, serpentium virus, asellorum
stoliditatem, ac desidiam, levitatem volucrum,
moribus adæquant, ac sæpe vincunt.

Tales si tu homines indagas, lucernam haud
opuserit accendere, nec obire fora compitaque
necesse erit; ubique tibi occurrent, hujusmodi
invenies infinitos, vel oclusis luminibus. At si
verum inquiris hominem, si optas reperire sapien-
tem, fume lucernam, teque Diogeni comitem
adjuuge.

C A P U T V I I

Chriarum argumenta varia.

FActurum me putavi rem æquè Præceptoribus
gratam, ac Discipulis, si quædam hic Chria-
rum argumenta subnecterem, materiamque ru-
dem, & impolitam subministrarem, in qua ipsi
deinde Tirones elaborarent per otium. Plerasque
hic delineo, quarum primæ Verbales, sequentes
Mixtæ erunt, ultimæ Activæ.

I. Chria Verbalis .

Fiet in hanc sententiam .

Invia virtuti nulla est via .

Ovidius laudabitur ab ingenii magnitudine,
 & sapientia, cum hanc protulit
 vocem: *Invia virtuti
 nulla est via.*

Sententiæ hujus sensus est; nihil esse adeò difficile, quod homo virtute præditus præstare non possit. Difficultates hinc singillatim recensendæ sunt, labores, ærumnæ, jacturæ bonorum, ac nominis; morbi, mors denique: & ostendendum eas omnes difficultates, egregiè à virtute vinci, adeoque feliciter, ut quò labores graviores sunt, eò majorem colligat gloriæ segetem, & uberiores laudum materiam.

Cur nulla est via tam difficilis, quæ sit virtuti invia? Cur nullus labor est tantus, quem superare virtus non possit? Quærenda erit idonea hujus rei ratio: v. g. quia virum virtute præditum nulli terrent labores, non ipse mortis aspectus conturbat &c. Vide Horatium Ode *Iustum, & tenacem* &c.

Contra vitium est debile, iners, infirmumque, & vel minimo labore homo virtute destitutus frangitur.

Quemadmodum fulmini nihil occurrit, quod obstitat: ut soli nullæ-opponi nubes possunt, quas non dissipet: sicut torrens repagulis objectis intumescens, obvia quæque proruit: sicut inclusus ignis erumpat necesse est, nullæque super imponi possunt tantæ moles, quas non evertat; ita virtus, &c.

Quam difficile Davidi fuit adhuc puero, & inermi, leones, ursos, manibus captos strangulare ac

re ac dilaniare in frustra? dilaniavit. Gigantem armatum singulari certamine vincere, ac prostrere? Vicit, prostravit, interfecit. Quàm laboriosum Josepho fuit fratrum invidiam, & crudelitatem, servitutem, calumniam, vincula ferre, ac superare? tulit fortiter, feliciter superavit. Similis exemplorum inductio fieri hoc loco poterit in eundem modum.

Ovidio Q. Curtius iisdem ferè verbis concinit, cùm ait: nihil esse tam arduum, quò virtus non possit eniti.

Concludetur brevi epilogo, quo nos ipsos excitabimus ad vitutis cultum, cùm nihil ea sit potentius.

II. Chria verbalis.

Etiā sine Magistro vitia discuntur.

Laudandus Seneca, quod inter scriptores ethnicos, Magistri virtutum nomen meritò vindicare sibi posse videatur, maximè cum dixit: etiam sine magistro addisci vitia.

Explicabitur illa sententia, ostendendo opus non esse scholas frequentare vitiosorum hominum, libros legere pestilentes, præceptores audire improbos, ut discamus vitia, &c.

Causa, cur sine labore studioque Vitia discantur, est naturæ nostræ pravitas, & ingenita nobis ad malum propensio, quam quotidianis vitiis augemus.

Vitio contraria Virtus est: ut hanc addiscamus, quot magistrorum, & librorum opera requiritur? quot præceptis, quot monitis, quot lectionibus egemus?

Similitudo ab agricultura petetur: ut enim noxia gramina, inutilesque plantæ progerminant, nulla cultoris industria opus est, sponte sua profundit inculta tellus spinas, & carduos, &c. Sic vitia, &c.

Exem-

Exemplo esse possunt adolescentes illi omnes, qui cum honesta in familia, probis nati educatione sint parentibus, vitam vitiis inquinatam agunt.

Eandem sententiam expressit his verbis S. Hieronymus. Proclivis est, inquit, malorum imitatio.

Ex his inferemus sapienter dixisse Senecam, si ne magistro vitia addisci; recte nos facturos si emendare studeamus ea, quæ jam per nos ipsi didicimus, & quæ fortè etiam alios docuimus, doctiores heu! quàm deceret, ad malum magistri.

III. Chria verbalis.

Principes nunquam soli peccant.

F Amianus Strada, qui hanc protulit sententiam vir eloquentiæ laude clarus, Religiosæ vitæ laudibus clarior, historicus nostrorum temporum eximius, laudandus obiter.

Hæc sententia, *Principes nunquam soli peccant*, per suas partes erit exponenda explicando singulas voces periodo una, pluribusve. *Principes*, qui scilicet rerum gubernacula moderantur, qui summa cum auctoritate præsumt, Reges, magistratus, præfules, &c. *Si quando peccant*, si quid admittant contra jus, & virtutis leges. *Non sunt soli*: hoc est multos sceleris socios habent, aut imitatores.

Causa cur non soli peccant, est: quia cum auctoritate summa polleant, maximaque potentia, assentatores habent innumeros, qui ut eorum gratiam sibi demereantur, obsequuntur nefariis illorum cupiditatibus, ipsorumque vitia, & imitantur, & adjuvant. Secundò. Quia Principum facta leges videntur esse populi.

Contrarium prorsus usu venit; cum Principes à virtutis disciplina vitam traducunt. Illorum enim

enim exempla valent maximè ad virtutem persuadendum.

Principum exemplo, & auctoritate, tanquàm fundamento innituntur respublicæ: ruente fundamento, totum necesse est ædificium corruat. Ducum in bello, & in mari navarchorum peccata, exitium, non uni, sed plurimis afferunt.

Exemplis si opus esset, dicerem Neronis temulentiam ad imitationem tantum valuisse, ut Roma in popinas mutata videretur: sævitiam Commodi gladiatorem agente, in mores hominum ita manavisse, ut ipsæ fœminæ gladiatoris cultu in arenam procederent,

Claudianum canentem audivimus:

Scilicet in vulgus manant exempla regentum; Vtique ducum lituos, sic mores castra sequuntur.

IV. Chria verbalis.

Voluptas, esca malorum est.

Plautus, auctor hujus sententiæ laudabitur ob ingenium admirabile, præsertim in moribus hominum venustè describendis, vitiisque scitè carpendis.

Explicabitur illa sententia, similitudine ipsa quam continet: ut enim hamo pisces, sic voluptate inescantur, & capiuntur homines, & ad omne vitiorum genus pertrahuntur.

Quæris causam, cur voluptate ad vitia homines alliciantur? Quæro ego vicissim ex te causam cur hamo pisces capiantur? Quia, inquis, escam, non uncum ferreum vident pisces. Idem quoque respondeo, quia homines voluptatis dumtaxat, non doloris secuturi sensum reputant. Non considerant cum peccant, innumera æternaque mala, quæ momentanea, levissimaque voluptas invehit.

Labor contra, si minùs esca bonorum dici potest,

test, quòd nihil delectationis obiiciat sensibus , origo certè dici debet bonorum omnium , nam ex labore vera virtus , ex virtute æternus honor , felicitasque sempiterna profluit.

Quamvis similitudinem suam habeat ipsa sententia; poterit tamen similitudinis subire vicem, quod de Syrenibus fabulantur Poetæ , quæ ad maris oram consistentes , suavitate cantus pellectos sopitosque nautas , ac vectores , quasi pisces irretiebant ac devorabant . Nonne Syren fraudulenta fuit illa muliercula , quæ Samsonem omnium mortalium fortissimum blanditiis inescatum vinxit , totondit , prodidit , perdidit?

Plauti sensum , totidem verbis assecutus est Cicero , idemque verbis aliis , alio loco elegantissimè significat: *Imitatrix* , inquit , *est boni Voluptas , malorum mater omnium , cujus blanditiis corrumpuntur , quæ natura bona sunt .*

I. Chria mista .

Omnia mea mecum porto .

L Audabitur Bias à sapientia , qua sic excelluit , ut inter septem Græciæ sapientes fuerit numeratus . Is , cùm patriam ejus cepisset hostis , cæterique ita fugerent , ut multa de suis rebus secum asportarent , admonitus à quodam ut idem ipse faceret: *Ego verò* , inquit , *facio : nam omnia mea mecum porto .* Quid , obsecro , sapientius dici potuit?

Demonstrandum est quàm sapienter Bias responderit , quàmque sit verum nulla esse alia hominis bona , præter sapientiam , & virtutem (hoc enim ipsum Bias intelligebat , cùm diceret omnia mea mecum porto) Id autem fiet enumeratione bonorum omnium , quæ possidere homo potest ; qualia sunt Fortunæ bona , opes , honores , fama , nobilitas , & bona corporis , sanitas , robur , pulchritudo . Hujusmodi bona omnia di-

ci non debent bona hominis, sed sola virtus. Quid ita? Quia sola virtus bonum hominem perfectumque efficit. Secundò. Quia virtutem qui possidet, thesaurum infinitum possidet, nulla; re alia eget. Tertiò. Quia virtus ita nostrum est bonum, ut sicut ab homine dari non potuit, ita nec ulla vi ab homine ullo eripi nobis queat. Quartò. Quia sola virtus reddere nos beatos potest, æternumque felices.

Contra verò. Naturæ ac fortunæ bona omnia, adeò non bonos nos reddunt, ut sæpissimè pessimos, ac sceleratos efficiant. Secundò. Boni nomen non merentur, quia probis sæpè denegantur, & tribuuntur improbis. Tertiò. Quia sine laude, immò plerumque maximo cum dedecore possidentur. Quartò. Quia auferri nobis possunt, & in morte semper auferuntur. Quintò. Eth fruemur iis bonis omnibus, si una caruerimus virtute miserrimi in hac vita sumus, multoque inferiores in altera.

Qui hujusmodi bonis gloriatur, idem facit, atque cornix illa Æsopica, quæ pennis decora alienis circumspiciebat se se: at spoliata ornatu non suo, irrita fuit ab aliis volucribus.

Jobus, licèt orbatus istis omnibus bonis, dives tamen, ac beatus erat, quia virtutem adhuc retinebat, quam dæmon eripere illi unà cum cæteris bonis non potuerat.

Idcirco rectè Seneca dixit. *Vnum hominis bonum, virtus est.* Rectè Plautus *Omnia ei adsunt bona, penes quem est virtus.*

II. Chria mista.

*Concordia parvæ res crescunt : discordia
maximæ dilabuntur .*

Laudandus Micipsa Numidarum Rex à prudentia; cujus virtutis egregium specimen, ac documentum dedit, cum filios suos moriens ad concordiam his verbis hortatus est: Regnum vobis trado firmum, inquit, si boni eritis: sin mali, imbecillum: nam concordia parvæ res crescunt; discordia maximæ dilabuntur. *Hujus sententia dua sunt partes, inter se contraria, & seorsum explicanda. Prima hæc est. Concordia voluntatum, & conjunctione virium, nihil esse tam parvum, quod non evadat amplissimum: nihil tam humile, quod non assurgat; nihil tam debile, quod non corroboretur, ac vigeat.*

Altera sententiæ pars, primæ illi opposita sensum hunc habet; *Discordia, distractione voluntatum, ac virium, familias clarissimas extinguere, res publicas florentissimas interire, imperia firmissima labefactari penitusque concidere.*

Causa in promptu est, quia virtus, quò magis unita, eò fortior est, & facilius resistit fortunæ, ac malevolorum injuriis. Cum autem disjuncta est ac segregata, existit imbecillior; adeoque nullo ferè labore frangitur.

Quandiu propugnaculi saxa firmiter inter se cohærent, tandiu est inexpugnabile. At simul ac parietes facere labem incipiunt, &c. Ut conjunctæ guttæ in rivos fluminaque coeunt, separatæ modico tempore siccantur. Tertiò. Ut congregati pulvisculi assurgunt in excelsos montes, dispersi verò cedunt ventorum ludibriis; sic res discordia pessum eunt, concordia sustinentur, & alias aliq̃ muniunt.

Exemplum dabit insigne Romanorum Imperium, quandiu enim in illa republica concordia

guit, stetit illud floruitque; at ubi discordia
impeii, & Cæsaris, in factiones distractum est,
evi concidit.

Idem cum timeret familiæ suæ *Scillurus* ille
ytha, octoginta filiorum pater, omnes accer-
as paulò ante mortem, fasciculum jaculorum,
agulis frangendum porrexit; at illi cum id ne
ntare quidem voluissent, quòd viderent frangi
equaquàm posse integrum fascem, tunc sapiens
iter singula educens jacula, facilè fregit univer-
s; hoc addens, idem ipsis eventurum, nisi con-
cordes conjunctique viverent.

Epilogus hortabitur ad concordiam.

III. Chria mista.

Amici, diem perdidisti!

Titus Imperator, is, qui ob humanitatem,
ac studium bene de omnibus merendi, de-
liciae generis humani cognominatus est, si quem
diem egisset non insignitum aliquo in homines
beneficio, dicere solebat ad amicos conversus,
& ingemiscens; *Amici, diem perdidisti*. Quo lau-
dum genere non digna est tam amabilis indo-
les?

Exponenda illa sententia, cujus hic sensus est:
amissum illum dici posse diem, quo nullum con-
tulerimus in homines beneficium.

Hujus rei causa est, quòd nihil sit homini con-
venientius, nihil dulcius utiliusve, quàm de a-
liis bene mereri.

Ea tibi haud dubiè tum obversabatur cogita-
tio, Cyre, cum plùs ex pecuniis in merentes ef-
fundendis, quàm ex coacervandis caperes volu-
ptatis. Eares Constantine, & Carole Magne, fa-
ciebat ut doctrina, & pietate claros homines au-
geret honoribus, beneficiis ornaretis.

Notat Socrates, quàm quæstiosa sit negotia-
tio hujusmodi: cui cum *Æschines*, pauper au-
di-

ditor, nihil se diceret habere, quòd mercedis loco daret, præter se ipsum; & rogaret ut hoc quaecumque munus dignaretur accipere. Tu verò, inquit ille, me præclaro, nisi te fortè parvi estimas, munere affecisti.

Itaque demus operam nullum ut sinamus abire diem, quem non ornemus illustri aliquo nostræ in alios benignitatis, & beneficentiæ monumento.

IV. Chria mista.

Vox Augusti morientis Plaudite.

Laudandus Cæsar Augustus, Romanorum Imperator felicissimus ac sapientissimus, qui moriens circumstantibus lectum amicis, Ecquid videor, inquit, satis bene personam egisse meam? cum illi, optimè, responderent: Ergo, inquit Cæsar, Plaudite: quo dicto statim loqui, & vivere desit.

Sensus illius vocis est; nemini mortalium plaudendum esse ante mortem.

Cur, nisi in morte; aut post mortem nemini plaudendum? Quia vita hæc, fabula est, in qua suam quisque personam sustinet, alii Regum, alii Mancipiorum &c. Ut quisque ex artis legibus, hoc est ex virtutis, & rationis præscripto personam egit suam, plausum refert. Contra qui non pro dignitate munus suum obierit, talemque se non exhibuerit actorem, qualem imposita sibi persona postulabat, æternum dedecus sustinebit. At neque illi vituperium, & ignominiam, neque illi laudem ac plausum ferre debent, nisi in morte. Quia mors est vitæ absolutio. Nihil autem nisi absolutum perfectumque laudem meretur.

Inconsultissimè agunt, qui plaudunt ante mortem; qui nondum debitam laudis mercedem exigunt, superstite adhuc vita, plaudentes sibi ipsis, aut aliis etiam adulantes.

Nec.

Nec enim in fabula plauditur priusquam ad exitum, & catastrophem perducta fuerit. Non imponitur corona victori nisi post emensum stadium, confectumque cursum. Non conceditur triumphus, nisi peracta pugna, &c.

Quid agitis Romani? Quid Tiberio, quid Neroni, ac Vitellio, Imperim capeſſentibus intempeſtivè plauditis?

Expectate; nondum eſt plaudendi tempus; expectate dum vitæ claudant ſcenam; Fallor; tandiu non eſt expectandum; aliam brevè perſonam induent, exuta omni humanitate; non agent Imperatorum, & patrię parentum partes, ſed immanium Tyrannorum &c.

Quàm ſapienter dictum ab egregio poeta! *Di-
ci beatus ante obitum nemo, ſupremaque funera
debet.*

Sic laudabiliter vivamus, ut morientes nobis tutò plaudere; immò potiùs Deo grates agere meritas, & ejus in nos beneficiis gratulari poſſimus.

I. Chria activa.

Lingua nihil pejus.

Æ Sopus, pulcherrimum illud in turpiſſimo corpore ingenium, laudem meretur, quòd juſſus optimos quoſque cibos apparare ad convivium; nulla niſi linguarum fercula in menſam intulit: juſſus iterum eſt peſſimis quibuſque cibis epulum adornare, linguas iterum in menſa multiplices miniſtravit.

Breviter exponetur quid ſapiens ille fabularum artifex ſignificare voluerit illo ciborum apparatu; nihil aliud certè, niſi quòd ut lingua nihil melius cum rectè loquimur; ita, cum malè, nihil pejus, & pernicioſius eſt.

Cur lingua nihil pejus eſt? (*nam nihileſſe melius probabitur in ſequenti Chria,*) quia infinita
damna

damna parit, quod enumeratione facilè ostendi poterit.

Silentio contra nihil melius est. *Et stultus quoque sitacuerit, sapiens reputabitur.*

Lingua ensis est: quot strages, quot cædes edit? &c. Flamma est: quot incendia miscet? Jaculum est; eminùs ferit, &c. Est serpens; virus ubique suum spargit &c.

Serpentis tartarei, & primæ omnium fæminæ lingua perniciem creavit humano generi.

Quocirca dixit rectissimè vir sapientissimus multos quidem interiisse gladio; at multo plures linguæ intemperantia periisse. Et S. Jacobus, linguam omni fera sæviorem, nulla domari humana industria posse.

Linguam igitur coerceamus, si mala quæ affert, extimescimus.

II. Chria Activa.

• *Lingua nihil melius.*

Pittacus Mitylenæus, unus de septem Græciæ sapientibus laudabitur, quod rogatus ut partem victimæ proferret optimam, pessimamque; linguam exsecuit, ac porrexit. Et Bias alter ex eodem numero sapientum, rogatus ab Amasi Ægyptiorum Rege, exploraturo ejus sapientiam, sibi ut ex ove, quam ad illum consultò miserat, partem optimam pessimamque remitteret, unam remisit linguam.

Voluit uterque videlicet demonstrare, Linguam corporis humani partem esse utilissimam juxta, ac perniciosissimam; prout quisque illa rectè aut secùs utitur.

Cur lingua nihil in homine melius? (*nam jam supra probatum est nihil esse pejus,*) quia innumera bona nobis affert, quod eorum enumeratione declarandum erit. Quid enim lingua non efficit? Docet, hortatur, laudat, vituperat, jubet &c.

Si-

Silentium contra, magna sæpissime detrimen-
ta parit, quæ recenseri hoc loco poterunt.

Proferentur exempla tot philosophorum ac
rhetorum, tot Sanctorum Ecclesiæ Patrum, quo-
rum lingua, quorum scripta explicant naturæ
arcana, mysteriis abditissimis lucem afferunt
&c.

Non ergo sine causa dixit Salomon *Vena vitæ
os justî. Et Lingua sapientum est sanitas.*

Vel bene loquendum, vel omnino tacendum
esse docebit Epilogus, ex hac communi senten-
tia.

Aut dic aliquid melius silentio, aut file.



PROGYMNASMA III.

De Sententia.

Non multum nobis facesset negotii Progymnasma hoc; propterea quòd omnia prorsus, qua in superiori dicta sunt, ad istud referenda sint.

Quid est sententia? *Resp.* Est oratio, dictum quodpiam, quod ad hortandum, dehortandumve pertinet, breviter explicans.

Quomodò differt sententia à Chria? *Resp.* Nihil omninò differt; nisi quòd Chria non dictum modò, sed etiam factum aliquando commemorat; sententia verò dictum duntaxat explicat.

Exemplum sententiæ, ab omnibus locis, quibus ornatur Chria tractatæ, accipe.

Adolescens, juxta viam suam, etiam cùm senuerit, non recedet ab ea.

Adeste animis, adolescentes, attentasque præbete aures Regum sapientissimo; quem nihil eorum latuit, quæ sciri ab homine possunt; qui abditissimos naturæ recessus, artiumque arcana omnium, & scientiarum, ingenii pervasit acie, animoque complexus est; cujus in augustissima mente, velut in sacrario, visa est posuisse sapientia domicilium; cujus ab ore sua ipse Deus fudit oracula, leges edixit, consilia explicuit, mysteria promulgavit. Audite quibus vos ille verbis avocet à vitiis, & ad virtutem impellat; *Adolescens, inquit, juxta viam suam, etiam cùm senuerit, non recedet ab ea.* Quasi vos ita commoneret, ac diceret.

Videte, adolescentes lectissimi, quam à primo ætatis exordio agendi rationem teneatis, quæ puris paratisque ad sationem mentibus semina mandetis, quibus veluti primoribus lineamentis, &

coloribus recentes ac puras animorum tabulas imbuatis. Quam enim quisque vestrū à teneris capessiverit vitæ rationem, eam ad exactum usque senium retinebit. Si vitiorum lue semel infece-ritis animos, sordibusque foedissimarum voluptatum inquinaveritis innocentiam mentis, manabit pestis ad ætatem usque postremam, contagione funesta serpet malum exitiabile ad senectutem ultimam, nec ullam morbo pestilenti curationem dies afferet, sed ingravescentibus annis, magis ac magis ingravescet.

Si contra à puero indixeritis voluptati bellum, si cohibueritis rationis freno libidinem, nihilque vobis expetendum putaveritis, nisi quod sit cum laude, & cum dignitate conjunctum, crescet accessu annorum, honestatis amor, confirmabitur mentis vigor etiam in languido, & effæto corpore, nec consenescet virtus senescente vita, sed quò debilior ætas erit, eò generosior efflorescet animus, maturosque tūm maximè suavissimosq; fructus feret.

Nempe usus, & consuetudinis maxima vis est in omnem partem, ut quædam quasi necessitas inducatur, laudabiliter, aut turpiter conficiendi vitæ cursum, quem ab ipsis vitæ carceribus inchoavimus.

Flectitur nimirum eadem facilitate puerilis animus, quæ cera mollis, aut argilla, quæ dum adhuc tenera est, qualvis figuras induit. At si progressu temporis, mollitiem amittat illam, ac durescere cœperit; suam in perpetuum formam conservat. Cernite ut metalla igne soluta fluunt, ubi verò refrixerint, continuò lapidescunt. Aspice ut arbores in omnem partem ducuntur facile, cum teneræ sunt: ut contra induratæ annis, nulla flecti industria queunt, sed abnormes, ac tortuosæ perseverant. Videte, ut per declivitatem montis, saxum è cacumine avulsum ac ruens, quò longiùs à summo provolvitur, eò violentiùs rapitur, nec usquàm nisi in ima valle conquiescit. Sic, qui prolabi cœperit in præcipitia vitiorum,

nulla ratione sistere impetum valebit, donec inimum nequitiae barathrum lamentabili casu devolvatur.

Testis est purpuratus ille carnifex, portentum illud naturæ ex immanitate concretum, Herodes ille, tyrannorum crudelissimus, qui assuetus à cunabulis innocentissimorum hominum fundere cruorem, non modò non discessit à ferino more confectus jam senio, sed in ipsa etiam morte, atque adeò quantum in ipso fuit, eundem ultra tumultum retinuit.

Nec verò id mirum cuipiam videri debet; ut enim scriptum reliquit eximius Ecclesiæ Doctor Hieronymus; difficulter eraditur, quod rudes anni perbiberunt: & quod ajebat ille alius; difficilè reciduntur vitia quæ nobiscum creverunt. Illud Poetæ tritum carmen prætereo: *Quo semel est imbuta recens, servabit odorem testa diu.*

Imbuite igitur, adolescentes, recentes animos suavissimo virtutum liquore, optimarumque artium pretiosis odoribus, ut illos diù æternumque servetis: rectæ rationis inite viam, dum vobis est integrum. Sic enim susceptum insistentes iter, nunquam deflectetis ab honesti calle; & ad quam concitato cursu vegeta contendet ætas, senectus fortunatam metam continget.

PROGYMNASMA IV.

De Ethopœia.

Non levis est labor Eloquentiæ in imitandis oratione apposita, & effingendis hominum moribus, & affectibus; vixque aliud quicquam vehementius reperiatur ad excitandos animorum motus. Porro si persona est nota, cujus mores effinguntur, tunc propriè fit Ethopœia. Ut si fingatur Niobe liberorum necem deplorans, & suam calamitatem, qualis ab Ovidio describitur *libro 6. Metamorph. numero, seu §.7.* novissimæ ac repurgatæ editionis. Aut Hercules in Oeta deflagrans, ut ab eodem Ovidio pingitur *libro 9. Metam. §.6.* Item Hecuba apud eundem *libro 13. §. 14.* Aut Andromache post Hectorem occisum: Medea desertam se videns ab Jasone, ad necem liberorum se accingens, qualem depingit Seneca: Cornelia uxor Pompeii, cum illum victum à Cæsare audivit: Cleopatra ad Antonii sepulcrum. Porro in his omnibus observare tria tempora licet, præsens, præteritum, & futurum; quibus constare capitibus Ethopœia debet, auctore Aphthonio, exemplumque ponit in Niobe. Pro tempore præsentis, videt se numerosa orbatam proles; pro præterito, florentem habebat familiam, viro, liberis, regno, felix, & ipsis propè superis invidenda erat: pro tempore futuro, quid restat, nisi ut ipsa quoque Dianæ telis conficiatur, aut luctu miserè contabescat? Nonnunquam oratio inchoabitur à tempore præterito, aliàs à futuro, & in præsens desinet: interdum ea tempora permiscuntur, ut in subjectis exemplis cerne-
re est.

Medea de mactandis, quos ex Iasone suscepérat, liberis deliberans.

Dii terrarum præfides, vosque præsertim genialis tori fidejussores, atque custodes, quosque Jason juravit olim mihi, vos, inquam, testor, vos appello. Adeste, quæso, & quæ à perjuro, & impio capite pœnas repetam ostendite: Quid illi tandem irrogare mali placet? Insigne aliquod meditor scelus. Scelere pepigi datam illi fidem, scelere frangenda est. At quo? gladii, venena, vulnera, hæc usitata, & vulgaria. Vivat fanè, vivat, miser; exul, egens, invisus superis, hominibusque; suum sit ipse sibi supplicium, suus tortor: nullum sæviorem inveniet. Prætereà liberos videat sibi similes, miseros, & sceleratos, ac similes etiam Medæ. Quid autem ajo? Liberos ut superstites, & vivos habeat? immò perdat. Quanto illos amore complectatur scio. Bene est, habeo quo sæviam: parta jam, & digna nobis ultio est. Mactentur liberi patris in oculis. Hæc victima furori nostro placet; hæc sufficit. *Ita ferè loquentem Medeam Seneca tragædus facit; numeros tantum solvimus.*

Beata Virgo puerum Iesum Hierosolymis amissum requirit.

Nequè puer est usquàm, neque quid de eo sit factum, conicere possum. Ubi quæram, ubi investigem, quem perconter, aut quam insistam porrò viam, incerta sum. Una hæc spes est, ubi tandè est, diu celari nequit. (*Hæc, ut vides, ad tempus præsens pertinent: quæ verò sequuntur, ad præteritum.*) O malè consultos affines, qui nos festinare coegerunt, meque adeo miseram, quæ præcesserim; tùm autem, quæ illum unà mecum non abduxerim. Siccine dulcissimo filio carere tandiù sustinui! &c. (*Iam futuro tempori conveniunt extrema hæc*) Tu verò fili amanti-

tissime, cur nos anxios tenes? cur te occultas? quin mærorem nostrum respicis? Pergamus, queso, carissime sponse, redeamus in civitatem, cognatos interrogemus, templum ipsum subeamus, ibi enim, nisi me fallit animus, illum gravibus de causis remansisse suspicor.

Mater occisum in bello filium deplorat.

O Misera fors orbitatis meæ, ô spes fallaces, ô frustra susceptæ curæ! An idcirco te genueram, fili, ut tam citò perderem? alueram tot annos, ut infausta morte sublatum lugerem? Ego, cum te forma, & ætate florentem videbam, cum te familiæ spem fovebam in sinu, putabam scilicet hæc bona fore mihi meisque propria, & diuturna, erravi: dira mors malè credulam fefellit. Quid restat nisi ut tecum, fili, moriar: tua morte vitam parenti abstulisti, neque enim, te extincto, diu superstes esse possum. Unica me, dum vivam intereà tui recordatio, desideriumque sustentabit. Dulces lacrymæ, jucundi fletus, quibus te absentem requiram. Noctes benè collocatæ, quæ ducentur suspiriis, quæ tuos mihi vultus in somnis, si quis esse somno locus poterit, obiciunt. O bellum matribus detestatum, monstrum immane, familiarum, & civitatum lues. Quis rem tam tetram, tam barbaram invenire potuit! quis amare potest? Perhorrescite, matres, bella: filios ab ipso armorum conspectu arcete, abdite domi, & ignavos licet foveite sinu, modò salvos, & incolumes habeatis. Nimirum ut inani gloria perfruantur miseri, nos æternum lugeamus? Quæ te, fili, tam funesta fortitudo imittebat in medium armatorum globum! &c. Quoties illum, ut bellum fugeret hortata sum! Quoties, ut saltem impio Marti cautiùs se crederet, quoties mihi metum, ac penè mortem, vel ipsa mentio belli, & mortis heu! filio paratæ, attulit! Timebam, nec frustra, & quod erat eventurum præsagiebam, &c.

Diocletianus nomen Christianum delere statuit.

Imitatio Senecæ. Act. I. Herculis

Furentis Sc. I.

Orbis utriusque rector, & victor, hoc enim mihi nomen hætenus jure vindicavi, à Christianis vincor! Neque solus, sed ipsi Dii, quotquot hætenus Roma, quotquot Orbis coluit. Deserta jacent templa, neglectæ sacrorum vetustissimorum religiones, inducta regnat nova religio.

Nec tantum imbelles fœminæ, puerive ignota profitentur instituta, recentemque Deum colunt, sed ipsa etiam togæ lumina, & militiæ: ipsa, ipsa Roma Christiana est! idque spectante me, ac ferente! Ferente autem? quid intentatum reliqui hætenus; quid inexpertum, ut peregrina sacra convellerem? quoties me pietas vel in meos coegit sævire, ac propè impium, propè parricidam fecit? Sed hæc domestica mala sunt, ac mea; leviter eo nomine ferenda, immò etiam apponenda lucro, si vel hac mercede ritus patrios sancire potuissem! Non sic abibunt ista tamen: nondum fracti sumus, ac victi. Nunc, nunc extrema omnia tentanda sunt: atrox bellum, immane, internecinum, cum hostibus Numinum gerendum est. Quid bella tamen loquor demens, ac meditor! Quidquid excogitare justus potuit furor in Christianos, nonne victum ab illis, & domitum est? quidquid terribile, dirum, asperum, vel invenire cogitando, vel inferre torquendo potuimus, tulerunt, ac læti quidem, & ovantes tulerunt: crescunt ipsis malis, tormentisque suis, ac dolore nostro fruuntur: in suas Christi laudes nostra vertunt odia, & supplicia; dumque nimis sæva imperamus, & horrida imponimus, penè Deum Christum probaverunt: Ipsa jam desunt mihi tormenta; minorque labor est ipsis torqueri, quàm mihi ut torqueantur jubere: occupant læti supplicia, & ne non moriantur timent.

Per-

Perge, Diocletiane, tamen; perge, & invisum genus totis viribus opprime; congregare novis armis; muneribus, voluptate, præmiis expugna quos rotis, equuleis, igne, ferro, superare non potes. Ipsos Christianos Christianis; parentes filiis; liberos parentibus oppone; bella secum ipsi gerant. Quæris pares illis adversarios? nulli sunt, nisi ipsi.

Nunc illis Diocletianum ostendam; hætenus prolusimus; nunc nunc in arenam veniendum: Inveni quo ipsos modo possim vincere, ac perdere; perdam certè, aut peribo.

*Roma, post victos ab Augusto Antonium
& Cleopatram.*

Nunc, nunc indulgendum lætitiæ, nunc ægendæ Superis grates ad omnia pulvinaria, nunc tempus est choreis operam dare (*Tempus præsens*) Nefas antea fuisset indulgere genio, & epulis, dum regina demens Capitolium evertere, ac Romanum delere imperium meditabatur, tam vecors, & rebus aliquot prosperè gestis velut inebriata, nihil ut sperare non auderet (*Tempus præteritum*.) Illius vefaniam compressit amissa classis, concisus exercitus, Antonii turpis fuga. Qualis accipiter timidum columbarum gregem, aut venator lepores proturbat, talis Cæsar imbelles Ægyptios agitavit. Defuit hoc unum illius triumpho, Cleopatra triumphantis curruì alligata. Sed illa invidit hanc victori gloriam, & regiæ conditionis memor, ne ignominiam hanc ferret, mortem ad motis corpori anguibz pertulit. Jam deponere metus licet, ac Cæsari, fortissimisque militibus gratulari. (*Tempus futurum*) Ægypto subacta, quæ gens armis Romanis non cedit?

Agnoscis, credo, in hac Ethopæja Horatium Ode 31. libri 1. *Nunc est bibendum* Præbit ille tibi, & quod imiteris dabit, sive preces, & vota facias in gratiam amici discedentis, quod

orationis genus Propempticon appellant, Ode 3. libri 1. *Sic te diva potens Cypri &c. Impios Parra* Ode 21. libro 3. *Ibis liburnis.....* Epod. 1. Sive gratias iisdem Superis agere mediteris, aut iis supplicare, *Audivere, Lyce, Dii mea vota &c.* Od. 12. libri 4. *Faune nympharum.* Od. 13. libri 3. *O diva gratum* Ode. 29. libri 1. *Mercuri nam te* Od. 8. libri 3. *Phabe, sylvarumque* Epod. 14.

Libet alicui malum imprecari? diris sceleratum devovere? inimicum gravius infectari? habes Oden. 10. libri 2. *Ille, & nefasto.* Item Oden. 3. Epod. *Parentis olim... Et Lupis, & agnis.* Eodem libro Epod. *At ò Deorum.* Ibidem Od. 5. & Od. 6. *Quid immerentes.....* Et Od. 7. *Quò, quò scelerasti ruitis?* Et Od. 9. *Mala soluta.* Tum Od. 12. *Quid obseratis.* Et Od. 11. *Altera jam teritur.*

Lætitiæ significandæ, & gratulationi servient Ode 3. libri 1. *Et thure, & fidibus...* Od. 5. libri 2. *O sæpe meum &c.* Od. 21. libri 3. *O nata mecum.....* Od. 29. libri 3. *Festo &c.* Od. 8. Epod. *Quando repostum...* Od. 10. *Horrida tempestas &c.*

Consolationi Ode 6. libro 2. *Non semper imbres.....* Ode 14. ejusdem libri *Cur me querelis.....*

Et quoniam in Horatio sumus, quàm multa scribendi argumenta, & ornamenta ingeniosus vates dabit. Si laudare, hortari, monere, docere quempiam velis: Ad laudem pertinent Ode quinta libri 1. *Scriberis...* & sexta, nona, undecima ejusdem libri (sequor distributionem editionis novissimæ, illustratæ brevi commentario, & expurgatæ) Ode 4. libri 2., & 16. 17. Od. 4. libri 3. & 5. 9. 10. 19. 24. Od. 1. libri 4., & 2. 3. 5. 8. 13. Ep. 2. Hortanti facem præferent Od. 4. libri 1., & 8. 10. Od. 1. libri 1., & 2. 3. 7. 9. 11. 13. Od. 23. libri 3. Od. 4. libri 4. &c.

Varias quoque dicendi formas, & lineamenta pulcherrima deprehendes in Martiale. Consule indicem primum, editionis repurgatæ, & annis 1703. 1704. vulgatæ. In eo indice notantur omnia epigrammata, quæ ad laudem spectant; omnia quæ ad vituperationem, & insectationem; alia

alia quæ docent, exculant, monent, dedicant, queruntur, optant, petunt, &c.

Easdem docendi formas reperies in egregio libro cujus titulus est: Conciones, & orationes ex Græcis & Latinis Historicis excerptæ. Descriptiones oratorias, è probatissimis auctoribus collegit Pater Joan. Bapt. Gandutius Societat. Jesu Parmæ 1661.

Ad Ethopœjam ut è diverticulo redeamus, hanc nativis pictam coloribus invenies in plerisque Senecæ tragediis. Vel illa Thyestis persona, & oratio, quàm est tragicè splendida! *Adsum profundo Tartari emissus specu, &c.* Act. 1. scena 1. Hoc obiter annotabo: Si non affingatur personæ sermo, index vehementioris alicujus affectus, si v. g. describas pigrum adolescentem, mercatorem avarum, &c. non esse hanc Ethopœjam propriè dictam, qualis ab Aphthonio proponitur, sed figuram rhetoricæ, & descriptionem, sive hypotyposim, de qua suo loco diximus. Quod si persona cujus effinguntur mores, & affectus, mortua sit, vocatur propriè *Idolopœja*: Latine verteretur *simulacri effictio*, ut appellat Priscianus. Exemplum illustre dabit Cicero orat. pro Cælio, ubi Appium cæcum, jamdiu mortuum, loquentem inducit *num. 33. 34.* Livius libro 6. *Si ab inferis existat rex Hiero fidiſſimus imperii Romani cultor, &c.* Virgilius libro 2. ubi Hector occisus Æneam alloquitur: Polydorus eundem in 3. libro Æneid. objurgat.

Si denique rem animæ expertem inducimus loquentem, tanquàm si persona esset, vocatur propriè *Prosopopœja*, idest, Personæ fictio. Sic Tullius patriam loquentem facit in Catilin. Ovid. libro 2. Metam. Terræ sermonem, & querelas contra Jovem graves tribuit *ſ. 7.*

PROGYMNASMA V.

De Thesi, & Loco Communi.

CAPUT I.

De Thesi.

Quid est Thesis? *Resp.* Est quæstio nullis alligata circumstantiis personæ, loci, temporis, &c. Quales vulgò ad deliberandum, & consultandum, proponuntur, unde à Græcis Positio (id enim sonat vox Græca Thesis) vocatur: à Cicerone dicitur Propositum, & Consultatio. Ut: Angerendum bellum: An studendum Græcis litteris, &c. Quotuplex verò sit Thesis diximus Parte 1. cap. 2.

Quid differt Thesis ab Hypothesi? *Resp.* Quod Thesis sit propositio generalis, seu infinita; Hypothesis verò sit particularis, & finita, id est, circumscripta adjuncto quodam, vel personæ, vel loci, vel temporis, &c. v. g. Quæstio hæc, An bellum sit gerendum, Thesis est, quia est universalis, & infinita quæstio. At si quærat. An bellum sit gerendum contra Turcas, tali anno, mari, an terra, &c. Hujusmodi quæstiones, omnes finitæ sunt, & proprio nomine dicuntur Hypotheses.

Quis est usus Theseos, seu Propositionis infinitæ? *Resp.* Maximus: quia quæ de universo genere dicuntur, valent ad iudicium ferendum de singulis; & quæ de Toto probantur, de parte etiam probari necesse est. Exempli causa: Si sermonem sim habiturus de diligentia laudibus, excurram in laudem virtutis; si vituperaturus inertiam, vitii generatim sumpti turpitudinem describam; Quod enim de virtute dixero, id de diligentia; & quod de vitio, id de inertia dici quoque poterit:

fit:

rit: quia inertia est pars vitii, & diligentia pars, seu species virtutis.

Itaque quoties tibi erit de re quapiam instituenda oratio, optimum erit quæstionem illam particularem, & finitam, quæ dicitur Hypothesis, traducere ad generalem, & infinitam, quæ Thesis appellatur. Id autem prudenter, & in loco faciendum: ut monuimus capite 9. Partis primæ.

Quomodo tractanda est Thesis? *Resp.* Præponendum est aliquod exordium, ductum à loco, tempore, & aliis adjunctis, ut si deliberatio instituat in Senatu, si coràm Principe, &c. Secundò confirmanda est, vel infirmenda Thesis, ab iis locis & argumentis, quæ vulgò adhibentur ad suadendum, aut dissuadendum, ut sunt *honestum, legitimum, utile, facile, necessarium*, & iis contraria, *Turpe, injustum, inutile, difficile, impossibile*; Non est gerendum bellum, quia res est per se scæda, & homine indigna, inutilis ad Reip. felicitatem, difficilis; demùm quia vix fieri potest, vixque accidit, ut bene succedat. Contra: gerendum est, quia honestum, utile, &c. Tertiò. Solvenda sunt quæ possunt obici contra illam Theseos partem, quam suscipis propugnandam: Si, v.g. affirmas bellum gerendum esse; respondendum iis erit, qui contrariam tuentur opinionem, qui contendunt illud esse multorum sceleurum fontem, vastitatem provinciarum, &c. Item ex adverso si gerendum negas, solvenda erunt argumenta opposita.

C A P U T I I.

De Loco Communè.

IN quo differunt Thesis, & Locus Communis? *Resp.* Magnam illis inter se affinitatem esse: hoc tamen differre, quod Locus Communis adhibeatur ad amplificandum, & probandum; Thesis ad ornandam, & illustrandam orationem. Rursum Thesis quasi dubia proponitur, & concertatur;

tur; Locus Communis quasi certus, & confessus assumitur: hæc menti, & intelligentiæ datur consideranda; ille voluntati, ad eam excitandam, & movendam, obiicitur.

Quomodo Locus Communis definitur? Resp. Est oratio facinus aliquod multis commune laudans, aut: vituperans; ut si avarum, seditiosum, parricidam, accuses: iustitiam, pietatem, pudicitiam commendes. Hæc enim omnia multis communia sunt.

Quis est ejus locus in oratione? Resp. Duplex. Primus in majori propositione argumentationis. Ut si dicas, omnis proditio est scelerata, maxime cum amicus, aut dominus proditur. Hæc argumentationis propositio major est, cui minor subditur: Atqui Judas dominum, amicum, Deum suum prodidit. Alter locus est in amplificatione, quando post rem narratam, & expositam, orator invehitur in crimen, illudque nativis depingit coloribus, aut virtutem meritis effert laudibus.

Quomodo tractatur Locus Communis? Resp. Ab iisdem ferè capitibus, quæ in Thesi adhibentur, nempe, à *legitimo, justo, utili, possibili, honesto, necessario*. Addit Aphthonius ista capita, à *Contrario, comparatione, sententia, à conjectura*, sive ab *antecedentibus, & consequentibus*: ex quibus nimirum quid impendeat boni malive coniciatur. Denique in Epilogo iudices ad severitatem excitantur, exclusa misericordia; vel auditores ad feriam virtutis imitationem accenduntur. Finge te seditiosum hominem accusare, & exagitare apud iudices. Præmissio exordio seditionis crimen sic exagerabis.

A Contrario. Ostendendo quale, quantumque sit bonum, pax, & concordia, quæ antea vigeat, & vigeret etiam nunc magno omnium bono, nisi nefarius hic suis seditionibus illam perturbasset, &c.

Ab Expositione. Expones non ad docendum (rem enim jam notam esse ponimus) sed ad constandam reo maiorem invidiam, quo pacto rebus
novis

novis studens sceleratus, seditionum procellas excitavit in Republica, multos cives pellexerit in fraudem, & ad suas partes pertraxerit, &c.

A Comparatione. Comparabis hoc ejus crimen cum aliis, v. g. cum otio, maledicentia, temulentia: ostendesque graviolem ab illo, quam ab aliis omnibus, perniciem inferri Reipublicæ.

A Sententia. Hoc est, à consilio, & mente: quo scilicet consilio, qua mente turbas moverit; quid sperarit, &c. Voluit videlicet leges rescindere, jura pervertere, occupare summum locum, &c.

A digressione conjecturali. Digrediendum erit, & excurrendum in antea actam ejus vitam; ex ejus præteritis criminibus conjectura capienda de cæteris. Non nunc primum, inquires, cœpit moliri exitium patriæ: ab ipsa infantia sese exercuit in omni flagitiorum genere, &c.

Ab exclusione misericordie. Tantum illud dices esse crimen, ut sine majori crimine condonari nequeat: nullum veniæ relictum esse locum. Quæ postquam dixeris, impellendi erunt judices ad sententiam adversus illum ferendam, ostendendo;

A legitimo. Nihil esse legibus magis congruum, quam ut seditiosus ille puniatur. *Ab Iusto.* Justum id esse, ut pœnam ipse ferat, quam omnibus impositurus fuisset, &c. *Ab utili.* Id saluti Reip. conducere, &c. *A facili.* Nullo negotio ejus furorem posse comprimi. *Ab honesto.* Nihil rationi convenientius esse, quam debitas exigere ab illo pœnas, qui, &c. *Ab eventuro.* Ex ejus supplicio eventura civibus bona omnia; Rempublicam revocatum iri in statum felicitatis pristinæ, &c. Quod de seditioso diximus, idem de quovis alio facinoroso homine intelligendum est: & quæ capita contra vitium valent, eadem illa valent omnia, si qua virtus est ornanda: singula in contrarium sensum accipiendo.

PROGYMNASMA VI.

De Destructione, Confirmatione, laude, & vituperatione.

CAPUT I.

De Destructione, sive Refutatione, & Confirmatione.

Quid est destructio, sive refutatio? *Resp.* Est Oratio, qua refutamus quidpiam, & falsum docemus esse. Quænam destruenda, seu subvertenda sunt? *Resp.* Ea, quæ neque prorsus manifesta, neque incredibilia sunt, sed quæ dubia, & obscura.

Quanam arte fit ista destructio? *Resp.* Primò. Reprehendendi sunt qui illius rei, quam infirmare, ac labefactare volumus, sunt auctores, dicendo, illos nullius esse nominis, vel fidei parum probatæ; vel in illa re, de qua agitur, non bene versatos, &c. Deinde ipsamet res subruenda his capitibus, quasi totidem arietibus. *Obscuro, Difficili, Indecoro, Incredibili, Repugnante, Inutili.* Hoc est, probandum erit, Rem illam, Primò: Obscuram, & incerto capite mansisse in vulgus. Secundò: Incredibilem esse, fidemque superare omnem. Tertiò: Difficile admodum potuisse fieri. Quartò: Repugnare illam naturæ. Quintò: Decoro pariter ac rationi. Sextò: Inutilem denique esse, aut fuisse.

Confirmatio, seu asseveratio quid est? *Respond.* Est propositæ rei comprobatio: sed illa res, uti de Destructione modò diximus, nec prorsus incredibilis, nec penitus perspecta esse debet.

Qua

Qua ratione, & quibus capitibus confirmanda res est? *Resp.* Eadem ratione, totidemque capitibus, quibus destruenda, sed contrariis omninoque oppositis. Videlicet, à *Manifesto, Facili, Decente, Probabili, Convenienti, Utili*. Habes exemplum insigne in T. Livio: M. Porcii Catonis orationem ad populum, qua scđum Bacchanalium morem subvertere nititur. *Nulli unquàm concioni &c.* Libro 49. paulò ante medium: Item alteram qua conatur ostendere mundum, & ornatum muliebrem esse scēminis interdicendum. Exempla ejusdem loci habes egregia in Paradoxis Ciceronis, ubi Stoicorum placita confirmat. Locī Confirmationis per idoneam argumentationem tractandi, & appositis illustrandi figuris. Porro hic ordo in proponendis ejusmodi argumentis servabitur, ut priore loco firmiora collocentur, & in fine: infirmiora in medio: juvabit etiam validiora scēpius inculcare, ut altius insideant animis audientium. Exempla non congero, quæ in orationibus Tullianis observare potuisti. Perfectam confutationis ideam subministrat oratio pro Roscio Amerino, ubi singulis adversariorum argumentis splendide respondet, numer. 37. Confirmationis verò, in Oratione pro Milone. Idem Tullius in partitionibus Orat. num. 44. præcepta quædam tradidit utilissima, & quædam apertè neganda, vel affirmanda; nonnulla eludenda joco, & contemptu; alia tanquàm tela in adversarium retorquenda, docet &c. Erunt etiam usui ad hunc utrumque locum quæ superius dicta sunt de Chria, Sententia, & Loco Communi.

C A P U T I I.

De laude, & vituperatione.

Quid est Laus? *Resp.* est Oratio bona alicujus enumerans.

Quibus rebus Laus tribui potest? *Resp.* Excepto peccato, nihil est in hac rerum universitate, cui non possit aliqua laus concedi. Virtus autem præcipuo quodam jure, laudem tanquam sibi debitam vindicat. Præter autem virtutem omnes res creatæ laudari possunt, etiam inanimæ; sed præ cæteris homines laudare solemus.

Propter quæ homines laudantur? *Resp.* Propter bona, quibus ornantur.

Quænam bona illa sunt? *Resp.* Alia sunt bona fortunæ, ut opes, potentia, dignitas, patria. Alia bona corporis, scilicet robur, sanitas, &c. Alia sunt animi bona, ut scientia, & virtus. Ex his omnibus bonis unicum est, quod semper laude dignum est, nimirum virtus. Reliqua verò eatenus merentur laudem, quatenus iis ad rectè laudabiliterque vivendum utimur: alioqui vituperationi sunt obnoxia.

Quid igitur est faciendum ei, qui laudare quempiam velit. *Resp.* I. Bona illa omnia, quæ possidet enumeranda, & verbis exornanda sunt. II. Contrariorum oppositione augebitur laudatio; si ostendas, eum, quem ornas, immunem esse ab omni labe vitiorum, quæ alios dedecorant. III. Comparatione quoque laus crescet, si eum clarissimis quibusque viris compares, atque etiam, si merebitur, anteponas. Vituperatio, ducetur à contrariis capitibus.

CAPUT III.

De variis Oratiuncularum formis, & propria singularum tractatione.

O Misimus tria ultima Aphthonii Progymnasmata; de Comparatione, Descriptione, & Legislatione: tum quia de duabus primis facta jam est mentio pluribus in locis; tum quia hæc tria non alio tractanda sunt modo, quàm Chria, Sententia, Communis Locus, & alia superius explicata: è quibus pariter intelliges quæ ratio sit adhibenda in tractandis quibusdam dicendi formis, quæ ad unum aliquod è tribus generibus revocantur, nempe ad genus Judiciale, Demonstrativum, aut Deliberativum.

Talis est oratio *Genethliaca*, sive quæ ortum pueri, & natalem diem celebrat. Exordium ab adjunctis ferè sumitur. In confirmatione laudantur parentes, patria, majores. Peroratio spem facit fore ut puer à parentum, & avorum virtute non degeneret: adduntur vota, & omina futuræ laudis, &c. Martialem consule, Statium, Claudianum, in quibus multa reperies huc spectantia. Iisdem ferè coloribus adumbratur *Epithalamium*, celebrandis nuptiis dedicatum: laudantur sponsi; epilogus vota continet de suscipienda prole, &c.

Epinyction Oratio est celebrandæ dicata victoriæ; cujus laudes prosequitur orator, nec non ipse victoris; Exponit varios fructus, & præmia victoriæ, difficultatem ejus consequendæ, modum, &c. Opponitur *Gratulatoria* Orationi *Nenia*, seu *Threnus*, & *Lessus*, idest lamentatio, quæ malum deplorat, ejus gravitatem ostendit, maximè si contigerit immerenti, & innocenti: spem emergendi ostendit &c. Vide Ovidium in Tristibus, & de Ponto.

Eucharistica orationis, quæ gratiarum actio latinè dicitur, artificium ostendet tibi Tullius in du-

duplici oratione, *Postreditum*. Commendari debet beneficium ab adjunctis. In Peroratione memorem animum promittimus. *Paranymphaam* orationem appellant recentiores rhetores eam, quæ habetur, cum creantur doctores, aut magistratus, &c. Tres vulgò partes continet. Primæ rationes explicat, ob quas honore delato dignus videtur Doctor, aut Magistratus. Secundam spem facit honoris, & nominis implendi. Tertia continet parænesim, & cohortationem, sive etiam gratiarum actionem illis habendam, qui honorem detulere.

Dedicatio Libri quemadmodum instituenda sit docebit te Martialis multis locis, quos in Indice addito ad calcem postremæ, ac purgatæ editionis reperiēs. Exordium ab ejus persona ferè petendum, cui opus dedicatur, aut à temporis aliqua opportunitate, &c. Tùm explicantur dedicandi causæ: postremò patrociniū petitur. Cavenda prolixitas: nihil enim molestius, quàm epistola dedicatoria justo longior, in quo multi peccant, non tamen impunè. Quis enim hæc legit?

Oratio *monitoria* revocatur ad suasionem, & genus deliberativum. Opus est in exordio singulari prudentia, & arte, ad conciliandam ejus, qui monetur, benevolentiam: vix enim quemquam invenias, qui animo æquo reprehendi se, ac moneri ferat. Loco narrationis exponetur ipsa res quæ reprehenditur, & ob quam fit communitio: dabitur opera, ut is qui monetur, agnoscat erratum, cujus gravitas in confirmatione ostendatur à turpi, inutili, damnis, & periculis consequentibus, &c. In epilogo adhibebitur vel objurgatio gravior, vel mitior adhortatio. Minis vulgò temperandum nisi certo pacto condiantur.

Commendatio partim est generis demonstrativi, quippe laudamus eum, quem alicui commendatum volumus: partim deliberativi, quia suademus, v. g. ut illi beneficium aliquod conferatur. Tam multæ occurrunt in Tullio commendatitiæ litte-

litteræ, ut opus non sit plura de hoc orationis genere præcepta congerere.

Non pauciora sunt in iisdem Tulii epistolis exempla orationis *Consolatoria*, necnon in Senecæ libris, & litteris. Post exordium ab adjunctis ductum, elevare, ac lenire oportet calamitatem, ejus commoda, si quæ sunt, ostendere, afferre causas cur toleranda fortiter sit, remedia subministrare, opem polliceri, &c.

Apologia nihil peculiare, præter explicata jam in variis locis præcepta defensionis, postulat. *Invectiva* est gravior insectatio, qualis extat in Pisonem, Catilinam, &c. *Objurgatio* est lenior insectatio, seu commonitio gravior. Vide præcepta de accusatione tradita. *Expostulatio* est gravis querimonia de accepta injuria. *Exprobratio* fit, cum aliquem ingrati animi nomine accusamus. Ea omnia communibus præceptis paulim accommodatis ad rem præsentem instruuntur.

Paulò plus artificii requirit oratio, qua Princeps, aut Magistratus excipitur in urbis, aut loci alicujus ingressu: *Isitirion* voce Græca vulgò vocant. Ducetur exordium ab expectatione, & votis totius civitatis: ab aliqua occasione v.g. victoriæ, muneris, &c. Confirmatio explicabit causas publicæ lætitiæ; Epilogus spem ostendet, quam Principis, aut Magistratus, clementia, prudentia, probitasque, præbent, fore ut rectè sapienterque rem gerat, &c. Lege Martialem Epig. 11. libr. 8. *Pervenisse....* & Ep. 21. *Phosphore, &c.*

Si quem discedentem prosequaris, quod *Apo-batirion* appellant, significabis dolorem de hominis discessu: in Confirmatione laudabis spectatas in eo, quem relinquit, loco, ejus virtutes; in Epilogo memorem te fore tam dulcis amici, viri tam probi, &c. profiteberis.

De *Oratione funebris* nihil est quòd plura præcipiamus, cum extent passim egregiæ lucubrationes ejus generis, quod ad genus demonstrativum revocatur.

Exem-

Exempla tam laudis quàm vituperii plurima in hoc toto libello sparsa reperies. Si plura cupis , habes unum in volumen collectos panegyricos veterum oratorum , quos inter primas ferunt Plinius , & Pacatus , hic Theodosii laudator , ille Trajani . Hujus stylus splendide ambitiosus ; illius mirè ingeniosus , & subtilis , Uterque nitidus , ornatus , Trajano denique , ac Theodosio dignus. Nec desunt in Cicerone præstantes hujus laudativi generis loci , præsertim in Orat. pro lege Manilia , cujus Orationis secunda pars versatur in laude Pompeii . Hanc ut faciliùs intelligas , totam orationem , & alias quasdam Tullianas insigniores exponam , ac suas in partes singillatim digeram .



P A R S S E X T A.

*Synopsis, & Partitio Selectarum
Ciceronis Oratio-
num.*

C A P U T I.

*Conspectus aliquot Orationum Ciceronis,
quæ maximè pertinent ad genus
Demonstrativum.*

ARTICULUS I.

Analysis Orationis pro Lege Manilia.

Uius Orationis argumentum, & causa hæc est. Grave bellum gerebat populus Romanus in Asia cum duobus potentissimis Regibus Mithridate, & Tigraue. Lucius Manilius Tribunus Plebis legem tulerat, ut ejus belli cura mandaretur Pompejo. Dissentiebant Q. Hortensius, & Q. Catulus. Cicero legem probandam suscipit, ostenditque bellum Asiaticum Pompejo commitendum esse.

Sumit exordium ab adjunctis. I. A sua persona, quippè qui primum è Rostris plebem alloquitur: II. A loco ipso. III. A Pompejo, pro quo dicturus est, &c. Subiicit exordio brevem narrationem, quia res est nota (num. 4. *Atque ut inde*) Confirmationis duas partes facit; in priori docet gerendum strenuè bellum istud Asiaticum, quia est grave, necessarium, periculosum (*à num. 5. ad 26.*) In posteriori ostendit præficiendum huic bello Pompejum; quia in eo uno reperiuntur omnes dotes optimi ducis; nempe, Primo:

mò : Scientia rei militaris (*num. 27. 28.*) quam probat enumeratis bellis plurimis, quæ gessit magna cum laude Pompejus. Secundò : Virtus militaris, seu fortitudo : Probatur expositis Pompeii rebus gestis, & Provinciis testibus ejus triumphorum (*num. 24.*) bellorum, quæ gessit magnitudine, vincendi celeritate, &c. (*num. 34.*) Explicat causas hujus bellicæ virtutis, nempe varias virtutes, illius primariæ velut administras, innocentiam vitæ, temperantiam, humanitatem, quas extollit comparatione cum aliis quibusdam Imperatoribus Pompeii dissimilibus (*num. 37. 38. usque ad 43.*) ubi tertiam Imperatoris dotem ait esse Auctoritatem, qua plurimum valet Pompejus, propter eximiam de illo apud omnes opinionem (*usque ad num. 47.*) De Felicitate, quæ dos ultima boni Imperatoris, modestè, prudenterque disserit per præteritionem (*n. 47. 48.*) Confirmationem claudit : (*num. 49. 50.*) Ergo Pompejo deferendum est hoc bellum. Sequitur Confutatio (*à nu. 51. ad 69.*) in qua refellit illorum rationes, qui negabant Pompejum huic bello præficiendum. Elucet in hac oratione singularis nitor, & ordo : tum splendor quidam figurarum, quibus maximè movetur populus, ad quem verba Cicero faciebat. Eundem Pompejum laudat orat. pro Cornelio Balbo, qui ab eo donatus civitate fuerat ; id quod à Pompejo ritè factum fuisse Orator contendit egregio dilemmate. Aut Pompejus sciebat licitum non esse donare Balbum civitate, aut nesciebat. Si scientem fecisse dicis, non est credibile virum tanta virtute, ac probitate præditum, fœdera, & leges scientem neglexisse ; (*O nomen nostri imperii &c.* Illustris apostrophe, & exclamatio *num. 13.*) si nescientem : multo minùs credibile est Pompejum id ignorasse, quod è vulgo nullus ignorat (*Quasi verò levius sit &c.* *num. 14.* *Quid enim abest huic homini &c.* *num. 9.*

ARTICULUS II.

Synopsis Orationis pro Archia Poeta .

Maxima pars orationis pro Archia poeta complectitur illius, & poeseos laudes, quamvis oratio sit in genere judiciali. Quærebatur enim, an Archias civis Romanus esset. Ostendit Cicero I. Romanum civem esse: deinde, quamvis non esset civis Romanus, dignum tamen esse, qui civitate donetur, propter eximiam eruditionem, & poeseos facultatem.

Incipit à suo erga præceptorem Archiam officio, cui cum multa debeat, defensionem in causa justa, & vera negare non potuit. (Periodus membrorum quatuor: *Si quid est &c.*) Obiicere poterat aliquis nihil intercedere commercii inter eloquentiam, quam Cicero profitebatur, & poesim, cui Archias dedituserat. Hoc negat (num. 1.) Denique cum videret se magnam orationis partem in laudibus poeseos consumpturum, ac timeret, ne cui videretur hoc insolens in causa forensi, occurrit huic opinioni (num. 3.) Propositionem, ac distributionem orationis dilucidè subiicit exordio (num. 4.)

Primam partem probat, nempe Archiam Romanum esse civem, hoc syllogismo. Fuit adscriptus in civitatem Heraliensium, foedere cum Populo Rom. conjunctam. Porro Silani, & Carbonis lege cives Romani æquissimo jure dicebantur, quicumque in foederatam civitatem erant adscripti, si domicilium habuissent Romæ, si apud Prætorem essent professi. (*Quid horum infirmari potest? &c.* num. 6. 7. 8.) Confirmat minorem propositionem testimonio Luculli, & ejus singulas partes, nempe quòd Archias Romæ domicilium habuerit, quòd apud Prætorem sit professus, &c. Complexionem addit num. 10. (*Qua cum ita sint &c.*) Illustrat eandem comparatione à minori ad
I majus:

majus: denique nonnulla, quæ obiciebat adversarius, diluit.

Secunda pars orationis conficitur pariter uno syllogismo. Poetæ docti, & ingeniosi digni sunt qui adscribantur in civitatem: Archias poeta doctus, & ingeniosus est: Ergo est dignus qui donetur civitate, quamvis non esset reverà civis.

Ratiocinatio proponitur per prolepsin sive occupationem: *Quares à nobis, Cracche* (is accusator erat) *cur tantoperè hoc homine delectemur?* Respondet: *Quia suppeditat nobis &c.* (num. 12.) laudat poesim I. à delectatione, qua molestias gravissimorum negotiorum levat: id quod (num. 13.) suo testimonio confirmat. II. Ab utilitate, quia mores utilissimis præceptis instituit. (num. 14.) Tertiò ab honore, quem illi habuerunt summi viri (num. 15. & 16.) Minorem propositionem exequitur (num. 18.) (*Quoties ego hunc Archiam vidi? ...*) Complexionem amplificat (num. 19.) à Poetarum dignitate, quos omnis ætas tanquàm divinos homines suspexit, coluitq; id Homeri exemplo docet, testimonio multorum Imperatorum confirmat, assertque rationem, quia Poetæ res gestas clarorum virorum æterna laude donant: cujus laudis desiderio flagrare se profitetur, eamque cupiditatem insitam esse præstantibus animis pulchrè docet (num. 28. 29. 30.) Peroratione brevi, & apposita concludit orationem (num. 31.) per anacéphaleosim, ac deprecationem.

ARTICULUS III.

Oratio pro M. Marcello.

O Ratio pro M. Marcello tota ferè versatur in laudibus Cæsaris, cui gratias agit Orator ob Marcellum, qui arma contra Cæsarem tulerat, venia donatum, & Romam è Græcia, ubi delitescibat, revocatum.

Exor-

Exordium. Statuerat Cicero nunquam deinceps verba publicè facere, partim dolore, in tanta temporum acerbitate, partim verecundia, quia videbat Cæsarem rerum potiri, contra quem iterat, Pompeii partes secutus: nunc verò negat posse se tacere, negat Cæsaris beneficium, & clementiam silentio præteriri posse.

Confirmatio propositione unica continetur. *Laudanda est maximè Cæsaris clementia ob restitutum Marcellum.* Argumentum à comparatione ducitur: Majorem ex hac clementia gloriam Cæsar est affecutus, quàm ex omnibus suis victoriis. Nam Primò illæ ita sunt propriæ Cæsaris, ut earum quoque pars ad alios pertineat, nempe ad centuriones, milites, fortunam, &c. (*numer. 5. At verò hujus gloria Socium habes neminem num 7.*) Secundò difficilior est vincere iracundiam, quàm gentes etiam immanes, & barbaras (*Domuisti numer. 8.*) concludit hunc locum præclara expolitione, & sententiarum varietate (*num. 9. 10.*) Laudat obiter Marcellum, ejusque familiam (*num. 10.*) Tertiò: Hactenus victores alios vicerat Cæsar, nunc se ipsum, immò victoriam, vicit (*num. 11. 12.*) Quartò: Comparat Cæsarem victorem cum Pompejo, & Pompejanis, si victores extitissent, quos ait futuros fuisse crudeles, feros, &c. Nonnulla miscet de bello civili, & eos, qui Pompejum secuti sunt, excusat, errore scilicet lapsos, non odio, &c. (*à num. 13. ad 19.*)

Sequitur confutatio. Rogatus à Senatu Cæsar ut ignosceret Marcello, dixerat se insidias ab aliquibus vereri, & addiderat se parùm esse de vita sollicitum, quippe qui satis diu vixisset. Primò igitur Cicero metum insidiarum (*num. 21.*) conatur demere, & locum lubricum miro artificio tractat. Mox utitur dilemmate, aut insidias molirentur Cæsariani, aut Pompejani: in neutros cadere potest hoc scelus; ergo Significat denique ingens studium tuendæ Cæsaris vitæ &c. Secundò (*num. 26.*) refellit, explicat & laudat il-

lam Cæsaris vocem, qua dicebat ille se fatiſ vixiſſe. Satiſ vixiſti vel naturæ, vel gloriæ; non fatiſ patriæ: reſtant curanda illiſ vulnera, &c. Hic tuæ gloriæ cumuluſ addenduſ (num.28. 29.) Peroratio eſt (num.34.)

Non pauciora ſunt in Tullio exempla vituperationiſ, quàm laudationiſ. Acriter Piſonem infectatur oratione propria; nec non Orat. de provinciſ conſularibuſ, & aliſ, pro re nata, lociſ. Invehitur in Clodium, ut in capitalem inimicum, extrema parte Orationiſ pro Milone, vehementiùſ in Oratione pro Domo ſua, & de Haruſpicum reſponſiſ. Antonium totiſ 14. Orationibuſ exagitat: Catilinam, quatuor: Verrem actionibuſ ſeptem. Vatiniũ unica, ſed vehementi.

ARTICULUS IV.

Synopſiſ Philippiſ II. & Orationiſ pro Domo ſua.

INter Ciceroniſ Orationeſ quibuſ improboſ infectatur, & vituperat, excellit omnium iudicio Philippiſ II. In qua probat Antonium eſſe hominem ſcleratum, & hoſtem Reip. Idque ſtatim in ipſo exordio proponit, in quo benevolentiam ſibi conciliat, affirmando neminem ſibi ab annis 20. fuiſſe inimicum, quin idem hoſtiſ reipublicæ fuerit.

Oratio duarſ parteſ habet. Prima eſt refutatio (num.3. *Cui priuſ &c.*) Diluit quædam objecta ſibi ab Antonio, qui paucis ante diebuſ contra Ciceronem in Senatu declamaverat. Sunt autem hæc: I. de amicitia violata (*numer.3. uſque ad 11.*) II. De conſulatu crudeliter geſto (*numero 11. Objecit mihi conſulatuſ meum.....*) III. De nece P. Clodii (num.21. *P. Clodium meo conſilio interfectuſ.....*) IV. de Pompejo per Ciceronem à Cæſare alienato. (*numer.23. Quod verò dicere auſuſ eſ.*) V. De nece Cæſariſ. (num.24.

Sed

Sed hac vetèra; illud verò recens.) VI. De castris Pompeii, & Civili bello. (num.37. Castra mihi.)

Transit (num.43.) ad secundam partem Orationis, nempe Confirmationem (*Iam enim quoniam.*) Ejusduas partes facit: in priore breviter describit vitam Antonii privatam, quòd à puero flagitiosus decoctor, & libidinosus fuerit (à num.44. *Visne igitur te inspiciamus à puero?*) In posteriore vitam ejus quasi publicam, sive gestos improbè magistratus infectatur. Quæsturam (*Quæstor es factus*) Tribunatum (num.51. *usque ad 62. Nam cum L. Lentulo*) Magisterium equitum (num.62. *Accessit*) Consulatum (num.79. *Hic igitur usque ad n.79. Quid ad hac tandem respondebis?*) Ibi incipit Peroratio, & numeris octo absolvitur. Tota Oratio mirè est eloquens, acris, faceta, omnibus dicendi luminibus ornata.

Æquè copiosa, vehemens, & concitata, est Oratio quam habuit pro Domo sua. Si unquàm in dicendo fuimus aliquid, ait ipse Tullius (*Epist. 2. lib.4. ad Atticum*) tum profectò doloris magnitudo vim quandam nobis dicendi dedit. Quamvis Oratio tota pertineat ad genus judiciale: plurimæ tamen illius partes ad genus demonstrativum referuntur, quibus nimirum, & infectatur Clodium, & suas res ipse laudat. Argumentum Orationis est ejusmodi.

Clodius pulso in exilium Cicerone, illius domum, quasi perduellis civis, everterat, areamque Libertati dedicaverat. Cicero postea restitutus, & ab exilio revocatus, domum suam restitui sibi petit. Restituta est.

Orditur à laude Pontificum, apud quos verba faciebat. Clodio conflatur invidiam, & quædam ejus convicia refellit (*Can.1.ad 2.num.32.*) Confirmatio. Clodius nullo jure domum Ciceronis diruit: Secundò nulla religione dedicavit. Probat primam partem: Clodii Tribunatus fuit nullus; ergo irritæ sunt omnes ejus actiones, & le-

ges, atque adeo illa, quam tulit de Ciceronis exilio, de illius domo evertenda. (à n. 34. ad 42.) Sed, esto, fuerit optimo jure Tribunus Plebis, legem tamen de meo exilio, & mea domo, nullo jure, immò contra jura omnia tulit, quia contra judiciorum formam, per vim &c. (à n. 43. usque ad 100.) Multa de suo discessu, redituque interferit, non minùs ad suam laudem, quàm ad Clodii ignominiam apposita. II. Nulla religione, immò contra religionem omnem domum suam à Clodio dedicatam fuisse ostendit (à num. 100. ad 142.) quo rem totam splendide concludit.

ARTICULUS V.

*Ordo, & structura Orationis in Pisonem :
nonnullarum in Verrem: duarum
post reditum, & triplicis
Agraria .*

O Ratio in Pisonem. Revocatus è Provincia Piso fuerat suadente Cicerone (*Vide Orationem de Provinciis consularibus*) Romam reversus graviter in Tullium inVectus est. Illi respondit Orator ea, quæ extat, Oratione: cujus pars triplex. I. Piso improbè consulatum gessit. (à num. 2. ad 31.) II. Turpiter, ac nefariè provinciam consularem administravit. III. In domestica, & privata vita multa egit nequiter, luxuriosè, crudeliter, & avarè. (*Nunc etiam numer. 64. usque ad 94.*) In Peroratione, supplicii metum incutit Pisoni longè gravissimi, à conscientia scelerum, & mortalium omnium odio.

Inter Verrinas eminent prima, quarta, & septima. Prima inscribitur Divinatio, seu deliberatio de Verris accusatore constituendo. Verres enim, eloquentiam Tullii reformidans, Cæcilium quendam dari sibi accusatorem postulabat. Siculi causam à Cicerone suscipi vehementer

ter optabant: ostendit Cicero se Cæcilio anteponendum, hoc syllogismo. Ille debet constitui accusator, quem maximè volunt ii quibus facta est injuria, & quem minimè vult is qui injuriam fecit: atqui Siculi volunt Ciceronem, nolunt Cæcilius; hunc optat Verres, illum respuit. Ergo &c. Stylus est subtilis, ac temperatus: ut in sequenti oratione, quæ à nonnullis appellatur prima; ab aliis dicitur secunda. Nihil est aliud quàm præparatio, & quasi vestibulum aliarum, pertinetque ad genus deliberativum. In ea quippe quæritur an nova ratione utendum sit in accusando Verre. Probat Cicero novam esse adhibendam; nempe non utendum oratione perpetua, sed producendos testes, & illorum perscripta testimonia proferenda; seque ita facturum denuntiat ob eam maximè causam, quòd Verres duo moliatur: primò extrahere tempus usque in sequentem annum, quo futuri erant consules Metellus, & Hortensius, amici Verris. Secundò corrumpere judices pecunia: quod cum crebrò id temporis accideret, judices gravi laborabant infamia.

Illis oblatam opportunitatem ait in exordio, delendi hanc infamiam, & reum insignem compertumque, spreta ejus pecunia insidiisque, condemnandi. Vanam spem Verris amplificat ex vita scelerata, & copia criminum, quibus ille obruitur (num. 10. *Etenim quod est*) Ejus insidias patere dicit eorum ipsorum confessione, quibus negotium dederat ut judices pecunia corrumpere. (num. 16. *Quam spem nunc.*)

Alterum argumentum, nempe quòd elabi conetur Verres Ciceroni, & causam differre in sequentem annum, tractat num. 21. (*Ecce autem illis.*) Metellumque, & Hortensium reprehendit, qui reo tam improbo patrocinentur. Ipse pollicetur se diligenter, ac severè dicturum, & nova illa ratione accusandi usurum. Hortatur judices ad rectè constanterque obeundas muneris sui partes, præcipuè M. Glabrimonem huic judicio

præpositum. Eadem in peroratione repetit, numero 50. *Quapropter primum.*

In IV. Verrina Siculos complures à Verre spoliatos bonis, honoribus, & vita, & non minùs dolenter, quàm eleganter exponit. In VII. Disputat contra Hortensium, Verris patronum, qui defendebat illum eo præsertim nomine, quòd esset bonus Imperator, & bellica virtute præstans. Laudem hanc nequaquàm Verri convenire ostendit à duplici capite, & bello; altero fervorum fugitivorum, in quo Verres Siciliam non modò non defendit, verùm etiam perturbavit avaritia sua, & luxuria: altero prædonum, in quo idem Verres maxima admisit crimina Avaritiæ, Majestatis, Libidinis, & Crudelitatis.

§. I.

Oratio post reditum, ad Quirites.

Tullius graves inimicitias gerebat cum P. Clodio, qui nobilitate generis, & amicorum potentia florens, effecit ut Cicero in exilium pelleretur, anno ætatis 49. Urbis conditæ 695. eo nomine quòd in conjuratione Catilinaria multos procures, indicta causa necandos curavisset. Profectus est in exilium Cicero, sed per amicos vicissim revocatus Romam est decimo post mense. Illis gratias agit primùm quasi publicè, ac toti populo; deinde privatim in Senatu. Quæstio est in genere demonstrativo: laudat beneficium, quo affectus est, dum singulari benevolentia populi, & Senatus ab exilio revocatus fuit abrogata Clodii lege.

Ut intelligatur exordium orationis ad Quirites, observandum est amicos Ciceronis, priusquàm in exilium proficisceretur, obtulisse illi se se paratos ad dimicandum, ut in civitate retineretur: Tullium verò metuentem ne civile bellum excitaretur, non sine populi strage, maluisse in exilium proficisci. Hanc suam erga populum charitatem

tem in exordio commendat, cuius incolumitati caput suum se devovisse prædicat. *Quod precatus*.

Incipit amplificare beneficium (num.2. *Est homini*) cum affirmat eleganti inductione, jucundiora esse sibi omnia illa bona, quæ recepit à populo revocatus, quàm olim erant, cum iis ante calamitatem frueretur: nempe fortunas, amicos, liberos, honorem, & patriam.

In Confirmatione duo capita, duas dotes beneficii explicat: I. quòd populus calamitatem Ciceroni detraxit. II. Quòd dignitatem auxit (num. 5. *Quorsum* & num.6. *Nam in ipso*) Utramque partem probat primò comparando reditum suum, & studia consensumque populi in se revocando, cum reditu aliorum quorundam illustrium civium, qui pariter ab exilio fuerant olim revocati, P. Popilii, Q. Metelli, & C. Marri, quos minore gloria fuisse restitutos docet (*Non enim*) Secundò. Narrando ea quæ amici, præsertim Lentulus, Milo, Sextius, &c. fecerunt ut restitueretur (num.11.)

Peroratio. Pollicetur gratum, & memorem animum (num.18. *En ego*) Deinde fortitudinem in coercendis improbis, & hostibus reip. (nu.19. *Quod si vis*) Eadem repetit (nu.21. *Quamquam mihi*) ubi eleganter explicat difficultatem referendæ pro tanto beneficio gratiæ: & (num.24. *Quapropter*) quo totam orationem concludit.

§. II.

Oratio post reditum, in Senatu

IN exordio negat se parem esse referendis pro accepto beneficio restitutionis suæ gratiis, in quo uno contineri dicit omnia beneficia, quæ Superis, patriæ, parentibus debentur.

In confirmatione proficitur se immortalitatem

I 5 quan-

quandam à Senatu consecutum esse. Hoc probat inductione: Consules, Tribuni, Prætores, consulares viri, & Senatus Principes reditum Ciceronis postularunt, decreverunt, ornaverunt, & quodam quasi triumpho illum revexerunt: ergo, &c. (num.3. *Itaque....*)

Invehitur (num.9.) in duos consules ejus anni, quo pulsus erat in exilium, Gabinium, & Pisonem, quorum invidia, & scelere calamitatem hanc pertulerat. (*Sed fuerunt...*)

Redit ad laudandos amicos, maximè Tribunos Milonem, & Sextium. (num.18. *Quid ego?.....*) tum Prætores (num.21. *Iam verò Prætores*): denique Lentulum, Metellum, & Pompejum. (num.31.) causas affert cur maluerit in exilium ire, quàm se vi defendere. (*Quibus ego rebus...*)

Pollicetur in peroratione majus, quàm unquam antea, studium in defendenda Republica. (num.35. *Quapropter.....*) & suæ restitutionis gloriam immortalem refricat (num.36. *Pro me.....*)

Inter selectas Tullii Orationes quæ unum in libellum congestæ fuerunt, reperitur Oratio tertia ex illis, quæ Agrariæ vocantur. Ea cum sit valdè salebrosa, & parùm digna quæ in selectas Orationes referretur, intelligi commodè nequit, nisi priores duæ exponantur, licèt illæ sint in genere deliberativo, hæc in demonstrativo.

§. III.

Oratio Agraria in Senatu.

Consule Cicerone P. Servilius Rullus, Tribunus plebis, legem Agrariam tulit, de agris, à Populo Romano ex hoste captis, in cives distribuendis. Hanc distributionem penès Decemviros, eam ob rem creandos, volebat esse: iisque faciebat potestatem vendendi vectigalia, colonias deducendī, &c. Rulli mens, & consilium duplex erat: primò populum demulcere agrorum largi-
tio-

tionem : secundò se suosque Decemviros locupletare.

Refutat hanc legem Cicero , & iniquam inutilemque esse docet . Exordium desideratur . Confirmatio docet hanc legem esse damnosam populo Romano , & solis Decemviris utilem . Ingreditur Cicero per egregiam exclamationem , sustentationem , & prosopopœjam . (num. 1. *Hac per Deos , immortales*) Ostendit I. venditionem vectigalium non posse fieri sine detrimento populi . II. Item emptionem agrorum (num. 14. *Videtis jam*) III. Denique coloniarum deductionem .

Concludit non tantum agros , & vectigalia , sed Rempublicam ista lege Agraria periclitari . (num. 21. *Non queror*) *Quamobrem per Deos*)

§. I V.

Oratio Agraria ad Populum prima :

E Andem legem Cicero dissuadet . In exordio benevolentiam populi sibi mirè conciliat , à quo se consulatum accepisse profitetur , cum nulla majorum nobilitate commendaretur . Eam ob rem prædicat se popularem , hoc est , populi utilitatibus unicè deditum semper fore : quam laudem arrogare , sibi Rullus , auctor legis Agrariæ , non potest qui ostentatione quadam infidiosæ largitionis rempublicam perturbat , & perniciem populi molitur . (à num. 1. *Est hoc* ad 10. *Neque enim*) Adversarios deinde in odium adducit , qui sua consilia Ciceronem consulem celaverint , qui clam , & nocte convenerint , &c. quibus è signis coniecit illos aliquid contra Rempub. moliri (num. 11. *Itaque ut initio*) Tertiò removet sinistrum præjudicium ; suspicari enim aliquis poterat Ciceronem odio Rulli , ejus legem dissuadere , cum sæpe accideret ut Consu-

les à Tribunis plebis diffiderent. (num. 14. *Omni hoc nobis.....*)

Propositio. Lex agraria est iniqua, & inutilis. (num. 15. *Atque ego.....*) Confirmatio. Probat legem hanc esse iniquam: libertatem quippe populi imminuit creandis Decemviris, quibus potentiam immanem, ac tyrannicam tribuit; privat magnam populi partem suffragiorum jure, &c. Expendit singula legis capita, colligitque inde illius iniquitatem. Jam ejus inutilitatem demonstrat ex eo quod opes populi non augeat ea lex, sed opes tantum Rulli, & Decemvirorum. Expendit pariter, & infectatur varia legis capita: ut venditionem agrorum (n. 35. *Datur igitur eis....*) Venditionem locorum, etiam extra Italiam, que publica sint facta. (num. 38. *habetis unum.....*) Quo prætextu dicit Cicero dari Decemviris jus, & potestatem regna integra, & provincias vendendi. (*Quid Alexandria.....* num. 41.) Venditionem vectigalium (num. 46. *Non est satis.....*) Venditionem prædarum, & manubiarum Exceptis tamen manubiis Imperatoris Pompeii, quam exceptionem ridet. (num. 58. *Vix jam videtur....*) Deductionem coloniarum, præsertim in agrum Campanum. (num. 71. *Deinde.....* num. 75. *Etenim ager....*) Multis probat agrum Campanum dividi non debere, aut alienari... (num. 80. *Majores nostri....* usque ad num. 95.)

Peroratio incipit num. 97. *Hæc tu P. Rulle....*) Profitetur se contra iniquas leges fortem semper in tuenda Rep., & popularem in defendenda pace, concordia, commodisque populi, futurum.

J. V.

Oratio Agraria, ad Populum secunda.

Sylla dictator, oppressa Rep. rerum potitus, multos agros privatos publicosve diviserat partium suarum studiosis, eamque ob rem istæ possessiones, quæ Syllanæ vocabantur, magna flagra-

flagrabant invidia. Rullus accusavit Ciceronem, quasi faveret istis Syllanis possessoribus, eorumque possessiones confirmare ac sancire vellet. Non modò id negat Cicero, verùm etiam culpam in Rullum transfert, eumque Syllanarum possessionum potiori jure esse defensorem docet.

In exordio queritur quòd accusatus sit ab adversariis cùm abesset, eosque in præfens certamen vocat. II. Postulat populi benevolentiam, quem subinfectum animadverterat.

Duplici argumento probat Rullum tueri Syllanas possessiones. Primò: Quia legis ab eo latæ quadragesimo capite cavetur, ut quæ Syllanis temporibus, hoc est post Marium, & Carbonem consules, factæ sunt assignationes agrorum, maneat, & eo jure sint, quo privata quæque optimo possunt esse. Secundò: quia Rullus plures quàm Sylla, & novas possessiones donat, ac dividit quibus ipsi placet. Sunt enim agri quidem publicati, nemini tamen adhuc assignati, quos Rullus lege sua, cui volet, assignabit.

C A P U T I I.

*Synopsis Orationum aliquot Ciceronis
in genere præsertim delibe-
rativo.*

A R T I C U L U S I.

Synopsis Philippicæ III. IV. & V.

Nonnullas ex orationibus Philippicis legendas præ cæteris hic propono, quia breves, & perspicuæ sunt. Porro illarum argumentum hoc est. Interfecto C. Julio Cæsare, M. Antonius, collega ejus in consulatu, perturbabat Rempublicam, & conscripto exercitu tyrannidem affectabat, per causam, & nomen ulciscendæ necis Cæsaris. Ejus nefarios conatus reprimere Cicero studuit, imitatus Demosthenem, qui Philipum

Ma-

Macedoniæ regem, à quo Græciæ libertas opprimebatur, multis orationibus acriter exagitaverat. Eas orationes Demosthenes Philippicas appellavit, idque nomen suis orationibus imposuit Cicero, quia, ut olim Philippum Orator Græcus, sic ipse Antonium, in simili defendendæ libertatis causa, insectabatur. Tertiæ Philippicæ occasio, & peculiare argumentum est ejusmodi.

M. Antonius, post secundam Philippicam ira, & pudore incensus, bellum Ciceroni, atque adeo Reipublicæ palàm inferre meditans, copias collegit. C. Octavius Cæsar, qui postea rerum potitus, & Augustus est appellatus, scripto vicissim exercitu veteranorum militum, illi se objecit; eumque fugere in Galliam Cisalpinam compulit; quam provinciam obtinebat Decimus Brutus. Is acriter etiam obstitit Antonio, & ab eo Mutinæ obsessus est. Quibus cognitis, habitus est Senatus, ut de publica re deliberaretur. Cicero sententiam hac oratione dixit, suasitque I. Ut quæ privato consilio fecerat Octavius comprobarentur auctoritate publica. II. Ut præmia decernerentur legionibus, quæ illum secutæ fuerant. III. Ut Octavius Imperatoris nomine ornaretur. IV. Ut Brutus Provinciam Galliam retineret, in Senatus populique potestate. V. Ut Antonius hostis Reip. judicaretur.

Exordium sumit à circumstantia temporis, queriturque Senatum tardiùs convocatum fuisse in tanto Reip. periculo: gaudet tamen, &c.

In confirmatione, singulas partes in argumento expositas persequitur, & variis figuris illustrat. Sub finem invehitur in Antonium, qui Octavio ignobilitatem obiiciebat. Antonii edicta quædam, & modum convocandi Senatus carpit. In peroratione graviter Senatum hortatur ad tuendam libertatem: à persona Antonii, & ejus fratris, à consequentibus, à facilitate victoriæ, &c.

Non deerant, & in Senatu, & in populo, qui
Anto-

Antonio faverent, neque armis cum eo dimicandum, sed mittendis legationibus pacem componendam suaderent. Contra illos disputat Orator, ac Philippica IV. probat agendum esse cum Antonio tanquam cum aperto Reipublicæ hoste, quia omnium judicio est hostis declaratus, nempe judicio populi, Octavii Cæsaris, Senatus, militum, Decimi Bruti, Galliæ, & ipsorum Deorum.

Exordii sententia hæc est. Frequens concio, & vestrum, Quirites, studium, magnam mihi spem affert recuperandæ libertatis. Propositio continet antecedens Enthymematis: nempe hostem Reipublicæ Antonium esse judicatum (*Eodem num. 1.*) Confirmatio Orationis complectitur probationem antecedentis per distributionem, & eorum enumerationem, qui Antonium hostem Reipubl. judicarunt. Populi (*numer. 2.*) Octavii (*num. 3.*) Senatus (*num. 5.*) Militum (*num. 4. & 5.*) D. Bruti (*num. 7.*) Ibi fingit populum sibi assentiri fausta acclamatione, ac subdit: *Retè, ac verè negatis Quirites, &c.* illustrat dilemmate (*num. 8.*) *Si consul Antonius, Brutus est hostis &c.* Addit judicium Galliæ (*num. 9.*) Ac denique Deorum ipsorum (*num. 10.*) Illustrat hæc omnia repetitione crebra, subjectione, imprecatione, & aliis figuris.

Peroratio continet complexionem antecedentis: Ergo agendum armis cum Antonio, ut cum hoste, non legationibus mittendis (*à num. 11.*) Estque vehemens cohortatio, & amplificatio ducta à consequentibus, à minori ad majus, ab utili, decoro, necessario, &c.

PHILIPPICA V. Provinciam Galliæ Cisalpinæ Senatus dederat Decimo Bruto. Illum invito Senatu ex ea depellere tentabat Antonius, Bruto infensus, utpote affini illius Bruti, à quo Cæsar fuerat cæsus, ac Mutinam, Galliæ citerioris urbem eximiam, obsidebat. Multi censebant mittendos ad eum legatos, qui de pace & concordia agerent. Dissuadet Cicero, quia hujusmodi

legatio turpis est Senatui, & pernicioſa Reipublicæ.

Exordium ducit à circumſtantia temporis. Senatus habebatur Kalendis Januariis. Diem hunc diù expetitum ſerò adveniffe dicit, Eundem tamen fortunatum, & optatiſſimum illuxiſſe ait, propter novorum conſulum orationem, & conſtantiam. Ita captat benevolentiam, & in cauſam ingreditur.

Propoſitio habetur num.3. Confirmatio primæ partis, nempe: turpis eſt legatio; petitur à repugnantibus. Repugnat enim, ac turpe eſt pacem illi offerre, qui hoſtis eſt à Senatu judicatus. Id enim inconfantiæ, ac levitatis eſt ſignum, neque cadit in majeſtatem Populi Romani. Probat deinde pluribus verbis jure hoſtem eſſe judicatum Antonium, nec modò conſulis, ſed ne civis quidem nomine dignum eſſe (à num.6.ad 25.) enumeratis Antonii flagitiis, legibus per vim, & contra auſpicia perlatis &c. Concludit hanc partem (num.25.) Gravi comparatione ironica: *Ergo Annibal hoſtis, civis Antonius? quid ille fecit hoſtiliter, quod hic non fecerit, aut non moliatur & cogitet?*

Secundam partem confirmationis proponit per occupationem, num.26. *Quoſdam audio diſturos &c.* Oſtendit pernicioſam legationem fore, quia debilitabit militum animos, & impetum belli retardabit. Diſſimilem deinde cauſam eſſe docet legatorum olim à Senatu miſſorum ad Annibalem, & eorum quos idem Senatus mitteret ad Antonium (num.27.) Tertiò urget dilemmate: aut legatis parebit Antonius, aut non parebit. Si pacem volet, ſi parebit, ſi Romam redibit, quis illum animo æquo videre poterit? quis vacabit metu? Si non parebit, ut certò ſcio, quid opus eſt legatos mittere? Oſtendit legatos ab Antonio contemptum iri, & rejeſtum. (num. 28.29.) ſubiicit concluſionem ſecundæ partis num. 30. Num.35., & ſequentibus, agit de honoribus decernendis Octavio Cæſari, & aliis benè de Re-
pu-

publica meritis. Idem argumentum tractat Philippica IV. Sed in ea populum alloquitur, cum priorem orationem habuisset in Senatu.

ARTICULUS II.

*Ordo, & partitio Philippica
VII. & VIII.*

PHILIPPICA VII. Pacem cum Antonio faciendam esse negat, quia turpis, quia periculosa, quia impossibilis.

In exordio conciliat attentionem cum ait se omissis levioribus negotiis, de quibus Senatus consultebatur, rem gravissimam proponere: conciliat benevolentiam cum profitetur se publicæ tranquillitati studere, ac dignitati Populi Romani, in eoque fungi officium viri consularis, & Cajum Pansam Consulem imitari. Adducit in odium amicos Antonii, qui pacem cum eo faciendam esse pugnabant. Effugere conatur invidiam, qua vulgò laborant osores pacis: affirmat se auctorem semper fuisse pacis, nunc autem se invitum facere ut eam disfluadeat. Hæc munera boni exordii exequitur. (à num. 1. ad 9.) Partitio Orationis per interrogationem (num. 9.) *Cur igitur pacem nolo? Quia turpis est, quia periculosa, quia esse non potest.*

Primam partem tractat per Ratiocinationem, sive syllogismum oratorium. Inconstantia turpis est Senatui, atqui summæ levitatis est agere cum illo de pace, quem Senatus hostem Reipublicæ declaraverit. Probat hanc minorem propositionem, sive Assumptionem, ut rhetores loquuntur, enumerandis decretis à Senatu factis contra Antonium (*Locus ab antecedentibus: figura, crebra interrogatio, & vehemens: item repetitio &c.*) Solvit egregiè id quod obiici poterat: Missi sunt ad Antonium legati, ergo turpe non est agere de pace (num. 14.) *At legatos missimus? Heu me miserum cur Senatum cogor, quem semper laudavi,*
repre-

reprehendere &c. (Vide ut blandè arguit, & offendere Senatum cavet) Nihil esse turpius hac ipsa legatione contendit: & hac pristinam severitatem repetendam hortatur. Addit (*à consequentibus*) summam fore turpitudinem si admittatur in Senatum Antonius, cujus scelera per elegantissimam congeriem oculis subiicit.

Secundam partem aggreditur (*num. 16.*) & tractat Enthymemate. Orietur ex pace, quæ fiet cum Antonio, bellum gravissimum, ergo pax est periculosa. Probat antecedens ab Antonii, & ejus gregalium potentia, superbia, & libidine. Infectatur præ ceteris L. Antonium Marci Antonii affinem. *O Dii, quis ejus potentiam poterit sustinere?* (*numer. 17.*) Adhibet comparisonem cum Gracchis. Tractat consequens antecedentis per communicationem, & cohortationem. Operam suam pollicetur &c. (*num. 19. & 20.*)

Tertiò. Pax esse nulla cum Antonio potest, quia, inquit, omnes illum averfantur, & ode-runt, & ille omnes. In hac discordia, & alienatione voluntatum pax esse nulla potest. (*à num. 21. ad 26.*) *Omnia videbitis plena odiorum, nolite igitur id velle, quod fieri non potest, & cavete, &c.*

Peroratio incipit num. 26. *Quorsum hac omnis spectat oratio? &c. Libertas agitur populi Rom. Auctoritas vestra &c.* Idem argumentum de repudianda cum Antonio pace tractat priori parte Orationis XIII.

PHILIPPICA VIII. Post exordium, in quo Pansam consulem nimix lenitatis accusat, illos reprehendit, qui bellum cum Antonio susceptum vocari tumultum malebant, quàm bellum: ostendit tumultum sine bello, & quidem gravi esse non posse: ac docet verum bellum geri cum Antonio, ab effectis, & signis belli. *Brutus oppugnatur: non est bellum? Mutina obsidetur, ne hoc quidem est bellum? &c.* Gallia vastatur, qua potest pax esse certior? (Vides ironiam, conversionem, &c. *num. 7.*) comparat hoc bellum Antonianum cum aliis (*num. 8.*)

In secunda Orationis parte invehitur in Calenum, Antonii patronum, quòd pacem suadeat. Pugnare maximè exemplis clarissimorum virorum: & ejus rationes acutè graviterque confutat (à nu. 12. ad 20.)

In tertia Orationis parte illos reprehendit, qui de mittendis iterum legatis agitabant *Dolenter hoc potius dicam, quàm contumeliosè, deserti, deserti, inquam sumus. Proh Dii immortales, ubi est ille mos virtusque majorum? &c.*

ARTICULUS III.

*Synopsis, & argumentum, Philippica
IX. & XII.*

PHILIPPICA IX. Argumentum bellissimæ hujus Orationis hoc est. Servio Sulpicio, in legatione ad Antonium mortuo, honor statuae tribuendus est. *Vellem, (inquit eleganter in exordio, Dii immortales fecissent ut vivo potius Ser. Sulpicio gratias ageremus, quàm mortuo honores quæreremus.....*

Confirmatio tota unico nititur argumento. Illi honor statuae tribuendus est, cui legatio ipsa, quam Reipublicæ causa susceperat, mortem attulit; Atqui Servio Sulpicio legatio mortem attulit. Ergo illi erigenda statua.

Initium statim ducit ab ipsa ratiocinationis assumptione, & probat legationem mortis causam attulisse Sulpicio: (num.2.) *Non illum vis hyemis, non nives..... non longitudo itineris retardavit, &c.* Subdit majorem propositionem (num. 3.) eamque probat interpretando majorum mentem, & exemplis ab historia petitis illustrando. Redit (num.5.) ad minorem propositionem, & egregia hypotyposi exponit quemadmodum Sulpicius morbo, & amicorum precibus deterre-ri à suscipienda legatione non potuerit. *Vos P. C. (grave dictu est, sed dicendum tamen) vos, inquam, Ser. Sulpicius vita privastis. Quem cum videretis,*
se

se morbo magis, quàm oratione excusantem &c.
Reddite igitur ei vitam, cui vitam ademistis: Vita
enim mortuorum in memoria vivorum est posita &c.
 (num. 8. 9. 10.) Fatetur (num. 11. 12.) non indigere
 Sulpicium ejusmodi statua, & honore, quippe
 cujus vita multis fuerit præclarisque monumentis
 ad omnem memoriam commendata (*digreditur*
hic paulisper in ejus laudes) tamen erit hæc statua
 monumentum honestæ mortis. & grati Senatus,
 ac demum solatium afflicti filii. Sub Orationis
 finem quænam esse statua debeat, quod Sena-
 tus de illa ponenda decretum, singillatim expo-
 nit.

PHILIPPICA XII. Panfa Consul retulerat
 de legatis iterum mittendis ad Antonium: lega-
 ti decreti erant P. Servilius, & M. Tullius Cice-
 ro. Confirmatio duas Partes habet. Prima: Le-
 gati de pace ad Antonium mittendi non sunt. Se-
 cunda: minimè verò omnium Cicero.

Post exordium, in quo suum, ac Senatus erro-
 rem excusat, qui legatis spem pacis asserentibus
 crediderit, deponendum errorem affirmat. Ac
 primò quidem negat mittendam legationem,
 quippe quæ non modò inutilis erit, verùm etiam
 perniciofa, quia spem, & conatum recuperandæ
 libertatis infringet. (n. 7.) *Quid enim potest Reip.*
prodesse nostra legatio? Prodesse dico? Quid si etiam
obfutura est? Quid si jam obfuit? An putatis &c.
 Probat hoc antecedens per dubitationem, enu-
 merando illos, qui audita legationis & pacis men-
 tione, curam, & spem tuendæ Reip. ac liberta-
 tis abiicient. (nu. 9. *Quid autem hoc*) conclu-
 dit (num. 11.) *His igitur omnibus.*

Eandem primam partem confirmationis pro-
 bat, quia dignitas agitur Populi Rom. Repudia-
 vit Antonius propositas pacis condiciones: facta
 sunt contra illum plurima senatusconsulta, & de-
 creta: imminet belli, & servitutis periculum: er-
 go &c. (nu. 11. 12. 13. 14.) *Quid si ne potest quidem*
ulla esse honesta legatio? Quid censetis? Ponite an-
te oculos? Vbi sunt?

Secundum caput confirmationis. Cicero mittendus ad Antonium legatus non est. Agitur ejus dignitas, & fama. Quia prævaricator, & inconstans existimabitur, si pacem Antonio suafurus mittatur, qui legationem, & pacem semper disuaserit. *Quo aspectu videre potero? ... Ad eone me ferreum putastis? (num. 19.)* Altero argumento probat nequaquam se mittendum: nempe quia salus ipsius agitur, & vita: dubitari enim non potest quin illi struantur insidiæ ab Antonio. Auget à minori ad majus. In ipsa urbe vix tutus est ab Antonii satellitibus, quanto minùs in ipso itinere? Amplificat dilemmate: vel congredietur cum Antonio in ipsis ejus castris, vel extra castra: utrobique periculum: nulla utilitas, &c. (*à numer. 21. ad 29. 30.)* In peroratione tamen denunciatur se paratum ad omnia pericula, & ad necem ipsam subeundam, si Reipublicæ inter sit. Eo pacto mirè conciliat animos, & eò, quò vult, perducit.

ARTICULUS IV.

Oratio in Catilinam Prima.

Catiline vitiis, & egestate oppressus Romam diripere, immò Romanum Imperium excindere conjuravit, adscitis in conjurationis consilium Romanis aliquot proceribus (*Lege Florum libro 4. cap. 1. Sallustium de Conjuratione Catilinae.*) Cicero nefaria consilia detexit, & ad Senatum detulit. Senatores in duas abjere sententias: alii necandum continuò Catilinam cum Sociis censebant: Cicero, & alii ducebant lenitate utendum tantisper, dum Catilina se ipse proderet: nondum enim planè convictus habebatur, immò aderat in Senatu, cum hanc Orationem Tullius consul, tanquam eloquentiæ maturæ fulmen, in eum vibraret.

Suadet igitur Catilinæ Cicero, ut ex urbe discedat in voluntarium exilium, & paratam poenam

nam

nam fugiat: aut in castra Manlii, unius è conjuratis, proficiscatur, & bellum indicat Reip. palam, & sine detrimento civitatis opprimendus. Timebat Cicero ne, si conjurati vastarent incenderentque Romam, ipse primus omnium neceretur: itaque per causam publicæ utilitatis, sibi consulit. Dux sunt partes Orationis: In prima docet esse utile, ac jucundum Catilinæ, ut ex urbe discedat: in secunda probat non esse utile Reip. ut interficiatur.

In exordio, quod abruptum, ac plenum iracundiæ, & indignationis est, ipsum Catilinam præsentem acriter compellat, statimque propositionem Orationis subiicit hortaturque ut ex urbe discedat. Primò: Quia patet ejus conjuratio, propter quam, & propter antea actæ vitæ flagitia omnibus odio est. *Etenim quid est?* (num.6.) *Recognosce tandem* (num.8.) Omnia conjuratorum consilia, deliberationes, conventicula enumerat. *Quia cum ita sint* (num.10.) Negat se fugam illi suadere, privato periculo territum, sed publico (num.11.) Insestatur deinde vitam ejus, & flagitia tum privata, *Quid enim est?* (num.13.) tum publica, *Potest ne tibi* Addit comparisonem triplicem à minoribus, & prosopopœjam patriæ hortantis Catilinam, ut discedat. (num.17.18.) Hanc esse mentem Senatus, Equitum, civium reliquorum affirmat. (num.20.21.) *Neque hi solum* Et suam. *Quamquam quid* (num.22.) Ut injucunda debebat esse Catilinæ omnis in urbe mora (quod erat primum argumentum) sic jucundus debet esse illi discessus ad Manlii castra, ubi bello & cædibus indulgebit. Hæc est secunda ratio cur discedere debeat. *Quamobrem ut sapere* (num.23.)

Secunda pars Orationis. Non est è Republica ut Catilina interficiatur. Id enim si fiat, conjurati remanebunt in urbe, neque nisi ea vastata everfaque, conquiescent. *Nunc ita me* (num.27.) Id confirmat exemplo summorum virorum. (num.29.) His ergo: illustrat egregia si-
mili-

militudine à moribus sumpta. (numer.3 1. *Vt sapè.....*

Peroratio triplicem complectitur Apostrophem. I. Ad Senatores, quibus omne suum studium pollicetur ad extinguendam conjurationem. II. Ad Catilinam. III. Ad Jovem, ut patriam tueatur contra cives nefarios. *Polliceor vobis &c.*

Motus hac Oratione, Catilina discessit ex urbe. Cicero suum populo gaudium significat, secunda Oratione, probatque optandum Reipublicæ, & utilem conjuratorum discessum fuisse.

Primò. Quia magis in urbe timendi erant, quàm extra urbem. Quod confirmat enumerando illorum scelera per exclamationem, ethopœiam, congeriem, & alias triumphantis eloquentiæ figuras. Quo in loco digreditur ad eos refellendos, qui Tullii severitatem in eiiciendo Catilina incusabant (num.12.) *At etiam sunt ...*

Secundò. Quia facilè impiorum conatus, & arma opprimuntur ab exercitu Reipublicæ. Id ostendit eleganti comparatione copiarum, & militum Catilinæ, qui omnes obærat, parricidæ, sicarii, &c. cum copiis Populi Romani. *Exponam vobis.....* (num.17. tum num.18. *Primum genus est.....* (num.24.) *Instruite nunc.*

In peroratione hortatur cives ad patriæ custodiam. II. Deorum auxilium promittit. *Qua cum ita sint* (num.26.)

ARTICULUS V.

Tertia Catilinaria.

Cicero laudat suam in detegenda, & extinguenda conjuratione diligentiam, & conservatam à se Rempublicam prædicat: quod beneficium tamen cum referat acceptum Superis, gratias illis agendas, & hunc diem solemnibus supplicationibus celebrandum suadet. Primam partem, & suam diligentiam prudentiamque declarat enu-
me-

meratis splendide variis circumstantiis detectæ conjurationis. Secundam ostendit enumerando manifesta divinæ tutelæ in hoc negotio documenta.

ARTICULUS VI.

Quarta Catilinaria.

Comprehenſi fuerant in urbe præcipui quidam conjurati, & in carcerem conſecti. Cæſar cenſebat illos mitiore aſſiciendos pœna: Silanus, morte mulſtandos. Hujus ſententiam Cicero amplectitur, & perſuadet hoc argumento: Æquum eſt cives conſictos infandi ſcleris, & cum Reipublicæ periculo ſummo conjuncti, morte mulſtari. Duo poterant obiici. Unum, eſſe crudelitatis primarios cives necare.

Alterum, difficile eſſe viros nobiliſſimos extremo aſſicere ſupplicio. Primum reſellit, ac docet improbos cives è medio tollere non eſſe crudelitatis, ſed lenitatis potiùs. Quod alterum caput ſpectat, oſtendit rem ſibi facillimam fore. Tota Oratio inſigni artificio tractatur, ne offendatur Cæſar, & Orator ſuas laudes cum patriæ charitate ſubtiliter miſcet. Vicit ejus ſententia: necati ſunt in carcere conjurati.

C A P U T III.

Synopſis aliquot aliarum Ciceronis Orationum, præſertim in genere judiciali.

ARTICULUS I.

Oratio pro Rege Dejotaro.

Dejotarus Rex Gallogræciæ partes Pompeii ſecutus fuerat bello civili. Viſto Pompejo, rediit in gratiam cum Cæſare, quem tamen voluiſſe per inſidias interficere accuſatur à Caſtore ſuo

suo nepote, & Philippo medico, Dejotari servo. Defenditur à Cicerone.

Callidè incipit à timore suo, & perturbatione, cujus causas affert novitatem judicii de capite Regis; accusatorum indignitatem, quorum unus est Dejotari nepos, alter servus: Cæsaris personam, qui judex in suo periculo: denique ipsum locum: non enim agitur hæc in foro causa, ubi magnam Oratori fiduciam, & alacritatem præbet concursus populi; sed intrà domesticos parietes, & in ædibus Cæsaris (à num. 1. ad 7.) Admisceat singulis penè verbis aliquam Cæsaris laudem. Ita benevolentiam, & attentionem captat. Tertium exordii munus est ut odium struatur in adversarios: id præstat (à num. 7. ad 15.) allatis causis, quibus illos impulsos ad accusandum fuisse docet. Cæsaris denique fidem, & clementiam implorat, & inimicitias ejus priores, atque iram in Dejotarum sapienter mitigat.

Exordio subiicit narrationem, seu refutationem præjudicii gravis; nempe quòd in bello civili tulisset arma Dejotarus contra Cæsarem. Id quomodò gestum sit, narrat singulari artificio, & excusat Regem. Primò: Quia Senatui Pompejanas partes amplexo parendum putavit (num. 11. *Cùm audisset.*) Secundò: Deceptus est rumoribus. Tertiò: Cessit auctoritati Pompeii, qui ceteros omnes ante Cæsarem rerum gestarum gloria superavit (num. 12.) Quartò: Discessit à Pompejo post Pharsalicum prælium, opem Cæsari multis in rebus tulit, pro eo dimicavit, &c. (num. 13. 14.)

Confirmatio quatuor partes habet. (*Is igitur* &c. num. 15.) In prima ostendit Orator Dejotarum non struxisse insidias Cæsari. Primò: à Persona Dejotari, qui nec tam sceleratus est, nec tam ingratum, nec tam demens ut id consilii caperet (*At credo* à num. 16.) II: Ab ipso crimine, quod neque aptè ad suspicionem movendam, neque probabiliter confictum est (*At quam non modò non credibiliter. Quàm festivè Crimen contextitur!* n. 19.)

III. Ab ipsa Dejotari, & servorum, modestia, quiete.... (num.20.) *Obsecro, C. Caesar, repetet temporis illius memoriam.....*

II. Pars Confirmationis. Dejotarus contra Cæsarem exercitum non comparavit. (num.22. *Reliqua pars accusationis.*)

III. Non fuit alieno animo à Cæsare (nu.24.) Probat à repugnantibus: pecuniam dedit Cæsari, ejus exercitum aluit, excepit hospitio, &c. In triplici demùm bello Alexandrino, Pontico, & Africano nulla re illi defuit. Refellit (num.25.) Quod adversarii jactabant Dejotarum verum quendam protulisse in odium Cæsaris, immò adversis de eo rumoribus gestientem in convivio saltavisse. (*Quid deinde furcifer, quò progreditur?* num.16.)

IV. Pars. Insectatio est adversariorum, quorum describit impudentiam, impietatem, crudelitatem, avaritiam: quorum calumnias refellit (nu.27.28. usque ad nu.35.) Illud præcipuè deplorat, quòd servi testimonium audiat, & à comparatione amplificat (num.30.31.32.) Peroratio (num.35.ad 43.) tota in eo est ut Cæsar Dejotaro concilietur.

ARTICULUS II.

Oratio pro Milone.

Gerebant inimicitias Milo, & Clodius. Obviam facti non procul Roma pugnam inierunt, in qua cæsus Clodius. Milo accusatus fuit quasi per insidias, & ex composito, Clodium adortus, illum interfecisset. Cicero contra ostendit Clodium insidiatum esse Miloni; non Milonem Clodio. Cùm timeretur ne quis tumultus existeret propter Clodii, & Milonis amicos, ad vim & pugnam paratos; Pompejus, Reipublicæ curam gerere à Senatu jussus, armatos milites in foro collocavit, quorum aspectu Cicero vehementer est perturbatus. Hinc sumit exordium, & eos mili-

milites favere causæ suæ profitetur, hortaturque Judices ut magno animo sint. Mox præjudiciæ quædam refellit, quibus Milo jam videbatur condemnatus à Senatu, & à Pompejo, immò populi voce, qui negabat absolvi posse illum, qui hominem à se occisum fateretur (à nu. 7. ad 24.) sequitur narratio (à num. 24. ad 32.)

Confirmatio duas partes habet. Prima: Jure interfecit Clodium Milo, à quo sibi videbat insidias, & necem strui. Secunda: cum laude interfecit: Ergo est absolvendus, immò donandus præmio.

Jure interfectus est Clodius, quia insidias Miloni struxit: non Milo ipsi, qui neque insidiandi voluntatem habuit, neque facultatem: quippe nulla utilitate, neque odio, neque indole ad vim comparata, fuit impulsus ad cædem Clodii, cum Clodius istas omnes causas habuerit, ac præterea spem impunitatis. Denique ipse palàm jactavit Milonem brevè periturum. Deinde Clodius magnam habuit facultatem struendi insidias, Milo nullam. Respondet tribus capitibus, quæ obiici poterant: *Cur ergo victus est? &c.* ac demùm concludit (num. 68.)

II. Pars Confirmationis. Milo dignus est laude qui Clodium interfecerit, hominem videlicet sceleratissimum, pestem Reipublicæ. Ejus scelera enumerat: amplificat odium, quo illum populus prosequabatur, adeò ut excitare Clodium ab inferis nemo, si fas, velit. Exemplis Græcorum complexionem ornat, ac demùm divinæ Providentiæ casum illum salutarem Reipublicæ assignat. Peroratio tota est ad misericordiam composita, videtur in ea Tullius triumphare. Neque Milo mulctatus fuisset exilio, si quemadmodum est hæc oratio scripta, sic recitata esset. Verùm Orator metu militum perculsus titubanter, ac timidè dixit.

ARTICULUS III.

*Oratio pro P. Quintio: & pro Sento
Roscio Amerino.*

§. I.

Oratio pro P. Quintio.

Sextus Nævius, homo fraudulentus, & avarus, cum pecuniæ summam non leve deberi sibi à Publio Quintio contenderet, eum vadatus est apud Prætozem. Diu vadimonium distulit Prætor; & Quintius interim, itineris necessarii causa, Roma discessit, relicto procuratore, qui vadimonium obiret. Nævius, absente Quintio, vadimonium præstat, postulatque à Prætoze, ut condemnetur, tanquam vadimonii deserti reus, & ejus prædium, ac fortunas invadit ex edicto Prætoris, ut aiebat.

Cicero tria ostendit. Primum: Non debuisse Nævium postulare à Prætoze, ut bona Quintii possideret, quia falsum est debitam Nævio esse pecuniam, quam à Quintio repetit. Deinde, quia falsum est desertum fuisse à Quintio vadimonium. Secundum: Docet bona Quintii ex edicto Prætoris non potuisse possideri, quia non fuit Quintius edicto Prætoris comprehensus. Tertiò: Probat Nævium bona Quintii ex edicto Prætoris reverà non possedisse, quia in ejus prædium involsavit priùs, quam edictum à Prætoze pronunciatum fuisset. Causa est in genere judiciali: queritur enim an Nævius Quintii bona ex edicto Prætoris possederit.

In Exordio, quod numeris decem absolvitur, deplorat Orator Quintii calamitatem, qui gratia Nævii, & Hortensii eloquentia, opprimatur: implorat opem Judicum: queritur quòd ipse priori loco, ac brevissimo temporis spatio, cogatur perorare, &c. Exordio subjungit narrationem

nem (num. 11.) *Id quò facilius* Narrationi propositionem, & distributionem orationis..... (nu. 36.) *Negamus . Ostendam primum causam non fuisse, cur &c.*

Confirmationis prima pars. Nulla fuit causa cur Nævius postulare à Prætore, ut liceret sibi possidere bona Quintii: quia nihil debuit Nævio Quintius: ab eo enim anno toto, & amplius, nihil postulavit. An credibile est hominem avarum, cui deberetur magna pecuniæ summa, tandiu fuisse tam quietum, tam modestum, tam sui juris immemorem? non ausum esse appellare Quintium, cujus nunc jugulum, & caput petit? Hoc miris modis facitè amplificat. *Quis tam dissolutus.....* (num. 37.) *Appellandi tempus non erat &c.* Urget dilemmate (num. 41.) *Restat, ut....* Probat Secundò eandem partem, quia Quintius Vadimonium non deseruit, quippe qui ob iter necessarium Roma tunc abesset, ut multi testantur. *Ait esse* (num. 57.) Insectatur pluribus verbis Nævii crudelitatem, qui socium, &c. exuere bonis voluerit. *Quid si debuisset?* (num. 48.) Amplificat graviter hunc locum à consuetudine proborum civium, &c. ab innocentia, & simplicitate Quintii.

II. *Pars Confirmationis.* Nævius non potuit bona Quintii possidere ex edicto Prætoris. Expendit Cicero post idoneam transitionem, edicti verba singula, negatque iis Quintium contineri, quippe qui non latuerit, non solùm verterit, &c. qui denique à suo procuratore defensus fuerit. *Docui quod primum pollicitus sum* (nu. 60.) Solitudinem, & inopiam Quintii dolenter exponit (num. 71.) *Quod si tum....*

III. *Pars Confirmationis.* Per dialogismum exponitur. Nævius bona Quintii non possedit ex edicto. *Dissidebam* (nu. 77.) Probatur dilemmate: si ex edicto possedit, necesse est ut nuncius, qui lictores admonuit ut deiceretur de prædio Quintius, confecerit triduo sexcenta passuum millia, hoc enim intervallo Quintii prædium

Roma distat; aut nuncius à Nævio missus fuerit ante edictum: primum est impossibile, alterum improbum. Urget acriter adversarium, atque ut in re manifesta triumphat.

Peroratio. Duas partes habet; enumerationem, five anacephaleosim, in qua repetit argumenta, & probationes allatas: (num.86.) *Ostendi quàm multa.* II. Affectum misericordiæ erga P. Quintium: odii erga adversarios. Concludit obtestando Judicem..... (num.99.) *Itaque &c.* Insignis est hac in oratione varietas, & copia figurarum, quarum nomina, usum, exempla protulimus in tertia hujus libri parte; cap.2. & quas peritus Magister candidatis eloquentiæ singillatim edisseret.

§. II.

Oratio pro Sexto Roscio Amerino.

Occisus fuit Romæ Sextus Roscius, Sexti hujus Roscii pater. Ejus bona proscripta, & empta sunt à Chryfogono, nobili, potente, & avaro cive. Erucius causidicus Sextum Roscium accusavit parricidii: defendit Cicero, nec modò innocentem probavit esse, verum etiam reos accusatores. Quæstio judicialis est: An Sextus Roscius patrem occiderit.

Exordium. Excusat audacia in suam Cicero, qui contra opes, & potentiam Chryfogoni Roscium defendendum suscipiat; dum tot alii Oratores egregii tacent, cum ipse neque ætate provectus, neque in foro causisque sit versatus. Vocat in invidiam adversarios, judices reo conciliat: quæ munera sunt exordii.

Narratio. Ducitur à num.13. *Atque ut* Exponit num.27. consilium adversariorum de accusando S. Roscio parricidii. (*Quod is simul*) Et eorum crudelitatem graviter infectatur nu.29. (*Quid primum*) Auget comparatione cum facto Caii Fimbriæ.

Con-

Confirmationis prima Pars. Sextus Roscius non occidit patrem. Tractatur per argumentationem. Ille non occidit patrem qui nullam habuit causam occidendi patris. *Probatio propositionis*: quia tantum scelus sine gravi causa suscipi non potest. Atqui nullam habuit causam parricidii Sextus Roscius, neque ex parte sua, quia non est sceleratus, audax, libidinosus &c. neque ex parte patris, cui non erat invisus.

Solvit nonnulla quæ obiciebat accusator, quæ Roscium patri invisum ideò probabat esse, quia illum ruri detinebat, & removebat ab urbe: quia illum exhæredare cogitabat. (*Occidisse Patrem*) num.37. Ridet ineptiam accusatoris quæ tam futilibus utatur argumentis (*Nemo nostrum est*) num.55. Complexionem ratiocinationis affert num.61. (*De parricidio*) Et multa de parricidii gravitate disserit. Exornat hunc locum communem exclamatione, distributione &c. (*Quanto majores nostri.*) num. 70.

Eandem primam Confirmationis partem altero probat argumento, quod explicat per dilemma oratorium. Non occidit patrem S. Roscius, quia nullam ejus occidendi facultatem habuit. Transitio fit per concessionem num.73. (*Esto causam*) Dilemma est ejusmodi. Vel per se occidit, vel per servos, aut sicarios: neutrum dici potest. Per se non occidit, quia Romæ non erat. Non per sicarios, quos non novit homo ruri assiduus, & frugi: non per servos, quos in quæstionem dari ultrò postulat, & obtinere per adversarios non potest. (*Reliquum est*) numer. 77.

Confirmationis altera Pars. Adversarii Sextum Roscium occiderunt. Quia occidendi magnam causam habuerunt, nempe utilitatem. Ratiocinationem Cicero sic informat. Illi dicendi sunt potius occidisse Roscium qui magnas ex ejus nece utilitates adepti sunt. Propositionem probat celebri dicto Cassii num.84. (*L. Cassius*) Af-

sumptionem ostendit enumerando tum opes S. Roscii, quibus inhiabant; tum eorum avaritiam, & audaciam. (*In hac enim*) num.86. Completionem ornat antithesi: (*Restat iudices*) num.88.

Eandem secundam Confirmationis partem probat eleganti inductione rerum, quæ eadem Roscii consecutæ sunt, ex quibus concludit maiorem occidendi Roscii facultatem adversariis fuisse, quàm ipsi S. Roscio. (*Videamus nunc*) num.92. Sunt autem illæ res; Prima: audacia T. Roscii unius ex adversariis, qui palàm cum accusatore sedebat. Secunda: nuncius cædis magna celeritate factus Roscio Capitoni: nu.96. (*Quis primus*) Tertiò: Capitonis perfidia in fallendis legatis ad Syllam missis, num.109. (*Venit in decem.*) Quartò: quæstio de servis recusata: nu.119. (*Dixit jam antea.*) Quintò: Chrysogoni potentia, & avaritia, quem ita insectatur, & Syllam, ut utrumque graviùs lædere caveat.

Peroratio. Incipit num.143. *Verùm hæc.* In ea & odium in adversarios, & commiserationem in Roscium, egregiè struit.

ARTICULUS IV.

Oratio pro Q. Ligario.

O Ratio pro Q. Ligario tota subtiliter & acutè tractatur. Causa quippe lubrica, & difficilis, in qua Cæsar ipse de injuria, quæ dicitur illi facta, iudex est. Q. Ligarius præerat Africæ, cum ortum est civile bellum inter Pompejum, & Cæsarem. Pompeii partes amplexus, repulit ex Africa Q. Tiberonem, qui profitebatur in eam se venire ut eandem Cæsari traderet. Accusatur à Tiberone. Primò: Quòd repulsus injustè fuerit ab Africa per Ligarium. Secundò: Quòd Ligarius Pompeii partes fuerit secutus. Tertiò: Quòd insensus fuerit Cæsari.

Concedit Cicero Ligarium in Africa fuisse, idque

que in exordio statim profitetur: at nihil ab eo factum iniquè in Africa ostendit in narratione, num.2. (*Quid igitur Ligarius.*)

Confirmatio. Nihil contra Cæsarem molitus est Q. Ligarius, siue cum in Africam legatus profectus est, siue cum eam administravit, siue postquam bellum civile exarsit, & Varus contra Cæsarem Africam occupavit. Retorquet crimen in ipsum Tuberonem, qui potiore iure dicendus est infensus fuisse Cæsari, quam Ligarius, quippe qui, & in acie Pharsalica contra Cæsarem pugnavit, & exclusus Africa, suas quærelas ad Pompejum detulerit. Ejus crudelitatem multis verbis exagitat, & à Cæsaris clementia amplificat. Hæc potior, & præcipua pars Confirmationis est. Tertiâ: Nempe quòd Pompeii partes secutus fuerit Ligarius, insigni artificio tractat nu.17. (*Ac primus aditus....*) Pompejum, & Pompejanos excusando, Cæsaris clementiam, & moderationem in victoria commendando: id quod in Peroratione illustrius acriusque facit, num.29. (*Itaque num tibi....*) Profert illustrissimos viros qui pro Ligario deprecantur: num.34. (*Vilesne....*) Vicit Cicerone, & causam obtinuit.

ARTICULUS V.

Oratio pro Cnejo Plancio.

CUM ædilitatem simul peterent Plancius, & Laterensis, Plancius eam adeptus est, reiectus Laterensis: qui ratus injuriam sibi factam, accusavit Plancium quòd largitione populum corrumperet. Quæstio igitur est in genere judiciali. An Plancius reus sit ambitus, an populi suffragia malis artibus venatus fuerit.

In exordio conciliat benevolentiam iudicum Plancio, laudatque ejus in se ipso Cicerone tutando, cum exularet, fidem: tum integritatem vitæ, &c. adulatur obiter Laterensi, cujus amici-

tiam retinere se velle proficitur: num.2. *Secundum mihi in causa.*

Confirmationis duæ sunt partes. Prima: rectè, ac jure obtinuit Plancius ædilitatem, quamvis nobilitate sit inferior Laterensi. Primò: Quia in comitiis non semper dignitas candidatorum spectatur: sed populus, quibus collibitum est, favet; ac sæpè gratia, precibus, temeritate; non judicio, & veritate, ducitur. *Non enim comitiis..* num.9. breviterque carpit Laterensis negligentiam, & superbiam in hoc magistratu petendo. Secundò: quia Plancius est Equestris Ordinis, cui Ordini semper ædilitas patuit. num.17. *Quid si populi.....* & certis de causis (*Quas enumerant* num.19.) plura tulit meritò, ac facilè suffragia Plancius, quàm Laterensis. Addit varias virtutes Plancii, & egregias dotes, quibus populum jure sibi devinxit, modestiam in licentia militari. num.17. *Vitia mehercule.....* prudentiam, & æquitatem in tribunatu, & quæstura num.28. *In Macedonia...* Item in Urbe: *Tribunus plebis.....* Item domi: *Omitto illa.....* Denique levia quædam refellit, quibus Plancium ædilitate indignum probare Laterensis contendebat. *Hunc tu vita.....* numer.30. *Pater verò.....* num.31. *Asperius, inquit.....* num.33.

Secunda pars Confirmationis: Adversarius crimen ambitus probare non potest. Accusat enim Plancium lege Licinia, quæ in eos candidatos lata est, qui sodalitia confecerint, & coitiones ac cætus tribulium, quorum suffragiis niterentur ad honorem obtinendum: at nihil eorum probat à Plancio factum esse. Abutitur autem ea lege, quia dat illa potestatem accusatori eligendi ex quacunque libuerit tribu Judices, quod est acerbissimum. Debebant, inquit Cicero, sumi judices, ex tribu Terentina, cui probè notus est Plancius, non ex aliis tribubus quibus est ignotus. *Ego Plancium.....* num.46. Confirmat hoc ipsum, docetque bonis artibus, & civilibus officiis devinctas à Plancio tribus, quia binis comitiis ædilis est factus,

atus, &c. Num. 50. *Venio jam* refellit varia crimina quæ Cassius, accusatorum alter, obiciebat Ciceroni, & Plancio, usque ad num. 72. quo refutat quædam sibi objecta privatim à Laterensi, & suas laudes libenter, ac liberaliter, admiscet. *Respondeo tibi* Ad extremum operam sibi à Plancio navatam prædicat, cum Roma pulsus fugit in Macedoniam, ubi eum Plancius omni officio prosecutus est. Inde arripit occasionem obtestandi iudices in Peroratione, quæ plena est affectus suavissimi, & sine lacrymis audiri non potuit, ac ne legi quidem etiamnum potest. *O excubias tuas*.. num. 107.

ARTICULUS VI.

Oratio pro L. Muræna.

CUM L. Muræna designatus fuisset consul in sequentem annum, accusatus est de ambitu à Servio Sulpicio, Murænæ competitore, & repulsam passo; item à Marco Porcio Catone, deum à Cnejo Posthumio: defensus est ab Hortensio, & Cicerone.

Exordium. Consul Cicero Murænam amicum suum, & consulem designatum quem Superis commendavit, nunc accusatum commendat iudicibus. *Quod precatus sum* nu. 1. ubi captat præclare iudicum benevolentiam, eorum potestatem comparando cum Deorum potestate. Altera pars exordii versatur in refutandis adversariis, qui negabant Murænam à Cicerone defendendum esse. Non est rectum, inquit Cato, defendi consulem reum ambitus à Cicerone consule, qui legem de ambitu prudentissimam tulit, qui tam severe gessit consulatum. Huic respondet num. 3. *Et primum* usque ad num. 7. quo lenire conatur Sulpitium, graviter conquerentem quòd oblitus amicitie Cicero Murænam contra se defendat. Ubi observata oratoris artem, cujus est amo-

liri statim omnia, quæ minùs attentos aut benevolos facere possunt auditores.

Tria in Muræna reprehendebant accusatores, vitam Murænæ, dignitatem, & ambitum: iisdem vestigiis insistens Tullius docet L. Murænâ in vita reprehendendum non esse, cujus probitatem maximè in Asia, pietatem erga parentes, labores, triumphum, commemorat: ac præcipuè diluit convicium eidem objectum à Catone, qui saltatorem illum appellaverat *num. 13.*

II. Docet non esse contemnendam Murænæ dignitatem: parem illam esse nobilitati Sulpicii: *num. 14. Nihil igitur* Parem ambo quæsturam fortiti sunt. *Quæsturam unâ.....* Immò superior est Muræna, & vincit Sulpicium arte, & professione. Sulpicius est jurisconsultus, Muræna in bellis versatus: ars verò militaris longè præstat juri civili, & ad consulatum obtinendum multo est utilior *num. 19. Reliqui temporis, & num. 30. Dua sunt* Artem utramque, & scientiam belli, ac juris, lepidè comparat. Addit *nu. 37.* nonnulla, quæ Murænæ profuerunt in petitione consulatus, ut suffragia militum: *Sed tamen.....* Ludorum magnificentia *nu. 39.* administratio provinciarum *n. 41. Sed hac sanè.* Denique ratio ipsa petendi consulatus *num. 43. Et quoniam.*

Tertia pars Confirmationis. Nihil commisit Muræna contra legem ambitus: *num. 4. Nunc mihi totius.* In ea parte festivè Catonem exagitat, præmissa ejus laude *num. 58.* & petita quasi à iudicibus venia liberius dicendi. Hæc præfatus, jocatur bellè in Catonis austeritatem, ac totam Stoicorum disciplinam, negatque idcirco reum esse ambitus Murænâ quòd habuerit sectatores, ediderit spectacula, prandia populo præbuerit, &c. à *num. 58. ad 78.* Ibi, velut amoto joco, iudices monet de nefario Catilinæ consilio, cui ut fortem, & strenuum consulem opponat hortatur, *numer. 85. Quid tandem fiet.....* Talem futurum Murænâ pollicetur in peroratione, in qua etiam excitat iudices ad commiserationem ab adjunctis, per dubi-

dubitationem, subjectionem, &c. à numer. 86. ad 90.

ARTICULUS VII.

Oratio pro P. Sylla.

Accusabat Syllam L. Torquatus quòd in patriam cum Catilina conjurasset: defendit illum Cicero redditque in Exordio rationem, cur, cum alios conjuratos accusaverit, Syllam defendat, quem scilicet non esse conjurationis reum comperit.

Confirmatio duas partes habet. Prima: non conjuravit Sylla, quia id nullo idoneo probatur argumento. Tractatur per inductionem, sive enumerationem argumentorum quibus probare conabantur adversarii Syllam conjurasse. Primum est, Testimonium Allobrogum: refellitur subjectione, & dialogismo. num. 36. *Ab Allobrogibus nominatum.* II. De tabulis publicis corruptis: num. 40. *Exclusus* Paulisper digreditur num. 47. objurgatque acrius Torquatum: *Fero ego te* ac statim oratione mitiori placat. numer. 48. *Neque verò.* III. Indicium Cornelii. IV. De Cincio in Hispaniam misso, ut eam perturbaret. *Atenim Cincius.* num. 56. V. de Pompejanis ad conjurationem impulsis à Sylla. num. 60. *Iam verò.* VI. De Cæcilio, fratre Syllæ, qui cum videret ereptum fratri à Torquato consulatum, rogationem tulerit de eo in consulatum restituendo. *Atenim.* num. 67. VII. Argumentum, quòd in sua quadam epistola Cicero nominaverit Syllam inter conjuratos, ironica responsione eluditur. *Hic tu Epistolam* num. 67.

Secunda pars confirmationis. Non conjuravit Sylla quia ejus mores, & antea acta vita repugnant tanto sceleri. Tractatur per Ratiocinationem. Qui conjurat in patriam consentaneos tanto crimini mores habet. *Neque enim* num. 69. Probat propositionem exemplis num. 70. *Circumspice.*

cite. Atqui Syllæ mores, & vita repugnant huic sceleri. Probatur Assumptio enumeratione illius virtutum. *Agedum conferte* num.72. Complexio habetur num.75. *Non,inquam,cadit....* Subjungit Confirmationi Refutationem geminam; unam de quæstionibus, ac tormentis servorum, quæ minitatur adversarius: alteram de accusatis consularibus, &c.

Peroratio egregia est: in eaque calamitatem Syllæ, crudelitatem adversariorum amplificat. *Quamobrem vos.* num.86.



PARS SEPTIMA.

De modo scribendæ Epistolæ.

C A P U T I.

Dotes & partes Epistolæ.



Inter epistolæ dotes non immeritò recensetur brevitās prudens, & argumento consentanea. Deinde forma dicendi pressior, & magis concisa, sine periodorum ambitu numeroso. Denique sermo familiari, & quotidiano propior, nativo quodam lepore conditus, absque pigmentis, & oratorio fūco.

Partes epistolæ sunt eadem, quæ orationis cuiuslibet, verum breviores, & quasi occultæ: Exordium, Confirmatio, Refutatio, & Epilogus. Interdum adhibetur narratio, si res postulat, ipsique exordio inseritur aut subiicitur.

Exordium fermè ducendum ab aliqua circumstantia, temporis, loci, personæ, ac potissimum rei, & causæ, propter quam scribitur. Nonnunquam est abruptum, nempe in vehementiore aliquo affectu doloris, gaudii, admirationis, &c.

Cùm epistolæ omnes revocentur ad unum aliquod è tribus dicendi generibus, Confirmatio peti debet ab iis locis, qui proprii sunt generis demonstrativi, judicialis, aut deliberativi: de quibus toto isto libello fusè dictum est. Recensuimus Parte VI. Progymnasmate VI. varias Orationum formas, & classes ad quas vulgò revocari possunt epistolæ: quæ ferè sunt gratulatoriæ, consolatoriæ, monitoriæ, objurgatoriæ, commendatiæ, apologetiæ, &c. singulis ejusmodi generibus quænam convenient argumenta, quæ structura

ctura sit adhibenda, diximus eodem loco. Restat ut exempla quædam è Tullio, Plinio, Seneca proferamus.

C A P U T I I.

Exempla Epistolarum è Tullio sumpta.

NE mole nimia laboret hic libellus, cujus pretium non leve brevitatis est in tanta rerum copia, satis habebimus exempla quædam epistolarum decerpere exprimis Libris Epistolarum Ciceronis ad Familiares, & earum structuram paucis indicare.

Primus Liber epistolas ad P. Lentulum continet, easque ferè omnes unius generis, & modi, nempe *Narratorias* sive *nunciatorias*. Rex Ægypti fuerat pulsus regno à sorore: Roma restituendum censuit. Lentulus, & Pompejus ambiebant hanc regis restituendi provinciam. Cicero favebat Lentulo, cui multum debere se profitetur initio primæ Epistolæ: *Ego omni officio &c.* Tertia Epistola est commendatitia. *Aulo Trebonio*. Exorditur à causis quibus adductus fuit ad commendandum Trebonium. In clausula patrocinium Lentuli amico petit. Quinta excusationem habet quòd Lentuli negotia parum promoveat: deinde consolationem, & cohortationem ut forti animo sit: pollicetur se nullo loco ipsi defuturum. *Tametsi...* Sexta idem argumentum, sed majori brevitate, prosequitur. *Quægerantur*. Initio septimæ excusat se Lentulo quòd rariùs ad eum scribat: mox variis Lentuli litteris respondet. *Legi tuas litteras.*

Secundi Libri epistola prima duas partes habet: prior excusationem continet, quòd rariùs ad Curionem scribat; posterior cohortationem ad studium virtutis, & gloriæ. *Quaquam me...* Epistola secunda tribus continetur partibus in prima consolatur Curionem de morte patris, significando suum de illa dolorem; *Gravi teste...* In secunda

da (quam partem nonnulli dividunt à prima, & peculiarem, tertiamque esse volunt epistolam) eidem suadet ne munera gladiatoria edat in patris funere . In tertia cohortatur illum ad virtutem . Sexta epistola (*Nondum erat auditum*) est petitoria , sive commendatitia , sed paulò accuratior , & in qua partes omnes bonæ epistolæ ordine dispositas observare licet . Petit à Curione ut Milonem creandum consulem curet : in Exordio causam affert cur citò miserit epistolam : *Magnitudo rei fecit &c.* Sic attentionem excitat , & animum Curionis præparat . Deinde benevolentiam ejusdem aucupatur eleganter modestia petendi , & verecundia . *Grave est* & à suo remunerandi studio . *Neque enim* . Subiicit propositionem , & argumentum epistolæ *Ego omnia* Petitionis causas affert . Primò : Rei quam petit , honestatem . *Neque verò cuiquam* Secundò : facilitatem rei conficiendæ . *Hunc te unum* Tertio : æquitatem petitionis . *Si me memorem ...* Quartò : gratum animum , & suum , & Milonis . Concludit his verbis , *Vnum sic habeto* .

Præclara quoque est ejusdem libri epistola decimasexta . *Magno dolore* Qua respondet M. Cælio , cujus epistola ultimam Libri octavi proximè antecedit , ab his ducta verbis *Exanimatus sum* . Victus fuerat à Cæsare Pompejus acie Pharsalica . Cicero dicebatur velle Pompejum , licet victum sequi , relicto Cæsare , ac bellum urgere . Id cum Cælius audivisset , illum hortatus erat gravissimis litteris , ne faceret , utque ab armis discederet suaserat in ea , quam diximus , epistola octavi Libri . Respondet Cicero sibi planè ita deliberatum esse , ac rumores de se dissipatos acriter confutat , & cur pacem amplecti statuerit , explicat .

In decima octava suadet Thermo ne decedens provincia , eam relinquat gubernandam legatis suis potius , quam suo quæstori . Rationes duas potissimum affert . Primò : Quia erit ea gravis ignominia quæstoris , si videat sibi præferri legatos .

tos. Secundò: Quia nocere multum Thermo nobilis quæstor, licet adolescens potest. Exordium ad captandam benevolentiam bellè comparatum est *Officium meum* Concludit amicitiam significando, qua impulsus scripsit. *Qua mihi*

Tertii Libri epistola prima continet maximè laudes Phariæ cujusdam, quem Appio commendat: ipsumque Appium non parcè laudat. Est commendatitia, *Si ipsa Resp.* Epistola secunda, quæ incipit. *Cum & contra* In magna brevitate multum elegantix, ac perspicuitatis habet. Successurus erat Appio in gerenda provincia, petit ab eo ut eam sibi tradat quammaximè aptam, & explicatam. Post exordium, in quo suam erga Appium amicitiam profitetur, propositionem epistolæ, & petitionem suam exponit. *At e maximo opere.* Rationes ducit ab honesto, utili, necessario. Gratum in epilogo, animum, & sua vicissim officia promittit.

Scripserat Appius ad Ciceronem durioribus verbis, & quædam illi objecerat. Ea refellit Cicero epistola ejusdem tertii Libri septima, cujus initium est. *Pluribus verbis ad te* Quædam excusat molliter; alia graviter, & liberè arguit. nonnulla eruditè sapienterque diluit. Idem argumentum, idem stylus est octavæ: at in nona (*Vix tandem legi &c.*) superiorum litterarum acerbitatem quandam excusat, & magnam reconciliatæ gratiæ significationem habet. Quædam sub finem, ab Appio humaniter petit. In decima consolatur Appium peramanter de triumpho ipsi negato. *Cum est ad nos allatum.* Usque ad hæc verba. *Illud pugna* Ac primò quidem suum dolorem de Appii molestia significat. Subiicit spem ulciscendæ injuriæ: denique promittit singulare studium in Appii dignitate defendenda.

In altera ejusdem epistolæ parte purgat se de suspitione quadam Appii, cui persuasum fuerat impeditam à Cicerone fuisse legationem, quæ Romam ad laudem Appii mittebatur.

Significatur in tuis litteris Refellit accuratè hanc

hanc suspicionem à præteritis suis erga Appium officiis: ab ejus persona, ab absurdo, & repugnante, ab inutili, & pernicioso; à necessaria quam habere debet cum Appio conjunctione; à Pompeii persona, cujus filius habebat uxorem filiam Appii. Utitur maximè duplici dilemmate: Aut clam impediui rogationem, & inimicum tibi me sum professus, aut palam: atqui &c. Tum: vel me virum probum esse censes; vel nequam, & astutum. Si probum, nihil in me perfidiosum, & fallax in amicitia, debes agnoscere: sin autem me astutum, & callidum libet fingere, &c.

Initium epistolæ undecimæ *Cum essem in Castris*: est plenum suavissimæ gratulationis. Lætatur Appio absoluto, quem inimici crimine Majestatis, & ambitus, accusaverant. Idem argumentum tractat Epistola 12. *Gratulabor*. Sub finem excusat se quod passus sit filiam suam Tulliolam collocatam esse Dolabellæ, inimico Appii, id verò affirmat absente se, & insciente factum: & arte multa delinire, ac placare amicum studet.

Liber quartus insigniores epistolas sex habet: duas consolatorias, tertiam nempe (*Vehementer te esse &c.*) & quintam (*Posteaquam*) illam Ciceronis; hanc Servii Sulpicii, elaboratam perquam affabrè, ac per omnes consolandi locos accuratè ductam; adeo ut vix de Latinitatis elegantia concedat ipsi Tullianæ.

Tertia ejusdem generis, est ordine decimateria, ad P. Nigidium Figulum, quem consolatur quòd patria careat (*Quarenti mihi quid.*) Sequentes epistolæ suasoriæ sunt magnam partem, & hortatoriæ, ad M. Marcellum scriptæ, cui persuadere conatur, ut Romam redeat, ac victoris Cæsaris clementia fruatur: præcipuæ sunt septima *Et si eo te &c.* Item nona, in qua eundem urget ut Romam veniat quamprimum. Secutus Ciceronis consilium Marcellus Romam properabat, cum in Urbe Græciæ interfectus est ab amico proditore, ut Ciceroni Sulpicius narrat epistola 12.

Et si scio non

Libri quinti prima epistola Metelli est ad Ciceronem atrox, & eò acerbior, quò brevior: cui Tullius respondet pluribus verbis, & humanioribus, in epistola secunda qua planè se purgat, ac vacare culpa docet (*Si tu &c. scribis ad me*) Haud minùs impigrè, ac sedulò commendat se, ac sua officia Crasso in epistola octava (*Quantum meum*) ejusque varias suspiciones, & criminationes diluit, ac suam in amicitia tuenda constantiam pollicetur. Commendaverat ei nescio quid Vatinius, cujus est epistola ordine decima: respondet sequentibus litteris, breviter, amicè, candidè: *Grata tibi*. Epistolam 12. ipse Cicero laudat: ac sane digna est quæ laudetur, & legatur tota: nam longior est, quàm ut exscribatur. Misit illam ad L. Lucejum, celebrem id temporis historicum, quem rogat ut res à se in consulatu gestas, memoriæ, ac posteritati prodat. *Coram me tecum*

Epistola 13. pulcherrimis verbis, & sententiis abundat. Respondet Lucejo Tullius, cujus litteras consolatorias acceperat. *Quanquàm ipsa* Pulcherrima quoque, & omnibus eloquentiæ pigmentis culta est quæ sequitur: *Et si unus*; in qua Titium consolatur de filii morte. In decimaquinta consolatur Sestium de irrogato ipsi exilio, utque casum hunc fortiter ferat hortatur. Eandem constantiam in exilio fortiter tolerando suadet Fabio Epistola 16. *Et si egomet*. Hortatur in decima septima Rufum, ut partes Pompeii sequatur: & in ultima Miscinium, ut litterarum studio tedium malorum præsentium leniat. *Grata mihi* Sunt illæ omnes litteræ plenæ rerum, & sententiarum: quales è Stoicorum disciplina Tullius hauserat, à Christianis moribus, & præceptis longè disjunctas.

Operæ pretium foret proferre nonnullas Plinii, necnon Senecæ, epistolas, in quibus Romana spirat amœnitas, & elegantia, pari eruditione conjuncta, si operam hanc Typographi festinatio, & istius libelli brevitates ferre posset. Satis nobis in præ-


præsentia fuerit digitum quasi ad fontes intendisse. Intelliget Rhetoricæ candidatus impiger, ex hoc veluti specimine, de Tullianis litteris sumpto: quæ sit ars, & ratio Epistolæ conscribendæ, si vero inducat animum, è reliquis Tullii Libris aliquot selectas id genus epistolas in patrium sermonem vertere; deinde, spatio interposito, easdem Latinè reddere; næ ille Tullianam elegantiam, ac nitorem brevissimo tempore assequetur. Quod si earundem litterarum conficiat analysim, & summa capita, sententiasque exordii, confirmationis, & perorationis, ordine digerat; deinde materiam hanc informem, & osseam veluti compagem, verbis idoneis, tanquam carnè, vestiat; demum quod ipse scripserit cum Epistola Tulliana, & exemplari suo, comparet, Ciceronianum paulatim combibet styllum, & aliis, à quibus doceatur, magistris, ac libris, facilè carebit.



EX SIMONE VEREPÆO .

DE TROPIS.

De Tropis dicturi quo progrediemur ordine ?

- 1  Icendum primò, quid ipse Tropus sit, & quid à Schemate differat.
 - 2 Tum ipsius Divisionem ac species in Schematismo spectandas dabimus.
 - 3 Tropos postremò singulos dilucidè, & breviter explicabimus.
- Tu verò, ut aures attentas, & animum bene docilem hùc afferas, cura.

QUID IGITUR TROPUS EST ?

Tropus est dictionis, vel orationis, à significatione propria in aliam, cum venustate commutatio,

Ut, Progenies viperarum, dicuntur per Tropum majorum suorum interfectores. Sic Piscatores hominum Translatè dicuntur Apostoli, cum propriè dicantur Piscatores, qui pisces capiunt.

Quid differt Tropus à Schemate ?

Differt à Schemate Tropus, quòd in Tropo mutatur vocis aut orationis significatio. Ut, Viperæ in exemplo superiori, non propriè significant, quod solent, serpentes; sed transferuntur ad parentum occisores, & homicidarum filios.

In Schemate verò non mutatur Significatio, sed variatur ejus Orthographia, Prosodia, Inflexio, Constructio, vel eloquendi forma, ut suo loco declarabitur.


Quotuplex
est Tropus?
Duplex.

Dictionis , cum mutatur unius
vocis significatio , Vt *Videre* pro in-
telligere . *Mars* pro bello , *Tectum*
pro domo , *Apostolus* pro *Paulo* .

Orationis , cum plurium verbo-
rum significatio mutatur . Vt , *Lupus*
est in fabula , significatur ades-
se qui nobis adimat loquendi facul-
tatem .

*Profer nunc Troporum Schema-
tismum .*





QUID EST METAPHORA?

Metaphora, Latine Translatio, dicitur cum vocabulum à significatione propria ad non propriam per similitudinem aliquam transfertur.

Ut Videre pro Intelligere, Ut, Non vides, quid dicas.

Hic vox à sensu corporeo transfertur ad animi intelligentiam.

Sic. Audire, pro, obtemperare. Neminem audit, ne patrem quidem.

Sitire honores, pro, expetere. Devorare molestiam, pro, perferre.

Sic cum ignem voracem dicimus: cognatam significationem notamus raptim perdendi absumendique omnia.

Est verò Metaphora Tropus cùm primis illustris, & Cicerone teste, veluti stella in oratione lucens; præstatque auctore Fabio, ne ulli rei nomen deesse videatur. Quò fit, ut inter Tropos non immeritò locum primum occuparit. Quapropter ut nullus hoc Tropo elegantior, nullusque in quovis scripti genere frequentior, ita ipsius natura ac vis diligenti studio investiganda discutiendaque est.

*Qua in Metaphoris
igitur potissimum
observanda sunt?* { 1 *In qua voce sita sint.*
2 *Vnde ducantur.*
3 *Quis ipsarum sit usus.*
4 *Quid in ipsarum usu cavendum sit.*

In quibus sunt sita Metaphora?

1 *In nomine aliquo Substantivo, ut Asinus, pro rudi.*

Testudo pro tardo, Dama pro timido.

Lupus pro voraci, Vulpes pro callido.

Argus pro bene oculato & perspicaci.

Sic in scripturis sacris homines, interdum Dii, vel Angeli dicuntur,

Deus ipse Rex, Agricola, Pastor,

Item habere bracchium, manum, digitum &c.

2 *In Adjectivo, vel Epitheto, ut Homo ferreus, pro, inexorabili.*

Pectus adamantinum, quod flecti nequit.

Sic Florida ætas. Vorax flamma, Iratum mare.

Fortuna vitrea est, quæ cùm splendet, frangitur.

3 *In Verbo. Avolat ætas, Ridet ager,*

Vestitur humus, Parturit arbor; Sic Ringi pro Indignari.

Blaterare, Gannire, Grunnire, pro odiosa loqui.

Solitus est Cato allatrare Scipionem.

4 *In Participio*. Sopitos suscitavit ignes.

Incensus ira, Inflammatus cupiditate.

In quibus adiicitur aliquid quod Metaphoram explicet.

Vnde ducuntur Metaphora?

Id doceat te subjecta tabella.

Meta- phora est du- plex.	Propinqua, cū ad rem proximam fit deflexio in eodem gene- re. Ut a cor- poris	Sensu ad ani- mum	<i>A Visu.</i> <i>Auditu.</i> <i>Olfactu.</i> <i>Gustu, vel</i> <i>Tactu.</i>
		Gestu ad animum.	
	Remota, cū transi- tus fit ex uno genere ad a- liud. ut	<i>A bruto ad Hominem.</i> Contrà	
		<i>Ab animali ad non animal</i> Contrà	
		<i>Ab animali ad animal.</i> Contrà	

A Corporis sensu ad Animum.

A Visu. Respicere, pro curam habere.

Despicere pro contemnere, Suscipere pro vene-
rari.

Perspicere pro cognitum habere. Prospicere pro
in posterum consulere.

Connivere pro dissimulare, Cæcutire pro falli
iudicio.

Ocu-

Oculis ferre, pro vehementer amare.

Observari oculis, pro recordari.

Ab Auditu. Audire, pro obtemperare.

Cic. At vellem à principio te audisse amicissimè admonentem.

Terentius. An auscultem seni, idest, obtemperem.

Ab Olfactu. Subolere, pro suspectum esse, & tacitè resciscere,

Olfacere, Odorari, pro deprehendere, Putere pro displicere.

A Gustu. Primis gustare labris, pro leviter attingere.

Sapit arrogantiam, Sapit hæresim &c.

Huc referuntur. Absorbere molestiam.

Concoquere odium, Evomere Iram, & similia.

A Tactu. Sentire, pro Intelligere.

Compleri vel exosculari, pro amare.

Huc illa spectant. Tangere ulcus, pro, movere dolorem.

Refricare cicatricem, pro renovare dolorem.

Sic Vulnus recrudescere dicitur, cum animi molestia redintegratur.

Eodem modo Stupor, & Stupere per Metaphoram ad animum transferuntur, cum propriè ad corpus spectent.

Sic dicimus. Animus meminisse horret.

Cum horrere propriè sit Corporis.

A Gestu corporis ad Animum.

Exporrigare frontem, pro Exhilarascere.

Corrugare frontem, pro molestè ferre.

Contrahere frontem, pro severum ac tetricum esse.

Perfricare frontem, pro pudorem deponere.

Attollere supercilium, pro arrogantem esse.

Ponere supercilium, pro humilem esse.

Inflare buccas, pro superbum esse.

*Exempla aliquot Metaphora
Remota.*

A Bruto ad hominem. Lupus pro voraci.
Ringi pro indignari, Nam propriè canum est;
Allatrare pro convitiari. Oblatrare pro obtre-
ctare.

Blaterare, Gannire, Rudere, pro insulsè lo-
qui.

Hoc enim modo multa brutorum propria, per
Metaphoram hominibus tribui poterunt.

Contrà. Ab homine ad brutum, Perfida vul-
pes.

Canorus Cygnus. Sic Picam, sic Psittacum lo-
quacem esse dicimus.

Leonem ambitiosum, Canem assentatorem.

Ab animali ad non animal. Iratum mare.
Terra sitit, Ager ridet, Arbos parturit. Et Par-
turiunt montes, Gaudet Parnassia rupes: Pa-
rietes & tecta proclamata pace Belgica, incre-
dibililætitia gestierunt.

Contrà. A non animali ad animal.
Ut, Homo faxeus, Ferreus scriptor, Cor Lapi-
deum,

Pectus adamantinum, ingenium plumbeum.

Vernat vel floret ætas,

Virgilius, Ambo florentes ætatibus.

Homo adhuc viridi ætate &c.

Ab Animali ad animal. Corvus inequitat suū.
Sic, Pascentes apes, dixit Virgilius.

Contrà. A non animali ad non animal.
Odium suppullulascit, Sylva scatet, Studia flo-
rent.

Boetius. Carmina quæ quondam studio florente
peregi.

Oratio fluit. Cic. Ex cujus ore melle dulcior flue-
bat oratio.

Sic negotiorum undas dicimus, Et Concionum
flusius, dixit Cicero.

Sic dicimus Contexere carmen, historiam,
ora-

orationem; Cùm propriè dicamus Contexere fila, aut telam.

Fit porrò Metaphora, & aliis pluribus modis; ut quæ tam latè pateat, quàm Similitudo, quæ ex rebus planè omnibus duci potest, estque ipsius Metaphoræ veluti quædam explicatio.

Quid observandum in usu Metaphoræ Remotæ?

Eam esse nonnunquam paulò duriorem, ac proinde Poetis, qui pro sua licentia liberius hoc Troponuntur, magis esse usui, quàm Oratoribus, nisi fortè in grandi orationis genere, ut in Orationibus Ciceronis, in Concionibus T. Livii, in Tragædiis &c. ubi non singula verba, sed orationis themata ponderantur.

Nam cùm res magna, & multiplex tumultuariè agitur, qualiscunque Metaphora primùm in buccam venerit, eam mox absque delectu proferemus, modò quod cupimus significet, nè fortè impediatur ipsius orationis cursus; Non præmeditata enim, & subita Metaphora, si dura videbitur, tamen res, & tempus, & interdum locus eam excusabit.

Scribentibus verò ea venia vix conceditur, nisi cogat fortè necessitas, ut apud Plinium, & rei rusticæ scriptores, plurima morborum, & qualitatum in animalibus vocabula, transferuntur ad arbores, fruges, plantas, & similia inanimata.

Metaphora quis est usus?

1 Conducit ea plurimum ad locupletandum verborum Copiam, & ad orationem varietate quadam exornandum. Ut cùm primum aliquid propriè, ac deindè per Metaphoram profertur. ut, Mirè callidus est, Vulpes est.

Omnes te venerantur, Omnes te suspiciunt .
Estote hilares, Exporrigite frontem .

2 Ad orationis gravitatem, energiam aut emphasim; ut, Incenditur vel inflammatur ira, significantius est, quàm Valde irascitur.

Sic Cicero Inflammari cupiditate, Incendi gloria, significantius dixit, quàm gloriæ esse cupidum. Item ardet cupiditate, majorem habet emphasim, quàm Summopere cupit.

Sic dicimus, Nullæ opes istius famem explere possunt.

Charybdis & Oceanus non tam multa absorbere potuerunt quàm Antonius, Et Virgilius, Invadunt urbem vino somnoque sepultam. Minus fuisset, si dixisset, sopitam.

3 Ad orationis ornatum, vel delectationem, ut, Lumen orationis, Flumen eloquentiæ, Studia florent, Oratio fluit, Flos ætatis, Tempestas pacis, Procella temporis, Seges ac materia gloriæ, Pernicies ac pestis totius reipublicæ.

4 Adhibetur non rarò Necessitatis causa, Sic rustici gemmam dicunt in vitibus, & vites gemmare.

Agros fitire, Segetes lætas, Luxuriosa frumenta.

Sic homo durus, vel asper dicitur, quia nulla suppetit vox propria, qua affectionem illam rectius explicemus.

Pedem in sede vel mensa dicimus, quòd desit vocabulum proprium.

5 Omnium verò maximè conducunt Metaphoræ ad tegendas res obscenas, quas Metaphoris, aut vocabulis honestioribus velare, aut circumloqui oportet. Impudicas enim, fœdas, & obscenas voces decet ab omni Christianorum sermone procul esse semotas, ne quam fortassè turpitudinis cogitationem mentibus ingerant.

*Quid in usu Metaphora præcipiunt
esse cavendum?*

1 *Primum*. Ne ubi cœperis per Metaphoram loqui, ab ea statim recedas, Ut, Si dicas, Amicos, fucatos similes esse hirundinibus, quia in-eunte æstate advolant, & apparente hyeme ab-scedunt; non perstas in Metaphora, quia hiru-dinum est avolare.

2 Ne rebus tribuantur verba, quæ iis non con-veniunt, ut ineptè dixeris, Illotis manibus ag-gredi, Et, Attingere illotis pedibus; Ubi ver-borum significatio cum re non convenit, Nam ag-gredi non convenit manibus, nec attingere pedi-bus.

3 Ne nimium sint duræ, Qualis est illa, Res-publica castrata morte Camili, Item Caperare frontem, Conspuere alpes nive.

4 Nè verbum translatum angustius sit, quàm fuisset proprium, ut, Quid est obsecro quod te adiri abnutas, Melius esset, vetas, aut prohi-bes.

5 Ne nimium crebræ sint in eadem præsertim specie. Nam ut modicus, & opportunus Meta-phorarum usus orationem mirè illustrat: Ita fre-quens valdè obscurat, & tædio complet, Con-tinuis etiam exit in ænigmata. Modicè igitur, & circumspectè est utendum Metaphoris, potis-simum in epistolis, & brevibus oratiunculis.

6 Cavendum in oratione soluta, ne quis in-consultius iis utatur, quæ magis Poetam, quàm Oratorem deceant. Non enim Poetis cum Ora-toribus undique convenit, Poetæ enim metri necessitate coacti, omnibus ferè promiscuè utuntur, ut quibus interdum, & ipsa vitia virtu-ti dantur, At Oratoribus non eadem est licen-tia.

7 Postremò cavendum, ne fortassè nimis remo-tè petantur. Ut pro, Charybdis bonorum, vo-raginem potius dixeris.

Et Syrtim Patrimonii, libentiùs scopulum ;
Faciliùs enim mentis oculi feruntur ad ea, quæ
oculorum sensu, quàm quæ aurium, percipiun-
tur .

Si tamen vereare, ne paulò durior Translatio
videatur, licebit eam verbo aliquo præposito non
nihil lenire hoc modo.

Ut ita dicam . Si mihi sic loqui liceat .

Si licet, vel , Si ita fas est dicere .

ut, Olim M. Catone mortuo Senatus, ut ita di-
cam, pupillus extitit.

Omitte, ut ita dicam, & duriuscula videbitur
Metaphora.

QUID EST METONYMIA ?

Metonymia, seu Denominatio, est cùm res una
per aliam vicinam intelligitur, ut

Nihil convenit Musis cum Marte, idest, Litte-
ris cum bello.

Hic nomen pro nomine; seu vocabulum vici-
num, pro vicino ponitur.

Oratores vocant Hypallagen, vel nominis
transmutationem.

*Dic explicatiùs . Quibus modis fit
Metonymia ?*

1 *Inventor pro re inventa* ponitur, ut Bacchus
pro vino .

Ceres pro frumento, Minerva pro sapientia ;
Neptunus pro mari, Venus pro libidine.

Christus pro lege nova: Moyse pro lege vete-
ri .

Ut Apostolus ad Corinthios. Quamdiù legi-
tur Moyse, velamen positum est super cor eo-
rum .

Vulcano dicare, est igni committere.

Vario Marte pugnare, idest, bello, cui Mars
præest.

2 *Continens pro re, qua continetur.*

Ebi-

Ebibere cyathum, pro vinumè cyathò.

Civitas benè morata, pro civibus.

Plato doctissimus Græciæ, pro, omnium Græcorum.

Cicero. Armis Italia vinci non potest, nec Græciæ disciplinis.

Roma bibit Tyberim, veluti Germania Rhenum.

pro Italis, Græcis, Romanis, Germanis.

Felix sæculum, pro hominibus illius sæculi.

In sacris. Littera occidit, pro, Lex occidit.

3 *Contentum pro re continente.*

Virgilius. Vina coronant, pro vasis, quibus continetur.

Vicinus ardet, pro, Domus vicini.

Virgilius. Jam proximus ardet Ucalegon.

Hominem pro domo posuit.

De sene gustavit, id est, de pecunia senis.

Terentius. Hunc comedendum vobis propino ;
pro, hujus bona.

Idem. Eamus ad nos, pro, ad ædes nostras.

In quibus Possessor pro re possessa ponitur.

4 *Ex effectu causa efficiens intelligitur.*

Pallida mors, quod membra efficiat pallida.

Sic apud Virgilium, Pallentes morbi, quod pallorem inducant.

Hyems desidiofa, frigus pigrum.

Hilaris adolescentia, Audax juvenus.

Tristis senectus, Cæca vel præceps ira.

Inconsultus amor, Inverecunda nox.

Virgilius. Mœstumque timorem pellite.

5 *Dux ponitur pro iis, qui Duci subsunt.*

Hannibal cæsus est, Cæsar vicit Gallos.

Hoc est, Hannibalis, &, Cæsarismiles.

6 *Auctor pro opere.*

Cicero Latini sermonis studioso semper habendus
in manibus.

Virgilius magno venditur.

Sic dicimus, In Paulo facilè omnes Poetarum figuras, & ornamenta deprehendi, idest, In epistolis Paulinis.

7 *Signum pro re signata.*

Ut toga pro pace ponitur, erat enim pacis insigne.

Ut, Cedant arma togæ, id est, bella paci.

Gladius pro Magistratu, Sceptrum pro Regno.

Fasces, & secures, pro Imperio Consulari.

Lilium pro Francis, Aquila pro Cæsarianis.

Crux, pro ipsis Christianis.

8 *Facinus pro eo qui designavit.*

Scelus, pro homine scelesto. Terent. Ubi illic scelus est, qui me perdidit.

Sacrilegium pro sacrilego. Avaritia pro avaro.

Animadvertere in peculatum, pro, In peculatorem.

Qua in Metonymia sunt observanda?

1 Cum hic Tropus sit magis Poeticus, quam oratorius, cavendum esse docent, ne in hujusmodi Poeticas Denominationes in oratione soluta delabamur, quæ in ea vitiosæ sint. Quod usus, & Scriptorum lectio nos doceat necesse est.

2 Ne ita longè recedamus ab usu doctorum, ut in Acyrologiam, & obscuritatem incidamus.

3 Quod Metonymia conducat non solum ad orationis copiam, sed etiam ad ejusdem venustatem, & elegantiam; Quod ipsi cum Metaphora, & multis aliis commune est.

QUID EST SYNECDOCHE?

Synecdoche sive Intellectio, dicitur cum aliud ex alio quocunque modo intelligitur.

Ut, Mechlinia bibit Diliam, id est, aquam ex Dilia haustam.

Quot modis fit Synecdoche?

Octo.

1 *Ex uno plura intelligimus.*

Virgilius. Hostis habet muros, pro, hostes.

Idem. Uterumque armato milite complent, pro, armatis militibus.

Livius. Romanus prælio victor, pro Romani victores.

2 *Ex pluribus unum.* Cicero.

Populo imposuimus, & oratores visi sumus.

pro, Ego imposui, & visus sum, nam de se tantum loquitur.

Item. Cicerones, Platones, & Augustini.

pro, Cicerone, Platone, Augustino.

3 *Ex parte totum.*

Tectum, pro domo, Puppis pro navi.

Ridiculum seu lepidum caput, pro homine, &c.

In sacris. Omnis anima subdita sit potestatibus.

idest, Omnis homo. Et

Octo animæ fuerunt in arca Noë, idest Octo homines.

4 *Ex toto partem.*

Cælum rubet, idest, certa aliqua cœli pars.

Nunc formosissimus annus, id est, pars anni.

Fontemque ignemque ferebant, pro, Aquam hauritam ex fonte.

In sacris, Tulerunt Dominum meum, inquit Magdalena.

idest, Corpus Domini.

5 *Ex Specie genus.*

Pontus ambit terram, pro, Mare ambit terram.

Virgilius, Acheloja pocula, pro quovis fluvio posuit.

Iracundior Hadria, pro quovis tempestuoso mari.

Sic Auster, vel Eurus sæpè pro quovis vento ponitur.

6 *Ex Materia rem confectam .*

Deest mihi argentum, idest, pecunia.

Ovidius. Fixit sua pectora ferro, idest, gladio.

7 *Ex Præcedentibus sequentia .*

Subdidit equo calcaria, pro, velociter cucurrit.

Virgil. Aspice aratra jugo referunt suspensa juven-
ci, pro, imminet jam vespera .

8 *Quoties alterum ex altero quocunque modo in-
telligitur .*

Vixerunt, pro, mortui jam sunt.

Virgilius. Fuimus Troes, pro, Jam actum de
nobis est.

Ovidius. Nos quoque floruius, hoc est, quon-
dam felices fuimus.

Propertius. Et Thebæ steterant, altaque Troja
fuit.

pro, Subversæ sunt jam Thebæ, & Troja diruta
est.

*Quid in Synecdoche præcipitur ob-
servandum ?*

Quòd ipsius usus uberius, & frequentior sit
Poetis; Oratoribus verò rarior. Ut enim soluta
oratio, Mucronem, vel ferrum pro gladio, &
Tectum pro domo recipit, Ita non puppim pro
navi, Nec abietes pro tabellis, Nec pro equo qua-
drupedem.

QUID EST ANTONOMASIA ?

Antonomasia, Pronominatio, est nominis per-
mutatio.

Ut, Urbs pro Roma. Apostolus pro Sancto
Paulo.

Quot ea sit modis ? Quinque.

1 *Cum Patronymica* ponuntur loco proprio-
rum, ut

Pria-

Priamides pro Hectore, aut alio quopiam Priami filio.

Romulides, pro certo Romano, à Romulo primo eorum Rege.

Cecropides, pro Atheniensi, à Rege eorum Cecrope.

Pelides, pro Achille, Pelei filio.

Et in Plurali. Priamidæ vel Dardanidæ, pro Trojanis.

Romulidæ pro Romanis, Pierides pro Musis.

Observandum verò, Pronominationes hujus Primi modi, Poetis tantum esse permissas, ut quibus solis in carmine Patronymicis uti concessum est.

2. *Cum appellativum aliquod, Studii, artis, officii, aut dignitatis, per Excellentiam, Proprii loco ponitur, ut*

Servator, pro Christo Jesu.

Apostolus, pro Paulo, Deipara, pro Maria.

Philosophus, pro Aristotele. Orator, pro Cicerone.

Poeta, pro Virgilio. Scriptura, pro sacris literis.

Urbs, pro Roma. Senex, pro hero, apud Terentium.

Gnomographus, pro Catone.

Epigrammatographus, pro Martiale.

3. *Cum Proprium loco Appellativi, Affectum, seu Proprietatem significantis usurpatur.*

Croesus, pro fortunato ac divite: Irus, pro paupere.

Curius, pro homine frugi. Cato, pro gravi ac sapiente.

Aristides, pro justo. Job, pro patiente.

Thraaso, pro glorioso. Epicurus, pro voluptuario.

Sardanapalus, pro molli. Theristes, pro deformi.

Epimenides, pro somnolento. Verres, pro fure.

Ulysses, pro versuto ac dolofo. Stentor, pro clamoso.

Phalaris, idis, pro crudeli, Unde Phalarismus, pro immani crudelitate.

4 *Cum Gentium nomina pro ipsarum ponuntur Attributis.*

Cretensis, pro vano ac mendace.

Pœnus, pro perfido. Asotus, pro luxui dedito.

Pygmæus, pro brevi. Cares, pro vilibus militibus.

Scythæ, pro aspero, & inhumano.

5 *Per Possessiva quadam Propria.*

Saturnius, pro Jove. Saturnia, pro Junone.

Cyllenius, pro Mercurio. Tyrinthius, pro Hercule.

Cynthia, pro Diana. Cytherea, vel Cypris, pro Venere.

Andria, pro Chryside apud Terentium.

Quid differt Antonomasia à Metonymia?

Metonymia ferè rerum est.

Antonomasia plerumque Personarum.

Ut cum nomen Proprium, vel huic certè inhærens Proprietas, pro communi ponitur.

Plurimum verò hæc confert figura, ad orationis, tum copiam, tum etiam gravitatem.

QUID EST CATACHRESIS?

Catachresis est verbi abusio, cum propter Necessitatem, ubi, Proprium deest, adoptamus Improprum aliquod simile, vel propinquum, ut Folia librorum, cum propriè sint arborum.

Sicarius, qui cædem commisit quocunque telo.

Parricida, pro eo qui matrem, fratrem, aut propinquum occiderit.

Quia Matricida, Fratricida non satis Latinè dicuntur.

Vir magnus, pro eo, qui ingenio, & virtute præstat.

Sic apud Virgilium. Equum ædificant.

Et Horatium. Equitare in arundine longa.

Huc

Huc spectat, Cùm vitiis dantur nomina.
 Virtutum, propter similitudinem. Ut Fortitudo, pro temeritate.
 Magnanimus pro superbo.
 Vel contrà. Avaritia pro parsimonia, &c.

Quotuplex est Catachresis? Duplex.

Orationis solutæ scilicet, & Ligatæ.
Soluta, quæ fermè sit Necessitatis causa.
 Cùm scilicet defectu vocis propriæ, simili, & vicina abutimur.
 Ut, Piscinam dicimus in qua lavamus, nec pisces insunt.
 Pyxides dicimus cujuscunque sint materiæ.
Huc refertur, cùm dicimus, Oratio magna, vel grandis.
 Pauco uti sermone. Vires hominis breves sunt, pro, parvæ.
 Impropria sunt hæc, Nam Orationem, sermonem, vires, & hujusmodi metiri non possumus.
Ligata, Cùm Poetæ citra necessitatem, sed vel metri gratia, vel licentia quadam Poetica, solent in iis rebus, quibus sua non defunt nomina, vicinis potius uti, quod in prosa non nisi necessitate permittitur.
 Sic Virgilius dixit lætas segetes,
 Argutum caput, Argutos olores.
 Ædificant equum, Sperare dolorem, pro timere, &c.

Quid Catachresis differt à Metaphora?

Catachresis fit ubi verum, ac proprium vocabulum deest.

Metaphora Proprium commutat alieno.

Poetæ tamen solent etiam in iis rebus, quibus sua nomina sunt, abusivè potius vicinis uti, quàm propriis.

Immò, & Oratores nonnunquàm utuntur Ca-
 ta-

tachresi de industria, ut cùm pro Temeritate dicunt audaciam, vel fortitudinem.

Pro Avaritia frugalitatem, vel parsimoniam.

Et hominem avarum appellant frugalem, Superbum, magnanimum.

Quod verò spectat ad Usus hujus figuræ, observandum, eam esse frequentem in explicandis Artibus, & Disciplinis, quibus sua etiam abusiva vocabula sunt permittenda.

Sic etiam in Theologia, sunt, Fides, Justificatio, Lex, Caro, Spiritus, Gratia.

In Jure, sunt Adoptio, Arrogatio, & alia quàm plurima.

QUID EST METALEPSIS ?

Metalepsis, vel Transumptio, est cùm quasi gradatim itur ad illud, quod verbis ostenditur.

Tropus est, ut rarissimus, ita maximè improprius, & Poeticus.

Virgilius. Post aliquot mea regna videns mirabor aristas.

Hic per aristas, spicæ; per spicas, messes; per messes, æstates; per æstates, annos intelligimus.

Idem Æneidos 4. Septima post Trojæ excidium jam vertitur æstas.

Et, Æneidos primo. Speluncis abdidit atris.

Ex nigrore obscuræ, & tenebrosæ, Ex tenebris profundæ intelliguntur.

Metalepsis quibus potissimum est usus?

Poetis magis, quàm Oratoribus, Et Græcis sæpius, quàm Latinis. Nam si hac utaris figura in oratione soluta, obscurior erit sermo, & intellectu difficilis. Quamobrem non tam est necessaria, quàm affectata. Ipsius igitur cognitio magis eò spectat, ut sciamus ubi, & qua ratione Poetæ verbis transumptis usi sint, quàm ut ipsi hac libertate utamur.

Quia

Quin etiam cùm Metalepsis causam ostendat ex effectu, videtur ad Metonymiam referri posse. Sed in Metonymia brevius, In Metalepsi verò Effectus causam longiùs significat, quia per gradus tandem ad eam pervenit.

Exodi 14. Egressi sunt excelsa manu, hoc est, alacres, læti, & benè sperantes, qui enim læti sunt, manuselevant.

QUID EST ANTIPHRAISIS ?

Antiphrasis est, cùm vox aliqua pro contraria ponitur.

Ut, Bellum dicitur, quòd minimè bellum ac bonum sit.

Lucus, quòd minimè luceat. Parcæ, quòd nulli parcant.

Hac ratione, Nanum appellamus Athlancem.

Ignavum Herculem. Hebeten acutum. Fuscum candidum.

Sic B. Hieronymus quendam per Antiphrasin Vigilantium vocat, cùm veriùs fuerit Dormitantiùs.

Et Græci Scholam quasi otium dicunt, Et Latini Ludum literarium, cùm nihil ab omni ludo magis abhorreat.

Porrò cùm Antiphrasis sit quasi unius verbi Ironia, à nonnullis quasi Ironiæ species, Orationis Tropis annumeratur.

Differt tamen ab Ironia, quòd hæc pronuncians do significationem mutet, & quid velit intelligi, indicet.

Antiphrasis verò non voce pronunciantis significet contrarium, sed suis tantùm verbis, quorum origo est contraria.

QUID EST ONOMATOPOEJA ?

Onomatopœja est nominis rei alicujus novæ confectio.

Id plerumque fit, cum in aliis, tum potissimum in rebus sonantibus, quibus, si nomen desit, fingimus plerumque ex ipsarum sono.

Ut Taratantara, pro clangore tubæ.
Bombarda, pro tormento bellico.

Huc & ista spectant verba.

Vagire, Mugire, Hinnire, Rugire.

Rudere, Balare, Crocitare, Coaxare, &c.

In quibus duæ vocales, similes sunt vocibus confusis, à quibus verba deducuntur.

Sunt etiam nonnulla desumpta à collisione rerum inanimatarum, ut Tinnire, Stridere, Sibilare, &c.

Ad Onomatopœjam quoque referunt verba, quæ alienorum morum, aut doctrinæ imitationem significant, Quorum alia ducuntur à moribus hominum, alia à moribus bestiarum.

Hominum. Platonissare, Patrissare, Cretarizare, Syllaturire, Rhetoricari, Philosophari, Poetari, Græcari, Theologari, &c.

Bestiarum. Cornicari, Bovinari, Caprissare, Coaxare, &c.

Sed tamen hoc vocum genere, rarò & cum magno judicio utendum est, ne fortè novi verbi assiduitas odium pariat.

Nam quamvis rebus novis, nova liceat imponere vocabula, sunt tamen hæc ipsa duriora, donec multò doctorum usu sint recepta, approbata, & quasi facta Romana, Cujusmodi sunt hæc sequentia. Sibilus, Grunnitus, Mugitus, Vagitus, Tinnitus, & alia quæ pro tempore, & rei necessitate à doctis cuncta sunt, longoque jam usu recepta, & approbata: quibus, si quis commodè utatur, & rarò, non modò non offendet

det novitate, sed orationem etiam exornabit.

Cùm verò Latini in effingendis vocabulis sint Græcis multò infeliciores, non temerè quævis effingenda sunt, sed sequenda est analogia, & consuetudo derivandi ratio, ut Scripturio, Epicurisso, Poetor, &c.

Sed hac de re Ciceronem, Horatium, Jacobum Strebæum, aut Joannem Herbetium in consilium adhibe.

Quamvis autem Onomatopœja inter Tropos ponatur, & Græcis inter maximas sit habita virtutes, propriè tamen Tropus non est, cùm nec mutet, nec transferat vocis significationem: Sed rei anonymæ novum affingat vocabulum, eoque modo differt à Catachresi.

Atque hætenus de Dictionum Tropis à nobis dictum sit.

Prosequamur igitur nunc reliquos.

QUIS EST TROPUS ORATIONIS?

Orationis Tropus dicitur, cum non unica tantum dictio, sed tota ipsa oratio aliud verbis, aliud sensu præ se fert, Cujus species supra in Schematismo recensuimus.

QUID EST ALLEGORIA?

Allegoria, Latine Permutatio, vel Inversio, est perpetua quædam, seu continuata Metaphora, Cùm videlicet tota oratio aliud verbis, aliud ipso sensu præ se fert, hoc est, aliud dicit, aliud significat.

Ut cùm dicimus, Flamma fumo est proxima; Allegoria est qua significatur tempestivè cavendum esse periculum.

Terentius. Ovem lupo commisisti, hoc est, illi commisisti, à quo maximum immineat periculum.

Vino vendibili nihil est opus suspenso hedera, hoc

hoc est, Res per se laudabilis, nulla eget commendatione.

Adversus Cretensem Cretizare. Cum mendace mendaciis, cum perfido perfidia, cum subdolo uti dolo.

Quæ sunt in Allegoria observanda ?

1 *Primum*, Quod Allegoria hoc differat à Metaphora, quòd hæc sit unius dictionis, Illa verò totius orationis.

Ut Ægyptus pro mundo, Metaphora est. Sed Ægyptum egredi, pro, mundum relinquere, est Allegoria.

Sic canis pro infideli, & impio, Metaphora est. Sed nolite sanctum dare canibus, Allegoria.

2 Quòd Allegoria crebrò fiat ex Proverbiis, vel sententiis proverbialibus, ut ex superioribus exemplis facile intelligitur.

3 In Allegoriis est observandum, ut ex quo genere Translationis cœperis, eodem & desinas. Ne cum initium cœperis à tempestate, incendio, aut ruina finias, sed ea adhibeas, quæ tempestatibus convenient, non incendio, vel ruinæ, ne forte Horatianum illud locum habeat in arte Poetica: Amphora cœpit ubi institui, cur urceus exit?

4 Quòd Allegoriæ, ut frequentissimus, ita etiam pulcherrimus usus sit, ut quæ orationem non solum illustret, hoc est, splendidiorē, & ornatiorē efficiat, sed eandem etiam eleganter extendat, ut docet Octava orationis variandæ ratio per Verborum copiam.

5 Quòd Allegoriæ frequentissimus sit usus, non solum in scriptis profanis, sed in ipsis etiam sacris literis, Exemplum habes illustre Matthæi 3. Cujus ventilabrum in manu ipsius, & purgabit aream suam, & colliget triticum in horreum suum, paleas autem igni comburet inextinguibili.

Hic aliud intelligi debet, quàm tota verborum significatio poscit, nempe Christum judicaria potestate, quam à Patre accepit, in extremo judi-

judicio segregaturum pios ab impiis; piis donaturum æternam Beatitudinem; Impios condemnaturum ad æternos cruciatus.

Huc spectat Parabola de Vineâ, De eo qui incidit in Latrones, De navicula fluctuante, De seminante semen suum.

Quin etiam videmus ipsos Prophetas de industria hac se figura cum primis oblectasse, ut apud quos multæ sunt Allegoriæ de Christo, & Ecclesia &c.

6 In usu ipsius Allegoriæ maximè est vitanda obscuritas, quare Oratoribus est familiare similitudinem frequenter explicare. Sed de Allegoria nimis multa; nunc ipsius explicemus species.

QUID EST PAROEMIA?

Parœmia est dictum aliquod celebre vulgò tritum, & scita aliqua novitate insigne; Latinis nunc Adagium quasi circumagium, auctore Varro, quod passim per ora hominum obambulet; Nunc Proverbium dicitur, quasi verbum omnibus commune, idest, Sententia quæ quasi in omnium versetur ore, ut

Sus Minervam, Proverbium, quo utimur cum indoctus doctum docere cupit.

Mali corvi, malum ovum, idest, mali parentis, malus filius: Seu, malæ voluntatis mala actio.

Tota erras via, vel toto cœlo, idest, Vehementer aberras.

Lumen inferis soli, idest, rem probas evidentem.

Quæ in Parœmiis observanda?

1 Ad Parœmiæ rationem requiri, ut sit dictum celebre vulgò jactatum, unde hoc nominis apud Græcos obtinuit, quod passim per ora hominum obambulet.

2 Ut à communi sermone novitate aliqua differ-

scernatur, aut antiquitate pariter, & eruditione commendetur.

3 Quod ad usum ejus spectat, eam tum epistolis, tum familiaribus colloquiis, non parum asferre venustatis, & jucunditatis, & si opportunè accommodetur, & caveatur ejus affectatio, seu crebrior usus. Parit enim obscuritatem aliquam, quæ repugnat orationis perspicuitati. Licet tamen mollire nonnihil, hujusmodi loquendi formulis.

Ut ajunt. Quod dici solet.

Ut vetus habet proverbium. Ut est in veteri proverbio.

Hujus etiam usus in Sacris litteris est creberrimus, ut

Canis ad vomitum rediens.

Colantes culicem, & glutientes camelum.

Durum est contra stimulum calcitrare.

Modicum fermenti totam massam corrumpit.

In his porro colligendis, & explicandis, præter Chiliadum collectores, sedulam jamdiu navant operam, apud Mechlinienses Jacobus Sufius, & Gandavenfes Franciscus Goethalsius, ambo excellenti ingenio, & recondita eruditione præstantes viri, ille nobilis, hic Juris Doctor.

QUID EST ÆNIGMA?

Ænigma est obscura quædam Allegoria, cujus sententia quasi conjecturis quibusdam indaganda est, ut

Mater me genuit, eadem mox gignitur ex me.
Quod dicitur de glacie ex aqua concreta, & in eandem rursus resoluta.

Virgilius. Dic quibus in terris, & eris mihi magnus Apollo.

Treis pateat cælum spacium non amplius ulnas.

Quod contingit in puteo.

Ubi clarissimè venditur aqua? Apud ænopolas.
Sunt apud Prophetas, & in Apocalypsi, quàm plurima Ænigmata.

Sic

Sic apud Ethnicos scriptores sunt Deorum & Sibyllarum oracula.

Est alioqui hic Tropus Poetis, quàm Oratoribus usitator; quem licet Quintilianus vitiis annumerandum existimet, quòd dilucidè dicere, virtus sit: Ejus tamen usus sæpè Virtutis nomen apud doctos meretur, apud quos Ænigmatis uti non omninò vitiosum existimatur, Immo ne tum quidem semper, si vulgo loquare, eique etiam quædam vestiganda relinquo.

QUID EST IRONIA ?

Ironia, quam Illusionem vocant, est sermo significans contrarium ei, quod dicitur. Vel est quædam sermonis illusio, quæ frequenter non tam ex verbis, quàm ex pronuntiatione, risu, aut ipsa rei natura intelligitur, ut

I nunc, & rebus nimiùm confide secundis.

Terentius. Id populus curat scilicet.

Idem. Huic mandes, si quid rectè curatum velis.

Idem. Ille autem bonus vir, nusquàm apparet.

Idem. Heus tu bone vir, curasti probè.

Cicero. Quid ais bone custos, defensorque provincie ?

Virgilius. Scilicet is superis labor est.

Idem, Egregiam verò laudem, & spolia ampla refertis.

In Sacris 3. Reg. 18. Clamate voce majore : Deus enim est, & forsitan loquitur, aut in diversorio est, aut in itinere, aut certè dormit, ut excitetur.

Sic Matth. 26. Dormite jam, & requiescite. ubi gravissima, & acerbissima, querela significatur.

In Ironia quid queso jubes observari ?

1 Quòd maximam habeat posita suo loco gratiam.

Dele-

Delectat enim acumen in falsè dictis: Et Testa vituperatio semper venustior est, quàm apertum convitium.

2 Quòd oratio sumpta Ironicè, nisi suo quodam modo proferatur, prorsus frigeat. Immò hanc nisi pronuntiatio, vultus, ac gestus adjuverint, confiteri videbitur quod negare contendit.

Et sæpè laudantis oratio videbitur, quæ vituperantis sit, aut irridentis.

3 Observandum est, quasdam esse particulas Ironiæ ostendendæ appositissimas.

Nempe, Scilicet, Videlicet, Verò, Quasi verò, Credo, Sanè, Ita sanè, & his similes. Tu nunc progredere ad quatuor Ironiæ species.

QUID EST SARCASMUS?

Sarcasmus est Irrisio, aut jocus quidam amarus, qualis cum victor victo, vel hosti insultat. Virgilius. I nunc, & verbis virtutem illude superbis.

Sic Judæi Christo insultabant dicentes, Ave Rex Judæorum.

Et, Si filius Dei es, descende nunc de cruce, Matth. 27.

Et David Speravit in Domino, eripiat eum, &c.

Et illud. Ecce magister ille somniorum venit.

QUID EST MYCTERISMUS?

Mycterismus, est simulata quidem, sed non latens derisio, Sed veluti quædam subfannatio, qualis cum aliquid suspenso, & contracto naso fastidimus.

Exodi 14. Forsitan non erant sepulcra in Ægypto.

Hujusmodi verò subfannatio, gestu magis quàm verbis ostenditur, unde vix potest ipsius ullum præscribi exemplum, nisi factò edatur.

QUID

QUID EST ASTEISMUS?

Asteismus est urbanus aliquis, & facetus jocus; sed plerumque longius petitus, quales sunt sales, & dicacitates disertorum.

Virgilius. Qui Bavium non odit, amet tua carmina Mevi.

hoc est, Qui Bavium malum poetam amat, etiam Mevium illo pejorem amare poterit.

Atque idem junget vulpes, & mulgeat hircos. hoc est, faciat quæ prorsus absurda sunt.

QUID EST CHARIENTISMUS?

Charientismus est, cum dura, & acerba dictu gratiosis verbis molliuntur.

Ut si iratum, vel perturbatum lenire cupias, dices cum Terentio, Bona verba quaeso.

Quibus verbis Davus pristinum deprecans, herum verbis lenire studet, quasi dicat, Bene ominare, vel ominata loquere. Ominare melius. Dii meliora, Prohibeat hæc Deus.

Vtimur præcipuè hoc Tropo; ubi hominem iræ commotum, ac perturbatum verbis lenire cupimus. Nam responsio mollis, aut lepida, frangit iram.

QUID EST MIMESIS?

Mimesis est imitatio sermonis, morum, vel gestuum alicujus.

Terentius: Quis tu es? quis mihi es? cur meam tibi? Heus proximus sum egomet mihi.

Versatur autem hæc Figura in Dictis, & in Factis.

In Dictis, Terentius in Eunuchis. Ast ego nesciebam quorsum tu ires, parvula hinc est abrepta, eduxit mater pro sua Soror dicta est, cupio abducere, ut reddam suis.

Quæ verò in Factis versatur, Hypotyposi vicina

cina est, vel ad secundam Dialogismi significationem pertinere potest.

QUID EST PERIPHRASIS ?

Periphrasis, Circuitio, vel Circumlocutio, cum pluribus verbis explicatur, quod uno, vel paucioribus dici poterat, ut oratio sit vel plenior, vel significantior.

Humanæ Salutis assertor, pro Christo.

Virgo Deipara, pro Maria.

Gentium doctor, pro Paulo.

Natale solum, pro patria.

Aderit jam frigidus annus, pro hyeme.

Ovium teneros depellere fœtus, id est, agnos.

Sic Periphrasticôs dixeris. Scipionis prudentia

Carthaginis opes fregit, pro, Scipio Carthaginem delevit.

Quot modis fit Periphrasis?

Quatuor.

1 *Cum Patria, Secta, Facinus*, aut simile quiddam, Proprii nominis loco ponitur. ut Poeta Manianus, pro Virgilio. Vates Venuſianus, pro Horatio.

Peripateticæ scolæ princeps, pro Aristotele.

Voluptatis assertor, pro Epicuro.

Monstrorum domitor, pro Hercule.

Romanæ conditor urbis, pro Romulo.

2 *Fit per Etymologiam*, quando scilicet rationem, aut originem nominis interpretamur, quæ dicitur Definitio Grammatica.

Tale fuerit, si dicas, Ars litteraria, pro Grammatica.

Qui summum tenet Imperium, pro Imperatore.

Sapientiæ amator, pro Philosopho.

Qui de Deo, & rebus Divinis disserit, pro Theologo.

Lætus ac salutaris nuntius, pro Evangelio.

3 *Fit*

3 *Fit Notatione*. quam vocant Definitionem Rhetoricam, cum res aliqua describitur per sua Accidentia, Seù cum notis ac signis quibusdam rem aliquam describimus. Ut si pro molli dicas. Caput uno scalpit digito, Id unum cavet homo mollis, & effœminatus, ne comam studiosè compositam perturbet.

Pro Chirurgo, Qui vulnera panniculo abstergit.

Pro Salsamentario. Cubito se emungit, Salsamentarii enim manibus salsugine oppletis narium mucorem cubito solent abstergere.

Sic Ciconia describitur. Candida venit avis longis invisa colubris.

4 *Finitione*, quæ nihil est aliud, quàm Definitio Dialectica, Cum videlicet, quid res ipsa sit, ostenditur.

Ut si pro homine dicas, Animal rationis particeps.

pro Bruto, Animal rationis expers.

Pro Rhetorica, Ars benè dicendi.

Pro Peculatore, Qui civitatis ærarium compilavit.

Pro Tyranno, Qui vi leges, ac civium libertatem opprimit.

Quibus de causis utimur Periphrasi?

1 *Causa Necessitatis*, Cum rei nullum est nomen inditum, aut ipsum ignoratur.

Tum enim præstat Circutione uti, quàm statim novum aliquod vocabulum configere.

Ut, Vicini nostri filius Lovanium migravit, si ipsius nomen ignores.

Eadem ratione utimur ea in genere glossematico, cum obscuriores Scriptorum loci explicantur.

Ad hæc in conversionibus bonorum Auctorum, quibus propter verborum penuriam succurrendum est.

2 *Ut vitetur Æschrologia*, hoc est, ut turpia, &

M 2

dictu

dictu deformia honestioribus verbis operiantur : ut, Alvum exonerare, vel, Ire ad requisita naturæ pro cacare. Reddere lotium vel urinam, pro mejere, ubi Periphrastica honestiora sunt, quàm propria.

3 *Copia, vel ornatus gratia*, idque potissimum apud Poetas, apud quos reperias pulcherrimas Periphrases Anni; Mensis, Diei, Noctis, Veris, Æstatis, Hyemis, Matutini, ac Vespertini temporis, aliarumque rerum complurium; Invenias & apud Oratores, sed astrictius, & rarius quàm apud Poetas.

Quamobrem istius Figuræ usus moderatus esse debet, ne fortè in Perissologiam aut Asiaticismum incidas. Cùm enim Periphrasis rem circumlocutione supervacanea & vitiosa describit, Perissologia dicitur, Ejus verò usus immodicus in Asiaticismi speciem exit, Asiani enim oratione longissima, minimèque necessaria utebantur.

Differt Periphrasis ab Antonomasia, quòd in hac vox simplex simplici commutatur, ut Apostolus pro Paulo.

In Periphrasi vox una pluribus circumscribitur,

Ut Doctor gentium, pro Paulo.

QUID EST HYPERBOLE ?

Hyperbole, Cicerone Superlatio, est dictio vel oratio superans fidem, augendi, vel minuendi gratia.

Augendi. Nive candidior, Pice nigrior; Cælum territatur armis. Saxa clamore rumpit. Audi vi hoc plus millies.

In Sacris. Multiplicabo semen tuum sicut pulverem terræ.

Dabo vobis terram lacte, & melle manantem.

Minuendi. Pluma levior, Testudine tardior.

Pygmæo brevior. Vix ossibus hærent.

Terrebit te sonitus folii volantis.

Vnde

Vnde verò ducitur Hyperbole ?

1 *Ab ipsa re*, Cùm videlicet res pro persona usurpatur,

Ut cùm hominem scelestum scelus appellamus.

Pestilentem pestem, Carcere dignum, carcerem.
Non probus hic modò, sed ipsa probitas.

2 *Ab Animantibus*. Cervo vivacior,
Luscinia vocalior, Limace tardior.
Dipsade nocentior.

3 *A falsis Diis*. Mercurio facundior, Momo mordacior, Proteo mutabilior. Venere formosior, Diana intactior.

4 *A Personis fabulosis*. Nestore facundior.
Hercule fortior, Ulysse dolosior, Tantalo siccior.

Cyclope immanior, Penelope castior.

5 *A Personis Comœdiarum*. Davo versutior,
Demea jurgosior, Mitione facilior.
Thrasone gloriosior, Phormione confidentior.

6 *A Personis Historiarum*. Catone severior.

Cræso ditior, Iro vel Codro pauperior.

Socrate patientior. Sampsonè robustior.

Phalaride crudelior. Herode magis impius,

7 *A Gentibus*. Cretense mendacior.

Pœno perfidior, Pythæ asperior.

Care vilior, Pygmæo brevior.

8 *Ab Officiis*. Areopagita tristior.

Tyranno violentior, Milite gloriosior.

Carnifice immanior.

9 *A rebus ipsis*. Melle dulcior. Vitro fragilior.

Oleo tranquillior. Spongia bibacior.

Labyrinθο involutior. Vita fugit ocyor Euro.

*Quæ sunt præterea in Hyperbole
observanda ?*

1 *Quòd ea variis fiat modis.*

Per Denominationem. Alter Aristoteles.

Per Comparisonem. Noster hic Phalaris.

M 3 Per

Per Similitudinem, Stentore clamosior :

Per Epitheton. ut, Vir Nestorea eloquentia.

2 *Quòd Hyperbole* habeat aliquid commune cum Auxesi, & Mejosi, Figuris Tertii ordinis.

Auxesis enim quæ rem ita amplificat, ut fidem excedat, transit in Hyperbolen.

Similiter & Mejosis, cum rem ita diminuit, ut fides ipsi abrogetur.

Et hac ratione Hyperbole magis Schematis, quàm Tropi speciem habere videtur. Nam aperta est, nec aliud quàm quod dicitur significat. Cum tamen plus, vel minus dicat, quàm significet, hac ratione Tropis adscribitur, quamobrem in ea quisque suum sequatur iudicium.

3 *Differt Hyperbole ad Amplificationem*, quòd hæc intra fidei limites se contineat; Hyperbole verò, quia omninò veritatem excedit, nunquàm integram fidem mereatur.

Et cum semper plus minùsve dicat, quàm res se habeat, mentitur illa quidem non tamen, ut quemquam fallat; cum quivis facilè intelligat, exaggerandæ minuendæve rei causa dictum, id quod fidem excedit, atque hoc modo verum ex falso colligitur. Ut in carmine Virgiliano, It clamor cælo, & cum dicimus, Hic clamore suo postes, & marmora rumpit; non aliud intelligitur, quàm ingens clamor.

4 *Hyperbole frequentissimè pervenit ad risum*; qui si aptus est, urbanitatis; sin aliter stultitiæ nomen assequitur.

Tunc autem Hyperbole virtus est, cum res ipsa de qua sermo fit naturalem excedit modum. Omnibus enim concessum est amplius dicere. Quantum est, non semper potest. Melius igitur, auctore Fabio, ultra, quàm citra stat oratio.

5 Cum omnibus insit à Natura res augendi, vel minuendi cupiditas, nec quisquam vero contentus sit, est hæc figura etiam ipsi vulgo, indoctis, & rusticis usurpata.

In sacris etiam litteris non rarò hæc figura legitur. ut illud, Terram lacte, & melle m-

manantem, magnam significat fertilitatem

Faciamus nobis turrem, cujus culmen pertingat usque ad cœlum: ubi immensa significatur altitudo.

Facilius est camelum per foramen acus transire, quàm divitem ingredi in Regnum cœlorum.

Significatur difficillimum esse, ut dives obtemperet doctrinæ Evangelicæ.

Sic ubi Christus negat suum esse discipulum, qui non oderit patrem & matrem, non sensit odio habendos esse parentes, sed omnes affectus posthabendos negotio pietatis, ac salutis.

Ubi idem Jejunantes jubet ungere faciem, vult benefactis nostris non captari ostentationem.

In sacris igitur, non rarò hæc usurpatur, quemadmodum, & alii Tropi, ut Dei jussa, & monita in animis rudium altius, & penitiùs hoc modo infigantur.



I N D E X.

P A R S I.

Complectens elementa Rhetorica ad primam
Eloquentia partem, sive ad Oratoriam In-
ventionem spectantia. pag. 1.

C A P U T I.

Definitio Rhetorica. *ibid.*

C A P U T II.

De Rhetorica materia. 2.

C A P U T III.

De triplici causarum genere. 3.

C A P U T IV.

De Partibus eloquentia. *ibid.*

C A P U T V.

Modus optimus Auctores imitandi. 5.

C A P U T VI.

De Locis Oratoriis. 6.

C A P U T VII.

De Locis Intrinsecis. Definitio. 7.
Enumeratio partium. *ibid.*
No-

I N D E X.

Notatio, & Conjugata.	ibid.
Genus, & forma.	8.
Similitudo, & Dissimilitudo.	ibid.
Contraria, seu Opposita.	9
Adjuncta, seu rei Circumstantia.	ibid.
Causa, & effecta.	10
Comparatio.	ibid.

C A P U T VIII.

De Locis Extrinsecis.	12
-----------------------	----

C A P U T IX.

Exempla locorum Intrinsecorum.	ibid.
--------------------------------	-------

ARTICULUS I.

Exempla loci à Definitione, & Notatio nominis.	
pag. 13.	

ARTICULUS II.

Exempla loci à Partium Enumeratione, & loci à Conjugatis.	16
---	----

ARTICULUS III.

Exempla loci à Genere, & specie.	18
----------------------------------	----

ARTICULUS IV.

Exempla loci à Similitudine, & Dissimilitudine.	
pag. 19.	

ARTICULUS V.

Exempla loci ab Oppositis, Relatis, &c.	22
---	----

ARTICULUS VI.

Exempla loci ab Adjunctis, ab antecedentibus,	
M 5 &	

I N D E X.

& Consequentibus .
23

ARTICULUS VII.

Exempla loci à Causis, Effectis, & Comparatione.
24

C A P U T X.

Exempla Locorum Extrinsecorum .
26

ARTICULUS I.

Locus à Prajudiciis, Fama, & Tabulis. ibid.

ARTICULUS II.

Exempla Locorum à Jurejurando, Questionibus, & Testibus.
27

ARTICULUS III.

De familiari locorum Oratoriorum usu.
28

P A R S II.

De secunda Parte eloquentiae, sive de Dispositione Oratoria.
31

C A P U T I.

De Exordio Orationis.
ibid.

C A P U T II.

De Confirmatione.
32

C A P U T III.

De Argumentationis speciebus.
33
Ratiocinatio.
ibid.
En-

I N D E X.

<i>Enthymema.</i>	34
<i>Sorites, Dilemma.</i>	35

C A P U T IV.

<i>De Peroratione.</i>	36
------------------------	----

C A P U T V.

<i>Quadam observanda in singulis partibus Oratio- nis</i>	36
---	----

ARTICULUS I.

<i>De Propositione Orationis.</i>	<i>ibid.</i>
-----------------------------------	--------------

ARTICULUS II.

<i>De divisione Orationis.</i>	37
--------------------------------	----

ARTICULUS III.

<i>De Argumentorum delectu.</i>	39
---------------------------------	----

ARTICULUS IV.

<i>De Compositione, & structura Orationis.</i>	41
--	----

ARTICULUS V.

<i>Locus duplex Refutationis.</i>	42
-----------------------------------	----

ARTICULUS VI.

<i>Quid in oratione scribenda peccari vulgò solent.</i>	43
---	----

ARTICULUS VII.

<i>De Pronunciatione : sive ars vocis, & gestus.</i>	44
--	----

P A R S III.

<i>De Oratoria elocutione.</i>	47
--------------------------------	----

I N D E X.

C A P U T I.

De Periodo. *ibid.*

ARTICULUS I.

Definitio, partes, & usus Periodi. *ibid.*

ARTICULUS II.

Ars Periodi contexenda. 50

ARTICULUS III.

Exempla Periodorum. 53

C A P U T II.

De Figuris. 56

ARTICULUS I.

De Figuris Verborum. 57

§. I.

De Tropis. 57

Metaphora. *ibid.*

Synecdoche. 58

Metonymia. *ibid.*

Antonomasia. *ibid.*

Onomatopœja. *ibid.*

Catachresis. *ibid.*

Metalepsis. *ibid.*

Allegoria. *ibid.*

Periphrasis. 59

Hyperbaton. *ibid.*

Hyperbole. *ibid.*

§. II.

De aliis Figuris verborum. *ibid.*

Figura per additionem. 60

Repetitio. *ibid.*

Conversio. *ibid.*

Com-

I N D E X.

<i>Complexio.</i>	60
<i>Conduplicatio.</i>	<i>ibid.</i>
<i>Translatio.</i>	61
<i>Gradatio, sive Climax.</i>	<i>ibid.</i>
<i>Synonymia.</i>	<i>ibid.</i>
<i>Polysyntheton.</i>	<i>ibid.</i>
<i>Figura per detractionem.</i>	62
<i>Synecdoche.</i>	<i>ibid.</i>
<i>Adjunctio.</i>	<i>ibid.</i>
<i>Disjunctio.</i>	<i>ibid.</i>
<i>Figura per similitudinem.</i>	<i>ibid.</i>
<i>Paronomasia.</i>	<i>ibid.</i>
<i>Similiter cadens.</i>	<i>ibid.</i>
<i>Similiter desinens.</i>	63
<i>Isocolon.</i>	<i>ibid.</i>

ARTICULUS II.

<i>De Figuris sententiarum.</i>	63
<i>Allegoria.</i>	<i>ibid.</i>
<i>Antithesis.</i>	64
<i>Apostrophe.</i>	65
<i>Communicatio.</i>	66
<i>Concessio.</i>	<i>ibid.</i>
<i>Correctio.</i>	<i>ibid.</i>
<i>Deprecatio.</i>	67
<i>Distributio.</i>	<i>ibid.</i>
<i>Dubitatio.</i>	68
<i>Exclamatio.</i>	69
<i>Expositio.</i>	<i>ibid.</i>
<i>Gradatio.</i>	<i>ibid.</i>
<i>Hypotyposis.</i>	70
<i>Imprecatio.</i>	<i>ibid.</i>
<i>Interpretatio.</i>	<i>ibid.</i>
<i>Interrogatio.</i>	71
<i>Ironia.</i>	72
<i>Laus Ironica.</i>	<i>ibid.</i>
<i>Licentia.</i>	75
<i>Prateritio.</i>	<i>ibid.</i>
<i>Occupatio.</i>	76

Pro-

I N D E X.

<i>Prosopopœja .</i>	78
<i>Reticentia .</i>	79
<i>Sermocinatio .</i>	ibid.
<i>Subjeſtio .</i>	80
<i>Suſtentatio .</i>	81
<i>Transitio .</i>	83

P A R S IV.

<i>De Amplificatione .</i>	85
----------------------------	----

C A P U T I.

<i>Amplificandi prima ratio .</i>	ibid.
-----------------------------------	-------

C A P U T II.

<i>Amplificandi rationes alia .</i>	87
<i>Adjectiva ad laudem pertinentia .</i>	ibid.
<i>Substantiva laudem ſpectantia .</i>	ibid.
<i>Adjectiva vituperationis .</i>	ibid.
<i>Substantiva vituperationis .</i>	89
<i>Adjectiva communia .</i>	ibid.
<i>Substantiva communia .</i>	ibid.

C A P U T III.

<i>Figura amplificationi præceteris idonea .</i>	90
<i>Per Interrogationem ſimplicem .</i>	ibid.
<i>Per Interrogationem objurgatoriam .</i>	ibid.
<i>Per Interrogationem, & Apoſtrophem .</i>	ibid.
<i>Per Apoſtrophem .</i>	91
<i>Per Apoſtrophem & exclamationem .</i>	ibid.
<i>Per Apoſtrophem, & Deprecationem .</i>	ibid.
<i>Per Apoſtrophem, & Imprecationem .</i>	92
<i>Per Communicationem .</i>	ibid.
<i>Per Exclamat .</i>	ibid.
<i>Per Præteritionem, vehementiorem .</i>	93
<i>Per Hypotyp .</i>	ibid.
<i>Per</i>	

I N D E X.

<i>Per Subjectionem.</i>	94
<i>Per Prosopop.</i>	95
<i>Per Antitheses.</i>	<i>ibid.</i>
<i>Per Antitheses, & Comparationem.</i>	<i>ibid.</i>
<i>Per Concessionem.</i>	96
<i>Per Distributionem.</i>	<i>ibid.</i>
<i>Per Imprecationem.</i>	<i>ibid.</i>
<i>Per Dubitationem, & Gradationem.</i>	<i>ibid.</i>
<i>Per Ironiam.</i>	97
<i>Per expolitionem.</i>	<i>ibid.</i>
<i>Per Deprecationem, & Cohortationem.</i>	98

C A P U T. IV.

<i>Fontes, & exempla quadam graviorum amplificationum.</i>	99
--	----

P A R S V.

<i>Aphthonii Progymnasmata.</i>	106
<i>Progymnasma I. De Fabula.</i>	<i>ibid.</i>

C A P U T I.

<i>De Narratione generatim sumpta.</i>	107
--	-----

C A P U T II.

<i>De Fabulosa Narratione.</i>	111
--------------------------------	-----

C A P U T III.

<i>Exempla narrationum, ac praesertim fabulosa- rum.</i>	114
<i>Agnus, & Lupus.</i>	<i>ibid.</i>
<i>Eadem stylo ornatiorè.</i>	115
<i>De Corvo, & Vulpe.</i>	116
<i>Eadem stylo comptiorè.</i>	<i>ibid.</i>
<i>Mus agrestis, & urbanus.</i>	117
<i>Eadem Horatiano stylo.</i>	<i>ibid.</i>
	<i>Ebrius</i>

I N D E X.

<i>Ebrius festivè emendatus.</i>	117
<i>Eadem narratio stylo paulo venustiore.</i>	120
<i>Stylo magis oratorio.</i>	121
<i>Progymnasma. II. de Chria.</i>	124

C A P U T I.

<i>Quid sit Chria, & quosuplex.</i>	ibid.
---	-------

C A P U T II.

<i>Chria partes.</i>	125
----------------------	-----

C A P U T III.

<i>De Primo Chria capite, sive exordio, & Auctoris commendatione.</i>	127
<i>Laus Ciceronis A Definitionibus conglobatis.</i>	128
<i>Laus Virgilii A Partium Enumeratione, per Concessionem.</i>	ibid.
<i>Laus Aristotelis A Notatione nominis.</i>	129
<i>Laus Seneca à genere, & forma.</i>	ibid.
<i>Laus Caesaris à comparatione, & contrario.</i>	130
<i>Exordium in Q. Curtii laudem, à simili.</i>	131
<i>In laudem Severini Boetii, ab effectis.</i>	132
<i>In laudem S. Hieronymi. Per congeriem sententiarum.</i>	ibid.
<i>In laudem S. Ambrosii. Per interrogationem, & auxesim.</i>	133
<i>In laudem Diogenis. Per congeriem, & antitheses.</i>	134
<i>Laus Seneca Tragedi. Per Antonomasiam.</i>	ibid.
<i>Laus Salustii. Per Exclamationem.</i>	ibid.
<i>Laus Quintiliani. Per Repetitionem.</i>	135
<i>Laus Theophrasti. Per Apostrophen.</i>	ibid.
<i>Laus Demosthenis. Per Sustentationem.</i>	ibid.

C A P U T IV.

<i>De Secundo Chria capite, Paraphrasi.</i>	136
---	-----

I N D E X.

C A P U T V.

<i>Transitiones ad connectendas Chria partes .</i>	138
<i>Transitiones à Paraphrastico ad causam .</i>	ibid.
<i>A causa ad contrarium .</i>	139
<i>A contrario ad simile .</i>	140
<i>A simili ad exemplum .</i>	ibid.
<i>Ab exemplo ad testimonium .</i>	141
<i>Epilogorum formulæ .</i>	ibid.

C A P U T VI.

<i>Exempla Chriarum .</i>	142
<i>Chria verbalis . In hac Regis Salomonis verba .</i>	
<i>Stultorum infinitus est numerus .</i>	ibid.
<i>Chria activa S. Franciscus factis concionaturus non</i>	
<i>verbis , urbem totam obit cum socio .</i>	146
<i>Chria mista . Diogenes accensa laterna , frequen-</i>	
<i>tissimo foro , hominem quarit .</i>	150

C A P U T VII.

<i>Chriarum argumenta varia .</i>	151
<i>I. Chria Verbalis , in hanc sententiam . In via vir-</i>	
<i>tuti nulla est via .</i>	152
<i>II. Chria verbalis . Etiam sine magistro vitia</i>	
<i>discuntur .</i>	153
<i>III. Chria verbalis . Principes nunquam soli</i>	
<i>peccant .</i>	154
<i>IV. Chria verbalis . Voluptas , esca malorum</i>	
<i>est .</i>	155
<i>I. Chria mista . Omnia mea mecum porto .</i>	
	156.
<i>II. Chria mista . Concordia parvæ res cre-</i>	
<i>scunt : discordia maximæ dilabuntur .</i>	158
<i>III. Chria mista . Amici , diem perdidi .</i>	159
<i>IV. Chria mista . Vox Augusti morientis Plau-</i>	
<i>dite .</i>	160
<i>I. Chria</i>	

I N D E X.

I. <i>Chria Activa. Lingua nihil pejus.</i>	161
II. <i>Chria Activa. Lingua nihil melius.</i>	162
<i>Progymnasma III. De Sententia.</i>	164
<i>Exemplum Sententia ab omnibus locis tractata : Adolescens, juxta viam suam, etiam cum se- nuerit, non recedet ab ea.</i>	ibid.
<i>Progymnasma IV. De Ethopœja.</i>	167
<i>Medea de matrandis, quos ex Jasone susceperat, liberis deliberans.</i>	168
<i>Beata Virgo puerum Jesum Hierosolymis amissum requirit.</i>	ibid.
<i>Mater occisum in bello filium deplorat.</i>	169
<i>Diocletianus nomen Christianum delere statuit.</i>	
<i>Imitatio Seneca A. 1. Herculis Furentis Sc.</i>	
I.	170
<i>Roma, post victos ab Augusto Antonium, & Cleo- patram.</i>	171
<i>Progymnasma V. De Thesi, & Loco Communi.</i>	
174.	

C A P U T I.

<i>De Thesi.</i>	ibid.
------------------	-------

C A P U T II.

<i>De Loco Communi.</i>	175
<i>Progymnasma VI. De Destructione, & Confirma- tione; laude, & vituperatione.</i>	178

C A P U T I.

<i>De Destructione, sive Refutatione, & Confirma- tione.</i>	ibid.
--	-------

C A P U T II.

<i>De laude, & vituperatione.</i>	180
---------------------------------------	-----

C A P U T III.

<i>De variis oratiuncularum formis, & propria sin- gu-</i>	
--	--

I N D E X.

<i>gularum tractatione.</i>	181
<i>Oratio Genethliaca.</i>	ibid.
<i>Epithalamium.</i>	ibid.
<i>Epinycion.</i>	ibid.
<i>Nenia.</i>	ibid.
<i>Eucharistica oratio, sive gratiarum actio.</i>	ibid.
<i>Paranymphea.</i>	182
<i>Dedicatoria.</i>	ibid.
<i>Monitoria. Commendatitia. Consolatoria.</i>	ibid.
<i>Apologia Invectiva. Objurgatio. Exprobratio Is-</i> <i>tirion.</i>	183
<i>Apobatirion. Oratio Funebris.</i>	ibid.

P A R S VI.

<i>Synopsis, & Partitio Selectarum Ciceronis Ora-</i> <i>tionum.</i>	185
---	-----

C A P U T I.

<i>Conspectus Orationum, quae maxime pertinent ad</i> <i>genus Demonstrativum.</i>	ibid.
---	-------

ARTICULUS I.

<i>Analysis Orationis pro Lege Manilia.</i>	ibid.
---	-------

ARTICULUS II.

<i>Synopsis Orationis pro Archia Poeta.</i>	187
---	-----

ARTICULUS III.

<i>Oratio pro M. Marcello.</i>	188
--------------------------------	-----

ARTICULUS IV.

<i>Synopsis Philippica I I. & Orationis pro domo sua.</i> 190.	
---	--

AR-

I N D E X:

ARTICULUS V.

<i>Ordo, & structura Orationis in Pisonem.</i>	192
<i>Orationum in Verrem.</i>	ibid.
<i>Orationis post reditum, ad Quirites.</i>	194
<i>Post reditum, in Senatu,</i>	195
<i>Agraria Orationes.</i>	197.198.199.

C A P U T I I.

<i>Synopsis Orationum aliquot Ciceronis in genere praesertim Deliberativo.</i>	199
--	-----

ARTICULUS I.

<i>Synopsis Philippica III.</i>	ibid.
<i>Philippica IV.</i>	201
<i>Philippica V.</i>	ibid.

ARTICULUS II.

<i>Philippica VII.</i>	203
<i>Philipp. VIII.</i>	204

ARTICULUS III.

<i>Philippica IX.</i>	205
<i>Philippica XII.</i>	206

ARTICULUS IV.

<i>Oratio in Catilinam prima.</i>	207
<i>Oratio in Catilinam II.</i>	208

ARTICULUS V.

<i>Tertia Catilinaria, & Quarta.</i>	209
--	-----

I N D E X :

C A P U T III.

*Synopsis aliquot aliarum Ciceronis Orationum ,
praesertim in genere Judiciali .* 210

ARTICULUS I.

Oratio pro Rege Dejotaro . *ibid.*

ARTICULUS II.

Oratio pro Milone . 212

ARTICULUS III.

Oratio pro P. Quintio . 214

Oratio pro Sextio Roscio Amerino . 216

ARTICULUS IV.

Oratio pro Q. Ligario . 218

ARTICULUS V.

Pro Cnejo Plancio . 219

ARTICULUS VI.

Oratio pro L. Murana . 221

ARTICULUS VII.

Oratio pro P. Sylla . 223

P A R S VII.

De modo scribenda epistola . 225

I N D E X .

C A P U T I .

Notes, & partes epistola.

ibid.

C A P U T II.

<i>Exempla epistolarum, è Tullio sumpta.</i>	226
<i>Ex Simone Verepao de Tropis.</i>	232
<i>Quid est Tropus Dictionis?</i>	233
<i>Metaphora.</i>	234
<i>Metonymia.</i>	242
<i>Synecdoche.</i>	244
<i>Antonomastia.</i>	246
<i>Catachresis.</i>	248
<i>Metalepsis.</i>	250
<i>Antiphrasis.</i>	251
<i>Onomatopœja.</i>	252
<i>Quid est Tropus Orationis?</i>	253
<i>Allegoria.</i>	<i>ibid.</i>
<i>Paramia.</i>	255
<i>Ænigma.</i>	256
<i>Ironia.</i>	257
<i>Sarcasmus.</i>	258
<i>Myſterismus.</i>	<i>ibid.</i>
<i>Aſteismus.</i>	259
<i>Charientismus.</i>	<i>ibid.</i>
<i>Mimesis.</i>	<i>ibid.</i>
<i>Periphrasis.</i>	260
<i>Hyperbole.</i>	262

F I N I S .

ANT 1.316.253

10

11

12


13

14

15

16

17



А. Г. Комаровский

125.



La Fenice di Piero Tanni
La Fenice di Piero Tanni
La Fenice di Piero Tanni

